

জীবনবর্ষ



আশ্বিন, ১৩৩৩

প্রথম খণ্ড

চতুর্দশ বর্ষ

চতুর্থ সংখ্যা

প্রার্থনা

পরশুরাম

ওহে অনন্ত

বিশ্বে তোমার

মহাজগতের

অতি ছোট হয়ে

ভেবেছ এ ঘর

হায় হায় প্রভু,

অন্তর্যামী

কোনো মতে ঠাট

এই যে দেখিছ

দারুণ দৈন্ত

কবে কোন্ যুগে

হজম হইয়া

হাজার বছর

নিজে হতে তুমি

ওহে হৃদিস্থ

জবরদস্তি

বিশাল বিপুল

না পাই নাগাল

বিরট ধান্দা

ধরা দাও আজ

বেশ ত স্বাজানো

বুঝিলে শ্রু এ যে

আঁতের খবর

বজায় রেখেছি,

রোগা রোগা যত

লজ্জার চাপে

খেয়েছিলুম মৌরা

গেছে কোন্ কালে,

সবুর করিয়া

নাহি দিবে কভু

হৃদীকেশ, তাই

করিব আদায়

নিখিলের অধিপতি,

মোরা অতি মুঢ়মতি।

ছেড়ে বারেকের তরে

মোদের ক্ষুদ্র ঘরে।

কিসের অসদৃশ্য,

ভাড়া করা আস্বাব।

কিছুই জানিলে না কি ?

ভিতরে সকলি ফাঁকি।

অমৃতের সন্তান,

কণ্ঠে আগত প্রাণ।

দুই চার ফোঁটা সুখ,

পেয়েছে বিষম ক্ষুধা।

লভিয়াছি এই জ্ঞান—

ছাপ্পর-ফোঁড়া দান।


সকলে তোমার কাছে

যা কিছু অভাব আছে।

দশ বিশ কোটি
তুমি যে ঐকলা
ওঠো নারায়ণ,
এ নয় তোমার
ওহে দামোদর
ওঠো নারায়ণ,
অল্পে তুফ
অর্ধরাজ্য,
ইন্দ্রের পদ,
মুক্তি মোক্ষ
দেশে দেশে যাহা
একটি কেবল
খোলো হে শীঘ্র
দাও হে মাথায়
কর হে কোমল
দরকার হলে
তুণের চেয়েও
শত্রুর কাছে
যত খুশি দাও
একটি কেবল
দুর্জয় অরি
তিন চড় তারে
একটি কাণের
একটি দাঁতের
ইষ্টানিষ্ঠ
ক্ষম অপরাধ
এইটুকু বর
নিজ নিজ ঘর
তার পরে যদি
ভাল-ভাল বর
মান-সম্ভ্রম,
লোক-লঙ্কর,

নাছোড়বান্দা
পড়িয়াছ ধরা,
জাগো জাগো ওহে
ক্ষীরোদ-সিন্ধু,
দশ বিশ কোটি
আজি যে তোমার
দস্যু আমরা,
রাজার কন্যা—
কুবেরের ধন,
নির্ব্বাণ আদি
দিয়েছ দেদার
ছোট খাটো বর,
খোলো হে তোমার
হৃদয়ে শক্তি
কুসুমের মত,
বজ্রের মত
কর হে স্তনীচ,
উঁচু যেন হয়
ক্ষমা অহিংসা
মনের বাসনা
এক চড় যদি
কসাইয়া দিব,
বদলে তাহার
বদলে তাহার
না ভাবিব কভু,
ওহে গদাধর,
লইয়া তোমায়
লব গোছাইয়া
আসে হে সূদিন,
করিব আদায়
মোটা রোজগার,
রূপসী বণিতা,

মোরা ছাড়িব না কভু,
কোথায় পালাবে প্রভু ?
অচেতন শালগ্রাম,
এ যে গরীবের ধাম ।
টানিছে তোমার রশি,
উথান-একাদশী ।
বেশি কিছু নাহি চাই,
এ সবতে রুচি নাই ।
স্বর্গের ভোগ যত
তোলা থাক আপাতত ।
তাই দাও আমাদের—
তাতেই হইবে ঢের ।
শক্তির ভাণ্ডার,
বাহুতে শক্তি আর ।
তাতে আপত্তি নাই,
কঠোরতা যেন পাই ।
তরুর চেয়েও ধীর,
হিমালয়-সম শির ।
অস্তুরে মোর ভরি,
বলে রাখি হে শ্রীহরি—
লাগায় আমারে কভু,
মাপ কর মোরে প্রভু !
দিব দুই কাণ কাটি,
উপাড়িব দুই পাটি ।
শত্রু করিব টীট—
আমি নরকের কীট ।
আপাতত দিব ছুটি,
যত পারি মোটামুটি ।
আর যদি বেঁচে থাকি,
যা কিছু রহিল বাকি—
চারতলা পাকা বাড়ি,
আট-সিলিগুর গাড়ি ।



মিলন-পূর্ণিমা

ডাক্তার শ্রীনরেশচন্দ্র সেন গুপ্ত এম-এ, ডি-এল

(২৪)

ময়মনসিংহ হইতে বিদায় হইয়া সৌরীন ঢাকা জেলায় গ্রামে গ্রামে ঘুরিয়া সেবাকার্য্য করিয়া বেড়াইল। তিন বৎসর এমনি করিয়া ঘুরিয়া সে এই সত্য নিবিড় ভাবে হৃদয়ঙ্গম করিল যে প্রচুর অর্থবল না থাকিলে কেবল নিষ্ঠার দ্বারা বিশেষ কিছুই কাজ করিতে পারিবে না। অর্থের জন্ত সে দ্বারে দ্বারে ভিক্ষা মাগিয়া ফিরিল—যাহা পাইল সে কিছুই নয়।

নিদারুণ হতাশায় সে স্থির করিল—এ ব্যর্থ প্রচেষ্টায় সে আর জীবন ক্ষয় করিবে না। অবশিষ্ট জীবন সে লেখা-পড়া করিয়া কাটাইবে। বিত্তার অনুশীলনে জীবনে যেটুকু সার্থকতা লাভ করা যায় তাই সে করিবে।

তাই সে ঢাকায় ফিরিল। চেষ্টা করিয়া গোটা দুই প্রাইভেট টুইশন জোগাড় করিল।

এমনি করিয়া সে ছয়মাস কাটাইয়া দিল। তার জীবনের দারুণ নৈরাশ্য তাহার দেহ ও মনে এমন একটা অবসন্নতা আনিয়া দিয়াছিল যে, সে কেবল চুপচাপ করিয়া দিন কাটাইয়াই গেল। তার যে বৃহৎ চিন্তা ও কল্পনার শক্তি ছিল, তার চিন্তের যে অসীম সহানুভূতি ও পরহিংস কাতরতা ছিল তাহা যেন হঠাৎ নীতে-জমিয়া-বাওয়া পার্কত

প্রসবণের মত নিষ্ক্রিয় ও অকর্ষণ্য হইয়া পড়িয়া রহিল। সে সম্পূর্ণ নিরুদ্বেগ ও নিরুপদ্রব ভাবে তার প্রাইভেট টিউটার-জীবন কাটাইয়া চলিল।

ঢাকা বিশ্ববিদ্যালয়ের কর্তৃপক্ষের কাছে অনুমতি লইয়া সে সেখানকার লাইব্রেরীতে পড়িতে আরম্ভ করিল। পড়িতে পড়িতে ক্রমে তার চিন্তের জড়তা কাটিয়া গেল, তার ভিতরকার চিরদিনের জ্ঞান-বৃত্তক্ষণ চঞ্চল হইয়া উঠিল। সে আগ্রহের সহিত পড়িতে লাগিল। নানা বিষয়ের আলোচনায় সে তার প্রদীপ্ত কৌতূহল পরিতৃপ্ত করিতে লাগিল।

একদিন আমেরিকা হইতে প্রকাশিত একখানা ত্রৈমাসিক পত্র তার হাতে পড়িল। পত্রিকাখানি সমাজতত্ত্ব বিষয়ক। তাহাতে একটা দীর্ঘ প্রবন্ধ ছিল—তাহা সে অন্তরমনা হইয়া পড়িয়া গেল। সে প্রবন্ধে লেখক সমাজের সঙ্গে ব্যক্তির সম্বন্ধ ও সমাজের অভ্যুদয়ে ব্যক্তির ও ব্যক্তির অভ্যুদয়ে সমাজের সহায়তা সম্বন্ধে আলোচনা করিয়াছেন। তাহাতে তিনি গোড়ায় বলিয়া লইয়াছেন যে, সমাজের এমন কোনও অনুষ্ঠানই নাই, যাহা চিরদিন অচল আছে বা অচল থাকিবে। সমাজের ও ব্যক্তির অভ্যুদয় সাধনই সকল অনুষ্ঠানের একমাত্র প্রয়োজন, এবং সেই মানদণ্ডে পরিমাণ

করিয়া নিম্নত সামাজিক অনুষ্ঠানের সংস্কার বা পরিবর্জন করাটাই সামাজিক স্বাস্থ্যের নিদর্শন। এই মূল সূত্র ধরিয়া তিনি অর্থ, ভূস্বামিত্ব, শ্রেণী-বিভাগ, শাসন-প্রণালী প্রভৃতি সকল অনুষ্ঠানের আলোচনা করিয়াছেন। তাঁর বক্তব্য এই, সমাজের প্রয়োজন প্রত্যেক ব্যক্তির ভিতর সর্ববিধ শক্তি বৃদ্ধি, এবং স্ননিয়ন্ত্রিত সংযোগ দ্বারা তাহাদের সমবেত শক্তি বৃদ্ধি। যাহাতে ব্যস্ত ও সমস্ত ভাবে সমাজের সর্ববিধ শক্তির সর্বাপেক্ষা অধিক প্রকাশ হয়, সেই ব্যবস্থাই একমাত্র অনুসরণীয়। যাহা সেই শক্তি সমবায়ের পক্ষে কম অনুকূল তাহা বর্জনীয়।

এই প্রবন্ধে আমেরিকার সমাজ লইয়া আলোচনা করা হইয়াছিল। প্রবন্ধ পড়িতে পড়িতে সৌরীনের মনে হইল তার নিজের দেশের ও সমাজের কথা—মনে হইল আমরা কত দূরে কত পশ্চাতে পড়িয়া রহিয়াছি এই আদর্শ হইতে। আমাদের সমগ্র সমাজ-বন্ধন ব্যক্তিত্বের স্ফুর্তির প্রতিকূল—শক্তি বৃদ্ধি নয়, শক্তি দমনই ইহার একমাত্র ফল দাঁড়াইয়া গিয়াছে।

ভাবিতে ভাবিতে তার কত কথা মনে হইল। কত দিক দিয়া সমাজের কত সংস্কার, কত অনুষ্ঠানের আমূল উৎপাটনের প্রয়োজন আছে; মানুষকে প্রথমে মানুষ করিবার জন্ত একটা কত বড়-বিপুল চেষ্টার প্রয়োজন আছে, সে কথা মনে হইল।

তার পর তার এতদিনকার লুপ্ত জীবন ও চিন্তার ধারা আবার তার অন্তরে জাগিয়া উঠিল। কি অসীম স্পর্ধার সহিত সে তার জীবন নিবেদন করিয়াছিল সমাজের এই সেবায়, সে কথা মনে হইল। সে যে কত বড় বা খাইয়াছে, কত দুঃখে সে পথ ছাড়িয়াছে সে কথা তার এখন মনে হইল—মনে হইল, সে ভীষণ মত তার কর্মক্ষেত্র ছাড়িয়া পলায়ন করিয়াছে।

মনে পড়িল কত বড় স্পর্ধা, কি বিপুল শক্তি ছিল তার সেই পরিত্যক্ত স্বপ্নের ভিতর। তার জোরে সে সমস্ত জগৎকে তুচ্ছ করিয়াছে। আপনার শক্তিতে অসীম শ্রদ্ধা লইয়া সে কোনও বাধাই গ্রাহ্য করে নাই, কোনও ত্যাগই ত্যাগ বলিয়া মনে করে নাই। মস্ত বড় চাকরী পাইয়া ছাড়িয়া আসিয়াছে—রেখাকে ছাড়িয়াছে।

রেখা!—রেখাকে হারাইয়া সৌরীন তার জীবনের শ্রেষ্ঠ

সম্পদ হারাইয়াছে। আর—বঞ্চিত রেখার সারা জীবন সে হারখার করিয়া দিয়াছে। সে এতটা করিয়াছিল তার যে শক্তির স্পর্ধায়, রেখাকে হারাইয়াও যে সেবাধর্মের উৎসাহ তাহাকে বাঁচাইয়া রাখিয়াছিল—সে স্পর্ধা এখন কোথায়, সে সেবাধর্ম সে অতল জলে বিসর্জন করিয়াছে। ব্যথিত রেখা ভগ্ন হৃদয় লইয়া চলিয়া গিয়াছে—তার পর সে আর দেশে ফিরে নাই, সে সংবাদ সৌরীন জানিত। না জানি কি নিদারুণ পরিণতি তার হইয়াছে—কেবল সৌরীনের এই মিথ্যা স্পর্ধার ফলে! আর সৌরীন কি না আজ তার সেই স্পর্ধিত ধর্ম অনায়াসে বিসর্জন দিয়া নিশ্চিন্ত আরামে বসিয়া লাইব্রেরীর বই পড়িতেছে। ভাবিতে তার হৃদয় জ্বালায় পুড়িয়া গেল। অনুশোচনায় তার অন্তর ভরিয়া গেল। সে বার বার আপনাকে বলিল, “কোনও অধিকার নাই তোমার জীবনে একটু আরাম পাইবার। রেখার জীবনে যে অভিশাপ দিয়া তাকে বিদায় করিয়াছ, সে অভিশাপের পূর্ণ প্রায়শ্চিত্ত করিতে হইবে তোমার সেই বড়-স্পর্ধার সেবা-ধর্মের অনুশীলনে জীবন ত্যাগ করিয়া।”

এক মুহূর্তও আর সে স্থির হইতে পারিল না। তজ্জপোষের উপর শুইয়া সে ভাবিতেছিল—তার সে সুখ-শয্যা তার গায়ে যেন কাঁটা বিধাইয়া দিল। সে উঠিল। অবিলম্বে গিয়া তার চাকরীতে ইস্তাফা দিয়া ছুটিল। ঢাকা সহর ত্যাগ করিয়া সে গেল একটা ক্ষুদ্র দীন পল্লীতে—সেইখানে একখানা পরিত্যক্ত চালায় সে আশ্রয় লইল। স্থির করিল, এইখানে বসিয়া, ইহাদের সঙ্গে মিশিয়া গিয়া, ইহাদের মঙ্গল-চেষ্টায় সে জীবন ক্ষয় করিবে।

এ গ্রামটি ছোট—ইহার বাসিন্দা সকলেই ঋষি বা মুচি। প্রায় ত্রিশ ঘর লোকের বাস এ গ্রামে। চার-পাঁচ ঘর অপেক্ষাকৃত সম্পন্ন, তাদের ভাল ঘর-বাড়ী আছে, দুই একখানা জমিও আছে, তা ছাড়া তারা চিট জুতা তৈয়ার করিয়া মহাজনদের কাছে জলের দরে বেচিয়া কথঞ্চিৎ উপায় করিয়া থাকে। অবশিষ্ট সবাই নিতান্ত হীন দরিদ্র। ইহাদের পুরুষেরা মরশুমের সময় সস্তা চিট জুতা তৈয়ার করে, পূজা পার্বণে বাজনা বাজায়, আর অবশিষ্ট সময় ভিক্ষা করে। মেয়েরা সবাই ভিক্ষা করে—কেউ বা তার উপর বন-জঙ্গল হইতে শাক-পাতা কুড়াইয়া বেচিয়া দুই পয়সা রোজগার করে। ইহাদের যে ঘর তার ভিতর

কোনও মতে কাম-ক্লেশে মাথা শুঁজিয়া থাকায়—কিন্তু বড়জলের হাত হইতে আত্মরক্ষা করা সম্ভব হয় না।

সৌরীন দেখিল, সেবার যদি কারও প্রয়োজন থাকে, তবে ইহাদের। ইহাদের সেবার জন্ত কি প্রয়োজন, তাহা তাহার জানা ছিল,—তার অভাব ছিল শুধু সম্বলের। এ ছয় মাস প্রাইভেট টুইশন করিয়া তার হাতে প্রায় দুইশত টাকা জমিয়াছিল—সেই টাকা দিয়া সে কাজ আরম্ভ করিবে স্থির করিল।

গ্রামের ভিতর ঘুরিয়া সে সবার সঙ্গে আলাপ পরিচয় করিল। তার পর সে ছেলেদের লইয়া পাঠশালা করিয়া বসিল। পরের দিন গিয়া সে কিছু টাকার চামড়া কিনিয়া আনিল; এবং নিজের সামনে বসাইয়া, কতকটা নিজে শিখাইয়া, সে অনেকগুলি নিষ্কর লোকদের দিয়া জুতা তৈয়ার করাইল। জুতা লইয়া সে নিজে ঢাকার বাজারে বেচিয়া কস্মীদিগকে সমস্ত লাভের পয়সা দিয়া দিল। তারা অবাক হইয়া গেল। মহাজনের কাজ করিয়া তারা সারাদিনে বড় জোর তিন আনা পারিশ্রমিক পায়। সৌরীনের কাছে দুই দিনের পরিশ্রম করিয়া তারা পাইল প্রত্যেকে দেড় টাকা।

তখন সৌরীনের কাছে কাজ করিবার জন্ত কাড়াকাড়ি লাগিয়া গেল। কিন্তু এতগুলি লোককে চামড়া হাতিয়ার প্রভৃতি জোগাইয়া কাজ করান তার পক্ষে সম্ভব হইল না। তাই সে যে কয়জনকে পারিল কাজে লাগাইল, বাকী লোককে আশা দিয়া রাখিল; ছয় মাসের মধ্যে সে তাহাদিগকে কাজে ভর্তি করিয়া লইবে। সেজন্ত সে লাভের টাকা হইতে কিছু কিছু টাকা কাটিয়া মজুত করিতে লাগিল, এবং ক্রমে কারখানা প্রসারিত করিতে লাগিল।

গ্রামের মেয়েদের জন্ত সে একটা কাজ স্থির করিল, ধান ভানা ও ডাল ভাঙ্গা। সে কিছু ধান ও ছোলামটর কিনিয়া মজুত করিল; এবং বহু কষ্টে অনেক উপরোধ-অনুরোধ করিয়া মেয়েদের সেই কাজ করিতে নিযুক্ত করিল। এ কাজ তত সহজ হইল না; কেন না, ভিক্ষা করিয়া করিয়া ইহাদের স্বভাব বিগড়াইয়া গিয়াছিল—খাটিয়া খাইতে ইহারা বড় নারাজ। দশ বাড়ী ঘুরিয়া তারা যতই বাঁটা-লাথি থাক, খাবারটা মোটের উপর সংগ্রহ করে। আর তার জন্ত বাড়ী বাড়ী ঘোরা ছাড়া অ

পরিশ্রম তাদের করিতে হয় না। তাই তারা কাজে পরাশ্রুত। তবু অনেক ধরিয়া পাড়িয়া সৌরীন তাদের দিয়া কাজ করাইতে লাগিল—কিন্তু এ কাজে সে বেশী লাভ পাইল না।

তবু জুতার কাজে এমন প্রচুর লাভ হইতে লাগিল যে, ছয় মাসের মধ্যে গ্রামের চেহারা ফিরিয়া গেল। তখন সৌরীন ইহাদিগকে চামড়া পাকাইবার বিলাতী প্রণালী (Chrome tanning) শিখাইবার উদ্যোগ করিয়া লইল। তার পাঠশালার তিন চারিটি ছাত্রকে সে এ কাজ শিখাইল। ভেড়ীর চামড়া পাকাইয়া তারা বেশ দু'পয়সা রোজগার করিতে লাগিল।

সৌরীনের কার্যের এই সফলতা মহাজনের দল চঞ্চল হইয়া উঠিল। এ গ্রামের কারিগরদের মহাজনেরা ছিল জুতার কারবারী। তাহারা ইহাদের দিয়া সস্তা বাজে চিটজুতা জলের দরে তৈয়ারী করাইয়া লইত। সেজন্ত তারা টাকা অগ্রিম দিত। কথা থাকিত এই যে, ক্রমে ক্রমে কাজ করিয়া মুচিরা টাকা পরিশোধ করিবে। কিন্তু কাজের পারিশ্রমিক তারা এত কম পায় যে, তাতে উদরামের ব্যবস্থা করিয়া আর তাদের ধার শোধ করিবার উপায় থাকে না। তাই মহাজনের দেনা যেমন তেমনি থাকে—তারা কেবল খাটিয়া খাটিয়া বড় জোর সুদ পরিশোধ করে। ইহাতে মহাজনদের তাদের উপর আধিপত্যের অন্ত নাই—তারা জলের দরে মাল নেয় এবং লাভ করে।

সৌরীনের কাছে সব কারিগর কাজ করিতে আসিলে এই মহাজনদের সমূহ ক্ষতি। তাই তারা কারিগরদের উপর ধমকাধমকি ও নানারকম অত্যাচার করিতে লাগিল। যে দেনা পরিশোধের জন্ত তারা কোনও দিন কোনও চেষ্টা করে নাই এবং যার কোনও হিসাব কিতাব এ গরীব মূর্খ খাতকের কাছে ছিল না, সেই দেনা পরিশোধের জন্ত তারা জোর তাগাদা লাগাইতে লাগিল; এবং আইন-আদালতের কোনও উপদ্রব না করিয়া, নিজের ইচ্ছামত যার কাছে যাহা পাইল, ঋণের ওজুহাতে কাড়িয়া লইতে লাগিল।

সৌরীনের এইবার কারখানা ফেলিয়া এই লোকগুলির সঙ্গে লড়াই আরম্ভ করিতে হইল। সে ইহাদের পক্ষে আদালতে কয়েকটা নালিশ করাইল, এবং তার তদ্বিধ করিতে হাঁটাচাঁটা করিতে লাগিল। মহাজনেরা তাহাকে

খুন করিবার ভয় দেখাইল; সে পুলিশে এতেলা দিয়া ছই চার নম্বর ফৌজদারী মামলা করিল। তাহাতে মহাজনেরা কতকটা কাবু হইয়া তাহাকে ষাঁটান ছাড়িয়া দিল।

এমনি করিয়া ধীরে ধীরে সৌরীন কাজ করিতে লাগিল। নিজে অনশনে ও অর্দ্ধাশনে থাকিয়া সে ইহাদের পেটে অন্ন দিবার ব্যবস্থা করিল। আর দিন রাত সে আপনাকে ইহাদের সেবায় নিয়োজিত করিয়া দিল।

তিন বৎসরের অক্রান্ত পরিশ্রমের পর সৌরীন যখন তার কাজকর্ম প্রায় অনেকটা শুছাইয়া আনিয়াছে এবং গ্রামের লোকের ভিতর কয়েকটি কাজের লোক গড়িয়া তুলিয়াছে, সেই সময় সে ভয়ানক রোগে আক্রান্ত হইয়া পড়িল। গ্রামবাসিগণ তাহাকে হাঁসপাতালে পৌছাইয়া আসিল।

(২৫)

দীর্ঘকাল কষ্ট সহিয়া সৌরীনের শরীর একেবারে জীর্ণ হইয়া গিয়াছিল, জীবনী-শক্তি একেবারে নিভিবার মত হইয়াছিল। তাই দীর্ঘকাল সে জীবন ও মৃত্যুর সন্ধিস্থলে হাঁসপাতালে পড়িয়া রহিল। তাহার সৌভাগ্যক্রমে তার ব্যাধি ছিল উৎকট এবং সম্পূর্ণ নূতন ধরণের। একটা নূতন এবং বিশেষ কোভুহলোদীপক রোগী বলিয়া হাঁসপাতালের একাধিক চিকিৎসক বিশেষ যত্ন ও একাগ্রতার সহিত তার চিকিৎসা করিতে লাগিলেন। ছয়মাস চিকিৎসার পর সে সম্পূর্ণরূপে নিরাপদ সাব্যস্ত হইল, কিন্তু তখনও তার উঠিয়া যাইবার শক্তি ছিল না বলিয়া তাহাকে হাঁসপাতালেই রাখা হইল।

ডাক্তারেরা তাহাকে পড়িবার জন্ত বই ও সংবাদপত্র দিতেন; সৌরীন শুইয়া শুইয়া তাই পড়িত। এক দিন পড়িতে পড়িতে সে ময়মনসিংহ সৌরীন্দ্র আশ্রমের বার্ষিক সভার একটা সংক্ষিপ্ত বিবরণ পড়িল। যাহা পড়িল, তাহাতে ব্যাপারটা সম্যক বুঝা গেল না; কিন্তু ইহা যে একটা লোকসেবার অনুষ্ঠান এবং ইহার প্রধান কার্য যে গ্রামের শ্রমজীবীদের দ্বারা কুটীর-শিল্পের সমৃদ্ধি-সাধন, তাহা সে বুঝিতে পারিল। ইহার নামটাই তাহাকে আশ্চর্য্য করিয়া দিল। “সৌরীন্দ্র আশ্রম!” সে তো তার নিজের আশ্রম বন্ধ করিয়া চলিয়া আসিয়াছিল। তার পর কি তার কোনও শিষ্য তার নামে এই আশ্রম প্রতিষ্ঠা করিয়া কাজ করিতেছে? সে নানা কথা ভাবিতে লাগিল, ভাবিতে তার

অন্তরে একটা অপূর্ণ আনন্দ ও সার্থকতার ভাব জাগিয়া উঠিল।

সম্পূর্ণ স্মৃষ্টি হইয়া যখন সৌরীন হাঁসপাতাল হইতে ছুটি পাইল, সে তখন তার কর্মস্থানে না ফিরিয়া একেবারে ময়মনসিংহে গিয়া উপস্থিত হইল। এই সৌরীন্দ্র-আশ্রম দেখিবার উৎসাহে সে অধীর হইয়া উঠিয়াছিল।

পথে রেলের ময়মনসিংহবাসী একটি লোকের কাছে সৌরীন্দ্র আশ্রমের সম্বন্ধে সে আরও বিস্তারিত বিবরণ পাইল। এ আশ্রম কে প্রতিষ্ঠা করিল, সে কথা জিজ্ঞাসা করিয়া কোনও সত্ত্বের সে পাইল না। কিন্তু আশ্রমের প্রধান কর্মীদের কথা জিজ্ঞাসা করিয়া কয়েকটি পুরুষ: কর্মীর নাম শুনিল; আরও শুনিল, ময়মনসিংহ বালিকা-বিদ্যালয়ের কয়েকটি শিক্ষয়িত্রীও ইহার মধ্যে আছেন। সৌরীন্দ্র-আশ্রম নাম কেন হইল, তাহাও সে লোকটি বলিতে পারিল না। এই লোকটির কাছে সৌরীন আশ্রমের আফিসের ঠিকানা জানিয়া, সোজা সেখানে উপস্থিত হইল।

আফিসে প্রবেশ করিয়া সে একজন কর্মীর কাছে অনুরোধ করিয়া আশ্রমের বার্ষিক কার্য-বিবরণী সংগ্রহ করিল। তার ভিতর দেখিতে পাইল এ আশ্রমের ইতিহাস, —দেখিল, তার নিজের কীর্তির কথা বিশেষ প্রশংসার সহিত উল্লিখিত হইয়াছে। আর দেখিল, এ আশ্রম প্রথম প্রতিষ্ঠিত হয় একজনের উত্তোগে ও অর্থে—সে রেখা সাম্রাণ। এবং রেখাই ইহার প্রধান কর্মী।

আনন্দে সৌরীন উন্নত হইয়া উঠিল। রেখা—তার রেখা আসিয়া তার জীবনের সব নিষ্ফলতা ধুইয়া ফেলিয়া তার কার্য এমন গৌরবে মগ্নিত করিয়াছে! এ “সৌরীন্দ্র আশ্রম” রেখার অলোকসামান্য প্রেমের মূর্তি—তার লোকাভীত প্রতিভা ও কর্মক্ষমতার পরিচয়! সৌরীনের মনে হইল, এই রেখাকেই সে তার সেবা-কার্যের অন্তরায় বলিয়া—একটা বোঝা বলিয়া বর্জন করিতে চাহিয়াছিল! দর্পহারী ভগবান তার সে বিপুল স্পর্ধার কি মনোরম শাস্তি দিয়াছেন! সে তার স্পর্ধা ও শক্তি লইয়া যে কাজে পাইয়াছিল স্মৃষ্টি নিষ্ফলতা ও লাজনা, রেখা তার প্রেম, নিষ্ঠা ও পরিপূর্ণ আত্মবিলুপ্তির দ্বারা সেখানে লাভ করিয়াছে অশেষ গৌরব, অসামান্য সফলতা। এ যেন সৌরীনের স্পর্ধার মুখে খাড়া চাবুক! কিন্তু কি মিষ্টি এ চাবুক—কি

স্বপ্নধর করুণাময় এ শাস্তি! এ শাস্তি পাইয়া ও ইহার স্বরূপ অনুভব করিয়া সৌরীনের হৃদয় অপূর্ণ তৃপ্তি ও পুলকে ভরিয়া গেল। অনেকক্ষণ সে অশ্রুপূর্ণ নয়নে গদগদ ভাবে আবিষ্ট হইয়া বসিয়া রহিল। চিরদিনকার তার প্রেমসাগর তার অন্তরের ভিতর উদ্বেলিত হইয়া তাহাকে ভাসাইয়া লইয়া গেল;—রেখার গৌরব, রেখার মাধুর্য্য, রেখার প্রেম সে ভয় হইয়া ধ্যান করিতে লাগিল।

তার বড় ইচ্ছা হইল, রেখার সঙ্গে সে দেখা করিবে। কিন্তু ভয়ানক সঙ্কোচ আসিয়া তার হাত-পা চাপিয়া ধরিল। সে তার দান বেশের দিকে চাহিল,—স্মরণ করিল যে, সে এখন রেখাকে লাভ করিবার যোগ্য নয়; কোনও দিনই হয় তো ছিল না—আজ ত মোটেই নয়। এক-দিন মোহে অন্ধ হইয়া সে আপনাকে রেখার চেয়ে শ্রেষ্ঠ মনে করিয়া রেখাকে গ্রহণ করিতে চাহিয়াছিল, আবার তাহাকে পরিত্যাগ করিবার আকাঙ্ক্ষাও করিয়াছিল! কিন্তু আজ তার সে স্পর্ধা একেবারে ধুলায় লুটাইয়া পড়িয়াছে,—সে আজ বুঝিয়াছে রেখা দেবী, রেখা মহীয়সী—তার পদনখের যোগ্য সে নয়। তাই তার কাছে যাইতে তার সাহস হইল না। তবু তাকে একবার দেখিবার—তার পায়ে একবার লুটাইয়া পড়িয়া তার পূজা নিবেদন করিবার একটা তীব্র আকাঙ্ক্ষা তার হইল। যে সৌরীনকে রেখা ভালবাসিয়াছিল সে নাই—আছে এক দীন ভিখারী—অকর্মণ্য নিষ্ফলতামগ্নিত এক দরিদ্র, নিঃসম্বল, আশাহীন, উৎসাহহীন সামান্য ব্যক্তি। রেখা কি তাকে দেখিয়া চিনিতে পারিবে,—চিনিতে পারিলেও কি তার দিকে ফিরিয়া চাহিবে, কথা কহিবে?

অনেকক্ষণ দ্বিধার পর সৌরীন-রেখার সঙ্গে সাক্ষাৎ করা স্থির করিল। আফিসে অনুসন্ধান করিয়া জানিল রেখার সঙ্গে সাক্ষাতে কারও বাধা নাই,—উপরে তার বসিবার ঘরে সকলের অব্যবহিত-দ্বার—বিশেষতঃ দীন দরিদ্রের।

সে উঠিয়া গেল। দ্বারের সামনে আসিয়া দ্বিধায় উৎকণ্ঠায় ব্যাকুল হইয়া কম্পিত কণ্ঠে সে বলিল “আমি আসতে পারি?”

যখন রেখা ছুটিয়া আসিয়া হঠাৎ স্তম্ভিত হইয়া দাঁড়াইল, তখন সৌরীনের চিত্ত দারুণ আশঙ্কায় অধীর হইয়া উঠিল। রেখা এখন তাকে দেখিয়া স্বপ্না করিবে কি? অবহেলার

সঙ্গে তাকে ছন্নর হইতে ফিরাইয়া দিবে;—ভক্ত সেবক দেবীর পদপ্রান্তে আসিয়াও কি পূজা নিবেদন করিতে পারিবে না?

হৃদয়ের সমুদায় শক্তি সংহত করিয়া সৌরীন স্মৃষ্টি একবার ডাকিল “রেখা।”

এক মুহূর্তমাত্র রেখা সংশয়ে স্তম্ভিত হইয়াছিল। প্রথম ডাক শুনিয়াই সে সৌরীনের কণ্ঠ বলিয়া চিনিয়াই ছুটিয়া আসিয়াছিল;—কিন্তু এ মুক্তি দেখিয়া সংশয়-স্তব্ধ হইয়া গিয়াছিল। কিন্তু এ ডাকের পর আর সংশয় রহিল না।

উত্তেজিত কণ্ঠে রেখা বলিল; “এসেছ! তুমি এসেছ!” সে ছুটিয়া সৌরীনের কাছে অগ্রসর হইয়া তার পদপ্রান্তে অচেতন হইয়া পড়িল।

* * * *

রাত্রে রেখার জ্ঞান-সঞ্চারণ হইল। তাকে বিছানায় শোয়াইয়া সৌরীন তার শুশ্রূষা করিতেছিল। ডাক্তার পাশের ঘরে বসিয়া ছিলেন।

জানালা দিয়া শারদ-পূর্ণিমার জ্যোৎস্না আসিয়া বিছানার উপর পড়িয়া রেখার পাণ্ডুর মুখ উদ্ভাসিত করিয়া তুলিয়াছিল।

রেখা চক্ষু মেলিয়া কিছুক্ষণ এদিক ওদিক চাহিল। সৌরীন তার মুখের কাছে অগ্রসর হইয়া আসিল।

রেখা ধীরে ধীরে হাত তুলিয়া সৌরীনের একখানা হাত লইয়া বুকের উপর রাখিল। অনেকক্ষণ সে চক্ষু বুজিয়া হাতখানা চাপিয়া ধরিয়া রহিল, ক্রমে তার ছই চক্ষু গড়াইয়া জল পড়িতে লাগিল।

সৌরীনের চক্ষু ভিজিয়া উঠিল। সে পরম স্নেহে তার ছই চক্ষু মুছাইয়া বলিল, “কেঁদ না রেখা, লক্ষ্মী আমার, আমাকে ক্ষমা কর।”

রেখা বলিল, “বল তুমি আর যাবে না?” সৌরীন-বলিল, “কোথায় যাব রেখা? অনেক বিপথে ঘুরে পথভ্রান্ত পথিক তার শান্ত আশ্রয়ে ফিরে এসেছে। কোথায় যাব?”

“দেখ, আমি বাঁচবো তো? আমার বড় বাঁচবার সাধ হাচ্ছে এখন।”

“কোনও চিন্তা নেই রেখা। তোমার কিছুই হয় নি; হয়েছে স্মৃষ্টি অবসাদ। তুমি কালই সেরে উঠবে।”

রেখা সৌরীনের হাতখান অঁরীও চাপিয়া বুকের ভিতর ধরিয়া স্নধু বলিল “আঃ !”

তার পর চাঁদের দিকে চাহিয়া বলিল, “আজ বোধ হয় পূর্ণিমা। না? ঠিক চকোর-চকোরীর মিলনের দিন।”

সৌরীন বলিল, “তফাৎ এই যে, এ মিলন আমাদের আর ভাঙ্গবে না। আজ আরম্ভ হ'ল আমার জীবনের চিরপূর্ণিমা, তুমি তাঁর ক্ষয়হীন পূর্ণচন্দ্র—রেখা!”

সৌরীন রেখাকে চুম্বন করিল, অপূর্ব সার্থকতার আনন্দে রেখার মুখ উজ্জ্বল হইয়া উঠিল। সে সৌরীনের মাথাটা বুকের ভিতর চাপিয়া ধরিল।

* * *
নিত্যরঞ্জন সেই দিন সন্ধ্যায়ই ময়মনসিংহ ছাড়িয়া গেল।

সন্ধ্যায়

উড়ে চিঠি

শ্রীঅনুরূপা দেবী

অমিয়াবালা রায় ইন্দ্রনাথ রায়ের বড় মেয়ে—এবৎসর আই-এ পরীক্ষায় ইউনিভার্সিটির মধ্যে প্রথম স্থানাধিকার করায় ছাত্রমহলে বেশ একটুখানি আন্দোলন চলিতেছিল। মেয়েটা কোন স্কুলের ছাত্রী নয়, প্রাইভেট পরীক্ষা দিয়া ছুই ছুই বারই শত সহস্র ছাত্রদলকে পরাভব করিতে পারিয়াছে,—এজ্ঞ কেহ কেহ তাহার বাহাদুরীকে তারিফ দিতেছিল, আবার অনেক অপমানিত-চিত্ত এই বলিয়া আত্মপ্রাণ ও পরনিন্দা করিয়া মনস্তপ্তি সাধন করিতেছিল যে, প্রাইভেট পড়ান হইলে তাহারাও অমন সাতবার করিয়া ফাষ্ট হইতে পারিত। স্কুলে কলেজে কি আর ভাল করিয়া পড়ান হয়? আর মেয়েরা যখন বিজ্ঞা শিক্ষা করে, তখন তাহারা পৃথিবীর সহিত সকল সম্পর্ককে সূচাইয়া ফেলে; ছেলেদের বেলায় তো আর সেটা হয় না! মায়ের ‘সেড’ মিলাইয়া উল কেনা, বাবার টেবিল বাড়িয়া রাখা, ছোট ভাইয়ের পেন্সিল কাটিয়া দেওয়া, এমনধারা কত কাজই তাদের ঘাড়ে পড়ে। মেয়েদের কেহ কিছু বলুক দেখি, অমনি তারা ফৌস করিয়া উঠিবে, কারণ তাঁরা নতুন কিছু করিবে, পাশ দিবে—ছেলেদের মতন তো আর মেয়েদের পাশ দেওয়াটা পুরাতন হইয়া যায় নাই!

কিন্তু আসলে অমিয়ার পড়া-শোনা অত নির্বিবাদে ঘটিতে পারে নাই।

ইন্দ্রনাথ রায় পূর্ববঙ্গের লোক। পূর্ববঙ্গীয়েরা পশ্চিম-বঙ্গীয়দিগের অপেক্ষা অনেকখানি বেশি আধুনিক হইলেও ইন্দ্রনাথের মধ্যে একালত্বের গাণ্ডী খুব বেশি শিথিল ছিল না। মেয়েরা গায়ে সেমিজ ব্লাউস পরিবে, কতকটা লেখা পড়া শিখিবে, আর হাড় ভাঙ্গিয়া ঘর-সংসারের সমস্ত কাজ-কর্মই করিবে, এই রকমই তাঁর মতটা ছিল। লেখা পড়া যেটা শিখিবে, সেটার সবটুকু স্মরণই কিন্তু তার সংসারকে দেওয়া চাই। অর্থাৎ বাজারের, ছুধের ও ধোপার হিসাবের জ্ঞান অল্প শেখা, ছোট ছেলে-মেয়েদের প্রাইভেট মাষ্টারের পয়সা বাঁচানোর জ্ঞান পড়াশুনা। বই বা খবরের কাগজ বিশেষতঃ মাসিক পত্রিকা বুকে তুলিয়া চার-চিৎপাং হইয়া পড়িয়া থাকা তাঁর হুঁচু চক্ষের বিষ! স্ত্রী উমাশশীকে এজ্ঞ অনেকবারই তিরস্কার সহ করিতে হইয়াছে। অবশেষে বাংলা সাপ্তাহিক মাসিক প্রভৃতির প্রবেশ নিবেদন করিয়া প্রকাশ কলহটা বন্ধ হইয়াছে, তবে প্রতিবেশীর ঘর হইতে গোপনে গোপনে ওসব জিনিষের আমদানী একেবারেই ছিল না তা অবশ্য বলা যায় না।—তবে কথা এই যে, চোরাই মাল লোকে চুরি করিয়াই ব্যবহার করিয়া থাকে।

মেয়ে যখন বড় হইতে লাগিল, মায়ের কাছেই তার প্রথম শিক্ষা আরম্ভ হয়। যোগ-বিয়োগ গুণ শিখিয়া মেয়ে ভাগ শিখিতে চাহিলে মা বলিলেন “ভাগ শিখে কি করবি?

ও কোন কাজে লাগে না, আমি জানতুম ভুলে গেছি। তার চেয়ে এইবার শেলাই শেখ যে টেপি, মিল্ল, খুকি এদের ছেঁড়া-খোঁড়াগুলো জুড়ে-তেড়ে দিবি, ফ্রকগুলো সেমিজ-গুলো করতে পারবি—আমার একটু উপকার হবে।”

অমিয়া বলিল—“তা আমি শিখছি, কিন্তু অল্প আমায় আরও শেখাতে হবে। আমায় বড় ভাল লাগে।”

মা আশ্চর্য হইয়া বলিলেন—“অল্প ভাল লাগে! বলিস কি রে! ভাল পড়া-পাগলা মেয়ে তুই!”

কর্তাকে বলিলেন—“অমাই আরও বেশি পড়তে চায়, ওকে ইস্কুলে দাও না।”

ইন্দ্রনাথ বিস্মিত হইয়া কহিলেন, “ইস্কুল! ইস্কুলে দিলে মেয়েটার কাঁচা মাথাটা যে কামড়িয়ে খাওয়া হয়ে যাবে, তার কি? ইস্কুলে দিয়েছ কি মেয়েটা গ্যাছে!”

উমাশশী কহিলেন—“কেন গা! এই যে রাজ্জি-গুদ লোকের মেয়ে ইস্কুলে যাচ্ছে, এরা সবাই কি বিগড়ে গ্যাছে? না তোমারই মেয়ে এত মন্দ যে সে ইস্কুলে গেলে অমনি খারাপ হয়ে যাবে!”

ইন্দ্রনাথ রায় পৃথিবীতে যে সকল বিষয়কে অসহ্য বলিয়া ভাবিয়া থাকেন, তাহার ভিতর প্রধানতম অসহনীয় ব্যাপার মেয়েমানুষের মুখের তর্ক! তিনি ঈষৎ বিরক্তির স্বরে উত্তর করিলেন—“তর্কিক তো খুব হয়ে পড়েছ দেখছি! ওসব মেয়ে যে বেপূড়াবে না, নিজেদের কর্তব্যে অবহেলা করে ক্ষুণ্ণিত্তির জীবনকে আদর্শ করবে না, সাক্সিগেট হবে না—তার কিছু গ্যারাটি পেয়েছ বলতে পার?”

বাস্তবিকই তো আর উমাশশী সে বিষয়ে কোন গ্যারাটি পান নাই, কাজেই তিনি চুপ করিয়া গেলেন।

কিন্তু যেটা ঘটিয়া উঠিবার সেটা যেমন করিয়াই হউক কোথা দিয়া না কোথা দিয়া ঘটিয়া উঠে।

ইন্দ্রনাথ ঘোড়া হইতে পড়িয়া পা ভাঙ্গিলেন ও সেই পায়ের খাতিয়ে পূরা ছয় মাসের ছুটি লইতে হইল। দিন রাত বিছানায় পড়িয়া সবারই সঙ্গে খিটমিটি করিতে করিতে যখন তাঁহার অসহ্য হইয়া উঠিল, সেই সময় এক দিন অমিয়া বুকে সাহস বাঁধিয়া একখানা স্লেট হাতে তাঁর সামনে বসিয়া পড়িয়া মিনতিভরা চোখে জিজ্ঞাসা করিয়া ফেলিল—“বাবা! আমায় একটু অল্প শেখাবেন?”

ইন্দ্রনাথ এই প্রশ্নে প্রথমটা চমকিয়া উঠিয়াছিলেন,

সবিস্ময়ে কহিয়া উঠিলেন—“অল্প শিখে কি করবি? তোদের মাথায় কি অল্প ঢোকে যে অল্প শিখবি!”

অমিয়া সবিস্ময়ে প্রশ্ন করিল—“কেন ঢোকে না বাবা? আমরা কি?”

ইন্দ্রনাথ গম্ভীর ওঁদায়ে উত্তর দিলেন—“তোরা যে মেয়ে মানুষ রে! মেয়ে মানুষদের যে ব্রৈণ নেই!”

অমিয়া নিতান্ত হতাশ হইয়া কহিল—“একেবারেই নেই? কারুরই থাকে না? তবে যে কোন কোন মেয়ে বি-এ, এম-এ পাশ করেছে? তাদের?”

ইন্দ্রনাথ আরও গম্ভীর হইয়া জবাব দিলেন—“তারা হচ্ছে মেয়েমানুষের ব্যতিক্রম! সে আর ক'জন? নে' আচ্ছা আয় দেখি—কি অল্প শিখতে চাস?”

মেয়েকে অল্প কথাইতে বসিয়া ইন্দ্রনাথ দেখিলেন, মেয়ে-জাতির মস্তিষ্ক যতই স্বতশূণ্ড হউক না কেন, বুদ্ধি বড় মন্দও নাই; অনায়াসেই তাহাকে অল্পটা শেখান গেল। নিজের মতের বিরুদ্ধ প্রমাণে মন কাহারও খুব খুদী হয় ত হয় না, ইন্দ্রনাথেরও হইল না, তথাপি একটু কোতুলক জাগ্রত হইল। মেয়েকে বলিয়া দিলেন, “রোজ এই সময়ে আসিস—অল্প শেখাবো।”

এমনি করিয়া পা ভাঙ্গার শনি ঘাড়ে চাপিয়া অমিয়ার অল্প শিক্ষা, তাঁর সঙ্গে ইংরাজীটাও খানিকদূর অগ্রসর হইয়া গেল এবং মেয়ের বুদ্ধির ধার দেখিয়া বাবার ভোঁতা তর্ক পরাভব স্বীকার করিল। পায়ের বেদনা সান্ত্বিয়া গিয়া চাকরীতে যোগ দিলেও ইন্দ্রনাথ আর অমিয়ার পড়ার ভার একেবারেই ঘাড় হইতে নামাইয়া ফেলিতে পারিলেন না, অবসর কালটুকুকে সে এমন করিয়া গাণ্ডী দিয়া লইল, যে, ইচ্ছা না থাকিলেও সেটুকুকে আর কোন কাজে লাগাইয়া ফেলিবার যেন কোনই উপায় রহিল না।

এমনি করিয়া নিজের প্রবল চেষ্টায় ও মাপের অল্প সাহায্যে সে পরীক্ষা দিয়া পাশও করিল এবং সকলকে বিস্মিত করিয়া সোনার মেডেল ও স্কলারশিপও আয়ত্ত করিল।

তা বলিয়া ঘর-সংসারের কাজের বোঝা ও ভাই-বোনদের মাষ্টারী করার হাত হইতে সে এক দিনের জ্ঞানও নিষ্কৃতি পায় নাই। ইন্দ্রনাথ বাছিয়া বাছিয়া উহাকে দিয়াই

নিজের কাজগুলি করাইয়া লইতেন এবং সর্বদা খবর রাখিতেন যে রান্না, বাটনাবাটা, শেলাই—এ সকল সে ফাঁকি দিবার চেষ্টায় আছে কি না; অবসর মত নারীর কর্তব্য সম্বন্ধেও উপদেশ দিতে তিনি ক্রটি করিতেন না।

২

পাশের বাড়ীতে যোগীন মল্লিক সপরিবারে বাস করিত। যোগীন এক সময় বড়-লোকের ছেলে ছিল, সেই ওজুহাতে সে লেখাপড়া বিশেষ শেখে নাই, কাজকর্ম কিছুই করে না; পরন্তু ধনী-সন্তানরূপে মর্ত্তভূমিতে আগত হওয়ার দাবীতে ভাল খাওয়া পরা থাকা এবং ইচ্ছামত মত্তপানের সর্বপ্রকার প্রাচুর্যের অধিকারটাকে সে সর্বতোভাবেই স্বীকার করিয়া থাকে এবং নিজের সেই স্বহৃদ সকলের উপরেই সাব্যস্ত করিতে চায়। এই লইয়া তাদের পারিবারিক অশান্তির আর সীমা ছিল না। ভাইয়ে ভাইয়ে সর্বদা কলহ চলিতেছিল। মা কখন এ-ছেলের সপক্ষে, কখনও ও-ছেলের বিপক্ষে দুর্বল যুক্তি দেখাইতে গিয়া লাজিত ও এমন কি প্রহৃতও হইতেন। আর সব চেয়ে দুঃখ ছিল সেই যোগীন মল্লিকের সুন্দরী ও তরুণী পত্নীর। মেয়েটা কোন ভাল ঘরেরই মেয়ে। দেখিতে ফুটফুটে—যেন ছবিখানি! ঘোঁষনের জোয়ারে সর্বদেহ তার ভরা নদীর মতন যেন টলটল করিতেছে। মনে সাধ আশা আকাঙ্ক্ষা সকলই সেই সঙ্গে ভরপুর। কিন্তু কপালটাই শুধু শূন্য! স্বামী-রত্নটী কখনও মাথায় তুলিয়া নাচিতেছেন, আবার কখনও পা দিয়া মড় মড় করিয়া মাড়াইয়া ভাঙিতেছেন! সোহাগ এবং নির্ঘাতন যেন একত্র হাত-ধরাধরি করিয়া তার সঙ্গে সঙ্গেই ঘুরিতেছে। এই দেখ—শৈলবালা এলো খোঁপায় মল্লিকা ফুলের মালা জড়াইয়া শ্রাওলা রংয়ের সাড়ী পরিয়া স্বামীর সঙ্গে হাসিয়া হাসিয়া কথা কহিতেছে; তখন শোন—কানের ইয়ারিং ছুটা কান হইতে খুলিয়া দিতে বিশেষ আপত্তি করার দোষে পতিদেবতা তাহাকে নির্দয় হস্তে প্রহার করিতেছেন ও সেও করুণ চাঁৎকারে প্রতিবেশীদের অস্থির করিয়া তুলিতেছে। স্বামী যখন স্ত্রীকে প্রহার করে, সে সময়ে বাধা দিবার কোন অধিকারই তো আর স্ত্রী প্রতিবেশীদিগের নাই। বরং জোর করিয়া বাড়ী ঢুকিতে গেলে ট্রেসপাসের নালিশ চলে। কাজেই পাঠা-বলি

দেখার মত করিয়াই তাঁদের উহা সহ্য করিতে হয় এক কালে ক্রমশঃ সহিয়াও আইসে।

অমিয়া মাকে বলিয়া বলিয়া কোন উপায় করিতে পারে নাই; সেদিন অতিষ্ঠ হইয়া উঠিয়া বাপকে গিয়া বলিল—“রোজ রোজ মেয়েমানুষকে ওম্নি করে মারবে, আমি আপনারা কোন কিছুই আপত্তি করবেন না?”

ইন্দ্রনাথ জবাব দিলেন—“ওর বউকে ও মারবে, তোমার মা-মাসীকে ত আর মারতে আসেনি, যে, আদি তার বাড়ী চড়াও হয়ে আপত্তি করতে যাব? আর করলেই বা সে শুনবে কেন?”

“তার স্ত্রী বলে সে কি মানুষ নয়! বিপন্নকে রক্ষা করা তো সকল মানুষেরই কর্তব্য।”

পিতা কহিলেন—“ও তো নিজেকে তত বিপন্ন বোঝে করছে না, তুমি যত তাকে বিপন্ন বোধ করচো? মারতে সর্বদাই খায়,—প্রতিকারের কোন্ চেষ্টা কবে করবে?”

অমিয়া বাপের এই কড়া যুক্তিতে একটু খতমত খাইয়া গেল,—ভাবিয়া দেখিল, কথাটা খুব হাঙ্কাও নয়। বাস্তবিকই তো সে কই কোন দিন তার এই দুর্দশা হইতে মুক্তিলাভের চেষ্টাও করে নাই! আবার সময় সময় দুজনে বেশ হাসিখুসী করিতেও দেখা গিয়া থাকে!

এমন কি করিয়া হয়? এই নির্ঘাতন অপমান সহিয়া আবার সেই স্বামীরই সহিত হাসিতে, কথা কহিতে, ঘর করিতে কেমন করিয়া প্রবৃত্তি হয়? সে যেন এ কথাটা ধারণা করিয়াই উঠিতে পারিল না। তার পর তার মনে পড়িল, সেইটাই সে বলিয়া ফেলিল—“কিন্তু মার খেতে খেতে যদি ও মরে যায়? তাতে আমাদেরও যে পাপ হয়?”

ইন্দ্রনাথ রাগ করিয়া বলিলেন—“তাই বা কেন হতে গেল? ওর স্বামীর ওকে মারবার, কাটবার, সব করবার অধিকার আছে। ওর ঘরে ওর স্ত্রীকে ও মারবে, আমি আইনতঃ ওর বাড়ী গিয়ে তাতে বাধা দিতে পারি নে,—এই জন্ত আমার পাপ হবে? আর তাই যদি হয় তো তাতে আর কি করচি বল? মাঝে থেকে তুমি ওর মাথায় রে তোমার ও-সব কুতর্ক ঢোকাতে যেও না। সংসারে এই রকমই হয়ে থাকে, স্বামী খেতেও দেয়, আবার মারবে ছ’ঘা,—স্ত্রীরা চিরদিন এসব সহ্যও করে যায়, এ কিছুই

বিচিত্র নয়। এই সব আদর্শ ছিল বলেই দেশটা ঠাণ্ডা ছিল। এখন এই তোমাদের মতন তार्কিক মেয়ে সব জন্মে, দেশের আদর্শটা নষ্ট করে ফেলচে। এই জন্তেই বেশি লেখাপড়া শেখাতে চাই নি। এখন যাও দেখি, এক গ্লাস খাবার জল আর গোটাকত পান সেজে নিয়ে এস। আমার কাজ আছে—তোমার সঙ্গে বাজে কথা নিয়ে তর্ক করার সময় নেই।”

অমিয়া বাপের হুকুম পালন করিতে চলিয়া গেল, কিন্তু তার মনের ভিতরটা বিদ্রোহী হইয়া রহিল। এর নাম আদর্শ স্ত্রী? মাতাল স্বামী মারিয়া হাড় ভাঙিয়া দিলেও পাড়া-প্রতিবেশীর বাধা দিবার অধিকার নাই; এবং স্ত্রীরও এমন ক্ষমতা নাই যে, এই অত্যাচারের হাত হইতে বাঁচে? দাম্পত্য-প্রথা আর এর চেয়ে বেশি কি কঠোর ছিল? আইনে মাতাল কুচরিত্রদের বিবাহ বন্ধ করে না কেন? বাপ-মায়েরা মেয়ে দেওয়ার সময় এই দিকটাকেই বা প্রধান ভাবে দেখে না কেন? মেয়েরাই বা প্রথমাবধি মাতাল স্বামীর ঘর করিতে আপত্তি করে না কি জন্ত? যদি তারা স্বামীদের চরিত্র জানিতে পারামাত্রই তাহাদের সমস্ত সংস্রব ত্যাগ করিতে পারে, তাহা হইলে পুরুষানুক্রেমিক কুরোগের অত্যাচারের ও পাপের বৃদ্ধি না হইয়া হ্রাসই হইতে থাকে। পাঁচটা সন্তান লইয়া জড়িত হইয়া পড়ার পর যখন ঐ অত্যাচারী ও মাতাল স্বামী তাহাকে নিঃস্ব করিয়া ফেলিয়া দিয়া হয় মরে, না হয় পলায়, আর না হয় ত জেল খাটিতে যায়, তখন দুর্দশা যা’ হইবার সে ত হইয়াই থাকে! তবে আগে হইতে সাবধান হইলে সেটা অমন করিয়া চরমে গিয়া পৌঁছায় না।

অবশ্য এর জন্ত মেয়েদের শিক্ষা ও চরিত্র গঠন করার চেষ্টা মা-বাপদেরও করা চাই। পশু-প্রকৃতির স্বামীর বাসনানলে ইন্দ্রন হওয়ার জন্তই স্ত্রী হইয়াছে বলিয়া যার দৃঢ় বিশ্বাস মনের মধ্যে আছে, তাহাকে তাহার বাহিরে লইয়া যাইতে চাহিলেও সে তাহা চাহিবে না। কারণ সে জানে যে ‘পতি পরম গুরু।’ গরুর মতন ব্যবহার পাইলেও তার গুরুত্বের অপহৃত হয় না।

অমিয়া এক দিন তার মাকে গিয়া চুপিচুপি বলিল, “মা, আমার বিয়ে দিও না।”

উমাশশী ছোট খুঁকির জন্ত আলুই পাকাইতেছিলেন,—

চমকিয়া মুখ তুলিয়া মেয়ের গুঁফ মুখের দিকে চাহিলেন। আনমনে কি একটা আন্দাজ করিয়া লইয়া ঈষৎ হাসিচাপা সুরে জবাব দিলেন—“বিয়ে ত দিতেই হবে মা, বড়টা তো হয়েছে। ভাল তেমন পাচ্চি না ত, পেলেই দোব।”

মায়ের কথার উদ্দেশ্য বুঝিয়া মেয়ে ঘোর রক্তবর্ণ মুখে—“ধেং, আমি তাই বলছি বুঝি?” বলিয়া সবগে বাধা দিল। তার পর পুনশ্চ গুঁফকণ্ঠে মিনতি ভরিয়া কহিল—“সত্যি করে তোমায় বলছি মা, বিয়ে আমার তুমি দিও না, বিয়ে হলে আমি সুখী হ’তে পারবো না। যদি ঐ ওদের বাড়ীর ছেলেদের মতন হয়, তাহলে তক্ষনি আমি মরে যাব।” বলিতে বলিতে সে যেন সেই সম্ভাবনার ভয়েই সর্বাক্ষে শিহরিয়া উঠিল। “লক্ষ্মীটা মা! পায়ে পড়ি, আমার বিয়ে দিও না—”

উমাশশী মেয়ের গভীর মানসোদ্বেগ লক্ষ্য না করিয়াই মুহু হাসিয়া সাস্তানার সহিত সঙ্গহে কহিলেন—“ওদের বাড়ীর ছেলেদের মতনই বা হবে কেন? ওরকম সংসারে ক’জনই বা আছে। আর আমরা দেখে-শুনে দোব, ভালই হবে। মিথ্যে ওসব খারাপ ভাবনা ভাবতে নেই।”

মায়ের মুখের এই স্নেহ-সাস্তনায় অমিয়ার মনের ভিতরকার জমাট আতঙ্ক একটুখানি যেন সরল হইয়া আসিলেও তাহা একেবারে বিদূরিত হইল না। বয়স বাড়িতেছে, বিবাহের কথা-বার্তা চলিতেছে। সময় যতই ঘনাইয়া আসিতেছিল, তার মনের ভিতর ততই প্রবলবেগে একটা ভীষণ ঝটিকা বহিতে আরম্ভ করিয়াছিল। বিবাহের কথা মনে করিতে গেলেই, ইচ্ছায় হোক, অনিচ্ছায় হোক, ঐ ছবিখানিই চোখের সামনে ভাসিতে থাকে। সুন্দর টুকটুকে পাতাকাটা রুজ-পাউডার-মাখা মুখখানি, কাণে চুপির ছল, কপালে টায়রার মুক্তাগুলি ছল ছল করিয়া ছলিতেছে, মস্তক ললাটে তাহা যেন গুস্তি-গুস্তিয়া মুক্তার মতই শোভমান হইয়াছিল। বেনারসী শাড়ীর পাড়গুলি বিছাতের আলোয় জলজল করিতেছে, হাতে গলায় মুক্তার কলার মুক্তার তলা। ভোজের বাড়ী যেন রূপের ও অলঙ্কারবস্ত্রের প্রভায় বলসিয়া দিয়া এক দিন ঐ মেয়েটা সকলকার চোখের দৃষ্টিকে তারই পানে টানিয়া আনিয়াছিল। আর আজ? শীর্ণা, অকালবৃদ্ধা, কুৎসিত-ব্যধিক্রিষ্টা রূপলাবণ্যহীনা রুগ্ন ক্ষুধিত পাঁচসাতটা সন্তানে পরিবৃত্তা নারী নিজের শরীর মনের বেদনায় অধিক্রিষ্টা হইয়া

লোক-লোচনের অন্তরালে আপনাকে লুকাইতে ব্যস্ত। হাতে তার গাছকতক কাঁচের চুড়ি ভিন্ন আর কিছুই নাই। তথাপি শাসনের শাস্তির আর শেষ হয় না।

উঃ! অমিয়ারও যদি ঐ রকমটা ভাগ্যে ষটিয়া যায়? সে কোন মতেই এ অত্যাচারের তলায় রাখা নীচু করিবে না, নিশ্চয়ই না।

কিন্তু কাজই বা কি এমন বিবাহে?—যার এমন কটু তিক্ত ফল ফলিলেও ফলিতে পারে?

অমিয়ার বাপ যদিও মল্লিক-বাড়ীর বধূদের আধুনিক তর্কশাস্ত্র শিক্ষা দিয়া উহাদের আদর্শ পত্নীত্ব খর্ব করিয়া দিতে মেয়েকে নিষেধ করিয়া দিয়াছিলেন, এবং অমিয়াও যথাসাধ্য পিতৃআজ্ঞা পালন করিয়া চলিত, তথাপি, মধ্যে মধ্যে যেদিন মল্লিকবাড়ীর বাবুদের একটু ঠাণ্ডা মেজাজ বুঝা যাইত, সেদিন সে হয় সে বাড়ীতে গিয়া বধূদের সঙ্গে দেখা করিয়া আসিত, না হয় ঐ বাড়ীর ছোট ছোট ছেলেমেয়েদের ডাকিয়া আনিয়া একটু আদর যত্ন করিতে চাহিত।

সেজ বধু বিন্দুমতীর পাঁচটা ছেলেমেয়ে। তার মধ্যে ছটা নিভান্তই শিশু, একটা একটু বড় হইয়াছে, আর ছটা খুব কাছাকাছি, দেখিলে যমজ বলিয়াই মনে হয়। একটা ছয় ও একটা সাত বৎসরের। অমিয়া এদের ছটিকে আনিয়াই একটু আধটু বর্ণপরিচয় করাইত, গল্প বলিত, ছবিটা খাবারটাও না দিত তা নয়। এক দিন সে তাদের একটা গল্প বানাইয়া বলিল—তাহাতে একটা ছুঁ ছেলে পরের গাছে উঠিয়া আম চুরি করিতে গিয়া ধরা পড়ে এবং তাহাতে গাছের মালিক আসিয়া তাকে পুলিশে ধরাইয়া দেয়। ইত্যাদি বলিয়া চৌর্যের অপকারিতা সম্বন্ধে উপদেশ দিতে আরম্ভ করিল।

গল্পটা খানিকটা শোনা হইতেই হিতৈষী বলিয়া উঠিল—“আচ্ছা পুলিশ এসে যখন ধরলে, তখন তার সব আমগুলো খাওয়া হয়ে গেছিলো, না খেতে বাকি ছিল—বল ত?”

অমিয়া বলিল—“না, তখনও সব খাওয়া হয়ে উঠে নি, গোটাঁকত আম তার হাতে ছিল, সেই শুদ্ধ ধরা পড়লো।”

মেয়েটির নাম অমুজা। অমুজা সাগ্রহে জিজ্ঞাসা করিল “কাঁচা আম না পাকা আম সেগুলো?”

তার পর নিজেই মীমাংসা করিয়া লইল যে, নিশ্চয়ই

সেগুলো কাঁচা আমই ছিল, সেইজন্যই খাইয়া উঠিতে পারে নাই,—পাকা হইলে পুলিশ আসিয়া ধরিতে না ধরিতে খাওয়া হইয়া যাইত।

হিতু সহানুভূতিসূচক চুক করিয়া একটা শব্দ করিয়া কহিয়া উঠিল—“আহারে! গাছে উঠলো, সব করলো, মাঝে থেকে খেতেই পেলো না! আমি হলে কিন্তু যেমন করেই হোক, খেয়ে নিতুম।”

অমিয়া কোপপ্রকাশ পূর্বক ধমকাইয়া কহিল—“ছি! হিতু! পরের জিনিষ কি চুরি করে খেতে আছে?”

হিতে বিজ্ঞানোচিত গাঙ্গীর্থোর সহিত তৎক্ষণাৎ প্রত্যুত্তর করিল—“কেন থাকবে না? আমার বাবা বলে নির্দোষের চাইতে চোরেরাও ভাল। তাদের বুদ্ধি খরচ করে খেতে হয়। বুদ্ধি থাকলেই লোকে সেটা খরচ করে থাকে, তা সে হোক ভাল কাজে, হোক মন্দ কাজে।”

অমুজা ভাইয়ের কথার সমর্থন করিয়া বলিল—“শুধু তাই কেন? বাবা তো এ কথাও বলে যে ‘দেখছিস, কাজ-কর্ম কিছুই তো করি না, তবু তোদের কেমন ভাল খেতে পরতে দিচ্ছি? কি করে জানিস? যুক্তি খাটিয়ে। দেখে শেখা’ তা হিতু, তুই বড় হলে বাবার মতন টাকা ধার করবার ফদি করতে পারবি না?”

হিতু এই কথায় ধাঁ করিয়া বোনের গালে একটা চড় কসাইয়া দিয়া মুখ খিঁচাইয়া জবাব দিল—“‘পারবি না’ কিরে? আমি বাবার চাইতে বেশিই তো পারবো। আমার বুদ্ধি কি বাবার চেয়ে কিছু কম না কি? সেদিন কেপ্টা মুদি টাকার তাপাদা করতে এলো, তুই তো আর একটু হলে বদেই ফেলেছিলি যে বাবা বাড়ী আছে, আমিই না তাকে বাবা বাড়ী নেই, চাকরীর চেষ্টায় বেরিয়েচে বলে বিদায় করি? বল ত কে বিদায় করেছিল? হুঁহু—আমায় তেমনি বোকা পেয়েছিস কি না—শ্রাপলার মতন!”

অমুজা ভাইএর দত্ত মার স্তম্ভক ফিরাইয়া দিয়া হাঁকিয়া উঠিল—“মুখপোড়া ছেলে এফনি মরুক! শুধু শুধু আশায় মারলি কেন?”

হিতৈষী অমুজার চুল ধরিয়া টানিয়া গাছকতক ছিঁড়িয়া আনিল—“আমি কেন মরবো, তুই মর।”

অমুজার আক্রমণে এবার তার কাণ ছিঁড়িয়া রক্ত পড়িতেই অমুজা ফস করিয়া নিজের আঁচল ছিঁড়িয়া সেই

আহত কাণের শোণিতপাত বন্ধ করিল, এবং অহতগু স্নেহভরে ভাইকে হৃহাতে জড়াইয়া ধরিল—“আহা হা! রক্ত পড়ে গেল রে! না ভাই, আমার সঙ্গে আর মিথ্যে মিথ্যে লাগতে আসিস নি। চল একটু জল দিয়ে দিই।”

হিতৈষী ক্রোধভরে বোনের হাতটা ঠেলিয়া দিল—“মা যা, আর আদর দেখাতে হবে না! পাজি ছুঁচো, ছোট লোকের মেয়ে!”

অমুজা গজ্জিয়া উঠিল—“কি! তুই আমায় ছোট লোকের মেয়ে বলি? তোর মরণ-বাড় হয়েছে দেখতে পাচ্ছি!”

হিতৈষীও ইহার উত্তর সমান তেজের সহিত প্রদান করিল—“বলেছি ত হয়েছে কি? বাবা যদি মাকে ছোট লোকের মেয়ে বলতে পারে—তাহলে আমি তোকে বলতে পারি নে? তুই কি খড়দার মা গোঁসাই না কি?”

অমিয়া অবাক আড়ষ্ট থাকিয়া ইহাদের বিবাদ-বিতণ্ডা দেখিল এবং গুনিল। এতখানি বয়সের মধ্যে সে যে-সব কথা কখনও কাণেও শুনে নাই, ইহাদের সেই সকল কথা ব্যবহারে বিশেষ অভ্যস্ত দেখিয়া গভীর বিস্ময় অনুভব করিতে গিয়াও সহসা সে চকিত হইয়া স্মরণ করিল, ইহাতে বিস্ময়ের কিছুই বড় বর্তমান নাই। নিজের বাড়ীতে মা বাপের মধ্যে যে ব্যবহার ইহারা লক্ষ্য করিতেছে তাহাই শিখিয়াছে মাত্র। নূতন করিয়া কোথাও হইতে বিচিত্র কিছুই তো শিখিয়া আইসে নাই! এই ছুঁটা সরল শিশু-জীবনকেও ইহারই ভিতরে এই যে গরল-মণ্ডিত করিয়া তৈরী করা হইতেছে, এর জন্ত দায়ী ইহাদের মহাপাপিষ্ঠ দায়িত্ব-জ্ঞানশূন্য পিতা। এবং—এবং শুধুই পিতা কি? ইহাদের মাতাও কি এর জন্ত অংশতঃ দায়ী নহে? অমিয়ার চিত্ত সেই নির্কিরোধে ও নির্কিচারে পাষাণ স্বামীর হস্তে আত্ম-সমর্পণ-কারিণী বঙ্গ-বধুর প্রতি ঘোর বিদ্বিষ্ট হইয়া উঠিল। এমনই কি সহিষ্ণুতা, যে ঐ হরন্ত-প্রকৃতির স্বামীর সহিত লাজিত জীবন বহন করিবার তুচ্ছ লোভটুকুও দমন করিতে পারে না? বৎসর বৎসর এই সকল অভাগা নীতিজ্ঞানহীন সন্তানের সৃষ্টি করিয়া সংসারে দারিদ্র্য ও পাপের বংশ বর্ধিত করার চেয়ে এমন কি মরণকে বরণ করাও প্লাবনীয় ছিল না কি? নাঃ, অত্যাচারী স্বামীর ঘর করিতে স্ত্রীকে বাধ্য করার মত

পাপ কিছুই নাই। ইহা ত শুধুই ব্যক্তিগত ব্যাপার নয়। সমস্ত সমাজের ভবিষ্যৎ যে এর উপর পূর্ণ ভাবে নির্ভর করিয়া আছে। মণ্ডপ, ব্যাধিগুস্ত, কুচরিত্র এ সকল লোকের বিবাহে সামাজিক বাধা ফেন থাকিবে না? অত্যাচারীর স্ত্রীকে সমাজ কেন রক্ষা করিবে না? এ করিতে সে বাধ্য। আর তাহা করাইবার তার নারীকেই গ্রহণ করিতে হইবে। যদি সকল মেয়েই এই পণ করে, নিশ্চয়ই এই অবিচারের প্রতিকার-চেষ্টা দেখা দেয়। সহ্য করিয়া করিয়া স্ত্রীরাই স্বামীদের শ্রমপিশাচে পরিণত করিতেছে।

অমিয়া মনে মনে দৃঢ় করিয়া বলিল—“আমার যদি কখন তেমন ছুঁড়াগ্যাও ঘটে, আমি কিছুতেই কিন্তু সহ্য করবো না। এর জন্ত প্রাণ দিতে হয় তাও দোব, তবু মাতাল বা কুচরিত্রের সন্তান দিয়ে ভারতের ভার বৃদ্ধি হ’তে দেবো না। সাক্ষী থাক অন্তর্যামী ভগবান! আর তুমিই আমায় সে বিপদে রক্ষা করো।”

৪

সন্ধ্যা হইতে কিছু বিলম্ব ছিল; বর্ষার বর্ষণ-স্রোত আকাশে বিদায়োন্মুখ সূর্যের শেষ রশ্মিছটা বিচিত্র বর্ণে ও বিবিধ আকারে নিজেদের গঠিত ও সজ্জিত করিতে ব্যস্ত ছিল। ইন্দ্রনাথ বাবুর বাড়ীর সামনে ছোট একটুখানি বাগান; তাহাতে বাঁশের মাচায় তোলা জুঁইএর লতায় রাশি প্রমাণ ফুল ফুটিয়া রাস্তাশুদ্ধ যেন মাতাইয়া তুলিয়াছে। এক পাশে একটা কচি শ্রামল পাতা ও রাঙ্গা ফুলে ভরা কুম্ভচূড়ায় বোধ হইতেছিল, যেন আকাশের লালের খানিকটা আচমকা খসিয়া পড়িয়াছে।

অমিয়া কতকগুলি জিনিষা ফুলের বীচি আনিয়া বৃষ্টি-আর্দ্র মাটিতে পুঁতিতেছিল। পাশের বাড়ী হইতে দেখিতে পাইয়া হিতৈষী ও অমুজা তাহার নিকট ছুটিয়া আসিল। হুজনেই একবাক্যে বলিয়া উঠিল “আমায় চারটি বীচি দিন না—আমাদের বাড়ী আমরাও বাগান করবো।”

অমিয়া গোটা কয়েক বীজ তাহাদের হাতে দিয়া বলিল—“বাগান তো করবে, কিন্তু যা’ তোমাদের বাড়ী ছাগল চরে,—ফটকটা ভেঙ্গে গেছে—গাছ কি থাকবে!”

অমুজা তৎক্ষণাৎ বীজ কয়টা হাত হইতে ফেলিয়া দিয়া বলিয়া উঠিল—“ঠিক কথা! যে আমাদের বাড়ীর দশা, বাগান করে কি হবে? নাঃ—করবো না বাগান।”

হিতৈষী অমনি চট করিয়া বলিয়া উঠিল—“কেন করবি না? খুব করবি! বাবা তো আর অমর হয়ে জন্মান নি,— বাবা মরে গেলে বাবার ভাগটা তো আমার হবে? আমি তখন ফটক মেরামত করবো কি না। যে মদ খাচ্ছে, দেখু না, কোন দিন মরে পড়ে বলে।”

অনুজ্ঞা তাড়াতাড়ি বীজ কুড়াইতে কুড়াইতে সাগ্রহে বলিয়া উঠিল—“আহা, এমন দিন কি হবে! তা’ হলে মাও বাঁচে, আমরাও বাঁচি,—মার খেতে হয় না আর।”

অমিয়া উহাদের কথাবার্তা শুনিয়া আড়ষ্ট হইয়া গেল। তার হাত যেন আর চলিতে চাহিল না। একটা গভীর বিতৃষ্ণায় মনটা তার যেন অবসন্ন হইয়া আসিল। বীজ বপন ফেলিয়া রাখিয়া সে উঠিয়া তাড়াতাড়ি তার মার কাছে চলিয়া গেল। মা তখন রান্নাঘরের দালানে তোলা-উনানে ছেলেদের জন্ম খাবার করিতেছিলেন,—মেয়েকেই বোধ করি খুঁজিতে-ছিলেন। তাহাকে দেখিয়াই বলিয়া উঠিলেন—“দে তো মা লুচি ক’খানা বলে। মেঘে মেঘে একেবারে সন্ধ্যা হয়ে গ্যাছে।”

অমিয়া লুচি বেলিতে বসিয়া খানকতক বেলিয়াই ডাকিল—“মা!”

মা গরম ঘিয়ে ছুখানা করিয়া লুচি ফেলিয়া ত্রস্ত করে তাহাদের টানিয়া তুলিতে বিশেষ ব্যস্ত ছিলেন, তৎকার্য-নিযুক্ত থাকিয়াই উত্তর দিলেন—“কি রে?”—তার পর বলিলেন—“উষা, বিভা, শচীন, গুদের ডাক দে’ দেখি, খেতে বসুক।”

“ডাকচি”—বলিয়া পুনশ্চ একটু ইতস্ততঃ করিয়া অমিয়া মুহূর্তের ডাকিল—“মা!—একটা কথা বলবো?”

মা দ্বিগুণ বিশ্বয়ের সহিত লুচি-ভাজা বন্ধ রাখিয়া মেয়ের দিকে চাহিয়া দেখিলেন।

“কি বলবি বল না?” পরে তাহাকে নীরব দেখিয়া পুনশ্চ কহিলেন—“তার অত ভূমিকা করছিস কেন?”—বলিয়া পুনশ্চ এক এক করিয়া ছুখানা বেলা লুচি ঘিয়ের মধ্যে ছাড়িয়া দিলেন। আধ মিনিটের অমনোযোগে গরম ঘি অজস্র ধুমোদগীরণ আরম্ভ করিয়া জ্বলনোমুখ হইয়া উঠিয়াছিল,—তাড়াতাড়ি কড়াখানা নামাইয়া ফেলিতে হইল।

অমিয়া এই সময় ভয়ে ভয়ে বলিয়া ফেলিল—“তোমার পায়ে পড়ি, সত্যি মা, আমার বিয়ে দিও না।”

একে ছেলেদের খাবার সময় উত্তীর্ণ হইয়া গিয়াছে—তার খাইতে পায় নাই, তার উপর কড়ার ঘি ধরিয়া গিয়া লুচি ছুখানার কালো জামের রং হইয়া গেল, মায়ের মন খুবই সুপ্রসন্ন থাকা সম্ভব নয়। তার উপর অত বড় মেয়ের যখন তখন এই অসম্মত আবদারে খুসী হইয়া উঠিবারই বা কতটুকু আছে। কড়ার ঘিয়েরই কাছাকাছি তাতিয়া উঠিয়া মা পুরুষ কণ্ঠে বকিয়া উঠিলেন—“ফের সেই ভূতে ধরেছে! কি যে পাগলামী করিস! ভদ্রলোকের ঘরের মেয়ে বিয়ে না করে কি নার্স হবি না কি? ভাল তোকে পাশ দিইয়ে মাথা বিগড়ে দেওয়া গ্যাছে। নে’—এখন ওগুলোকে খেতে দিবি, না দিবি না, তাই বল তো দেখি?”

অমিয়া একটা উত্তম দীর্ঘশ্বাস বুকের তিতর চাপিয়া লইয়া বিষন্ন মুখে আদিষ্ট কর্ত্ত্ব মনোযোগী হইল।

অমিয়া তার মনের সেই ভয় ভাবনা লইয়া সর্বদা যেন ত্রস্ত হইয়া রহিল। মা বাপের মুখে যদি তার বিবাহের কোন কথাবার্তা শুনিতে পায়, অমনি তার বুকের মধ্যে ধড়-ফড় করিয়া উঠে। পৃথিবীর সকল পুরুষকেই যেন মল্লিক-বাড়ীর সেজ-বাবুর ছায়া বলিয়া একটা সন্দেহ জাগিয়া উঠিয়া তার মনকে তাদের উপর বিদ্বিষ্ট করিয়া তুলিয়াছিল। বিবাহের কথা মনে হইলেই তার একটা তীব্র আতঙ্কের সহিত মনে হইত—যদিই দৈবাৎ তার স্বামী-রত্নটা ওই সেজ-বাবুর মতন তার প্রতি ব্যবহার করে, তার সম্মানগুলিও হিতু-অনুজের মতও তো হইতে পারে! অমনি পায়ের তলা হইতে আরম্ভ করিয়া মাথার চুলের গোড়াগুলো অবধি তার আতঙ্কে কাঁপিয়া স্থির হইয়া যাইত।

কিন্তু চিরদিন ঠিক এক ভাবেই কাহারও দিন যায় না। পক্ষী-শাবক তার পুরাতন নীড়টিকেই প্রাণ দিয়া ভালবাসে বটে, তথাপি বয়স বাড়ার সঙ্গে সঙ্গেই শুধু সেইটুকুকেই সে আর যথেষ্ট মনে করিতে পারে না। অমিয়ার বাপ যখন তার পড়াশুনা চুকাইয়া ফেলিতে আদেশ দিয়া তাহার বিবাহের জন্ম ঘটক নিযুক্ত করিলেন এবং সেই ঘটক ঠাকুরও আজ একজন কাল একজনের খবর লইয়া আসা যাওয়া আরম্ভ করিয়া দিলেন, তখন নিশ্চিত বিধিদকে বরণ করিয়া লইতেই হইবে বুঝিয়া

যেমন অমিয়া নিজের মনকে কতকটা প্রস্তুত করিয়া লইল, অমনি সেই ফাঁকে ফাঁকে মানব-প্রকৃতির স্বাভাবিক প্রেরণায় একটা কোঁতুহল ও আগ্রহও যেন তার সেই বিবাহ-বিদ্বিষ্ট চিত্তকে ভিতরে ভিতরে পাইয়া বসিল। প্রথম প্রথম ঘটকের খবর আসিলেই সে মনে মনে রাগ করিয়া সেখান হইতে উঠিয়া যাইত। তার পর ক্রমশঃ একটু একটু করিয়া তার মনের মধ্যে ঐ বসন্ত-দূতের সংস্পর্শে আগত-প্রায় বসন্তের একটা সাড়া পাওয়া গেল। এখন লুকাইয়া চুরি করিয়া সে তার ভবিষ্য বরের কথা কাণ দিয়া শুনিয়া লয় ও মনে মনে বিচার করিয়া দেখে।

ইতিমধ্যে ছ’ জায়গা হইতে তাহাকে কনে দেখিয়া গিয়াছে। বরের অভিভাবক এত বড় বয়সের মেয়ে দেখিয়া লজ্জায় মাথা হেঁট করিয়া কোন মতে প্রস্থান করিয়াছিলেন। অপর স্থলে মেয়ে পছন্দ হইয়াও দেনা-পাওনায় বাধা প্রাপ্ত হইল। বরের পিতা বলিয়া পাঠাইলেন যে, মেয়ে দুইটা পাশ করিয়াছে বলিয়া তো আর তাহাকে চাকরী করাইতে পারিবেন না। অতএব গহনাপত্র ও বিবাহের ব্যয়টা কোথা দিয়া আসিবে? ইত্যাদি, অতএব—

উমাশশী বলিলেন—“হ্যাঁগা! তবে যে মেয়েকে লেখাপড়া শেখালে বিয়েতে বেশি টাকা লাগে না?”

ইন্দ্রনাথ বিরক্তচিত্তে বলিলেন—“ও-সব বাজে কথা,— টাকা মেয়ে জন্মালেই দণ্ড লাগে, তার উপর রূপগুণ, বিত্তবুদ্ধি—ওগুলো সবই ফাউ।”

অমিয়া তার পুঁথিপত্র জড় করিয়া পড়াশুনায় মন দিয়াছিল, কিন্তু মন সে আর ভাল করিয়া দিতে পারে নাই। বইএর খোলা পাতার পর পাতায় তার চোখের দৃষ্টি ভ্রমিয়া ফিরিলেও, মন তার আর সেদিক দিয়া পথ চলে না। কাজেই উহার তার দৃষ্টি-নীমাতেই আবদ্ধ থাকে, মাথার তিতর প্রবেশের কোন পথ পায় না। ঘণ্টার পর ঘণ্টা ধরিয়া বইখানা কোলের উপর মেলিয়া রাখিয়া চুপ করিয়া সে বসিয়া থাকে। কল্পনা তার উড়ন্ত মনকে লইয়া তখন কতই না খেলা করিয়া বেড়ায়। কখন একটা অচেনা অজানা গৃহের মধ্যে গৃহকর্ত্তীরূপে নিজেকে সে সম্পূর্ণ অজ্ঞাত এক পুরুষের পাশে কার্যরতরূপে কল্পনা করে, কোলে কখন একটা নবীর পুতলী শিশু; আবার বিপরীত দৃশ্য দর্শনে কখনও বা শিহরিয়া তার স্বপ্ন ভঙ্গ হইয়া যায়।

এক দিন হেমন্তের হিমম্মাত প্রভাতে ভোরের বেলাই অমিয়া জাগিয়া উঠিয়া তার খোলা জানালার মধ্য দিয়া বাহিরের দিকে চাহিয়া দেখিল। তার মনে হইল, সেদিনকার ভোরের পাখীর কণ্ঠে যেন কি এক নূতন সুর ধ্বনিত হইতেছিল। শিশিরে-ভেজা শেফালি ও কনক-চাঁপার মিশ্র সুরবাসেও যেন একটা নূতন গন্ধ পাওয়া যাইতেছিল। বাতাস-আলো সবই যেন নূতন নূতন। দূরে আকাশের গায়ে ছবি আঁকিয়া যে সব চির-পরিচিত বাড়ী-ঘর সে আজমকাল ধরিয়াই দেখিয়া আসিতেছে, সেগুলো শুদ্ধ যেন তার আজ নূতন ঠেকিল। কিসের যেন একটা অজ্ঞাত পুলকে মনটা তার সহসা সেই নূতন হাওয়ায় পাল তুলিয়া দিয়া কোন্ নবীন আনন্দের মাগরে ছুটিয়া বাহির হইয়া পড়িবার জন্ম যেন উন্মুখ হইয়া উঠিল। অকারণে তার ঘুম ভাঙ্গিয়া সর্বপ্রথম মনে হইল, আজ যেন তার জীবনে খুব বড়-রকমের একটা শুভ ঘটনা ঘটবে।

নিজেকে আগতপ্রায় মঙ্গল লাভের জন্ম সম্পূর্ণরূপে প্রস্তুত করিয়া লইয়া সে শয্যা ত্যাগ করিল। যেদিক দিয়া গেল, চার দিকেই চাহিয়া দেখিল, তার বোধ হইল, সকলেই যেন তাহাকে সানন্দ পুলকে সুপ্রভাত জানাইয়া দিতেছে। মনের সে বিপুলতর উচ্ছ্বাস ও পরিপূর্ণতা লইয়া সে যেন আপনাকে গোপন রাখিতে পারিতেছিল না। তাড়াতাড়ি আসিয়া ছোট ভাইবোনগুলিকে কোলে তুলিয়া, বুকে টানিয়া আদরে চুষনে ভরাইয়া দিল। মা বসিয়া তরকারি কুটিতেছিলেন, বালিকার মত ছুটিয়া আসিয়া পিছন হইতে তাঁকে জড়াইয়া ধরিল।

মা রাগ দেখাইয়া বলিয়া উঠিলেন—“দিন দিন তুই খুকি হচ্চিস না কি অমিয়া? এফনি ছুজনেই যে কেটে মরতুম!”

অমিয়া মার পিঠের উপর মুখ ঘষিতে ঘষিতে হাসিমুখে কঁহিল—“না মা, কিচ্ছু হতো না মা! লক্ষ্মীটা, আমার আজ বকো না।”

উমাশশী সশ্রিতমুখে মেয়ের মাথায় হাত দিয়া মেহপূর্ণ কণ্ঠে জিজ্ঞাসা করিলেন—“কেন রে, আজ তোর কি?”

মেয়ে মায়ের সেই মেহস্পর্শটুকুর তলায় নিজেকে সম্পূর্ণরূপে মেলিয়া দিয়া সুখোৎফুল্ল মুখে মৃগুকণ্ঠে উত্তর করিল—“কি জানি মা, কি! কিন্তু আজকে আমার বড় ভাল লাগে।”

সারা দিনটা যথাপূর্বই কাটিয়া গেল। অমিয়া দিনের প্রথমার্শটা হাসিয়া লাফাইয়া ছোটদের সঙ্গে খেলিয়া মায়ের কাজের সাহায্য করিয়া কাটাইয়া দিল। ভাইবোনদের স্নানের সময় ভাল করিয়া সাবান দিয়া স্নান করাইল, তাদের পোষাক পরানো, চুল আঁচড়ানো, ভাত খাওয়ানো, পড়া বলা সব কাজেই আজ সে তার যথাসাধ্য যত্ন লইয়া সমস্তই সুসম্পন্ন করিয়া তুলিল। তার পর যে যাহার কাজে স্কুলে কাছারীতে সবাই বাহির হইয়া গেলে, সেও আহারাদি সারিয়া একলা ঘরে বই খাতা লইয়া বসিয়া পড়িল।

অমিয়ার একখানি ছোট নীল-মলাট-দেওয়া নোটবুক ছিল। মধ্যে মধ্যে সে এইখানিতে গোপনে কবিতা লিখিত। আজ সেখানা খুলিয়া বসিয়া লিখিল—

আজিকে কি দিবে দেখা হে প্রিয় আমার !

এই যে আনন্দ ধরনি, এ কি তব আগমনী ?

তুমিই কি দে'ছ খুলে এ শোভা-ভাণ্ডার ?

পুলকে কম্পিত হিয়া, আছি পথে দাঁড়াইয়া,

সঁপিতে চরণে তব, হৃদি ফুলহার,—

আজিকে কি পাব দেখা হে প্রিয় আমার !

কবিতা লেখা শেষ হইল না,—চাকর আসিয়া খবর দিল, বাহিরে একটা ভদ্রলোক আসিয়া বাবুকে খুঁজিতেছিলেন,— বলিলেন, বাড়ীর ভিতর হইতে খবর লইয়া এস, কণ্টার সময় তিনি বাড়ী ফিরিবেন। বিশেষ প্রয়োজনীয় কার্য আছে।

অমিয়া বিস্মিত হইল। এমন সময়ে কে তার পিতাকে খুঁজিতে আসিল! নিশ্চয়ই কোন অজানা লোক হইবে। সে চাকরের মুখে উত্তর পাঠাইয়া দিয়া, নিজে উঠিয়া জানালার সামনে আসিয়া দাঁড়াইল। এখান হইতে বাড়ীর সামনেটা দেখা যায়। দাঁড়াইবামাত্র তার চোখে পড়িয়া গেল,—সদর দরজার কবাট ধরিয়া একটা ভদ্রলোক দাঁড়াইয়া উৎসুক নেত্রে এদিক ওদিক চাহিয়া দেখিতেছেন। সে দাঁড়াইবামাত্র তাহার উদ্ভোখিত ব্যগ্র দৃষ্টির সহিত তাহার সকৌতুক দৃষ্টি সন্মিলিত হইয়া গেল। অমনি লজ্জারক্ত মুখে সে ত্রস্তপদে সরিয়া আসিল।

সরিয়া আসিল বটে, কিন্তু চলিয়া গেল না। কি জানি কিসের ঝোঁকে সে তার স্বভাব-বহির্ভূত কার্য করিল। জানালার কবাট বন্ধ করিয়া দিয়া উহারই ফাঁকের ভিতর

হইতে সে সেই অপরিচিত আগন্তুককে লক্ষ্য করিয়া দেখিতে লাগিল; এবং দেখিতে গিয়াই তার মনে হইল—এমন রূপ সে পুরুষের মধ্যে আর কখন দেখে নাই!

বাস্তবিকই কি সেই অপরিচিত পুরুষ এতই সুরূপ? কিন্তু কোন মুহূর্ত্ত যে কাহার জন্ত দেখা দেয়, এবং কোন অজ্ঞাত কুহকী তার মোহনীয় কুহকের সম্মোহন-শক্তি প্রয়োগ করিয়া বইসে, কেহই জানে না। সেইক্ষেণে সমীপাগত যে কোন রূপকেই অপরূপ ও যে কোন সূদূরাবস্থিতকে নিকটতম আশ্রয়তম বলিয়া মনে হয়। সেই মোহের কাজল চোখে লাগান ছিল বলিয়াই সহসা ঐ অজ্ঞাত পুরুষকে দেখিয়াই অমিয়ার বোধ হইল, ঐ যে তাদের দ্বারে আসিয়া আজ ঐ অচেনা অতিথি দাঁড়াইয়াছে,—এ যেন কোন দূরদূরান্তর হইতে ছুটিয়া তাহারই সন্ধানে আসিয়াছে,—এ যেন শত জন্মজন্মান্তর ধরিয়া তাহারই প্রতীক্ষাকারী,—একমাত্র তাহারই। এই কথা মনে হইবামাত্র তার সমস্ত দেহ-মন যেন সেই ভোরের বেলায় পুলক-স্বপ্নিতে পুলকাক্ষিত হইয়া উঠিল। তার সমস্ত দেহ যেন সুখাবেশে শিথিল হইয়া আসিল। সে নিজেরও অজ্ঞাতে সেই অজানা অতিথির উদ্দেশে যুক্তকরে মনে মনে প্রণাম-নিবেদন জানাইল। মনে মনে বলিল— নিশ্চয়—নিশ্চয়ই তুমি আমার প্রতি দেবতার দান! আমি যে তাঁকে প্রাণপণে ডেকেছিলেম, তাই তিনি হয় ত আমার জন্ত তোমায় বেছে দিয়েছেন!

৬

আক্ষিপ হইতে ফিরিয়াই, সেই আক্ষিপের পোষাকেই ইন্দ্রনাথবাবু প্রায় ছুটিয়া বাড়ীর মধ্যে ঢুকিয়া ডাকিলেন— “ছোট-বোঁ! বলি শুনুচো?”

শুশুরবাড়ীতে উমাশশী ছোটবোঁ হইয়াই প্রবেশ করিয়াছিল। বড় মেজ জায়েরা স্বতন্ত্র থাকিলেও তার ছোট-বোঁ পদটা ঠিকই আছে।

উমাশশী রান্নাঘর হইতে সাড়া দিয়া বলিলেন—“এই যে আমি এখানে, কি বলচো?”

ইন্দ্রনাথ ব্যস্ত সমস্ত হইয়া আসিয়া বলিলেন—“যতীন এসে যে সারাদিন বাইরের ঘরে বসে রয়েছে, সে অমিয়াকে বিয়ে করতে চায়, নিজেই কনে দেখবে। শীগগির উঠে এসে মেয়ে সাজিয়ে দাও দেখি।—”

এই খবর শুনিয়াই ময়দা-মাখায় নিযুক্তা অমিয়ার মুখ

একবারে জবাফুলের মতন টুকটকে লাল হইয়া উঠিল। বৃকের ভিতরটা তার যেন কি একটা বিপুল উল্লাসের তরঙ্গে তালে তালে দোল খাইতে লাগিল। তবে তো তার ধারণায় ভ্রান্তি নাই! নিশ্চয়ই সে দেবতার দান!

উমাশশী কিন্তু এ সম্বাদে প্রমাদ গণিলেন। একে এখন কাজকর্মের সময়—তার উপর মেয়েও বড় সোজা নয়। কনে দেখা দিবার জন্ত কতই না তাকে ভালকথা মন্দকথা কহিয়া দেড় ছুঘণ্টা বুঝাইয়া সমজাইয়া তবে তো রাজী করিতে হইবে! সে কি অল্পে বশ হয়! কাঁদিয়া কাটিয়া মুখ চোখ ফুলাইয়া গন্তীর বিরক্ত মুখে কনে-দেখা দিতে গেলে, কেহ কি কোন জন্মে কনে পছন্দ করিতে পারে? এই জন্তই তো দেখিতে ভাল হইলেও তাকে কোন দিনই কেহ পছন্দ করিতে পারিবে না। মেয়ে বলে ‘আমি কি শাক না মাছ, যে, আমায় যে-সে এসে নেড়ে-চেড়ে দেখে যাবে!’ আরে বাপু, তুই এটা বুঝিস না যে, শাকমাছের চেয়েও তুই অধম,—তুই মেয়েমানুষ। মাছটা পচা হ'লে পয়সা ক'টাই জলে যায়, আবার একটা কেনা চলে; কিন্তু তোকে বদলাইয়া আর একটা কিনিতে গেলে তো একটু হাঙ্গামা পোহাইতে হইবে। আজকালের বাজারে আর আগের দিনের মতন সহজে সেটা হইবে না।

কিন্তু উমাশশীর বিস্ময় আজ সীমা অতিক্রম করিল। একবার মাত্র ডাক দিতেই নেহাৎ ভালমানুষটির মতন অমিয়া আস্তে আস্তে উঠিয়া আসিল; এবং মা যেমন ইচ্ছা মাজাইয়া দিলেও সে এতটুকু প্রতিবাদ পর্য্যন্ত করিল না। শুধু মা যখন জমকালো দেখিয়া নিজের একটা বেনারসী স্মুট বাহির করিয়া পরিতে বলিলেন, তখন সে নিতান্ত কুস্তিতভাবে মুছকণ্ঠে কহিয়া উঠিল, ‘ওটাতে বড় বড় দেখায় না মা! তার চেয়ে আমার বাসন্তী রংয়ের পাতলা মাদাজীটা পরবো?’

মা ঈষৎ বিস্মিত আনন্দে মেয়ের মুখের দিকে চাহিতেই, সে লজ্জায় আরক্ত হইয়া মুখ নত করিল। মা বলিলেন, “তা বটে! আচ্ছা, তা'হলে তাই পর।”

যতীন বলিয়া ইন্দ্রনাথ যাহার পরিচয় দিয়াছিলেন, সেটা ইন্দ্রনাথের বহুদিনের পাঞ্জাব-প্রবাসী বাল্যবন্ধু যোগীন্দ্রনাথের ছেলে। ইহার সে দেশেরই বাসিন্দা হইয়া গিয়াছে। কথাবার্তা কয়, তাহাতেও কিছু পাঞ্জাবী টান বোরা

যায়। ঘর-বাড়ী, বিষয়-সম্পত্তি সেইখানেই সব। শুধু বিবাহটাই বাংলার সহিত সম্বন্ধটাকে বজায় রাখিয়াছে। বাঙ্গালী এইটুকুই কেবল ছাড়িতে পারে না। যতীন বাপের মৃত্যুর পর তাঁর কাঠের গোলা চালাইতেছে। কণ্টাকটারীও সে করে, রোজগার মন্দ হয় না। বিষয়-আশয় বেশ আছে। রয়স তার আনুমানিক বছর ত্রিশ-বত্রিশ—এমনি হইবে। চেঁহারা বেশ জঙ্গী জোয়ানের মত। পাঞ্জাবী ধরণ কতকটা। গায়ের রং বেশ ফরসা, মুখের রং রোদে ঘোরার জন্ত কতকটা তামাটে হইয়া আসিলেও ফরসা বলিয়া বুঝিতে পারা যায়।

কলিকাতায় এক জায়গায় বিবাহের দিন স্থির পর্য্যন্ত হইয়া গিয়াছিল। পরের দ্বারায় কথাবার্তা হয়। বিবাহ করিতে আসিয়া দেখা গেল—মেয়ে নিতান্ত ছোট,—বড় জোর এগার বৎসর বয়স—তার চেয়ে অন্ততঃ কুড়ি বৎসরের ছোট। রাগ করিয়া বিয়ে ভাঙ্গিয়া এবার নিজেই সে কনে খুঁজিতে বাহির হইয়াছিল। দৈবক্রমে অমিয়ার সন্ধান পায় ও তৎক্ষণাৎ একাই এ বাড়ীতে চলিয়া আইসে। বাপের পুরাতন চিঠি-পত্রের ফাইলে ইন্দ্রনাথের চিঠি ও বাড়ীর ঠিকানা তার চোখে পড়িয়াছিল এবং মনেও ছিল,—ছেলেটির স্মরণশক্তি বেশ তীক্ষ্ণ, পড়াশুনাও মন্দ ছিল না। বি-এ অবধি পড়িয়াছিল,—কি জন্ত জানা নাই, পরীক্ষা না দিয়াই পড়া ছাড়িয়া দেয় এবং বাপের কারবারে ঢুকিয়া পড়ে।

কনে দেখা হইয়া গেল। কনে অপছন্দের মতন নয়, অপছন্দ হইলও না। ছ'একটা কথাবার্তা জিজ্ঞাসা করিয়াই যতীন ইন্দ্রনাথের দিকে চাহিয়া বলিল—“ওঁকে ভেতরে যেতে বলুন,—এইবারে আপনাকে ছ'একটা কথা বলে আমি আজকের মতন উঠবো।”

অমিয়া এই অবসরে একবার চুরি করিয়া চকিত চক্ষে তাহার ঈষ্টাকে দর্শন করিয়া লইল এবং আস্তে আস্তে উঠিয়া চলিয়া গেল। অন্তরালে মা দাঁড়াইয়া ছিলেন, সেইখানে আসিয়া মার বাহুতে মুখ লুকাইল। মনটা তার আনন্দে, লজ্জায় এমনি বিহ্বল হইয়া পড়িয়াছিল যে, মায়ের সামনে সহজ ভাবে দাঁড়াইতে পারিতেছিল না। মা কিন্তু তার এই মুখ লুকানোর সত্য অর্থটাকে না বুঝিয়া বরং বিপরীতই অনুমান করিয়াছিলেন। ঈষৎ বিরক্তি-মিশ্রিত কণ্ঠে অথচ অস্তুর অশ্রাব্য চাপা স্বরে তিনি কহিয়া উঠিলেন—“অমন করে

রৈলি যে! কেন—খাসা দেখতে তো, তোর কি মনে ধরলো না না কি? কি চাস তুই?”

অমিয়া লজ্জায় জড়াইয়া মায়ের গায়ের মধ্যে আরও ঠেসিয়া গিয়া মুহূর্তর কণ্ঠে কোনমতে জবাব দিল—“কে বলছে মন্দ?”

“তবে আবার কি? দেখতে ভাল, পয়সা আছে, বয়সও তেমন কিছু বেশি নয়। দেখ, মিথ্যে কোন মতবাদ তুলে বসো না যেন! যদি ও তোমায় পছন্দ করে থাকে, তুমি তাই যথেষ্ট মনে করো।”

অমিয়া মার মুখের দিকে বারেক চাহিয়াই নত চক্ষে হ্রিস্বরে কহিয়া উঠিল—“আমি কি বলেছি—আমার পছন্দ হয়নি। তুমি আমাকে কি যে মনে কর।”

বলিয়াই সে তাড়াতাড়ি পলাইয়া গেল। উমাশশীর মুখ এই কথায় প্রসন্ন হইয়া উঠিল। তিনি মনে মনে একটুখানি সেকৌতুক হাসি হাসিলেন,—এই না মেয়ে বলতেন যে, বিয়ে করবেন না! যাক—বাঁচা গেল!

৭

অমিয়ার বিবাহের কথাবার্তা পাকা হইয়া গেল। বর যতীন জানাইল যে, বিবাহ করিয়াই সে তার স্ত্রীকে লইয়া লাহোরে চলিয়া যাইবে। এই প্রস্তাবটাতে ইন্দ্রনাথ বাবুর মনটা কিছু দমিয়া গিয়াছিল। তাঁর মনে হইল—হয়ত উমাশশী এবং অমিয়া নিজেও এটা পছন্দ করিবে না। এত শীঘ্র বহুদিনের জন্ত বহুদূরে আত্মীয়-স্বজনকে ছাড়িয়া চলিয়া যাওয়া বাঙ্গালীর মেয়ের পক্ষে স্বকঠিন,—তা যতই কেন সে বড় হোক না, আর যত লেখা পড়াই শিখুক।

কিন্তু অমিয়াকে যখন তিনি নিজে অনেক করিয়া বুঝাইয়া আস্তে আস্তে খবরটা দিলেন, তখন সে চুপ করিয়া রহিল, ভালমন্দ কোন জবাব করিল না। ইহা দেখিয়া ইন্দ্রনাথ বাবু ঈষৎ আশ্বস্ত হইয়া জিজ্ঞাসা করিলেন—“তোমার এতে কোন আপত্তি আছে?”

তখন ক্ষণকাল মাত্র নীরব থাকিয়া অমিয়া আস্তে আস্তে ঘাড় নাড়িয়া জানাইল—না।

ইন্দ্রনাথ বিস্মিত হইলেও খুসী হইলেন। উমাশশী অসন্তুষ্ট না হইলেও অন্তরের মধ্যে হয়ত একটুখানি আহত হইলেন, এবং বলিলেন—“মেয়ে পরের জন্তেই হয় যে বলে, তা’ ঠিক!”

বাড়ীতে বিবাহের আয়োজন আরম্ভ হইল। সময় খুব কম—একমাসও নয়। ইহার ভিতর সবই তো করিতে হইবে। সেমিজ, পেটিকোট, ব্লাউস, জ্যাকেট, বডি—সবই মায়ে ও মেয়েতে দিন-রাত কল চালাইয়া তৈরি করিতে লাগিয়া গেল। বর-নগদ ও দান-সামগ্রী কিছুই লইবে না—শুধু সামান্য বরাভরণ ও মেয়ের যা কিছু। উমাশশী তাই মেয়ের জন্ত কাপড় জামাটাই বেশি করিয়া করিতে লাগিলেন। গহনা পাঁচসাতখানি একটু কায়েমী দেখিয়া গড়াইতে দেওয়া হইল। যতীন নিজে যাহা দিবে, তাহার একটা ফর্দ দিয়াছিল। দেখা গেল, তাহাতে কান রতনচূর পর্যন্ত সীঁথিপাটা ফুলঝুমকা সবই মজুদ আছে। সেগুলি তার মায়ের গায়ের গহনা। যতীন মায়ের এক সন্তান, তাই সবই তিনি যতীনের বউকে দিয়া গিয়াছেন।

মা বলিলেন—“গহনার তো গাদা আছে দেখছি। তবে ও-সব সেকলে হয়ে গ্যাছে, কেউ আর পরে না। তা’ এর পর সব নুতন করে গড়িয়ে নিস।”

পাকা-দেখায় যতীন কনেকে একটা মুক্তার মালা পাঠাইয়া দিল। প্রতিবেশিনীরা জিনিষ যাচাই করিয়া মন্তব্য করিলেন—“হ্যাঁ, পছন্দ ভাল! তা’ জিনিসটারও দাম আছে। হাজার দুইএর কমে আর হয়নি।”

কেহ নাসিকা কুঞ্চিত করিয়া বলিয়া উঠিলেন—“অত হবে না, হাজারখানেক হয়ত ঢের!”

উমাশশী এক দিন স্বামীকে বলিলেন—“দেখ, অমিয়া একটা কথা বলছিল,—সে বলে, অত দূরের লোক, এত বয়স অবধি বিয়ে করেনি, স্বভাবচরিত্র ভাল তো? ভাল করে একটু খবর নিলে হতো না।”

ইন্দ্রনাথ হাসিয়া উঠিলেন। হাসিতে হাসিতে জবাব দিলেন—“বিছরী হয়ে মেয়ে বাপের ভুলগুলো তবু ধরে দিচ্ছে! ওরে বাপু, তা কি আর আমি নিই নি? কলকাতায় যেখানে ও আছে, তার কাছেই নগেন ঘোষের বাড়ী। তিনি লাহোরে তিনবছর ছিলেন, ওদের খুব ভাল করেই জানেন। তিনি বলেন—মেয়ের ভাগ্যে থাকলেই এমন বরে পড়বে।”

উমাশশী নিজে নিশ্চিত হইয়া মেয়েকেও খবরটা দিলেন, ইহা শুনিয়া অমিয়ার অত্যন্ত লজ্জা বোধ হইল। বাবা মা তাকে কি বেহায়্যাই না ভাবিলেন। দেবতার দানকে, সে এমনি অবিশ্বাসী যে, এত করিয়া যাচাই করিতেছে! নাঃ,

এ লোক কখনই মন্দ হইতে পারে না। ভগবান নিজেই যে আগে হইতে জানাইয়া ইহাকে তার জন্ত পাঠাইয়া দিয়াছেন।

বিবাহ নির্বিঘ্নে সুলক্ষণ হইয়া গেল। বিবাহ-রাত্রি বর, পুরোহিত, নাপিত এবং পূর্বপরিচিত নগেন ঘোষের বাড়ীর লোকেরা বরযাত্র আসিয়াছিল। বিবাহে সকল রকমেই খরচপত্র কম করিতে হওয়ায়, ইন্দ্রনাথ তাঁর নব জামাতার উপরে অত্যধিক পরিমাণেই সন্তুষ্ট হইয়া উঠিয়াছিলেন। একে ত নিজে যাচিয়া আসিয়া বিবাহ করিল,—তার উপর খরচপত্রও বেশি করিতে হইল না,—আবার বরযাত্রীর উপদ্রবও সহ্য করিতে হইল না! নাঃ—নমিতা ও সমিতাকেও দু’একটা পাশ করাইয়া রাখিতে হইবে।

বিবাহরাত্রিই কুশপ্তিকা শেষ করিয়া বর-কনে বাসর ঘরে গেল। বর বধুকে যে লজ্জাবস্ত্র প্রদান করিলেন, সেখানা দেখিয়া বাসরঘরে অনেক মেয়েই বিস্ময়ে নির্বাক হইয়া রহিলেন। আইবুড় ভাতে একখানা সোনার তারের শাড়ী—তা যেন না হয় পাইল। কিন্তু লজ্জাবস্ত্র আবার রূপার তারের শাড়ী-জ্যাকেট দিয়া কে দেয়? নাঃ—জামাইএর হাতটা আছে! তা’ হবে না কেন? কণ্টাক্তিরের আমাপা পয়সা!

অমিয়ার হাত যখন তার বাপ যতীনের হাতে তুলিয়া দিলেন, তখন গভীর স্নেহে তার সারা দেহ যেন শিথিল হইয়া আসিল।

বাসরঘরে যতীনকে অনেকেই গান গাহিতে বলিলে, যতীন একজনের দিকে চাহিয়া জিজ্ঞাসা করিল—“আপনাদের বিদূষী কনে নিশ্চয়ই গাইতে পারেন,—তিনিই একটা গেয়ে শোনান্ না অল্পগ্রহ করে।”

জিজ্ঞাসিতা এবং তাহার সঙ্গে যোগ দিয়া আরও জন-কয়েক মহিলা হাসিয়া উঠিয়া জবাব দিলেন—“সে ভাই তুমি নিজেই বলে-কয়ে শুনে নিও, আমরা তো ওর গলা থেকে এতটুকু হুঁহু পর্যন্ত কোন দিনই শুনতে পাই নি। এখন তুমি নিজেই একটা গাও দেখি।”

যতীন বিস্তর আপত্তি করিল বটে, কিন্তু শেষটার একটা গজল্ গাহিল। গানটা যদিচ কাহারও বোধগম্য হইল না, এবং মুখভঙ্গী ও হাত পা নাড়ার ধরণে মেয়ে-মহলে একটা হাস্যরসের উদ্বেগ করিল, তবু অমিয়ার মনে হইল—কেন, মন্দটা কি? বেশ ত ওস্তাদী গান।

অমিয়ার সখীদের মধ্যে দু’একজন ঠাট্টা করিয়া বলিল—“মা গো! যেমন কাটখোটার দেশের মানুষ—তেমনি কি বিতিকিচ্ছি গান শিখেছ! যেন ড্রিল মাস্টারের-ড্রিল করান,—গান গাওয়া ত নয়!”

অমিয়া মনে মনে সখীর উপর একটু বিরক্তি বোধ করিল। “মা গো! মুখের উপর কি অমন করিয়াই নিন্দা করিতে হয়! ওঁর বর তো তবু একেবারেই আনাড়ী!—

বিবাহের পরদিন পাঞ্জাব মেলে বর-কনে রাওলপিণ্ডি যাত্রা করিবে। এইবার অমিয়ার বিবাহের প্রচুর আনন্দ বিচ্ছেদের গভীরতর বেদনায় কোণায় যেন ঢাকা পড়িয়া আসিতেছিল। সকালে উঠিয়াই সে মায়ের কোলের উপর পড়িয়া খুব খানিক ফুলিয়া ফুলিয়া কাঁদিল। ছোট ভাই-বোন-গুলিও তাহাকে ঘেরিয়া যত কাঁদে, সেও তাদের কোলে করিয়া বুকে টানিয়া ততই কাঁদিয়া ভাসায়। বাপ-মা, প্রতিবেশী বুঝাইয়া কান্না থামাইতে পারে না।

বিকালের ডাকে অমিয়ার নামে একখানা চিঠি আসিল। সে সময় সে তার স্বামীর সহিত যাত্রা করিবার জন্ত কতাসজ্জা করিতেছিল। বরের ইচ্ছানুসারে তাহাকে বিবাহের দামী বেনারসীর বদলে একখানি হাক্কা দেখিয়া লাল শাড়ী পরাইয়া দেওয়া হইয়াছিল। গহনা গায়ে সামান্যই দেওয়া হইয়াছিল। কনের চিহ্নের মধ্যে লাল ওড়নার সঙ্গে বাঁধা বরের চাদরখানা গায়ে জড়ানো রহিল; আর কপালে চন্দন না পরাইয়া মায়ের মন সরিল না। বর-সাদাসিদা পোষাক—এমন কি, সাহেবী পোষাক পরিয়া প্রস্তুত হইল। ইহাতে উমাশশীর মনটা একটু ক্ষুণ্ণ হইলেও মুখে তিনি কোন আপত্তি তুলিলেন না। আর পাঁচজনে একটু নিন্দা করিল এবং বলিল—“কনেকেই বা আর আলতা দেওয়া কেন, পায়ে মোজা জুতো দিলেই হতো।”

সাজ শেষ করিতেই কত্যা-বিদায়ের পালা পড়িল। ইহারই ভিতরে অমিয়া তাড়াতাড়ি করিয়া চিঠিখানা খুলিয়া ফেলিল এবং পড়িতে আরম্ভ করিল। চিঠিখানার খানিকটা পড়িয়াই তার মুখখানা হঠাৎ সাদা ফ্যাকাসে হইয়া গেল; এবং সে একটা গভীর দীর্ঘশ্বাস ফেলিয়া ব্যগ্র-আগ্রহে সেখানা শেষ করিয়াই, সেটা ক্রমালে বাঁধিয়া জ্যাকেটের বুকের মধ্যে ফেলিয়া রাখিল। সময় উত্তীর্ণ হইয়া যাইতেছে বলিয়া তখন তাহাকে সকলেই ব্যস্ত হইয়া ডাকাডাকি বাধাইয়া দিল।

মা বাপ চোখের জলে ভাসিয়া বুকের হাতে মেয়ে সঁপিয়া দিলেন। উমাশশীর চোখের জলে ছুজনের হাত ভিজিয়া গেল, কিন্তু অমিয়ার চোখে একফোঁটা জলও আর দেখা দিল না। সে শুকনো মনে মা-বাপের পায়ের ধূলা মাঁথায় লইয়া যন্ত্রচালিতের মত নিঃশব্দে আসিয়া গাড়িতে বরের পাশে উঠিয়া বসিল। ভাই-বোনগুলি কাছে আসিয়া কাঁদিতে লাগিল,—সে তাদের দিকে একবার চাহিয়া পর্য্যন্ত দেখিল না। যেন এই কোথায় একটুখানি বেড়াইয়াই আবার একফনি ফিরিয়া আসিবে—তার ভাব দেখিয়া এই রকমই মনে হইতে লাগিল।

অনেকেই মনে করিল—“ধেড়ে মেয়ে করে ঘরে রাখা,—বর পেয়ে বর্তে গেছে। মা গো! কত দিনের মত অত দূরে চলো—তার মনে এতটুকু কষ্টও কি নেই! খুব মেয়ে দেখলুম বাবু,—অমিয়া!”

গাড়ি চলিতে আরম্ভ করিতেই যতীন একটা শ্বাসগ্রহণ পূর্বক আপন মনেই বলিয়া উঠিল—“যাক বাঁচা গেল!”

অমনি অমিয়া চমকিত হইয়া তার দিকে সতর্ক চাহিয়া দেখিল। হঠাৎ তার মনে হইল, এই লোককে তার অত সুন্দর মনে হইয়াছিল কেমন করিয়া? সৌন্দর্য্য এর কোনখানটায় আছে? যশোমার্কার মতন চেহারা, গস্তীর মুখ, আর এই যে কথাটা সে বলিল, এর মানে এই যে, নির্ঝিলে এ বিবাহ হইয়া উঠিবে, এ রকম আশাও হয় ত তার মনে ছিল না!

অমিয়ার বুক ঠেলিয়া একটা আর্ন্ত চীৎকার যেন সবেগে তার গলা চিরিয়া বাহির হইবার জন্ত তার সঙ্গে ধস্তাধস্তি করিতে লাগিল। প্রাণপণে সেটাকে দমন করিতে করিতে সে ক্ষণপূর্বের বৃষ্টি দ্বারা কর্দমাক্ত রাজপথের উপরে তার চোখ দুইটাকে নিবন্ধ করিয়া রাখিল। যে তাহাকে প্রবল প্রবঞ্চনা দ্বারা জন্মের মতই মারিয়া ফেলিয়াছে, তাহার কাপড়ের অংশটুকু পর্য্যন্ত সে যেন দেখিতে পারিতেছিল না।

শেষনে আসিয়া গাড়ি থামিতেই টক্ করিয়া যতীন নামিয়া দাঁড়াইয়া স্ত্রীর দিকে হাত বাড়াইয়া দিল,—এই সম্ভাষণে—“এস অমি,—নেমে এস—”

“অমিয়ার শরীরের মধ্যে যেন একটা প্রবল বৈদ্যুতিক

ক্রিয়া ঘটয়া গেল। সে সেইখানে আবদ্ধ হইয়া থাকিয়া শুধু দৃঢ় স্বরে কহিল—“বড় ভিড় যে।”

যতীন কহিল—“তবে তুমি বসো, আমি লাগেজগুলো রেখে আসি, আর দেখে আসি রিজার্ভ দিয়েছে কি না।” এই বলিয়া সে কুলির সাহায্যে মালপত্র লইয়া প্লাটফর্মের ভিতর দিকে চলিয়া গেল।

পাঞ্জাব মেল দাঁড়াইয়া আছে, সেকেণ্ডক্লাশ কামরায় দুখানা বার্থ রিজার্ভ দেওয়া রহিয়াছে। যতীন তাড়াতাড়ি ফিরিয়া আসিয়া ডাক দিল—“এস অমিয়া!”

গাড়ির ভিতর কেহই নাই! কোচম্যান ভাড়ার জন্ত দাঁড়াইয়া রহিয়াছে। যতীন তাহাকে জিজ্ঞাসা করিল—“কই, মাইজী কাঁহা?”

কোচম্যান উত্তর দিল—“মাইজী তো আপকা পিছাড়ি চলা গিয়া মা।”

যতীন মনে করিল, একলা থাকিতে ভয় পাইয়া অমিয়া তাহার সঙ্গেই গিয়াছিল,—ভিড়ের মধ্যে সে অত লক্ষ্য করে নাই। গাড়িওয়ালার ভাড়া চুকাইয়া দিয়া সে ভিতরে চলিয়া গেল, এমন কি, সেই বার্থ-রিজার্ভ-করা কামরায় ঢুকিয়া পর্য্যন্ত খুঁজিয়া আসিল; কিন্তু অমিয়ার কোন অস্তিত্বই কোথাও খুঁজিয়া পাইল না। বিস্মিত যতীন হতবুদ্ধি হইয়া গেলেও, তৎক্ষণাৎ চারিদিকে ছুটিয়া তার হারানো জিনিষ খুঁজিতে আরম্ভ করিল। পাঞ্জাব মেল ছাড়িবার আর বেশি বিলম্ব নাই।

লম্বা গাড়িখানার প্রত্যেক কামরায় উকি বুঁকি মারিয়া সমস্ত প্লাটফর্ম তন্ন তন্ন করিয়া কোথায়ও অমিয়াকে পাওয়া গেল না। তখন যোর দুশ্চিন্তায় অধীর হইয়া যতীন গাড়ি হইতে তাদের মাল নামাইয়া লইল এবং পুলিশের সাহায্য গ্রহণ করিতে উত্তত হইল। তার বিশ্বাস হইল, কোন দুর্ভাগ্য লোক নিশ্চয়ই তাহাকে কোনরূপে সরাইয়া ফেলিয়াছে।

একটা কুলি হঠাৎ তাহাকে জিজ্ঞাসা করিল—“কি রকম মেয়েমানুষকে আপনি খুঁজছেন বলুন দেখি? একটা রাজা-শাভী-পর্য্যন্ত কনে-বউ একটা ভাড়াটে গাড়িতে উঠে হুগলী যেতে বলে দিলে আমি দেখেছি।”

প্রশ্ন করিয়া করিয়া যতীন বুঝল, সেই কনে-বউটাই তার স্ত্রী অমিয়া। কিন্তু এ কি প্রহেলিকা! হঠাৎ অমিয়া এমন অদ্ভুত ভাবে তাহাকে ছাড়িয়া লুকাইয়া পলাইয়াই বা

যাইবে কেন? ইহার কারণ কি? হয়ত বাড়ীর লোকদের ছাড়িয়া আসিয়া তাদের জন্ত মন অত্যন্ত ব্যাকুল হইয়া উঠিয়া তাহাকে এই দুঃসাহসিক কর্মে প্রবৃত্ত করিয়াছে। মনে মনে যৎপরোনাস্তি বিরক্তি বোধ করিতে থাকিলেও যতীনের সেই সন্তুর্নীড়ন্তা বিরহ-বিধুরা কিশোরীর প্রতি একটু করুণাও যে মনের মধ্যে না জাগিল, তাহা নহে। সে মনে মনে বলিল, হয়ত ওরা ওর ইচ্ছার বিরুদ্ধে জোর করেই পাঠাচ্ছিলেন, তা না করে আমরা বল্লই হতো। তবে আমি তো এ কথা আগেই বলেছিলাম! অনর্থক হয়রান, কতকগুলো টাকারও শ্রাদ্দ।

হুগলী যাওয়ার কথা শুনিলেও সে সেটা খেয়াল না করিয়া চুঁচুড়ায় নিজের পিত্রালয়েই অমিয়ার ফিরিয়া যাওয়া সম্বন্ধে স্থির-নিশ্চয় করিয়া সেইখানেই প্রত্যাবর্তন করিল।

৮

বর-কনে বিদায়ের পরই আত্মীয়-কুটুম্বগণ প্রায় সকলেই যে বার ঘরে ফিরিয়া গিয়াছেন। কেবল উমাশশীর বড় ভাজ ও ইন্দ্রনাথের ভগিনী উমাশশীর কান্নার গলিয়া বাড়ার বাহির হইতে পারেন নাই। মেয়ে পাঠাইয়া দিয়া উমাশশী বড় বেশি রকমই কাঁদাকাটা করিতেছিলেন।

ইন্দ্রনাথেরও মনটা ভাল ছিল না,—বাহিরের ঘরে চুপটা করিয়া বসিয়া থাকা ভাল লাগিতেছিল না,—উপরে যাইবেন বলিয়া উঠিতে উত্তত হইয়াছেন, এমন সময় একখানা গাড়ি দাঁড়াইবার শব্দ হইল ও একটু ক্ষণমাত্র পরেই ঘরে আসিয়া ঢুকিল যতীন।

“এ কি—তুমি! ফিরে এলে যে?”—বলিয়াই ইন্দ্রনাথ কিছু ভীত বিস্মিত চমকিত ভাবে ইতস্ততঃ চাহিয়া দেখিলেন—অমিয়ার কি কোন অসুখ করিল না কি?

যতীন জিজ্ঞাসা করিল—“অমিয়া এখানে ফিরে এসেছে?” ইন্দ্রনাথের মুখ সাদা হইয়া গেল—“অমিয়া এখানে ফিরে আসবে? এ কথার মানে কি যতীন?”

যতীনকে এইবার একটু বিপন্ন দেখাইল। সে উত্তর করিল—“যদি সে এখানে না এসে থাকে, তাহলে এর মানে যে কি, তা আমি নিজেও তো কিছু বুঝতে পারছি না।”

ইন্দ্রনাথবাবুকে ভূতাহতের মতই দেখাইল। তিনি শ্বশুর করিয়া কাঁপিয়া একখানা চেয়ারের উপর ধুপ করিয়া বসিয়া পড়িয়া আর্ন্তভাবে কহিয়া উঠিলেন—“কি হলো কি,

কেন তুমি তাকে একলা ফেলে চলে এলে? কোথায় গেল সে? ও যতীন! কি করলে তুমি তাকে?”

যতীন যতটুকু জানিত, সেইটুকুই সে বলিল। শুনিয়া ইন্দ্রনাথবাবু যেন ঝড়ে-ভাঙ্গা গাছের মতই হেলিয়া পড়িলেন।

“তাহলে কি হবে! কি করি এখন?”

যতীন শ্বশুরের মত অধীরতা দেখাইল না, সে স্থিরভাবে কহিল—“আপনি একবার ঠুকে ডাকুন দিকি, মা হয়ত এর কোন কারণ খুঁজে পেতে পারেন।”

তাহাই হইল। কিন্তু উমাশশী ব্যাপার শুনিয়া স্বরূপ অধীর হইয়া পড়িলেন, তাহাতে তাঁহার নিকট হইতে সাহায্য পাওয়া দায় হইল। তিনি কাঁদিতে কাঁদিতে বলিলেন—“হয়ত তাকে চোরে ডাকাতে মন্দ লোকে ধরে নিয়ে গিয়ে এতক্ষণে মেরেই ফেলে! কি বলে তুমি তাকে অমন করে একলা ছেড়ে চলে গ্যালে। কেন মরতে আমি সঙ্গে লোক দিলুম না!”

স্বামীকে বলিলেন—“তোমারই বা কি আক্কেল যে বিয়ের কনে নিয়ে যাচ্ছে, তুলে দিতে সঙ্গে গেলে না বা একটা চাকর পাঠালে না,—হ্যাঁগা, সে ওয়েটিংরুমে বসে নেই ত?”

যতীন ষাড় নাড়িল। তার পর বলিল—“না—সে আমি সব দেখেছি। তাছাড়া কুলি যে তাকে গাড়ি ভাড়া করে হুগলীর দিকে আসতে দেখেছে।”

উমাশশী কাঁদিয়া বলিলেন—“ঐ কুলিই যে ডাকাতদের কেউ নয়, তাই বা তোমায় কে বল্ল? সে কি না সেই মেয়ে যে নিজে গাড়ি ভাড়া করে চুপি চুপি পালিয়ে আসবে।”

ইন্দ্রনাথবাবু চিন্তাগস্তীর মুখে মন্তব্য করিলেন—“তাও অসম্ভব নয়। আজকাল তো কত রকমই শোনা যায়।”

উমাশশী কাঁদিতে কাঁদিতে জামাইকে প্রশ্ন করিলেন—“আচ্ছা সেই কুলিটা কি মুসলমান? ওরে অমিয়া মা রে! ওরে তোর কি দুর্দশা হলো রে মা—” বলিয়া তিনি চীৎকার করিয়া কাঁদিয়া উঠিবার উপক্রম করিতেই, ইন্দ্রনাথবাবু তাহাকে একটা ধমক দিয়া উঠিলেন,—“করচো কি! একফনি লোক জড় হয়ে যাবে যে!”

এই সময়ে যতীন কিছু কুণ্ঠিত ভাবে জিজ্ঞাসা করিল—“আমি একটা কথা জিজ্ঞাসা করি—আপনারা কি তাকে তার অমতে জোর করে বিয়ে দিয়েছিলেন? আমরা কি তার পছন্দ হয় নি?”

ইন্দ্রনাথ কি উত্তর দিতে গেলেন, তাহার পূর্বেই উমাশশী কান্না থামাইয়া সবগে বলিয়া উঠিলেন—“এ কথা তুমি কেন মনে করচো যতীন! তোমায় স্নেহ খুব খুসী হয়েই বিয়ে করেছিল। বরং অনেক দূরে নিয়ে যাবে বলে আমরা ইতস্ততঃ করেছিলুম,—তোমার শশুর নিজেই ওকে জিজ্ঞাসা করেছিলেন যে, ‘তোমার কি কোন আপত্তি আছে?’ তাতে দিব্যি হাসিমুখেই ও জবাব দেয় যে, ‘না—না—না’। সে তুমি ভেবো না, তোমায় ওর খুবই পছন্দ হয়েছিল। আহা, মায়ের আমার মুখে আনন্দ যেন খেলা করে বেড়াচ্ছিল। তোমায় দেখবার আগে বরং যত সম্বন্ধ এসেছে, বিয়ে করবো না বলে হাঙ্গামা করতো।”

যতীন এতক্ষণের পর এইবার একটু অধীরতা প্রকাশ করিয়া উচ্চকণ্ঠে কহিয়া উঠিল—“তাহলে, ব্যাপারটা যে কি ঘটলো, আমি যদি এর একটুও কিছু বুঝতে পারিচি! হয়ত এর মাঝখানে আর কেউ—আর কোন লোক—”

ইন্দ্রনাথবাবু রোষ-গভীর স্বরে বাধা দিলেন—“আমার ফুলের মতন পবিত্র মেয়ের সম্বন্ধে ও ভাবে কথা বলা না যতীন! সে আমার দেবতার মতন শুদ্ধ,—”

উমাশশী অক্ষুটস্বরে পুনশ্চ কাদিয়া উঠিলেন—“ওরে মা আমার! কেন তোকে আমি বিয়ে দিলুম; কোথায় গেলি আমার মা?”

যতীননাথ ফাঁপরে পড়িয়া নত-মস্তকে স্তব্ধ হইয়া দাঁড়াইয়া তাঁর এক দিনের সম্পর্কে সম্পর্কিত শশুর-শাশুড়ীর রাগ হুঃখ নীরবে সহ্য করিতে লাগিল। ব্যাপারটা যা দাঁড়াইয়াছে,—তাহাতে নিরপরাধেও তাহাকেই যেন অপরাধী হইতে হইয়াছিল।

এই সময় বাহিরে বাইসিকেলের ঘণ্টা বাজিয়া উঠিল, ও টেলিগ্রাফ পিয়ন ডাকিয়া বলিল—“তার ছায়।”

ঘরের মধ্যকার কয়জনেই চমকিয়া উঠিলেন ও যতীনই প্রথম সচেতন হইয়া উঠিয়া দ্রুতপদে বাহিরে গিয়া সেই দিয়া টেলিগ্রামটা লইয়া আসিল। ইন্দ্রনাথবাবুর নামেই সেটা আসিয়াছিল। সে তাঁহার হাতেই উহা প্রদান করিল।

ইন্দ্রনাথবাবু কম্পিত হস্তে খাম ছিঁড়িয়া সেটা পাঠ করিলেন। উমাশশী চোখ মুছিতে মুছিতে অধীর কণ্ঠে কহিয়া উঠিলেন—“কোথাকার তার? কে কি লিখেছে?”

অমিয়ার কোন খবর এলো কি? কোথায় আছে সে? পড়ো না কি লিখলে?”

“তুমি একটু থামলে তবে তো পড়বো” বলিয়া ক্রোধভরে ইন্দ্রনাথবাবু ক্ষণকাল স্তব্ধ থাকিয়া বিরক্তি-কঠিন স্বরে পড়িতে লাগিলেন—

“Have received information about J's character and past life. I am upset. Don't be anxious about me.”

যতীননাথ সবগে বলিয়া উঠিল—“আমার চরিত্র ও গত জীবন সম্বন্ধে সংবাদ পেয়ে! কেন? আমার চরিত্রের কি অপরাধটা হলো? কি আমি করলুম?”

উমাশশী কহিয়া উঠিলেন—“নিশ্চয়ই সে পাগল হয়ে গাছে!”

ইন্দ্রনাথবাবু টেলিগ্রামখানা চার-টুকরা করিয়া ছিঁড়িয়া, টুকরাগুলোকে পাকাইয়া ফেলিয়া দিয়া, ঘরটার এদিক হইতে ওদিক পর্যন্ত পাইচারী করিয়া আসিলেন ও তার পর স্ত্রীর সামনে আসিয়া মুখ খিঁচাইয়া—“কেমন! মেয়েদের আর লেখাপড়া শেখাবে?—পাশ করাবে না?—ভীষণ স্বরে এই কথাটা বলিয়াই আবার ঘরটার আর এক মুড়ায় চলিয়া গেলেন। এর চেয়ে বেশি কোন কথা বলিবার মত শক্তি তাঁর মধ্যে তখন ছিল না।

উমাশশী বলিলেন—“তারটা কোথা থেকে করেছে? নৈহাটা থেকে? তাহলে যতীন! এফনি তুমি একবার বাবা! নৈহাটাতেই না হয় চলে যাও,—সেখানে গেলে নিশ্চয়ই একটা কোন সন্ধান টুকান পাওয়া যেতে পারবে,—আর তাহলে—”

ক্রোধে ক্ষোভে ও বিরক্তিতে অধীর-প্রায় হইয়া উঠিয়া জামাতা যতীন শাশুড়ীর এই সংযুক্তির বিরুদ্ধে নিতান্ত রুচবাক্যেই প্রতিবাদ করিয়া উঠিল—“আমি যাব না, আমি আপনাদের মেয়ের সম্বন্ধে কোন কথাতেই আর থাকতে চাই নে,—তাকে বিয়ে করে আমার যথেষ্ট সুনাম বেরিয়েছে,—আমি চল্লুম!”

জামাইএর মুখ হইতে এই কথা শুনিবামাত্র উমাশশীর সমস্ত হুঃখ চিন্তা ও ভয় অস্ত্র আর একটা আকার প্রাপ্ত হইয়া প্রচুরতর আশঙ্কা ও লজ্জার সহিত মিশ্রিত হইয়া তাঁহাকে উত্তেজিত করিয়া তুলিল। তিনি তৎক্ষণাৎ কাতর মিনতির

সহিত সাতকে কহিয়া উঠিলেন—“অমন কথা বলা না যতীন! সে তোমায় প্রথম দেখেই মনে মনে তোমায় পছন্দ করেছিল; তুমিও তাকে দেখে শুনেই বিয়ে করেছ। নিশ্চয়ই কোন মন্দ লোক এর ভেতরে এসে দাঁড়িয়েছে,—হয়ত তোমাদের বেকবাব আগের সেই চিঠিখানাতেই এই খবর সে পেয়েছে। নিশ্চয়ই তাই! সেই জন্তেই যাবার সময় সে যেন কেমন একরকম হয়ে গেছিলো! তার চোখে এক ফোঁটা জল ছিল না। এখন আমি বুঝতে পারছি—সেই চিঠিই এই কাজ তাকে করিয়েছে।”

এই বলিয়া স্বামীর দিকে ফিরিলেন—“হ্যাঁ গা, তুমি তো জানো, মন্দ স্বভাবের উপর তার কি বিষম ঘৃণা! বিয়ের আগে সে আমাদের কতবার করেই এই কথা বলেছিল!”

ইন্দ্রনাথবাবুর মনের মধ্যে তখন ক্রোধ লজ্জায় বিমিশ্র যে বিচিত্র ভাব বর্তমান, স্ত্রীর এই সাক্ষী মানাতে তাহাতে যেন স্ফুলিঙ্গ সংযুক্ত হইল! তিনি বাকুদের স্তূপের মতই ফাটিয়া পড়ার ভাবে তাহার দিকে ফিরিলেন—“গোল্লায় যাও তুমি, আর গোল্লায় যাক তোমার সেই পিউরিটানীক মেয়ে! বেটা লেখাপড়া শিখে লায়েক হয়ে উঠেছেন! সত্যপীর ঠাকুরের মেয়ে!”

উমাশশী স্বামীর মূর্ত্তি দেখিয়া ও সম্ভাষণ শুনিয়া একেবারে আকাট হইয়া রহিলেন। মেয়ের সঙ্গে সঙ্গে তিনিও কি জন্তে যে “গোল্লায়” যাইতে বাধ্য হইলেন,—এই প্রশ্নটা তাঁর মনে জাগিলেও মুখের দিক দিয়াও আসিল না। চোখে শুধু খানিক জল আসিল।

৯

অমিয়ার বিবাহের পরদিন,—রাত্রি তখন প্রায় দশটা বাজে,—অমিয়ার ছোট মাসি পূর্ণিমা দেবী তখনও তাঁর জপের মালা হাতে লইয়া পূজার ঘরের জানালাটার কাছে চুপ করিয়া বসিয়া আছেন। জপ সমাধা হইয়া গিয়াছিল, উঠি উঠি করিয়া তখনও উঠিয়া পড়া ঘটনা উঠে নাই।

কিছুক্ষণ পূর্বে বেশ এক পশলা বৃষ্টি হইয়া গিয়াছিল। বৃষ্টির সহিত একটু জোর বাতাসও থাকতে, পূর্ণিমার ছোট বাগানটার গাছপালাগুলি একটু এলোমেলো হইয়া পড়িয়াছে। মালতি-লতাটা ফটকের মাথা ছাড়িয়া তাঁর আসে পাশে ঝুলিয়া পড়িয়াছিল। নেবুগাছের কতকগুলি পাকা নেবু—ছিঁড়িয়া পড়িয়া মাটা-মাথা হইয়া রহিয়াছে।

আর তুলসী-কুঞ্জটারও কতকটা হৃদিশা ঘটাইয়া দিয়াছিল। পূর্ণিমা জানালার ভিতর দিয়া সেই দিকে চাহিয়া চাহিয়া ভাবিতেছিলেন,—সকালবেলা পূজা পাঠ শেষ করিয়াই এইগুলিকে ঠিক করিয়া ফেলিতে যাইবে।

এমন সময় একখানা ট্যাক্সিগাড়ি আসিয়া তাঁর ফটকের সামনে দাঁড়াইল।

এমন সময় কে আসিল, বুঝিতে না পারিয়া তিনি তখন তাড়াতাড়ি মালা তুলিয়া রাখিয়া বাহিরে আসিলেন! বাড়ীতে বেশি লোকজন তো নাই! বিধবা পূর্ণিমা দেবী স্বামীর স্মৃতিভরা গৃহটার মায়া ছাড়িতে না পারিয়া তাঁহার মৃত্যুর পরও এইখানেই বাস করিতেছেন। কাছে থাকে তাঁর একটা ভাস্কর-পো। ছেলেটা বি-এসসি পড়ে। রাত্রি অধিক হওয়ায় সে এখন উপরের ঘরে নিদ্রা যাইতেছে। যে ঝি আছে, সেও ঘুমাইতেছে। শুধু পূর্ণিমা দেবীই একা সন্ধ্যা পূজা জপ পাঠ লইয়া জাগিয়া থাকেন,—আজও আছেন। নিদ্রাহীন শয্যাতে পড়িয়া কেবল হৃশ্চিন্তায় কাতর হওয়ার চেয়ে মনস্থির রাখিবার একান্ত উপায়রূপেই তিনি এই ব্যবস্থা করিয়াছিলেন।

দরজা খুলিয়া দিতেই ছুটিয়া আসিয়া একটা মেয়ে তাঁহাকে দুহাতে সবলে জড়াইয়া ধরিল। অমনি বিস্মিতা পূর্ণিমা সভয়ে চীৎকার করিয়া উঠিলেন—“এ কি! এ কি! অমিয়া তুই! তুই আজ এখানে কেন?” তাঁহার যেন শ্বাস বন্ধ হইয়া আসিল... “কি হয়েছে? কি হলো রে অমিয়া! তুই কেন এমন করে এখানে চলে এলি!”

অমিয়া মাসীকে ছাড়িয়া দিয়া সহজভাবেই জবাব দিল—“কিছুই হয়নি মাসিমা! সমস্ত পৃথিবীর আক্রমণ থেকে নিজেকে লুকিয়ে রাখবার একটুখানি জায়গার দরকার হয়েছিল, তাই সমস্ত পৃথিবীর সঙ্গে সম্পর্কত্যাগী তোমার কথাই মনে পড়ে গেল,—আমায় থাকতে দেবে মাসিমা?”

আকস্মিক এই অভাবনীয় সাক্ষাতের একান্ত হৃশ্চিন্তা-জড়িত বিস্ময়ের আঘাত হইতে পূর্ণিমা দেবী তখনও নিজেকে সম্পূর্ণরূপে মুক্ত করিয়া লইতে সমর্থ হন নাই। তাঁহার বুকের মধ্যে একটা তীব্র আলোড়ন চলিতেছিল, তাহার প্রভাবে তাঁহার গলা কথা কহিতে গিয়া স্পষ্টই কাঁপিয়া উঠিল। তথাপি যথাসাধ্য সংযমের চেষ্টা করিয়া তিনি

কহিলেন “থাকো না মা! কিন্তু তোমার যে কাল বিয়ের দিন ছিল অমিয়া! কি হলো? বিয়ে কি হয়েছে? ওই না... সিঁথিতে তোমার সিঁদুর লেপা! তবে, এ কি?”

“তবে এস মাসিমা! সব কথা না শুনলে তুমি কিছুতেই স্থির হতে পারবে না। চল, একটা ঘরে চল। আমিও আর দাঁড়িয়ে থাকতে পারছি না, একটু শুয়ে পড়বো।”

স্বল্প নির্জন ঘুমন্ত পুরীর মধ্য দিয়া উভয়ে একটা জনহীন কক্ষের মধ্যে আসিয়া বসিল। সে ঘরে একখানা তক্তাপোষের উপর একটা বিছানা পাতা ছিল। অমিয়া আসিয়া তার উপর হাত পা ছড়াইয়া শুইয়া পড়িল। পূর্ণিমা দেবী উৎসুক ও উদ্বিগ্নচিত্তে তার মাথার কাছে বসিয়া পড়িয়া গভীর ভাবে একটা শ্বাস টানিয়া লইলেন,— এ মেয়ের ভাব-ভক্তি দেখিয়া তাঁর যেন প্রাণ উড়িয়া যাইতেছিল। তিনি মনে মনে বলিলেন—“হরি! আমোদ আত্মলাভে যোগ দিতে ভাল লাগে না বলে যে ওর বিয়েতে আমি যাই নি, এ কি তারই শোধ আমায় দিতে ওকে এমন অদ্ভুত ভাবে আমার কাছে এনে দিলে!...”

ক্ষণকাল অপেক্ষা করিয়া তিনি আর ধৈর্য রাখিতে না পারিয়া তীক্ষ্ণকণ্ঠে ডাকিলেন—“অমিয়া!”

“এই যে মাসিমা! এই দেখ—এই চিঠিখানা পড়ে দেখ,—দেখে তার পর আমার বিচার করো। এই চিঠি আমি বাড়ী থেকে বেরুবার সময় পাই। পেয়ে সারা পথ ধরে কেবল ভেবেছি,—এই রাক্ষসের হাত থেকে কেমন করে মুক্ত হবো! মাকে কিছু বলিনি,—জানতুম, বলে কোনই ফল নেই। মা জানেন, মেয়েরা পুরুষের পদসেবার অধিকার মাত্র নিয়ে এ পৃথিবীতে জন্মাতে এসেছে। তাদের ছাগল তারা যদি ল্যাজের দিক দিয়ে কাটে, আপত্তি করবার কি আছে? কিন্তু না, আমি তা’ সহিতে পারবো না। কুচরিত্র মাতাল স্বামীর জী হয়ে চিরকাল ধরে জলে মরবার সাধ আমার মোটেই নেই! তাঁর চেয়ে আমি একবার মাত্র মরতে রাজী আছি। মরবোই ভেবেছিলুম, হঠাৎ বাঁচতে সাধ গেল, আর তোমার কথা মনে পড়লো।... তাই চলে এলুম...”

পূর্ণিমা দেবী চমকিয়া সভয়ে অমিয়ার মাথায় হাত দিয়া “হরি দীনবন্ধু!” উচ্চারণ পূর্বক, সম্মেহে উত্তর করিলেন— “সে বেশ করেছিস মা!... কিন্তু এমন না করে তুই...”

অমিয়া তাঁহাকে মাঝখানেই বাধা দিল—“না মাসিমা! তা বলো না, এ ছাড়া আমার পথ ছিল না। সেই চরিত্রহীন লোকের সঙ্গে সুদূর রাজ্যে চলে গিয়ে আর আমার মরণ ভিন্ন মুক্তির কি উপায় ছিল?”

এ যুক্তি অকাট্য! পূর্ণিমা চুপ করিয়া রহিলেন। পরে বলিলেন—“কিন্তু মা! হিন্দুর ঘরের মেয়ে তুমি, স্বামীর পূর্ব চরিত্রের খুঁৎ নিয়ে যদি জন্মের মতন স্বামীর সঙ্গে কাটা-ছেঁড়া করে ফেলো, তাহলে তোমার এ জন্মটাই যে নষ্ট হয়ে যাবে! লোকে এতে তোমাকেই নিন্দে করবে। ছেলে মানুষ এখন বুঝতে পারচো না,—মনের বোঁকে এত বড় একটা অত্যাচার কাজ করে ফেলে চিরজীবন ধরেই হয় ত অন্ততাপ করে খুন হবে।”

এ কথা শুনিয়া অমিয়া উঠিয়া বসিল। তার সমস্ত অবসাদ যেন এক মুহূর্তে চলিয়া গেল। সে সবেগে বলিয়া উঠিল— “আর যা বলো তা বলো মাসিমা,—অত্যাচার কাজ এটাকে তুমি বলো না! তুমি কি নিজে জানো না যে, আমি কিছু অত্যাচার করি নি! আমাদের দেশের সতী-স্ত্রীরা আমারও খুব শ্রদ্ধার পাত্রী, কিন্তু তাঁরা নিজেরা খুব বড় হলেও তাঁদের স্বামীদের তাঁরা নেহাৎ যে ছোট করে রাখেন, সে পাপ তাঁদের নিশ্চয়ই বিধাতার দরবারে ক্ষমাই হয় না। তা যদি হতো, তাহলে পরলোকে লুকিয়ে-চুরিয়ে নয়, ইহলোকেই একটু প্রকাশভাবে তাঁরা তাঁদের অত্যাচার মহত্বের একটুখানি ফল লাভ করতে পারতেন। তা’ না হয়ে চিরদিন ধরে দুর্বৃত্ত স্বামীর পায়ে পুষ্পাঞ্জলি দান করে লাথি জুতো ভিন্ন তাঁদের আর কি জুটেছে? কতকগুলি রোগগ্রস্ত নীতিজ্ঞানশূন্য সন্তান নিয়ে ছুঃখকষ্টে অত্যাচারে অবিচারে জর্জরিত হয়ে পলে পলেই মরার বাড়া হয়ে তাঁদের সহিষ্ণুতার পুরস্কার তাঁদের লাভ করে যেতে হয়। এই পাপের অত্যাচারের প্রশ্রয় দানই যদি সতীধর্ম হতো, তাহলে এরকমটা ঘটতো কি? তার পর ঐ সমস্ত মন্দ লোকদের সন্তান হয়ে মন্দ লোকের সংখ্যা, রুগ্ন সংখ্যা বৃদ্ধি করা, সেও কি একটা কম পাপ না কি? না মাসিমা! লোকে আমার নিন্দা করে করুক, ওরকম জীবন যাপন করতে হলে, আমার নিজের বিবেকই আমার এই সব লোকদের চাইতে ঢের বেশি বেশি নিন্দা করতো। নিজের ওপরে আমার ঘৃণার আর অন্ত থাকতো না। সেটা থেকে তো বেঁচে থাকবো।”



“আকুল হইয়া বনে বনে ঘুরি—

আপন গন্ধে মম

কস্তুরী মৃগ সম—”

রবীন্দ্রনাথ

Bharatvarsha Half-tone & Printing Works.

পূর্ণিমা বোনবির যুক্তির সহিত পারিয়া না উঠিয়া শুধু একটা নিঃশ্বাস ফেলিয়া বলিলেন—“কি জানি মা!...”

অমিয়া তৎক্ষণাৎ উত্তর করিল—“কেমন করে জানবে মাসিমা! মন্দ লোকের হাতে তো তুমি পড়ো নি। তুমি জানবে কি করে, কি তার জালা! মেসমশাই আমার খুবই ভাল ছিলেন, আজও তাঁর স্মৃতিতে তোমার বুক ভরা। তাঁর ছবি, তাঁর খড়ম তুমি নিত্য পূজা করো দেখে গেছি। তুমিই বল দেখি, এ যদি তুমি না পারতে, তাহলে তোমার আজ কি হতো?”

পূর্ণিমা পুনশ্চ যুক্তিহারা হইয়া গিয়া ছাড়াছাড়া ভাবে আরম্ভ করিলেন—“কিন্তু চিরদিন ধরে হিন্দু সতীর এই নির্বিকার আত্মসমর্পণের জন্ত তার গৌরবের অন্ত নেই। স্বামীকে দেবতা ভেবেই স্ত্রী তার পায়ে নিজেকে সঁপে দিয়ে যে তৃপ্তি যে আনন্দ লাভ করতো, এত যুক্তি-তর্ক-বিচারে কি সেটুকু আর পাবে? দেখ—শাস্ত্রে আছে, কুষ্ঠগ্রস্ত স্বামীর অসদিচ্ছা পূর্ণ করবার জন্ত সতী স্ত্রী তাকে নিজে বহন করে নিয়ে গিয়েছিল—”

অমিয়া তীব্র কঠিন কণ্ঠে বাধা দিয়া বলিয়া উঠিল—“সেই দিনই সে তার সমস্ত জাতের সর্বনাশ করেছিল মাসিমা! সেই দিনেই সে সব মেয়েদের মেরে রেখে গ্যাছে! অতবড় নিরাজ্ঞ পাষণ্ড স্বামীর পাশবিকতাকে সমর্থন করে সে না হয় নিজের সমস্ত ইজ্জতকে নষ্ট হতে দিলে, দিক, কিন্তু সেই অভাগা স্বামীটারই বা এতে কি উপকার সে হতে দিলে বল ত? মহানির্বাণতন্ত্রের কতকগুলি শ্লোক আমি পড়েছিলুম। তাতে বলেছে—

ব্যালগ্রাহী যথা ব্যালং বলাৎছদ্ররতেবিলাৎ।

তদ্বদভর্তারমাদায় তেনৈব সহ মোদতে।

সাপুড়ে যেমন সাপকে জোর করে গর্ত থেকে টেনে বার করে আনে, তেমনি করে স্বামীকে উদ্ধার করে নিয়ে তার সহিত আনন্দে যাপন করে। এতে তো কই বললে না যে, স্বামীর সঙ্গে গর্তের ভিতর সর্পধর্মী হয়ে ছুজনে বাস করে। না, মাসিমা! সতীধর্ম একে বলে না যে, অসৎ স্বামীকে তার পায়ে প্রশ্রয় দিয়েও তার সঙ্গে ঘর করা। এই করে করেই এ দেশের মেয়েরা পুরুষদের এতখানি উচ্ছ্রাল করে তুলেছে,—এ কি তুমিই ‘না’ বলতে পার?”

বাস্তবিকই পূর্ণিমা দেবী ফাঁপরে পড়িয়া গেলেন। অমিয়া

যাহা বলিতেছে, তাহাকে তুচ্ছ করিয়া উড়াইয়া দেওয়া যায় না। আবার তাহার সমর্থন করিতে গেলেও ভীষণ সামাজিক বিপ্লব। অসতী স্ত্রী লইয়া স্বামী ঘর করিতে নারাজ। বহু স্থলে নিতান্ত বালা-পাপের জন্ত চিরজীবনের মতই অভাগিনী স্ত্রী স্বামীত্যাগ হইয়া জীবন কাটাইতে বাধ্য হয়। তার সারা জীবনের প্রায়শ্চিত্তে সে পাপের সংশোধন ঘটে না। অপর পক্ষে নষ্ট-চরিত্র একান্ত অসৎ স্বামীর সকল অত্যাচার স্ত্রী যদি নির্বিকারে না সহিতে চাহে, তাহা হইলে সমাজও তাহার প্রতি খাঁড়া উড়াইয়া খাড়া হয়। অত্রে ত ইহার প্রতিকার-চেষ্টা করেই না, সে নিজে করিতে গেলেও দোষী হয়। অমিয়া যাহা বলিতেছে, তাহার বিরুদ্ধে বলিবার কিছু নাই। তথাপি, লোক-নিন্দাকেও তো তুচ্ছ করা যায় না। ভাবিয়া চিন্তিয়া তিনি কহিলেন—“কিন্তু অমিয়া! সে যখন মন্দ ছিল, তখন সে তোমায় জানতো না। তুমি এখন চেষ্টা করে তাকে ভাল করে নিতেও তো পার! আমার মনে হয়, আমার স্বামীকে যদি আমি কোন রকমে ফিরিয়ে পেতুম, তিনি যদি পৃথিবীর মধ্যে সবচেয়ে পাপীও হতেন, আমি ক্ষমা করতে পারতুম। স্বামী হারানই সবচেয়ে কষ্ট,—তার কাছে আর কোন কষ্ট, কষ্টই নয়।”

অমিয়া একটুখানি সক্রম হাসি হাসিল—“মাসিমা! ওটা তুমি ভাবের মুখে বলচো, আর অভিজ্ঞতা নেই বলেই বলচো। আর ঐ যে বললে ভাল করে নিতে, তা’ মন্দকে ভাল করা কি বড় সোজা কথা? কখন কি কেউ তা পারে? তার পর সম্পূর্ণরূপে তার হাতে গিয়ে পড়লে তখন কি আর ভাল করবার কোন পথ থাকে? তাছাড়া, পাপের আর ভূত ভবিষ্যৎ নেই,—যে পুরনো পাপী সে কি সম্পূর্ণরূপে তার অভ্যাগকে ছাড়তে পারে? সুযোগ পেলেই আবার কুপ্রবৃত্তি জোর করে, যদি না ভিতর থেকে নিজেই অহুতপ্ত হয়। আরও দেখ, পরে ভাল হলেও তার চরিত্রের মন্দটা তার ছেলেদের মধ্যে যে দেখা দেবে না, তা তো বলা যায় না।”

এবার পূর্ণিমা দেবী সহজেই বলিলেন—“তা কি বলা যায়! কত মন্দ লোকের ভাল ছেলে, আবার কত ভাল লোকেরও মন্দ ছেলে হয় যে।—”

অমিয়া কহিল—“খবর নিলেই জানতে পারবে যে, ঐ ভাল লোকের খণ্ডরবাড়ীর দিকটা মোটেই ভাল নয়। মন্দ

লোকের বেলাও তার পিতৃবংশ বা মাতৃবংশে বিশেষ ভাল লোকের সংস্পর্শ দেখতে পাবে। শুধু ভাল থেকে মন্দ বা শুধু মন্দ থেকে ভাল হয় না।

হার মানিয়া পূর্ণিমা কহিলেন—“আচ্ছা যা হয়েছে তা তো হয়েছে গেছে। এখন শুধু ঐ অজ্ঞাতনামা লেখকের চিঠির উপর নির্ভর করে তো এত বড় কাণ্ডটা বাধালে হবে না। আমি ভোরে উঠেই মৌলীকে দিয়ে একটা তার করে দেওয়াধো। জামাই নিজেই যদি একবার এখানে আসেন, সেই বোধ হয় সব চেয়ে ভাল হবে। তাকেও তো একটা জবাবদিহি করতে দিতে হবে আমাদের।”

অমিয়া মাসির কাছে সভয়ে সরিয়া আসিয়া তাঁহাকে জড়াইয়া ধরিল—“আমায় জোর করে নিয়ে যেতে দেবে না বলো? আমি এইটুকু আশা করে শুধু তোমার কাছে এসেছি। না হলে মার কাছেই যেতুম।”

পূর্ণিমা তাঁহার গায়ে জড়ানো ভীত দ্রুত পাখীটির মত ভয়ানক বালিকাকে সম্মুখে বুকে টানিয়া লইয়া প্রতিজ্ঞা-গম্ভীর স্বরে উত্তর দিলেন—“যদি তুমি নিজে যেতে না চাও, আমি নিয়ে যেতে দোব না, কথা দিলুম।”

১০

টেলিগ্রাম ইন্দ্রনাথ বাবুকে পাঠানো হইল, এবং উমাশশীকে পত্র লেখা হইল। পরদিন পত্রোত্তর আসিল। উমাশশী পূর্ণিমার পত্রের উত্তর দিয়া সেই সঙ্গে অমিয়াকেও লিখিয়াছেন।—

কল্যাণবরেন্দ্র

তোমায় যে কি বলিয়া পত্র লিখিব ভাবিয়া পাইতেছি না! এমন মেয়ে তোমাকে আমি গর্ভে ধরেছিলাম যে, লোক-সমাজে আমার মুখ দেখানই দায় হইয়া উঠিবে। এ কথা আর ক’দিন চাপা থাকিবে! তার পর লজ্জায় অপমানে তোমার বাপ পাগল হইয়া যাইবেন, আর আমি আত্মঘাতী হইব। তোমার বোনদের কোন ভদ্রলোকেই আর বিবাহ করিতে ভরসা করিবে না। কে এমন নিলজ্জ আছে যে, স্ত্রীর হাতে এমন করিয়া অপমানিত হইতে চাহিবে?

তুমি হিন্দুর মেয়ে, হিন্দুর স্ত্রী হইয়াছ; নির্দোষ বা শিশু মণ্ড। হিন্দু বিবাহ যে ফিরাইয়া লওয়া যায় না, তাহা ভালই জানো। আর জানো, তোমার স্বামী ইচ্ছা করিলেই কালই আবার আর একজনকে বিবাহ করিতে পারেন।

তবে জানিয়া শুনিয়া নিজে জন্মের মতন দুর্ভাগা হইবার ব্যবস্থা করিতেছ কেন? এখনও মাথা বুদ্ধি স্থির করিয়া ভালয় ভালয় ফিরিয়া এস। হয়ত এখনও যতীনকে বুঝাইয়া সমঝাইয়া তোমার অপরাধ ক্ষমা করাইতে পারিব। যত দেরি হইবে, তোমার ভবিষ্যৎ ততই বেশি সঙ্কটাপন্ন হইতে থাকিবে, ইহা নিশ্চিত জানিও। তখন তোমার মা বাপ ছাড়িয়া স্বর্গের দেবতারা নামিয়া আসিলেও আর তোমার অর্পণ ফিরাইতে পারিবেন না। চিরদিনটা হাতের লক্ষ্মী পায়ে ঠেলিয়া ছঃখ-হৃদশার মধ্যেই জীবনটা কাটাইয়া দিতে হইবে। হয়ত তুমি বলিবে—লেখাপড়া শিখিয়াছ, চাকরী করিয়া খাইবে। চাকরী ত ভারি,—বড় জোর চলিশ পঞ্চাশ টাকার টিচারী করিবে, এই বৈ ত নয়? তাই বা কত চাকরী কে লইয়া বসিয়া আছে!

তার চেয়ে অমিয়া, এখনও কথা শোন,—নিজের নির্দুষ্টি বা দুর্ভাগ্যের জন্ত অহুতপ্ত হয়ে স্বামীর কাছে ক্ষমা চাও। সে লোক ভালই, এখনও হয়ত ক্ষমা করিতে পারে। তোমার বাপ বলেছেন,—যতীন তোমায় ক্ষমা না করিলে তিনিও করিবেন না, তোমার মুখ জীবনে আর কখন দেখিবেন না, এই বুঝিয়া কাজ করিও। —তোমার মা

চিঠি পড়িয়া অমিয়া বহুক্ষণ স্তব্ধ অনড় হইয়া বসিয়া রহিল। এ চিঠির প্রতি বর্ণে তার মায়ের নয়, বাপের প্রচণ্ড শাসন মাত্র প্রকটিত হইতেছে। যে প্রত্যাক মিথ্যা প্রবঞ্চনা দ্বারা তাহার নারীজন্মটাকে বৃথা করিয়া দিল,—সমস্ত সহানুভূতি সেই তাহারই উপরে! আর সেই প্রবঞ্চকের সহিত সম্বন্ধ বর্জন করিতেছে বলিয়া সেই হইল মহা অপরাধী! সমাজ আমাদের এই রকমই বটে! সে কারণ দেখে না, দেখে কার্য! কিন্তু তার ফল দেখে না! ভগবানের নৈক্ষল্যের বাণী এই রকম করিয়াই হয়ত পালন করে।

পূর্ণিমা আসিয়া চিঠি পড়িলেন ও বলিলেন—“তাহলে কি করবে? দেখচো ত তোমার বাবা কি রকম রাগ করেছেন?”

শুষ্ককণ্ঠে অমিয়া উত্তর করিল—“বাবা যে রাগ করবেন, সে ত আমি জানতুমই। তবে আমার মাকে দিয়ে যে সেটা প্রকাশ করবেন, সেটা আমি ভাবিনি। কিন্তু এইটাই আমাদের দেশের পক্ষে স্বাভাবিক! মায়েরাও তো মেয়েদের এই শিক্ষা পরস্পর দিয়ে এসেছেন। যতই লাজনা করুক,

স্বামীর পাদোদক পান না করে জলগ্রহণ করবে না, কারণ, পতি পরম গুরু।”

পূর্ণিমা ক্ষুব্ধকণ্ঠে কহিয়া উঠিলেন—“ছি! অমিয়া! এক জনের দোষে তুমি জাতিগত ভাবে এরকম বলো না।”

অমিয়া কিছু লজ্জিত হইয়া উত্তর করিল—“তা তো আমি বলি নি মাসিমা! তবে আমি বলছি, আত্মসন্মান জিনিষটাকে কি এমন করে জড় মেয়ে দিতে হয়? যেমন পুরুষরা অসতী বর্জন করে চলে, মেয়েদের বেলাও সেরকম বিধান থাকা কি অসঙ্গত?”

পূর্ণিমা কহিলেন—“পুরুষের চেয়ে মেয়েদের মন ক্ষমা ও স্নেহপ্রবণ; সেই জন্তই তারা সহিতে পারে।”

অমিয়া ছঃখের ক্ষুব্ধ হাসি হাসিয়া কহিল, “বেশত, যাদের তেমন ভাল মন, তারা সহ করুক; যাদের তা’ নয়, তাদের প্রতি জোর করবার দরকার কি?”

মায়ের পত্রের উত্তরে সে তার সমস্ত যুক্তি প্রয়োগ করিল। শেষে লিখিল, “পাশের বাড়ীতে যে অভিনয় নিত্য দেখিতেছ, তা’ দেখিয়াও তোমাদের মাতাল কুচরিত্রের হাতে মেয়ে দিতে ভয় হয় না মা! তাই যদি না হয়, তবে মেয়ে মরিলেও হয়ত ছঃখ না হইতেও পারে। মনে করিও—তোমার অমিয়া মরিয়া গিয়াছে। জীবন্মৃত থাকিয়া হীনের সহিত হীন হওয়ার চেয়ে, সে ছঃখও আমার সহ হইবে! আমি কত দিন হিতু-অনুজ্ঞাকে তাদের অত্যাচারী বাপের মৃত্যুকামনা করিতে শুনিয়াছি। শাস্ত সহিষ্ণু মল্লিকদের সেজ বউকে বলিতে শুনিয়াছি—‘এমন স্বামী থাকার চেয়ে বিধবা হওয়া ভাল!’ না, মা! আমার আর ঐ দেখা দৃশ্যের পুনরাবনয় প্রবৃত্তি নাই। এখন আমি একটা মানুষ—ত্রিশ চল্লিশ ছেড়ে কুড়িটা টাকা হলেও আমার চলে যাবে। না হয়, তাঁত বুনিতে শিখিব, সূতা কাটিব। আমার শতকোটা প্রণাম তোমরা জানিও। আর যদি পার, তবে আমার এই মুখরতার জন্ত আমায় ক্ষমা করিও।”

অমিয়া সেদিন যে চিঠি পাইয়াছিল তাহা এই—

মহাশয়া! নিতান্ত ছঃখের সহিত নিবেদন করিতে বাধ্য হইতেছি যে, অর্থলোভে আপনার মা বাপ যাহার হস্তে আপনাকে সমর্পণ করিতেছেন, তিনি মহুঘ্যনামের নিতান্তই অযোগ্য! আপনার মত বিহ্বল পুণ্যবতী নারীর পবিত্র প্রেমের তিনি একেবারেই উপযুক্ত পাত্র নহেন। অধিক

আর কি লিখিব, তিনি মত্তপ ও অতিশয় কুচরিত্র। তার চরিত্রহীনতার জন্তই এতদিন বিবাহ হয় নাই। পরিচিতি কেহই অতবড় অপাত্রে কণ্ঠাদানে সম্মত হইতে পারে কি? সেইজন্তই এত তাড়াতাড়ি করিয়া এখানে নিজে আসিয়া বিবাহ সম্বন্ধ করিয়া গেল, ইহাতেই ব্যাপারটা বুঝুন! রাণ্ডলপিণ্ডিতে এই লোকটার যেরূপ সন্মান, তাহা ষ্টেশনে পদার্পণ করিলেই জানিতে পারিবেন। ইহার একটা বাইজী পোষা আছে, তাহার সহিত বনাইয়া চলিতে পারিবেন ত? কর্তব্যের খাতিরে অপ্রিয় সত্য প্রচার করিতে হইল—অপরাধ মার্জনা করিবেন। ইহা তবে, ঐশ্বর্য্য ধন এই লোকটার প্রচুর আছে। গহনার বাক্সটা পাইয়াছেন কি? অন্ততঃ দশ পনের হাজার টাকার গহনা, মোটর গাড়িও চার-পাঁচ খানা আছে। স্বামী না পান, ধনস্বত্ব পাইবেন ইহাতে কোনই সন্দেহ নাই। অবশ্য যদি না বাইজী সুন্দরীর পাদপদে সর্বস্ব সমর্পিত হয়। তবে ইচ্ছা করিলে আপনি তাহাকে দিয়া বিষয়টা নিজের নামে লিখাইয়া লইতে পারেন।

কোন হিতৈষী।

এই চিঠির নকল পূর্ণিমা দেবী তাঁর বোনকে দিতে চাহিলে অমিয়া বলিল, “এবারটাও থাক। তাঁরা যদি দেখতে চান, তখন পাঠাবো। দেখা দরকার বলে তো তাঁরা মনেও করেন নি! কিন্তু মাসিমা! তোমার কি মত?”

পূর্ণিমা কহিলেন—“আমি আগে তোমার স্বামীর মুখে এর উত্তর শুনতে চাই, তার পর মত দোব। তা’ছাড়া রাণ্ডলপিণ্ডিতে আমার একটা ভাগনে আছে। নিজে সে অতি সৎ। তাকেও আমি লিখবো। তারা অনেক দিনের বাসিন্দে। সে নিশ্চয়ই ঠিক খবর দেবে। আজই লিখে দিচ্ছি।”

১১

আকাশে মেঘ করিয়া থাকিয়া দিনটাকে স্যাঁৎসেঁতে করিয়া রাখিয়াছিল। বৃষ্টি নাই, রৌদ্র নাই, এতটুকু হাওয়াও নাই। যেন একটা বিরাট ছশ্চিন্তার ভারে স্তব্ধ থমথম করিতেছে—এমনি একখানা নিরানন্দ মুখ মেলিয়া সে চুপ করিয়া তাকাইয়া পড়িয়া আছে। না আছে তাহাতে একটু হাসি, না আছে কায়ার লেশ। শুধু জমাট ক্রন্দনের রুদ্ধ চাপ বুকে ভরিয়া লইয়া বুক ভাঙ্গিয়া যাইবার উপক্রম হইতেছে। অমিয়ার মনের ভিতরটাকে বাহ প্রকৃতির এই নিরানন্দতা

যেন আরও বেশি করিয়াই চাপিয়া ধরিয়াছিল। মন তার যেন নানারকম চিন্তায় বিক্ষিপ্ত হইয়া রহিয়াছে। সেই চিন্তা-জর্জরিত চিত্ত তাহার যেন বিদ্রোহের তাপে তাতিয়া রহিয়াছিল। নিজের সমস্ত অবস্থাটা স্মরণে আসিলেই, লজ্জায় ঘুণায় দুঃখে রাগে তাহার মাথার ভিতরে যেন আগুন জলিয়া উঠিতেছিল। যে স্মৃতির কল্পনাকে হৃদয়ে স্থান দিয়া সে তাহাকে লইয়া কত মতেই গঠিত করিয়াছিল, যাহাকে সে পূর্ণ বিশ্বস্ত চিত্তে দেবতার দান বলিয়া দেব-নির্মাণের মত মাধ্যম তুলিয়া লইয়াছিল, সেই বিশ্বাসের মূল্য সে কি, এমনি করিয়াই লাভ করিল? এই চরিত্রহীন লঘুচেতা, যে একটা ঘুণা নারী লইয়া জীবন যাপনে অভ্যস্ত, তাহারই সঙ্গে তাহাকে ইহজীবন তো বটেই, আবার বুঝি পরকালেরও সুখদুঃখের আশা কল্পনার সকল সম্বন্ধই স্থাপন করিতে হইবে! হীন-সঙ্গে অভ্যস্ত সেই ব্যক্তি—সে কি তাহার মর্যাদা রাখিতে পারিবে? নারীকে যে বিলাসের পুত্তলি-রূপে পাইয়াছে, সে কি তাকে আর দেবতার অংশ-সম্মতরূপে সম্মানের চক্ষে দেখিবে?

বিশেষতঃ, মগ্নপ যে, তার মধ্যে নিজেরই মনুষ্যত্ব লোপ পাইয়াছে, সে না কি অস্ত্রের মর্যাদা রক্ষা করিতে সমর্থ! আর এই লোকের মধ্য দিয়া তাহাকে তার জীবনের সার্থকতা খুঁজিয়া লইতে হইবে! উঃ! কি বিড়ম্বনার সে জীবন! না—না, আমি তাহা পারিবে না। সে জীবন বহন করা তার পক্ষে একান্তই অসম্ভব! আর কেনই বা? নারীজীবন কি এতই তুচ্ছ যে, একজন হীনচরিত্র মগ্নপের খেলার খেলানা না হইতে পারিলেই তাহা ব্যর্থ হইয়া গেল! সে কুমারীর মত থাকিয়া দেশের কাজে দেশের কাজে আত্মসমর্পণ করিবে! বিবাহ তো কোন দিনই তার স্পষ্ট ছিল না, হয়ত তাকে কোন মহৎ কার্যের জন্ত প্রস্তুত করিতেই—অদৃষ্টের এই অভিযান!

পূর্ণিমা দেবী তাঁর স্বাভাবিক ধীরপদে কাছে আসিয়া দাঁড়াইলেন,—“অমিয়া, তোমার বাবা তার করেছেন যে, তোমার স্বামী একবার তোমার সঙ্গে শেষ দেখা করতে চান। তিনি হয়ত এফনি এসে পৌছবেন, তুমি তৈরি হয়ে থেকে।”

এই কথা উচ্চারিত হইবামাত্র অমিয়া ধড়মড় করিয়া উঠিয়া বসিল—“মাসিমা! আমার জোর করে নিয়ে যেতে আসচে না ত’? তাহলে কি হবে মাসিমা!”

পূর্ণিমা দেবী স্নগভীর একটা দীর্ঘশ্বাস মোচন পূর্বক আশ্বাস দিবার ভাবে ধীর কণ্ঠে কহিলেন—“তা কি পারে মা? কেন ভয় পাচ্চো? সে কি বলতে চায়, সেটাও তো শুনতে হবে!”

“কিন্তু যদি জোর করে ত তুমি কি করবে? ঐ বুঝি মাসিমা! এলো!”

সদর দ্বারে গাড়ী আসিয়া থামিল। একটু পরেই উৎকর্ণ মাসি-বোনঝির কাণে একটা জুতা পায়ের মসৃণ শব্দ আসিয়া প্রবেশ করিল। অমনি অমিয়া ছুটিয়া আসিয়া পূর্ণিমা দেবীকে জড়াইয়া ধরিল—“কি হবে মাসিমা! মাসিমা! তোমার ছুটি পায়ের পড়ি—আমায় এই রাক্ষসের সঙ্গে পাঠিও না।”

পূর্ণিমা দৃঢ়-হস্তে তাহাকে কাছে টানিয়া লইয়া শান্ত অচঞ্চল স্বরেই উত্তর দিলেন—“আমি তো তোমায় আগেই কথা দিয়েছি।”

এদিকে সেই জুতা পায়ের শব্দটা ক্রমশই অগ্রসর হইয়া আসিতেছে—জানা যাইতে লাগিল। সহসা পরিচিত কণ্ঠ হইতে একটা স্বর শুনিতে পাওয়া গেল—“কই, এঁরা কোথায়?”

অমনি অমিয়া নিজেরও অজ্ঞাতসারে সহসা খাট হইতে নামিয়া দাঁড়াইল, আর বৃকের মধ্যে ভয়ে সংশয়ে-যেন ধপাধপ ধপাধপ করিয়া টেকির পাড় পড়িতে লাগিল। একটা বিষম মুহূর্ত যে তার সামনে অগ্রসর হইয়া আসিতেছে, তাহা সে স্পষ্টই বুঝিতে পারিতেছিল।

ঘরে আসিয়া ঢুকিল যতীন। তার মুখ শুষ্ক গভীর, বিরক্তির চিহ্নে স্পষ্টই চিহ্নিত।

পূর্ণিমা দেবী মাথার কাপড়টা একটুখানি টানিয়া দিয়া আগন্তকের দিকে মুখ ফিরাইতেই, তাঁর মুখ দিয়া একটা আশ্চর্য্যসূচক ধ্বনি নির্গত হইয়া গেল—“এ কি! তুই তুই? তুই কবে এলি রে? আমি যে তোকে এই আজই চিঠি লিখলুম।”

যতীন পূর্ণিমার পায়ের কাছে প্রণাম করিয়া তাঁর পায়ের ধূলা লইয়া উত্তর করিল—“কেন মাসিমা! আমার শ্বশুর তো তোমায় তার দিয়েছিলেন যে আমি আসছি। তুমি কি পাও নি?”

অতিমাত্র বিস্মিত পূর্ণিমা দেবী কহিয়া উঠিলেন—“তোমার শ্বশুর! তুই তো রিয়েই করিস নি, তা শ্বশুর তোর

কোথেকে এলো শুন। ওঃ—আচ্ছা! হ্যাঁ রে! তাই কি! তাহলে কি তুই-ই—”

যতীন একবার তাহাদের হইতে অদূরবর্তিনী আনতমুখী অমিয়ার পাথরের মত কঠিন ও তেমনি ভাবলেশ শূন্য মুখের দিকে সক্রোতুক দৃষ্টি নিক্ষেপ করিয়া, তাহার হতবুদ্ধি-প্রায় মাতুলানীর মুখের দিকে চাহিয়া উত্তর করিল—“হ্যাঁ মাসি মা! আমিই সেই অভাগা!” বলিয়া সে একটা প্রচণ্ড দীর্ঘশ্বাস মোচন করিল; কিন্তু তার ঠোঁটের কোণে ক্ষয় একটু বিজ্রপের হাসিকেও সে যেন সযত্নে গোপন করিয়া লইল বলিয়াই পূর্ণিমার মনে ক্ষয় সন্দেহ জন্মিল।

তখন যেন শ্বাসকৃচ্ছ্র তায় রুদ্ধ কণ্ঠকে সবলে দমন করিয়া লইয়া পূর্ণিমা দেবী বলিতে গেলেন—“তবে এসব কি ব্যাপার তুলু! স্বর্গ থেকে দেবতা এসে সাক্ষ্য দিলেও যে আমি তা তোমার সম্বন্ধে—”

“মাসিমা! যখন এসে পড়েছি, তখন ধীরে-সুস্থে সব কথাই হতে পারবে; তোমার হাতেই আমার বিচারের ভার আমি তুলে দিয়েছি। কিন্তু আপাততঃ দয়া করে আমার লাগেজগুলোর কোন উপায় করিয়ে দিয়ে এস তো মা। ওরই সঙ্গে এঁর এবং আমার মায়ের সমস্ত গহনা-গুলোও আছে। তুমি তো জানো—কত সাধ করে তিনি সেগুলি তাঁর পুত্রবধূর জন্ত রেখে গেছেন।”

পূর্ণিমার মনটা দ্বিধার মধ্যে দোল খাইতে থাকিলেও, তাঁর মনের উপর হইতে সহসা যেন একটা জগদল পাথর নামিয়া গিয়াছিল। এই তুলু, তাঁর ভাগিনা তুলু, একে যে তিনি তাঁর স্বামীর প্রতিবিম্ব বলিয়াই জানেন। ইহাকে যে তাহারই পরে তিনি সং বলিয়া, মহৎ ভাবিয়া, শ্রদ্ধা করেন। সেই স্বার্থত্যাগী, ব্রহ্মচর্য্যে দীক্ষিত সূচরিত্র ছেলের বিরুদ্ধে এত বড় অভিযোগ! নাঃ! নিশ্চয়ই এ তার কোন শত্রু-পক্ষীর কাজ। কিন্তু অমন মানুষের এত বড় মহা শত্রু থাকিতে পারে! মেয়েটা যদি পলাইয়া না আসিয়া সেদিন ঘুণায় দুঃখে মরিয়াই যাইত!

প্রকাশে তিনি শুধু এইটুকু বলিলেন—“জানি বই কি! আমিই যে কতবার তাঁর ফরমাসি গহনা গড়িয়ে দিয়েছি। আচ্ছা, আমি তাহলে সব তুলিয়ে রেখে আসছি”—বলিয়াই তিনি ঘর হইতে বাহির হইয়া গেলেন। অমিয়ার সম্বন্ধে যে কোন ব্যবস্থা করিয়া যাইবার আছে, সে কথাটা

তাঁর স্মরণেও আসিল না। মনের ভিতরটা তাঁর এখন শুষ্ক একটা নিছক বিশ্বাসের বিহ্বলতায় কেমন যেন আচ্ছন্ন হইয়া পড়িয়াছিল। দুশ্চিন্তাটা এর ফাঁকে ফাঁকে কোথা দিয়া যেন সরিয়া পড়িয়াছিল।

১২

কিন্তু অমিয়া তার মাসিমাকে এই ভাবে তাহাকে ইহার সহিত একা রাখিয়া চলিয়া যাইতে দেখিয়া খুব নিশ্চিন্ত ছিল না। সেও মাসিমার সঙ্গে সঙ্গেই এঘর হইতে বাহির হইয়া পলাইবে ভাবিয়া সম্মুখে দৃষ্টিপাত করিতেই দেখিতে পাইল, ঠিক দরজার সাগ্নেই দ্বারের কবাট ধরিয়া দাঁড়াইয়া তাহার স্বামা, তাহার দিকে তীক্ষ্ণ অনুসন্ধিৎসু চোখে চাহিয়া আছে। আর সেদিকে অগ্রসর হইবার সাহস তার মনের মধ্যে দেখা দিল না, বরং সে পিছন দিকেই যতটা পারিল সরিয়া গেল; এবং উহার তীক্ষ্ণ দৃষ্টির উত্তরে সেও তেমনি সহজ কঠিন নেত্রে উহার মুখের দিকে চাহিয়া দেখিতে গেল বটে, কিন্তু বৃকের ভিতরকার অস্থির আলোড়নে তার চোখের দৃষ্টি এমনি এলোমেলো হইয়া পড়িল যে, সে অতবড় জলজ্যাস্ত মানুষটাকেও বেশ স্পষ্ট ভাবে দেখিতে পাইতেছিল না। যতীন্দ্রনাথ স্থির সহিষ্ণুভাবে তাহাকে নিরীক্ষণ করিয়া দেখিতেছিল। একটুখানি অগ্রসর হইয়া আসিয়া সে এবার তাহাকে উদ্দেশ করিয়া কথা কহিল। অনুভূতজিত সহজ কণ্ঠেই জিজ্ঞাসা করিল—“আমার কি তাহলে একেবারেই কোন আশা নেই অমিয়া?”

অমিয়া এই প্রশ্নে একান্ত ভয়ানক হইয়া উঠিলেও, সঙ্গে সঙ্গেই তার এতক্ষণকার অবসন্নতাটা এক মুহূর্তেই যেন আহত হইয়া সরিয়া গেল। সে গভীর বলে রুদ্ধপ্রায় শ্বাসক্রিয়াকে দমনে আনিয়া উর্দ্ধস্বরে কহিয়া উঠিল—“না—না, একেবারেই না,—আমায় আর ওসব কথা বলবেন না। আমি নিজের মনকে সম্পূর্ণরূপেই ঠিক করে ফেলেছি।”

অমিয়ার মতন নির্ভীক, জেদী, একগুঁয়ে মেয়ে তাহার সান্নিধ্য প্রাপ্তেই যে ভয়ে শুকাইয়া গুটাইয়া কোণঠাসা হইয়া গিয়াছিল, সে দৃশ্যটা হয়ত যতীনের পুরুষ-প্রকৃতিকে একটুখানি বেশ ক্রোতুক প্রদানও করিয়া থাকিবে; কিন্তু সেই ভীত-জড়িত মূর্তির মধ্য হইতে যখন স্বর বাহির হইয়া আসিল, তাহা যেন বজ্র দিয়া গড়া হইয়া তীক্ষ্ণ তীরের ফলা! যতীন্দ্রনাথ একটু বিশ্বাসের সহিত, সেই খাটের সঙ্গে মিশিয়া

দাঁড়ানো ক্ষুদ্রকায় নারীমূর্তিকে স্থির দৃষ্টিতে পর্যবেক্ষণ করিল। তারপর ঈষৎ নম্রকণ্ঠে কহিল—“অমন করে দাঁড়িয়ে থাকা কেন, এদিকে এসে বসো না। এ বিষয়ে আমাদের একটু কথাবার্তা কওয়াও তো দরকার।”

এই প্রস্তাব শ্রুতমাত্রই অমিয়া সভয়ে একটা অর্ধব্যক্ত ধ্বনি করিয়া উঠিল—“মাসিমা!”—তার পর সে আরও দু পা পিছাইয়া গিয়া ঘরের দেওয়ালে পিঠ রাখিয়া দাঁড়াইল। তার মধোর একজন ভীরা হুর্কল নারী—সে এই সবল দৃঢ়কায় এবং তাহার পরিণেতা পুরুষের সান্নিধ্যকে অত্যন্ত ভয়ের ও সন্দেহের সহিত দেখিয়া ক্রমাগতই পিছু হটিতেছিল; আর একজন—সে মানুষের মধ্যবর্তী, তার প্রকৃত মনুষ্যত্ব, তার জমাটবাধা শক্তিরশি—সে নিজের সর্বশক্তিমানতার সর্বক্ষমতায় অটুট সাহসে নির্ভীক বীরত্বে তার প্রবল আততায়ীর সম্মুখীন হইতে কিছুমাত্র ভীত হয় নাই। এই দুইজন দুই প্রকারের মানুষ তার মধ্যে একত্র কার্য করিতেছিল বলিয়া, বাহিরে তাহাকে যতই অসহায় মনে হইতেছিল, ভিতর হইতেও আবার ততই কঠিন উত্তরও বাহির হইতে লাগিল।

যতীন তার অবস্থা দেখিয়া মনে মনে হয়ত হাসিল, কিন্তু বাহিরে খুব সহজ দয়ার্জ কণ্ঠেই কহিল—“ভয় করো না, ভয়ের কিছুই নেই। আচ্ছা, আমি তাহলে এই সিঁদুকটার উপরেই বসি। এখন আমার যা বলবার আছে বলি শোন। তুমি কার কাছ থেকে কি চিঠি পেয়ে আমায় এমন করে ত্যাগ করে যে পালিয়ে এলে, এর ফলে আমি যদি তোমায় কখন না নিই, যদি আবার বিয়ে করি, তখন তুমি আমায় আর দোষ দিতে পারবে না কিন্তু।”

এই ভয়ানক লোকটাকে নিজের অত্যন্ত নিকটে উপস্থিত দেখিয়া অমিয়া যতখানি ভয় পাইয়াছিল, ইহার মুখের এই একটা কথাতেই সেটা যেন এক মুহূর্তেই অন্তর্হিত হইয়া গেল। এ’ তবে তাহাকে জোর করিয়া লইয়া যাইতে আসে নাই, মাত্র নিজের সাফাই গাইতে আসিয়াছে! এই লোককেই সে ঈশ্বর-প্রেমিত বোধে কি আগ্রহেই—যাক, কিন্তু এবার ঈশ্বরই তাহাকে রক্ষা করিয়াছেন! ভাগ্যে সময় থাকিতে সেই চিঠিখানা সে পাইয়াছিল! নতুবা ইহার প্রকৃত পরিচয় পাইতেও বিলম্ব ঘটত।

স্বামীর প্রমোদনের সগর্ভ দৃষ্টি সে তাহার মুখের উপর সন্নিবিষ্ট করিয়া অকুণ্ঠস্বরে উত্তর করিল—“সেজ্ঞ নিশ্চিন্ত

থাকবেন—জন্মে কখন আমার নামও আপনি আর শুনতে পাবেন না। এখন অনুগ্রহ করে একটু পথ দিন, আমি যাই।”

এই বলিয়া সে দৃঢ়পদে একটুখানি অগ্রসর হইয়া দাঁড়াইল, তার মুখের শ্বেত-বিবর্ণতা যুচিয়া গিয়া, উত্তেজনায় তাহা আরক্ত হইয়া উঠিয়াছিল। মনের বলের সহিত শরীরেও এখন তার খানিকটা বল দেখা দিয়াছে।

যতীন তাহার মুখের দিকে চাহিয়া ঈষৎ হাসিল। পথ না ছাড়িয়া বরং পা দুইটা আরও একটুখানি সামনের দিকে মেলিয়া দিয়া আলস্য ভাঙ্গিতে ভাঙ্গিতে সব্যঙ্গ হাশ্বে সে কহিল—“তবে আমিও একটা কথা বলি অমিয়া! মন্দ হলেও আমি তা বলে এত বেশি খারাপ নই যে, তোমার গায়ে কোন দিন হাত-চাত তুলবো! তাছাড়া টাকা-কড়ি যদি উড়িয়ে দিই বলে ভয় করো, তা হলে আমার অর্ধেক সম্পত্তি আমি তোমার নামে না হয় লিখে দিতেও রাজী আছি। তুমি যদি আমায় ত্যাগ করো, তাতে হৃদিক থেকেই একটা লোক-সজ্জা আছে ত। তার চেয়ে যদি আমার সঙ্গে চলো, অসুবিধা তোমার কিছু হবে না। স্মৃতে স্বচ্ছন্দেই থাকবে।”

যতীন্দ্রনাথ এইটুকু বলিতেই আবার সে সভয়ে কিছু হটিয়া গিয়া ভয়ানক কণ্ঠে কহিয়া উঠিল—“ওসব কথা কেন তুলেন! আমি কোন কিছুতেই যাবো না। লোকলজ্জার চাইতে নিজের লজ্জা আমার কাছে ঢের বেশি বড়। চরিত্র-হীনের ঘর আমি করবো না।”

যতীন কহিল—“তাহলে তোমার মত আর বদলাবে না? কিছুতেই না?”

অমিয়া দৃঢ়ভাবে ঘাড় নাড়িল।

“আমি তাহলে ফিরে যেতে পারি? এখনও ভেবে দেখ। তুমি না যাও তো এই মাসেই আমি বিয়ে করবো কিন্তু। তোমার আশাপথ চেয়ে যে জীবন কাটাবো, সে আমার দ্বারায় হবে না, তা’ বলে দিচ্ছি।”

এই কষ্টকর আলোচনা চালাইতে অমিয়ার যেন বুকে খিল ধরিয়া যাইতেছিল। সে এবার অত্যন্ত ক্রুদ্ধস্বরে বলিয়া উঠিল—“যে মুহূর্তে সেই চিঠি আমি পড়েছি, সেই মুহূর্তেই আমার সব-কিছু ভাবা শেষ হয়ে গ্যাছে। আজ আবার নূতন করে আমি কি ভেবে দেখতে যাব? ভাবনার আমার কিছু

নেই। আমি ও-রকম লোকের—না—আমি যাবো না। আপনি এফনি চলে যান।”

যতীন্দ্র তৎক্ষণাৎ উঠিয়া দাঁড়াইল। অমিয়ার ক্রোধের ফোভের অপমানের উত্তেজনায় ঘন ঘন শ্বাসভরে কম্পিত দেহ, আরক্ত মুখ ও আহতা-ফণিনীর ত্রায় ক্রুদ্ধ তীক্ষ্ণ দৃষ্টি সব শুদ্ধ জড়াইয়া তার মধ্যর একটা নূতনতর তীব্র আকর্ষণীয় সৌন্দর্য্য সে এক মুহূর্তে স্তব্ধ থাকিয়া লক্ষ্য করিল। তার পর দৃষ্টি ফিরাইয়া লইয়া শান্ত উদাসস্বরে ধীরে ধীরে কহিল—“আচ্ছা, আমি তাহলে চল্লুম,—” বলিয়া পিছন ফিরিয়া দু পা অগ্রসর হইয়া পুনশ্চ সে ফিরিয়া দাঁড়াইল,—“ভাল কথা! যে চিঠিখানা তুমি পেয়েছিলে, সেখানা কি ঠিক এই রকম? এইখানার সঙ্গে সেইখানা একবার একটু কষ্ট করে মিলিয়ে দেখবে কি?”—এই বলিয়া এবার সে অসঙ্কোচে চলিয়া আসিয়া অমিয়ার ঠিক সামনে দাঁড়াইয়া ভাঁজ খুলিয়া একখানি চিঠি তার চোখের সামনে তুলিয়া ধরিল।

অনিচ্ছা সত্ত্বেও এক নিমেষমাত্র তাহাতে দৃষ্টিপাত করিয়াই অমিয়া সরোষ বিস্ময়ে উচ্চকণ্ঠে কহিয়া উঠিল—“এ কি! আমার চিঠি কেমন করে চুরি—পেলেন আপনি! দিন আমার চিঠি দিন!”

যতীন্দ্র চিঠিখানা তৎক্ষণাৎ তাহার হাতে দিয়া মুছ হাসিয়া কহিল—“এখানি সত্যি বলচি,—আমি চুরি করি নি। তোমার খানা তুমি কোথায় রেখেছ খুঁজে দেখে ছোটয় মিলিয়ে নাও। তা হলেই তো সব সন্দেহ যাবে।”

অমিয়া চিঠিখানার উপর দৃষ্টি বুলাইয়া গিয়াই পুনশ্চ ঘোর অবিশ্বাসের সহিত কহিয়া উঠিল—“এ সেই চিঠিই। সেই ‘ধর্ম্মশ্রু স্মৃঙ্গাগতি’ মটো-লেখা একই কাগজ—সেই পুণ্যবতী লিখিয়া ‘শী’ টা কাটিয়া দিয়া ‘শি’ করা পর্য্যন্ত সমস্তই এক। নিঃসংশয় রূপেই এক হাতের লেখা এবং সেই চিঠিই—”

অমিয়া ঘোর অবিশ্বাসের সহিত মুখ তুলিল—“এ চিঠি আপনার হাতে কেমন করে যে গেল আমি কিছুই বুঝতে পারচি না!”

যতীন মুখ টিপিয়া হাসিয়া কহিল—“আমিও না। কিন্তু সেখানা তুমি কোথায় রেখেছিলে?”

“ওঃ এই ঘরেই তো—” বলিয়া সে খাটের-গদীর দিকে চাহিল।

যতীন তাহার অর্থ বুঝিয়া একটু জায়গা ছাড়িয়া দিয়া বলিল—“বেশ’ত; দেখ না সেটা ওখানে আছে কি না—!”

“নেই, দেখতেই পাচ্ছি—” বলিয়া সরোষে অমিয়া গদীর খানিকটা উর্টাইতেই খামশুদ্ধ চিঠিখানা যেমন ছিল বাহির হইয়া পড়িল। সেই একই রকম খাম, এক হাতেরই ঠিকানা লেখা। শুধু ডাকের ছাপটা নাই।

“এ কি! তবে এ আবার কি করে এলো!” বলিয়া দুখানা চিঠিই পাশাপাশি খুলিয়া সে স্তম্ভিত হইয়া রহিল। সেই সময় মুখ তুলিলেই সে দেখিতে পাইত যে, তার পরিত্যক্ত স্বামীর চোখে-মুখে কি বিপুল কোতুক হাশ্বের উচ্ছ্বাসই ফাটিয়া পড়িবার জন্ম উত্তত হইয়া উঠিয়াছিল!

“হ্যারে! হুম্মান ছেলে! এ তোর কি কাণ্ড বল দেখি? তাই প্রথম থেকেই আমার যেন হাতের লেখাটা খুব চেনা-চেনা বোধ হয়েছিল! তোকে দেখেই হঠাৎ আমার মনে হলো—ও চিঠি যে তোর হাতেরই লেখা! এই তো—ঠিক তাই! এই দেখ তোর চিঠি আমার কাছে ছিল,—কই সে চিঠি অমিয়া! বার কর তো মা! ওমা! এই যে! দেখ তো! দেখ অমিয়া! হতভাগা ছেলের কীর্তিটা এখন দেখ! উঃ! কি রে তোরা—ডাকাত না খুনে রে!”

পূর্ণিমা দেবী তাঁর স্বভাব-বিগর্হিত উত্তেজনা-চঞ্চল হইয়া প্রায় ছুটিয়া আসিয়া এই সব কথা বলিতে বলিতে তিন-চারখানা পুরাতন পত্র খুলিয়া খুলিয়া তার লেখার সহিত ঐ অজ্ঞাতনামার লিখিত পত্র ও তাহার নকলের সহিত মিলাইয়া দেখাইতে লাগিলেন। আর ক্রমাগত অসম্বরণীয় আনন্দে উচ্ছ্বসিত হইয়া ক্ষুদ্র বালিকাটির মতন হাসিয়া হাসিয়া বলিতে লাগিলেন—“এই দেখ অমিয়া! এই দেখ মা—কোন একটা অক্ষরে এতটুকু অমিল আছে? এই দেখ এর ‘ম’ এই দেখ ওর ‘ম’—তালব্য ‘শ’—বর্গীয় ‘জ’—সব দেখ এক রকম।” ওর হাতের লেখা ঠিক যে ওর মেজ মামার মতন! তিনিই যে ওকে প্রথম লিখতে পড়তে শেখান, ওর স্বভাবে তিনি যে ওকে বড় ভালবাসতেন। কিন্তু এমন অত্যাগ খেলা কেন খেলতে গেলি বাবা! মেয়েটা যদি আত্মঘাতী হতো, কি সেদিন পথে একটা বিপদে পড়ে যেত? কি হত বল দেখি তখন!”

যতীন্দ্রনাথ মামিয়ার এই নিভুল আবিষ্কারে ও ভৎসনায় যুগপৎ প্রফুল্ল ও অপ্ৰতিভ হইয়া পড়িয়া অপরাধীভাবে মুছ-

কণ্ঠে উত্তর করিল—“এতটা যে ও করবে, তা’ আমি ভাবতেই পারি নি মামিমা! বিয়ের আগের দিনই নগেনি ঘোষদের বাড়ীতে শুনলুম,—আমার যিনি স্বশুর হবেন, তিনি তাঁদের কাছে আমার চরিত্র সম্বন্ধে ভাল করে খোঁজ নিয়ে গেছেন। বলেছেন—তাঁর মেয়ের প্রতিজ্ঞা—স্বামীর চরিত্রে কোন দাগ থাকলে তার ঘর সে কিছুতেই করবে না। সেই শুনে একটুখানি পরীক্ষা করে দেখবার ইচ্ছা হয়েছিল। তাই—তা’ মামিমা! শিক্ষাটা আমারও বড় মন্দ হলো না। সেদিন ষ্টেশনে গাড়ি শূণ্য দেখে বাস্তবিক খুবই যাবড়ে গেছলুম। তখন মনে মনে কি আপশোষই যে করেছি। তা’পর গুঁর মা বাবার সামনে গিয়ে,—সে যেন আমার মরার বাড়ী হলো। মনে মনে ত জানি যে আমিই এর জন্ত দায়ী! তা’পর টেলিগ্রামটা দেখে অনেকখানি সুস্থ হলেম,—বুঝতে পারলেম যে, তাহলে নেহাৎ মরে নি এবং একেবারে ভেঙ্গে পড়ে যাবার মতন মেয়েও এ নয়।”

এই বলিয়া সে তখন কোতুক-হাস্তে-ভরা গভীর দৃষ্টিতে অদূরবর্তিনী প্রস্তুতীভূতা অমিয়ার দিকে চাহিল।

পূর্ণিমা দেবী কাছে আসিয়া সম্মুখে তাহার গায়ে মাথায় হাতটা বুলাইয়া তাহার শিথিল দেহ নিজের স্নেহনিবিড় বক্ষের মধ্যে টানিয়া লইলেন—“মা আমার! কত দুঃখই পেয়েছিলি! ভগবান যে হঠাৎ এমন করে এটাকে এমন অদ্ভুতভাবে শেষ করে দেবেন এ’ যে আমাদের আশার অতীত! যতীন! অমিয়া তোমার কাছ থেকে পালিয়ে এসেছিল বলে তুমি কিন্তু ওকে একটা কথাও বলতে পাবে

না, দোষ তোমারই বেশি। বিয়ের কনেকে অমন করে ভয় দেখালে, সে ভয় না পেয়ে কি করবে বাছা?”

যতীননাথ এইবার উচ্চঃস্বরে প্রাণখোলা হাসি হাসিয়া উঠিয়া সেই হাসির মধ্যেই বলিতে লাগিল—“ভয়ই পাক, আর যাই করুক মামিমা! আপনার বোনঝিটা কিন্তু এবার সব পরীক্ষার চাইতেই শ্রেষ্ঠ খুব মস্ত বড় পরীক্ষায় ফাট হয়ে পাশটা করে নিলে। নাঃ! তোমারও পরে ভক্তি তো চির দিনই অপৰ্য্যাপ্ত আছেই,—আজ আবার আর এক দিক দিয়ে ইনিও আমার নারীজাতির উপরে সেই শ্রদ্ধাকে দ্বিগুণিত করে দিলেন। এই তো চাই মামিমা! ওই চিঠি পেয়ে ও যদি নিঃশব্দে কাঁদতে কাঁদতে আমার সঙ্গে আমার ঘরে ঘর করতে চলে যেত, আমি আমার স্ত্রীকে আর যাই করি, জন্মে কখন আর শ্রদ্ধা করতে পারতুম না,—এটা খুব সত্যি।”

পূর্ণিমা দেবীর হৃৎচোখ দিয়া আনন্দাশ্রু বরিতেছিল। তিনি বিবশা অমিয়াকে টানিয়া আনিয়া খাটের উপর বসাইয়া দিয়া তাহার মাথায় কপালে হাত বুলাইয়া সম্মুখে বলিলেন—“মা! এইবার তুমি তোমার স্বামীকে প্রণাম করে, তার পায়ের ধুলো নাও। অনেক মন্দ কথাই তার সম্বন্ধে ভেবেছ-হয়ত। ভুলু! আমার কাছে আস। তাদের দুটিকে দুপাশে নিয়ে একবার বসি। আহা! কি সুন্দর মানিয়েছে দেখ দেখি! আজ যদি তোর মা বাবা আর তোর মেজ মামা বেঁচে থাকতেন!”

মনের মতন

শ্রীমলিনীমোহন চট্টোপাধ্যায়

আমি ত রচিছি বিশ্ব মনের মতন,
নাহি অন্ধ অভিলাষ, বাসনা-বিকার।
অস্তুরে বাহিরে করি আশীস্ বর্ষণ,
উচ্ছ্বসিত উদ্বেলিত প্রেম-পারাবার।
পৃথিবীর লক্ষ আশা-লক্ষ দিকে ধায়,
হেথা সব বাঁধা আছে সোনার শৃঙ্খলে।
পৃথিবীর সফলতা সুদূরে মিশায়,

হেথা সব দূর আসে নিকটেতে চলে।
ধরায় সবাই রাজা, সব চাহে কর,—
প্রাণ চাহে পরিতোষ, প্রেম চাহে সুখ,
তৃষিত চেতনা চাহে হইতে অমর,
সব বৃকে ধরা দিতে চায় যেন বৃক।
হেথায় মনের রাজ্য অনন্ত বিস্তার,
প্রেম ছাড়া আর কারো নাহি অধিকার।

মোটরে কাশ্মীর-যাত্রা


শ্রীসৌরীন্দ্রমোহন মুখোপাধ্যায় বি-এল

শ্রীনগর

শ্রীনগর তো শ্রীনগরই—নগরের শ্রী সত্যই অপূর্ণ! চারিদিকে পাহাড়ের প্রাচীর,—নগরের বুক বয়ে বিলাম সর্পগতিতে

অনেকটা কলকাতার টালার খালের মত। এই নালায় হাউস-বোটের সংখ্যা নেই বললেও চলে। আড়াআড়ি করে নালায় যতগুলি ধরে, তত আছে! শুধু মাঝখান দিয়ে একখানা কি দুখানা হাউস-বোট যেতে পারে, এমনি জায়গা খালি আছে। আমরা হাউস-বোটে জিনিষপত্র তুলিয়ে স্নানাহারের আয়োজনে ব্যস্ত হলাম। আয়োজন পাকা করতে হবে। কেননা, এখানে তো ক্ষণেকের অতিথি হয়ে থাকা নয়, কিছুদিনের জন্ত আস্তানা পাতা!

বোট থেকে বাসন-মাজা চাকর, জলতোলা ভিন্টি—দুখানি বোট, কাজেই—দুজন করে মিললো!



আমাদের হাউস-বোট

এঁকে-ওঁকে চলেছে, দুই তীরের কাছে হাউস-বোটের কত জাতির লোক যে বাস করছে! পথ-বাট প্রশস্ত। পথের ধারে বিলাসী ছবিতে যেমন সব কটেজের দেখা মেলে, তেমনি ঘর-বাড়ী। পপুলার ও চেনার গাছ শির উঁচু করে দাঁড়িয়ে আছে। ফুল-ফলের রকমারি বাহার... প্রকৃতির আদরের ছালাটি যেন!

আমাদের হাউস-বোট ছিল চেনার-নালায়। মহ-ম্মার নাম চেনার-বাগ।

চেনার-নালা নালাই বটে!

বিলাম থেকে কাটা খাল জমিকে অমন শতভাগে বিভক্ত করে এদিকে-ওদিকে চলে গেছে—শ্রোত অত্যন্ত মৃদু, জল কম, তাছাড়া সে জলও অত্যন্ত নোংরা। চেনার-নালায় আকার


তাছাড়া মাথারও দুর্জন নিষুক্ত হলো। ভৃত্যকে পয়সা দিয়ে কতকগুলি কলসী আনানো হলো। চেনার-নালা বা বিলামের



শিকার

জল স্নান-পানের জন্ত ব্যবহার নিষিদ্ধ—কলের জল আনাতে হবে, তাতেই স্নান-পান-রন্ধন সব চলবে। বিলামের জলে বাসন মাজা অবধি নিষেধ। এ নিষেধ অবশ্য রাজাদেশে নয়।

যাঁরা পূর্বে শ্রীনগর ঘুরে গেছেন, এমনি বন্ধু ও আত্মীয়ের দল আমাদের পূর্ক হতেই সতর্ক করে দিয়েছিলেন, এ জলে হেন রোগ নাই, যার ব্যামিলি মিলবে না! কাজেই সর্ব কার্যে আমাদের কলের জল চাই,—বোটের ভৃত্যদের




কাশ্মীরী বাড়ী

সে আদেশ জানানো হলো। কারণ, কাশ্মীরীরা বিলামের জলে স্নান করেন—বিশেষ, হাউস-বোটের মাঝি-মাল্লার দল এই জল পানের জন্ত ও রন্ধনের জন্ত ব্যবহার করে।

জল এলে সেই জল গরম করিয়ে স্নানের ব্যবস্থা করলুম। প্রতি বোট তিনটে বাথরুম,—বাথ-টব প্রভৃতির সরঞ্জাম আছে। স্নান করে গরম জামা-কাপড়ে শরীর ঢেকে বোটের বাহিরে এসে চেনার-বাগে কিছুক্ষণ পরিভ্রমণ করা হলো; ওদিকে ঠাকুর ততক্ষণে রান্না চাপিয়ে দেছে।

সন্ধ্যার অনতিকাল পরে আহারের তলব পড়লো। আহার হবে ডাইনিং-রুমে। আসন পাতা নয়—চেয়ারে বসে, টেবিলে ভাতের খালা রেখে খাওয়া! আহারাদি করে বোটের ড্রয়িং-রুমে বসে খানিক বই পড়া গেল। ড্রয়িং-রুমে ছোটখাট লাইব্রেরীও আছে—বিজলীর আলোয় আলোক করা ড্রয়িং-রুম অপূর্ব ভূষণ সজ্জিত। তারপর



বিলামের তীরে বাট ও বাড়ী


বাজার শাক-সজ্জী, আনাজ-তরকারীতে ভরা। আর কি শস্তা দাম! আলুর সের এক আনা; এক পয়সা বা দেড় পয়সায় এক সের বেগুন; চার আনায় একট কুমড়া

রাত দশটা বাজলে শয়ন-পর্ক। শীত খুবই প্রচণ্ড—গায়ে সাদা গেঞ্জি তখোঁপরি গরম গেঞ্জি ও ভায়োলা মাট, এবং সর্কোপরি একখানি করে ধোশা ও কষল মুড়ি দিয়ে শোওয়া হলো। কিন্তু মার-রাত্রি হি-হি শীতে ঘুম ভেঙ্গে গেল! ধোশা-কষলে বেশ করে সর্কোপ জড়িয়ে কাঠপতলিকার মত অনড়ভাবে পড়ে রইলুম—তারপর এমনি অবস্থাতেই রাত্রি কাবার।

সকালে বাথরুমে ঢুকে দেখি, ভৃত্য গরম জল রেখে গেছে। প্রাতঃকৃত্যাদি-সমাপনান্তে চা পান। তারপর বেলা আটটায় উজারকেট প্রভৃতিতে আবৃত হস্ত বাজার-অভিমুখে সদলে রওনা হলুম।

কি শীত! বৃকের মধ্যটা বন্বান করছিল, হাত অসাড়! দুই পকেটের মধ্যে হাত দুখানিকে পুরতে হলো। তবু কি শীত কমে!

মিললো, তার ওজন প্রায় আধমণ। একটি বড় লাউ এক পয়সা। মাংসের সের ছ'আনা। এক রকম শাক পাওয়া গেল, কপির পাতার মত; তার নাম কড়ম শাক। আর লক্ষ্য? সে যেন এক-একটা বড় বেগুনের মত! অচেল—কত



বিলাম। তীরে মহারাজ রণবীর সিংহের বেদী

চাই। সর্ক চাল—টাকায় আট সের। বাজার করছি, বিস্তর মাঝি এসে ছেকে ধরলো,—‘শিকারী সাব! শিকারী!’ ‘শিকারী’র মানে, সেই ছোট ছিপের মত হালকা নৌকো! আনাজ-তরকারী নিয়ে শিকারায় চড়া গেল। বিলামের বুক গায়ে গিয়ে চেনার-নালায় ঢুকলুম। সামনে বিলামের বৃকের উপর থেকে দীর্ঘ পাহাড়ের শ্রেণী উঠেছে। সে যেন ভারতের ভাগ্য-বিধাতা বদে ভারতের অবস্থা লক্ষ্য করছেন! চেনার-নালায় প্রবেশ-পথের অপর তীরে মহারাজার প্রাসাদ। এটি মহারাজার গ্রীষ্মাবাস। শীত-কালে মহারাজ সপারিষদ জম্মুর প্রাসাদে বাস করেন।

বোট ফিরে দেখি, দলে-দলে শিকারী বেয়ে দোকানী-পশারীর দল আনাজ-তরকারী থেকে শুরু করে শাল-মোশালা, কাঠের খেলনা, জুয়েলারি প্রভৃতি নিয়ে ভিড় জমিয়েছে। এখানে এমনিভাবেই এরা ব্যাসাতি করে।

তবে পরদেশী ক্রেতা পেয়ে দাম হাঁকে চতুর্গুণ! আমরা সন্ত এসেছি, মন সংশয়ে আচ্ছন্ন, তাদের কাজেই বিদায় দিতে হলো, দর-দস্তুর জানিনা—পাছে বেজায় ঠকি! বৈকালে মোটরে করে বেড়াতে বেরুনো হলো। পাহাড়-পর্কতে ঘেরা প্রশস্ত পথ।

পাহাড়ের গায়ে মহারাজ হরিসিংয়ের প্রাসাদ, পথের ধারে মহারাজার ফলের বাগান—প্রকাণ্ড বাগান, আপেল-নাশপাতি গাছ ফলস্ত! দূরে বহুদূরে পাহাড়ের শ্রেণী—আগাগোড়া এমনি প্রাচীর তুলে দাঁড়িয়ে আছে—দেখলে মনে হয়, ওদিকে যাবার কোনো উপায় নেই! হঠাৎ মনে হলো, কোথায় নিজের দেশ


ছেড়ে এসেছি—ফিরে যাবার পথের মধ্যে খুঁজে পাবো কি! বেড়িয়ে বোট ফেরবার মুখে ওখানকার ইলেকট্রিক এঞ্জিনিয়ার শ্রীযুক্ত ললিতচন্দ্র বহু মহাশয়ের বাড়ী গিয়ে হাজির হলুম। এর আতিথ্যের খ্যাতি ভারত-বিস্তৃত। যে-কোনো



চেনার-নালা

বাঙালী এখানে আসেন, তাঁর বোট ঠিক করে দেওয়া থেকে সর্বপ্রকার সুখ-স্বাচ্ছন্দ্যের দিকে সবিশেষ মনোযোগ দেওয়া ললিতবাবুর ব্রত! এতটুকু বিরক্তি নাই! সর্দা প্রসন্ন-মুখ! কাশ্মীরে দীর্ঘকাল বাস করেও ভদ্রলোকের

গায়ে তেমন মাংস লাগে নি কিন্তু! ললিতবাবুর গৃহে যত বড়-বড় বাঙালী-অফিসারদের সঙ্গে সাক্ষাৎ হলো! শ্রীযুক্ত ঋষিবর মুখোপাধ্যায় মহাশয় সেই গৃহে সভাপতির মত বসে, আর বহু বাঙালী—প্রোফেসর, ব্যবসায়ী প্রভৃতি সমুপস্থিত। সকলে নানা গল্প-আলোচনায় ব্যাপ্ত। আমাদের কাছে এলাহাবাদের ললিতবাবুর লেখা পরিচয়পত্র ছিল, বহু-মহাশয়ের নামে। পত্র দিতে তিনি অভ্যর্থনার ধুম বাধিয়ে তুললেন—চা, বিস্কুট, বাদাম প্রভৃতি দিয়ে আপ্যায়িত করলেন! পরিচয় হলো। এখানকার বাঙালীরা দেশ ছেড়ে এত দূরে থাকলেও মাতৃভাষার সঙ্গে সম্পর্ক বিচ্ছিন্ন



শঙ্করাচার্য্য পর্কত-শিখর হইতে ঝিলামের গতি-দৃশ্য


করেন নি। 'ভারতবর্ষ', 'ভারতী' প্রভৃতি মাসিক পত্রগুলি নেন, পড়েন, কাজেই সে-সব পত্রে মাঝে-মাঝে কলমের যে-সব আঁচড় টানি, তারও পরিচয় রাখেন! তখন 'ভারতবর্ষ' আমার 'পিয়ারী' উপন্যাস ধারাবাহিক-ভাবে বেরুচ্ছে—সে-সম্বন্ধেও আলোচনা হলো। 'পিয়ারী'র অদৃষ্ট-চক্র ঘুরে কোথায় দাঁড়াবে, সে-প্রশ্নও তুললেন। বাংলা দেশে থেকে হাজার মাইল দূরে এমন মিশুক দরদী প্রাণের পরিচয় পেয়ে বিমুগ্ধ হলাম। ঋষিবরবাবু বললেন,—ধুতি পরে বেরুবেন না, এ কলকাতা নয়। ঠাণ্ডা লাগবে, নিউমোনিয়া হতে পারে। আমি বললুম,—কিছু অস্বাচ্ছন্দ্য বোধ হচ্ছে না তো! ঋষিবর বাবু বললেন,—

কাশ্মীরী পটুর ব্রীচেস (breeches) পরে সকালে সন্ধ্যায় বেড়াতে বেরুবেন। পটু কিনতে বললেন। আমি বললুম,—তাই হবে। ললিতবাবু আমাদের আস্তানার সন্ধান নিলেন,—তার পর কতকগুলি উপদেশ দিলেন। আমরাও বিদায় নিলাম।

শ্রীনগর কাশ্মীরের ঠিক মাঝখানে—ঝিলামের দু'ধারে কাশ্মীরীদের বাস; ছোট-ছোট বাড়ীগুলি, ছাদ আটা লেপা। শ্রীনগরে ঝিলামের উপর সাতটি পুল। পুলগুলি ষড় শতাব্দীতে মহারাজ প্রবরসেনের আমলে তৈরী হয়। প্রথম পুলটি পাকা। বারামুলা থেকে শ্রীনগরে আসতে বাজারের পরই

এই পুল পার হতে হয়। অপর ছটা পুল কাঠের পাইলপ-এর উপর, তার উপর দিয়ে একা চলে, মোটর বা ভারী গাড়ী যেতে পারে না। সহরে ঢুকতেই সর্বাঙ্গে চোখ পড়ে, নগরের বুকে এক পাহাড়ের মাথায় একটি মন্দির। এ মন্দিরের নাম, তখত-ই-সুলেমান। এ পাহাড়টি নগরের উত্তর-পূর্ব কোণে। পাহাড়টি এক হাজার ফিট উঁচু। মন্দিরটি একেবারে পাহাড়ের মাথায়। মন্দিরের চূড়ায় বিজলী-আলো দেওয়া হয়েছে—তার ভিতর বেশ কৌশল আছে। আলোটুকু বহু বহু দূর থেকে রাত্রে পথ-প্রদর্শকের কাজ করে। এ আলোটি বহু অর্থব্যয়ে বসিয়েছেন মহাশূর-রাজ। পূব দিক দিয়ে নদী ঝিলাম বয়ে চলেছে—

এবং একে-বঁকে পাহাড়ের গা ঘেঁষে চেনার-নালা-পথে ডাল হুদে এসে মিশেছে। ডাল মানেই হলো হুদ। হুদের গা ঘেঁষে পাহাড়ের শ্রেণী। ডালের তীরে খানিকটা জায়গায় হাউস-বোট আছে বিস্তর। হুদের জল ফটকের মত স্বচ্ছ—এমন পরিষ্কার যে তলার হুড়ি-পাথর স্পষ্ট দেখা যায়; তাছাড়া মাছ ভেসে খেলা করছে, তাও চোখে পড়ে। তখত-ই-সুলেমানের নীচে নাশিং হোম; এখানে আটজন যুরোপীয় রোগীর বাসের ব্যবস্থা আছে। তখত-ই-সুলেমানের উপরে মন্দিরে যাবার পথ আছে।



ডাল হুদ—কমলবন


এ-পথে ঘুরে মন্দিরে চড়া একটা সখের কাজ! ভক্তি যাদের আছে, তাঁরা তো যাবেনই—সে বেশী কথা নয়! তবে যুরোপীয় যাত্রীর দলও পাহাড়ে চড়ে মন্দির দর্শন করেন। খুব মোটা বয়স্কা মেম-সাহেবকেও ছুঁজন তরুণের কাঁধে ভর দিয়ে পাহাড়ে চড়তে দেখেছি। এ পাহাড়ের অপর নাম শঙ্করাচার্য্য পাহাড়। এ মন্দির প্রথম তৈরী করেন জালক। জালক ছিলেন বৌদ্ধ। মন্দিরটি প্রথম তৈরী হয় ২০০ খ্রীষ্টপূর্ব সালে। তার চিহ্নও নাকি লুপ্ত হয়ে যায়। পরে ষষ্ঠ শতাব্দীতে রাজা গোপাদিত্য এর

সংস্কার করে মন্দিরে মহাদেব-লিঙ্গ প্রতিষ্ঠা করেন। বিগ্রহটির নাম জ্যেষ্ঠেবর। যে শিবলিঙ্গ আছে, সেটি মাহুঘ-ভোর উঁচু; আর তার বেড় বিশাল বটগাছের মত।

এখানে মন্দির প্রভৃতির প্রাচীনতা দেখলে স্পষ্ট বোঝা যায়, কাশ্মীর বহু প্রাচীন যুগ থেকেই আপনার মহিমায় উদ্ভাসিত হয়ে আসছে। কাশ্মীরের উদ্ভব সম্বন্ধে যে-গল্প বহু পূর্ব কাল থেকে চলে আসছে, তাতে পুরাণের শীল মারা—আর সে গল্প ভারী মজার! গল্পটি এই,—হিমালয়ের বুকে সুদীর্ঘ হুদ ছিল, তার নাম সতীসর। এই সতীসরে

পার্কতী মাঝে মাঝে নৌ-বিহারে আসতেন। কিছুকাল পরে অকস্মাৎ এই সতীসরে এক দৈত্যের আবির্ভাব হলো। দৈত্যের অত্যাচারে সতীসরের তীর-প্রদেশের অধিবাসীর দল সন্ত্রস্ত হয়ে উঠলো। তারা যাগযজ্ঞ করে দৈত্যের হাত থেকে মুক্তি পাবার জন্ত দেবতাদের তুষ্ট-মাধনে প্রবৃত্ত হলো। এবং যেমন হয়ে থাকে, তাদের তপে তুষ্ট হয়ে এলেন ব্রহ্মার পৌত্র কশ্যপমুনি। তিনি অধিবাসীদের মুখে দৈত্যের কথার শ্রবণে, দৈত্যকে বধ করার আয়োজন করলেন। দৈত্য নানা জলচর জন্তুর রূপ ধরে সতীসরের

জল তোলপাড় করে পালিয়ে বেড়াতে লাগলো। সতীসরের জল বোলা করছে এক ছুরন্ত দৈত্য—পার্কী দেবীর কাছে খপর গেল। তিনিও অন্তরীক্ষে এসে দাঁড়ালেন। কণ্ঠপমুনি তখন মন্ত্রবলে সতীসরের জল শোষণ করতে লাগলেন—দৈত্যের পক্ষে তখন আত্মগোপন অসম্ভব হলো। সে তো এক জায়গায় আশ্রয় নেবার জন্ত উঠে দাঁড়ালো, অমনি কণ্ঠপমুনি অস্ত্র ধরলেন। তাতেও দৈত্যকে এঁটে ওঠা যায় না! পার্কী দেবী তখন তারণ করতে এলেন। হিমালয়ের একাংশ হাতে উপড়ে নিয়ে তিনি দৈত্যকে



ডাল হুদ—ভাসমান ক্ষেত


লক্ষ্য করে নিষ্ফেপ করলেন। আর সে যায় কোথায়! দৈত্য সেই পর্ত্তথণ্ডের ঘা খেয়ে পঞ্চ পেলো। সেই পর্ত্তথণ্ড হলো এখনকার হরিপর্কত। হরিপর্কত শ্রীনগরের একান্তে অবস্থিত। তার মাথায় কেলা আছে। কেলাটি আকবর বাদশাহ তৈরী করান। আজো সে কেলা জীর্ণ হলেও সশরীরে খাড়া আছে, এবং তাতে কাশ্মীর মহারাজার ফৌজ থাকে। আর দৈত্যের পালিয়ে বেড়ানোর দাপটের দরুণ পায়ের চাপে যে-সব নানা চিপিঁর সৃষ্টি হয়, সেগুলো ছোট-খাটো পর্ত্ততশৃঙ্গ হয়ে গেছে। কণ্ঠপ জল শুষে নেওয়ার

উপত্যকা-ভূমি বেরিয়ে পড়ে। সেই উপত্যকাই হলো শ্রীনগর। সতীসরের একটা শীর্ণ ধারামাত্র বিলাম বা বিতস্তা নদীতে পরিণত হয়েছে। দৈত্য যেখানে নিহত হয়, সে জায়গা হলো আধুনিক বারামুলা। হরিপর্কতে শ্রীহর্গার মূর্ত্তি আছে—আজো তাঁর নিত্যপূজা হয়।

পুরাণের গল্পে লোকের মন যত সন্দিহান থাকুক, কাশ্মীরের প্রাচীনতার বিবরণ ইতিহাস-পাঠে জানা যায়। ঐতিহাসিক যুগে কাশ্মীর-রাজ্য ভারতের হিন্দুরাজ্যের অন্তর্ভুক্ত ছিল। সে সময় ব্রাহ্মণের প্রাধান্য ছিল অপরিণীম।

শ্রীনগরের পত্তন হয় খৃষ্টজন্মের তিন শত বৎসর পূর্বে, রাজা অশোকের রাজত্ব-কালে। কল্পন এই কথা বলেন। পরে মহারাজ প্রবরসেন (২য়) হরিপর্কতের চারিদিক ঘিরে শ্রীনগর রাজধানী গড়ে তোলেন। বিলাম বা বিতস্তার উপর তিনিই প্রথম সেতু নির্মাণ করান। কাশ্মীরে যে-সব প্রাচীন মন্দির আছে, তাদের সংস্কার এবং অনেকগুলি নূতন মন্দির গঠন, এ তাঁরই কীর্ত্তি। শ্রীনগরের তখন নাম ছিল প্রবরপুর।

তার পর ১০৫০ খৃষ্টাব্দে বিলামের দ্বিতীয় সেতুর কাছে



ডাল হুদ—গাগ্রি বল

নদীর তীরে প্রাচীন তৈরী হয়। কাশ্মীরের হিন্দু রাজারা সকলেই শৈব ছিলেন। কাশ্মীর মত শিব-মন্দিরের এখানে সংখ্যা নেই। মন্দিরের গড়ন কিন্তু সম্পূর্ণ কাশ্মীরী কলানু-যাত্রী। এই সব মন্দিরের সবি-শেষ পরিচয় পরে দেবো। হিন্দু-




কাশ্মীরী নারীর ধান কোটা

প্রাধান্যের পর চতুর্দশ শতাব্দীতে কাশ্মীরে সূদৃঢ়ভাবে মোগল-আধিপত্য প্রতিষ্ঠিত হয়। তার পূর্বে একাদশ শতাব্দীতে কাশ্মীর মাহমুদ গজনীর করতলগত হয়—এবং ছুরাগী রাজগণ কাশ্মীরে প্রভুত্ব করেন। তার পর সপ্তদশ শতাব্দীতে মোগল কাশ্মীর দখল করে। এই মোগল-আমলেই কাশ্মীর শোভায়-শ্রীতে সমৃদ্ধ হয়ে ওঠে। প্রকৃতির সহজ সুখমায় মানুষের হাতের কারিগরি ফোটে!

১৫৮৭ খৃষ্টাব্দে আকবর বাদশাহ্ কাশ্মীর অধিকার করেন। তিনি প্রায়ই কাশ্মীরে বেড়াতে আসতেন। তাঁর মৃত্যুর পর বাদশাহ্ জাহাঙ্গীর ও বেগম নুরজাহান কাশ্মীরে বেশীর ভাগ সময় কাটাতে আসতেন। তাঁদের আমলে বহু উত্থান, বহু প্রাসাদ তৈরী হয়, বহু সরাই রচিত হয় এবং বিস্তার পথবাটও তাঁরা তৈরী করান। এখনকার এই বিলাম-ভ্যালি রোড তখন থেকেই আছে—কিন্তু সে পথ তখন খুবই দুর্গম ছিল। বহু রাজার নির্দেশে বহু শিল্পীর হাত পেয়ে এখন অপেক্ষাকৃত সুগম হয়েছে।

তার পর ১৮১৯ খৃষ্টাব্দে কাশ্মীর শিখদের হাতে আসে



চেনার-বাগ, কাশ্মীর

এবং রাজা রণজিৎ সিংয়ের মৃত্যুকাল পর্যন্ত কাশ্মীর শিখ-হস্তেই থাকে।


এই সময় জম্মুরাজ গোলাপসিং বহু দেশ জয় করেন এবং লাডাক, স্কার্দো, গিলগিট প্রভৃতি জম্মুরাজ্যভুক্ত হয়। সীমান্ত প্রদেশ রক্ষা করা কঠিন। এই জগুই ইংরাজ সন্ধিসর্ত্তে জম্মুরাজের হাতে কাশ্মীর তুলে দেন, নিঃস্বস্তে। জম্মুরাজ তখন সুবিস্তীর্ণ কাশ্মীর-রাজ্যের অধিপতি হন। গোলাপ সিংএর মৃত্যু হয় সিপাহী-বিদ্রোহের সময়; তাঁর ফৌজ বিদ্রোহের সময় ব্রিটিশের পক্ষ নিয়ে যুদ্ধ করে। গোলাপ সিংয়ের পর তাঁর পুত্র রণবীর সিং কাশ্মীর-রাজ্যের

অধীশ্বর হন। রণবীর সিং রাজত্ব করেন, ১৮৮৫ খৃষ্টাব্দ পর্যন্ত; তাঁর মৃত্যু হলে মহারাজা শ্রীর প্রতাপসিং রাজ্যেশ্বর হন। গত বৎসর (১৯২৫ খৃষ্টাব্দ) প্রতাপসিংএর মৃত্যু হয়। মহারাজ হরিসিং এখন কাশ্মীরের অধীশ্বর। কিন্তু এই ইতিহাসের কথা পরে বলবো। আজ শুধু কাশ্মীরের যে বৈচিত্র্যটুকু আমাদের চোখে পড়েছিল, সেই কথাই বলি।

শ্রীনগরে আসবার পূর্বে নানা ভ্রমণ-কাহিনী পড়ার ধারণা জন্মেছিল, কাশ্মীরে শুধুই পাহাড়, পাহাড়ের কোলে পথ, আর নদী। গাড়ী চলে এমন প্রশস্ত রাজপথ এখানে নেই। কিন্তু এসে দেখি, তা মোটেই নয়। চারিদিকে দীর্ঘ প্রশস্ত পথ—তবে

বিলাম নদী ও তার অসংখ্য শাখাপ্রশাখা (চেনার-নালা নামে প্রসিদ্ধ) আছে। এই চেনার-নালায় হাউস-বোটের সংখ্যা নেই। এই সব হাউস-বোটে বেশীর ভাগ বিদেশীর বাদ। বিদেশী মানে যারা বড় চাকরি করছেন, বা দীর্ঘকালের জগু বেড়াতে এসেছেন। পর্যটকের অভাব এখানে কোনকালেই নেই। অনেক ইংরাজ আছেন; তবে তাঁদের 'বিবহীন ফণী' বলে মনে হয়! সে রক্তচক্ষু বা পথে ক্রমঃমূর্ত্তি দেশী লোক দেখলে ঘণায় সিঁটকে ওঠা—এ দৃশ্য শ্রীনগরে দেখিনি কোনো দিন! শ্রীনগরের প্রশস্ত লনে দেশী ও বিলাতী নর-নারী বেড়াচ্ছেন, অকুতোভয়ে, অসঙ্কোচে, সকাশে-

সন্ধ্যায়, পাশাপাশি! কোথাও দেশী লোকের পদার্পণ নিষেধ—এ-রকম সাইনবোর্ড নেই! এই হুস্থ আবহাওয়াটুকু সব-আগে চোখে পড়ে! আমরা সেখানে থাকতে থাকতে এক কাশ্মীর-প্রবাসী পাঞ্জাবী দোকানদারের সঙ্গে কি অবনিবনা হওয়ায় এক লাল রঙের সাহেব দুই চক্ষু রক্তবর্ণ করে তাকে যা-তা বদ গাল দেন। পাঞ্জাবী তাকে সতর্ক করেন, খবদার, গাল দিয়ে না! তাতে সাহেব না ভোড়কে দেশী স্পর্ধা দেখে আবার সেই বদ গালের পুনরুক্তি করেন! যেমন গাল দেওয়া, অমনি পাঞ্জাবী যুবর প্রচণ্ড ঘৃণি সাহেবের নাকে পড়া! সাহেব এর জগু মোটেই প্রস্তুত ছিলেন না।



উলার হ্রদ


তিনি টাল সামলে নিয়ে পাঞ্জাবীকে মারেন, পাঞ্জাবীও তার চতুর্গুণ শোধ দেন। সাহেব ছেঁড়া কোষ্ঠায় রক্তাক্ত কলেবরে রেসিডেন্টের কাছে গিয়ে নালিশ করেন। তিনি বলেন, থানা আছে, কোর্ট আছে, নালিশ করগে। আমার কাছে কেন? সাহেব থানায় গিয়ে নালিশ লেখান্—তারপর কোর্টে যাবার পূর্বেই বোধ হয় তাঁর চেতনা হয়, এখানে সাদায়-কালোয় পার্থক্য তো নেই! তখন ছেঁড়া কোষ্ঠী খুলে গায়ের রক্ত ধুয়ে-মুছে সাহেব নিজের কাজে মন দেন। এ হলো গত সেপ্টেম্বর মাসের ঘটনা।

তারপর বিতীয় বৈচিত্র্য এবং সেইটেই প্রধান বৈচিত্র্য যা চোখে ঠেকে, সে এখানকার প্রাকৃতিক

সৌন্দর্য! পাহাড়, বর্ণা, নদী, ফুল-ফল.....এর প্রাচুর্যের আর সীমা নেই! পাহাড় চতুর্দিকে,—কিন্তু তার একেধেয়ে ভাব কোথাও নেই। আকারে-প্রকারে পদে পদে এত পার্থক্য, বর্ণের বিচিত্র সুষমায় এমন উজ্জল যে বিশ্বমে এই গিরিমালায় পানে তাকিয়ে থাকতে থাকতে চেতনা যেন লুপ্ত হয়ে যায়! চিত্রকরের তুলির রেখায় ফুটিয়ে তোলবার 'মতই মহান্ সে দৃশ্য, সুন্দর সে দৃশ্য! উত্তর দিকে চাও, পাহাড়ের সাগর যেন! মাথায় তুব্বারের শুভ্র কিরীট, সাগরের তরঙ্গের মতই ফেনিল! উত্তরের এ পর্বতের নাম নাজা পর্বত। পূর্বদিকে চাও, গন্তীর মূর্ত্তিতে উচ্চ-শিখর

গিরিরাজি সিন্দ-উপত্যকাকে সর্বপ্রকার উপদ্রব থেকে রক্ষা করার জগু প্রাচীরের মত দাঁড়িয়ে আছে। দক্ষিণে মহাদেও পর্বত, শ্রীনগরের পানে তাকিয়ে অচল দাঁড়িয়ে আছে! মহাদেও পর্বতের পাশে অমরনাথ পর্বত। দক্ষিণ-পশ্চিম কোণে পীরপাঞ্জাল, আর পশ্চিমে ফার ও দেওদারের ঘন জঙ্গল পঞ্চনদকে চোখের আড়াল করে পুঞ্জিত রয়েছে! পাহাড়ের গা ফেটে অসংখ্য বর্ণা বারে পড়ছে। জলের এখানে অপ্রতুল নেই। পান করার জগু কলের জল আছে। পথে জল নেবার জগু অসংখ্য হাইড্রান্ট, আর খুব তোড়ে তাতে দিবারাত্রি জল পাওয়া যায়। এই জল আসতে হারবন থেকে। সেখানে পাহাড়ের উপর লেক আছে।


পাহাড়ের জল সেই লেকে অজস্র ধারে জমা হচ্ছে। লেকটি শালও পরিষ্কার কাটা হয়। যেখানে শাল কাটা হয়, সে অংশের খুব ছঁশিয়ার প্রহরীরা পাহারা দিচ্ছে, কেউ না স্পর্শ করতে নাম গাগরিবল। গাগরিবলের দৃশ্য চমৎকার। ডালের



শঙ্করাচার্য্য পাহাড়

পারে। হারবন দেখার অনুমতি নিতে হয় রাজ-সরকার পরিধি হলো লম্বে পাঁচ মাইল, চওড়ায় ছ' মাইল। থেকে। অনুমতি-পত্র ছাড়া হারবনের গভীর মধ্যেও কেউ শঙ্করাচার্য্য পাহাড়ের নীচেই। চারিদিক পাহাড়ে ঘেরা, প্রবেশ করতে পারে না। আর পাহাড়ের বৃকে মাঝে মাঝে হালের বাংলা-কালী,—

নদী—ঝিলাস্। নাম বিতস্তা। কাশ্মীরীরা বলেন ভেট্ট। বা রা সু লা-অঞ্চলে ঝিলামের নাম কাশুর দরিয়া; তারপর ডোমেলের কাছে যেখানে কিষণগঙ্গ নদীর সঙ্গে কাশুর দরিয়া মিশেছে, সেই অঞ্চল থেকে ঝিলাস নামেই প্রসিদ্ধ।




শ্রীনগর—প্রাসাদ

তার পর হ্রদ। কাশ্মীরে অসংখ্য হ্রদ। শ্রীনগরে ডাল হ্রদ। খুব স্বচ্ছ জল, আর এত পরিষ্কার যে জলের নীচে মাছগুলো খেলা করে বেড়াচ্ছে, দেখা যায়—এ কথা পূর্বেই বলেছি। ডালের অর্থই হ্রদ। ডালের জল এত পরিষ্কার যে এর একটি জায়গায় শাল কাটা হয়। জল খুব soft; তাতে খুব মিহি


ও সেকালের 'পরীমহল', 'চশ্ম-সাহী'। ছবির মত দেখায়!

কাশ্মীরের বিখ্যাত উলার হ্রদ হলো বন্দীপুরের কাছে গিল্গিট যাবার পথে। উলারের অর্থ গুহা (cave)।

উলারের বিস্তার ১৫-মাইল। জল খুব গভীর—ঝড়ের সময় উলারে বিপদের ভয় খুব বেশী। বড় বড় হাউস-বোট চেউয়ের জোরে তীরে এসে উপুড় হয়ে আছড়ে পড়ে; এবং এ বড় খুবই আচম্বিতে ও অকারণে নামে! উলারে বেড়াতে যেতে হলে সকালে আসতে হয়—বিকালের দিকেই ঝড় ওঠে। উলারের সন্ধ্যার ঝড়ের পূর্বে-লক্ষণ বুঝতে পারে এবং বুঝতে পারলে তখনই ছঁশিয়ার হয়ে চটপট বোট তীরে নিয়ে আসে। উলারের পাশে মস্ত পাহাড়; তার নাম বাবা শফরুদ্দিন। এই পাহাড়ের মাথায় এক পীরের আস্তানা আছে।



ঝিলামের বৃকে পঞ্চম সেতু



কাশ্মীরের সাধারণ গৃহের নমুনা

কাশ্মীরে কলেরা, বসন্ত, এই দুটি রোগের প্রাহুর্ভাব খুব বেশী। কাশ্মীরীরা যে-অঞ্চলে থাকে, সে-অঞ্চলে অত্যন্ত সতর্ক গলি,—কাশ্মীর গলি তো তার কাছে চৌরঙ্গী! এই গলি-ঘুঁজির মধ্যে ছোট ছোট যেঞ্জি বাড়ী-ঘর—আর লোকগলিও তেমনি নোংরা। দেহে ভগবান অজস্র রূপ

ঢেলে দিলে কি হবে—এ রূপের তারা তোয়াজ জানে না! মেয়েদের স্নানের ভঙ্গী ভারী অদ্ভুত। মাথায় কবে সে কোন্ সাত-আট বৎসর পূর্বে বেণী যা বেঁধেছে—সে বেণী খোলেওনি, কোনোদিন! স্নানের সময় জলে মাথা ভেজায় না—সারা দেহ নগ্ন করে জলে ডুবিয়ে সে জল না মুছেই ঘাগরা

ঝুলিয়ে দেয়। বাড়ী গিয়ে জল মোছা সম্ভব! কিন্তু জলশুদ্ধ
ভিজ়ে গায়ে শুকনো যাগরা ঢাকা দেওয়া—এ একেবারে
তাজ্জব দৃশ্য!

রোগ ছাড়া ভূমিকম্প এবং আগুন লাগার বিপত্তিও বড়
অল্প নয়। ভূমিকম্পের জন্ত বাড়ী সব কাঠের তৈরী।
বিলাতী কটেজের মত—মাথায় চিমনি। চিমনি না থাকলে
শীতের হাত থেকে নিস্তার পাওয়া শক্ত।

কাশ্মীরীদের ভাষা প্রাকৃত থেকে উদ্ভূত; ভাষার নাম
কাশুর। এবারের মত কাশ্মীরী ভাষার সংক্ষিপ্ত পরিচয়
দিয়ে বিদায় নেওয়া যাক। এদের ভাষার সঙ্গে আমাদের
ভাষার কতক মিল আছে—সেটুকু উপভোগ্য।

Boatকে কাশ্মীরীরা বলে, নাও; Green সব্জ;
White শ্বে; Copper তাম্; Court-yard আঙ্গন;

Cross তরণ; Dance নৎসন; Day দো; Drink
সেওন্; Lake ডাল; Eye আখ; Forest জয়ান;
Fowl কুকর্; Grand-father বুড়ীবাপ; Meat মাষ;
Milk দোধ; Name নাও; Pigeon কোতর্;
Right side দখণ; Snake সর্ফ; Sunshine তাপ;
Washerman ধোব; Wind আওয়া; Blood রক্ত।
ছুটী প্রবচনের নমুনা দি—

“গ্র-স্ত হস্ত”—এর মানে “চাষা, না হাতী!”

“বাতা ইয়ার বে-রোজগার”—এর মানে, “পণ্ডিত বন্ধু
হয়, যখন তার রোজগার বন্ধ থাকে।”

কাশ্মীরের আরো বিশেষ কথা পরের বারের জন্ত
মুলতুবি রইলো।

শরৎ

শ্রীকুমুদরঞ্জন মল্লিক বি-এ

আবার এলে নূতন হয়ে

নূতন করে আবার এলে।

বনে মনে ফুটায় ফুল

এলে কমল নয়ন মেলে।

এলে নদীর কলসনে,

মৌমাছীদের গুঞ্জরণে,

এলে রূপের রূপালিতে

বুকের ভাঙ্গা মৃগাল বেলে।

অতীতে আজ আনলে ডেকে

চিরনূতন শানাই গানে।

শৈশবের নিমন্ত্রণ হায়

ভগ্ন গৃহের দরদালানে।

তোমার পানে নয়ন তুলে,

যাই যে বয়স যাই যে ভুলে,

‘সরস্বতী’র রুদ্ধ বুক

জোয়ার ভাটা আবার খেলে।

এলে মৌদের বনশ্রীতে

গৃহশ্রীতে আবার তুমি,

মলিন আকাশ সুনীল করে

সবুজ করে কানন-ভূমি।

এলে শত যুগের স্মৃতি

এলে মধুর মিলন প্রীতি,

এলে ধূসর বালুর বেলায়

জোৎস্নারি সোহাগ ঢেলে।

আনো তোমার গজের পিঠে

মহামায়ার আবার আনো,

স্নেহের অধিবাসের বাসর

মায়ের মায়া ভালই জানো।

আনো সম্বৎসরের আশা

আলিঙ্গন আর ভালবাসা

পুরানো ঘট আবার ভরি’

আনো নূতন চোখের জলে।

চিরনবীন চিরকিশোর

সবুজ হিয়ার তুমিই সাথী,

দিবস তোমার আলোয় ভরা

সুধায় ভরা শারদ রাত।

চিরশ্রামল তোমার পথে

চাই যে আমি পথিক হতে

বুকের দীঘি পদে ভরে

তোমার সরস পরশ পেলে।

পাকাদেখা

শ্রীনির্মল দেব

আজ আমার বয়স সাতাত্তর বছর। তিন-কুড়ি সতেরোটা
শরৎ-বসন্ত এই জীবনের রাঙা-মাটির পথ দিয়ে আনাগোনা
ক’রেছে—রেখে গেছে স্মৃতির ধূলি-রেখায় তা’দের পায়ের
চিহ্ন! সেই এক দিন সকাল-বেলায় বুনছিলুম বীজ,
তা’রই কসল ব’সে ব’সে কাটছি আজ এই গোপুলি-বেলায়!
আর বেশ দেবী নেই, বেলা প’ড়ে গেছে,—এখনই অন্ধকার
হ’য়ে আসবে। তা’র আগেই আমার এ ধানের আঁটি তুলে
নিয়ে গির রাখতে হবে—সাতাত্তরটা বছরের হাসি-কান্নার
আল্পনা-খাঁকা আঙিনায়। তা’র পর এই নতুন ধানে
আমার আবার উৎসব হবে, কিন্তু তা’ ওই অন্ধকারের
এপারে, ওপারে,—নব-জীবনের অরুণ-আলোয়!

এই দীর্ঘ সাতাত্তরটা বছর আমার হৃদয়-নিকুঞ্জ কত
ফুল ফুটায়, কত ফুল বা’রে গেল, কত সুর বাজলো, কত
সুর গেয়ে গেল! কিন্তু সব ফুটে ওঠা—বা’রে যাওয়া, বেজে
ওঠা—সেমে যাওয়ার মাঝখানে যে জিনিষটি আমার সারা-
জীবন ধরে অক্ষয়-অমর হ’য়ে আছে,—যা’র পাপড়ি কোনো
দিন কাঁসবে না, যা’র বন্ধার কোনো দিন থামবে না,—
আজ এই সন্ধ্যা-বেলা একলা ব’সে সেইটিকে নিয়েই
নাড়ছি-নাড়ছি—ছোট বালিকার খেলা-ঘরের পুতুলের
মতন।

যৌবনের সকাল বেলাতেই সেই যে না-বুঝে একটা
প্রকাণ্ড ভুল ক’রে ফেলেছিলুম, সেই একটিমাত্র ভুলেরই
জের চলেছে কত বিচিত্র রেখায় এই দীর্ঘ জীবনের পথ
বেয়ে। আজ এই নিঃসঙ্গ জীবনের সুদূর সীমান্তে দাঁড়িয়ে
কেবল এই কথাটাই বার-বার মনে হ’চ্ছে—সে ভুল কি
আমার, না আমার অলক্ষ্য অদৃষ্টের! সেই ভুলটুকুই আজ
আমার একমাত্র সম্বল—আমার পারের কড়ি! তখন মনে
হ’তো—এই যে আমার যৌবন-প্রভাতে আশোয়ারীর রেশটুকু
মিলোতে-না-মিলোতেই পূর্ববীর কড়ি-মধ্যম কেঁপে উঠলো,
আমার জীবন-দেউলে বোধনের মন্ত্র খামতে-না-খামতেই
বিসর্জনের বাজনা বেজে উঠলো,—কেন এমন ভুল ক’রে
ফেললুম! তখন সে ভুলের জন্তে কত-না কেঁদেছি, কত-না

ছুঃখ পেয়েছি! তখন তো বুঝি নি যে, ভুল ক’রে ছুঃখ
পাবার অল্পভূতি যিনি দিয়েছেন, না-বুঝে ভুল করবার
মূর্খতাও তো তাঁ’রই দেওয়া,—আমি কে! তাই আমার
সব ভুল-ভ্রান্তির হিসাব-নিকাশের ভার, মানুষের ভুল ভ্রান্তির
মালিক যিনি, তাঁ’রই হাতে তুলে দিয়ে, আজ চুপ্টি ক’রে
ওপারের পানে চেয়ে ব’সে আছি—থেয়ার প্রতীক্ষায়!

* * * *

তখন আমার বয়স তেইশ বছর,—সেই বয়স, যে বয়সে
পূর্ণিমার চাঁদ ডুবতে চায় না, পাখীগুলো গান গেয়ে-গেয়ে
হাঁপিয়ে পড়ে না, শেফালি-যুথিকা-চামেলির গন্ধ দখিণা
বাতাসে দিবা-রাত্র ভেসে-ভেসেও ফুরিয়ে যায় না! পাশের
পড়ার দোহাই দিয়ে মা’কে বরাবর ঠেকিয়ে রেখে, শেষে
এক দিন যখন মা আবার সেই কথা পাড়তে আর সে
পুরোনো দোহাই না দিয়ে চুপ ক’রে রইলুম, তখন মা
আমার মৌন সম্মতিতে নিশ্চিত হ’য়ে কোমর বেঁধে বর-
আলো-করা বৌ খুঁজতে সুরু ক’রে দিলেন। সে বেন
একটা সুন্দরী-সুয় যজ্ঞ লেগে গেল! ছনিয়ার যেখানে-
যেখানে সুন্দরী কুমারী ছিল, তা’দের খুঁজে বা’র করবার
জন্তে ঘটক-ঘটকীদের মধ্যে একটা তুমুল সাড়া প’ড়ে গেল।
শেষে সকলের সৌন্দর্য্য যাচাই ক’রে নির্বাচিত হ’লো
আমাদের গ্রাম থেকে তিন মাইল দূরে এক দরিদ্র ব্রাহ্মণের
কন্তা। পণের হাঙ্গামা ছিল না, তাই কেবলমাত্র রূপের
জোরেই পাত্রী ঠিক হ’য়ে গেল।

তরুণ জমীদার আমি। সাত-শ টাকা দামের হীরের
ছল দিয়ে মামা পাকা দেখে এলেন। সঙ্গে গেছলো সুনীল
—আমার আজন্ম-সুহৃৎ। সে ছিল কবি—রূপ চিন্তে
পাকা জহরী! তাই তা’র উচ্ছ্বসিত প্রশংসার লোভ
সাম্রাজ্যে না পেরে তা’কে মামার সঙ্গে পাঠিয়ে দিয়েছিলুম।

দিন-পনেরো পরে বিয়ের দিন ঠিক হ’য়ে গেছে।
সন্ধ্যাবেলা বাগানে নদীর ধারে বাউ-গাছের তলায়
একটা ইজি-চেয়ারের ওপর এলিয়ে প’ড়ে ভাবছিলুম—এই
পনেরোটা দিন ফুরোতে কতদিন লাগবে!—কবে আসবে

সে-দিন, যেদিন জ্বলে উঠবে সেই রূপের প্রদীপ-শিখা আমার এই দীপহীন দেউলে,—কবে এক দিন সানাইয়ের বাঁশীর সুরে চেলা-চন্দনে সেজে, সিঁদুরের, রাঙা রাঙে সে এসে দাঁড়াবে তা'র রক্ত-চরণ ফেলে, আমার এই অন্তর-জোড়া তরুণ-যৌবনের-কল্পনা-চিত্রিত পিঁড়িখানির ওপর—মূর্তিমতী উবার মতন!

সুনীল এসে আমার পাশে ঘাসের ওপর বসে পড়লো। মনের নিবিড় কৌতূহল গোপন করে, বাহ্যতঃ নিস্পৃহভাবে তা'কে জিজ্ঞাসা করলুম—“কেমন দেখলি রে সুনীল?”

সুনীল বললে—“চমৎকার! কিন্তু ভাই—”

আমি জিজ্ঞাসা করলুম—“কিন্তু কি?”

সুনীল একটু ইতস্ততঃ করে বললে—“তা'র পিঠে বোধ হয় ভাই, একটু কুঁজ আছে!”

বুকের ভেতরটা ধক করে উঠলো। আকর্ষণ উদ্বেগ অতি কষ্টে চেপে সহজভাবে তা'কে বললুম—“দূর! তুই ভুল দেখেছিস! বোধ হয় সে লজ্জায় একটু সামনে ঝুঁকে পড়েছিল, তুই তা'ই কুঁজ ভেবেছিস।”

সুনীল তা'তেও নিশ্চিত না হয়ে বললে—“না ভাই, আমার মনে হ'লো পিঠের ওপর কি যেন উঁচু হ'য়ে আছে। সে নিশ্চয়ই কুঁজ!”

সূর্যাস্তের গৈরিক আভাটুকু সন্ধ্যার আকাশ হ'তে যেন পলকের মধ্যে আমার চোখের সামনে নিভে গেল। যেখানে-সেখানে, যখন-তখন তা'র অপূর্ণ রূপের খ্যাতি শুনে-শুনে আমার যৌবনের কল্পনাকে নীরবে নির্জনে বসে তা'র যে বিচিত্র মানসী-মূর্তি ধীরে-ধীরে গড়ে তুলেছিলুম, আজ একটা নিমেষে সে মূর্তি যেন ভেঙ্গে-চূরে গুঁড়িয়ে গেল। আর কিছু বলতে পারলুম না। সুনীলের মনে সংশয় জেগেছে, নিশ্চয়ই কোনো একটা বিশেষ রকম গোলমাল আছে!

রাত্রে মা ভাঁড়ার-ঘরে বসে মামার সঙ্গে বিয়ের আয়োজন সম্বন্ধে আলোচনা করছিলেন, আমি উদ্ভ্রান্ত চিত্তে তা'দের সামনে গিয়ে বললুম—“মা, আমি বিয়ে করবো না!”

মা বললেন—“কেন রে, আবার কি হ'লো?”

আমি বললুম—“না, আমি বিয়ে করবো না!”

মা বললেন—“সে তো বললুম, কিন্তু কারণটা কি বল না!”

আমি কোনো ইতস্ততঃ না করে সোজা সজি বলে ফেললুম—“শেষে তোমরা কোথেকে একটা কুঁজো মেয়ে ঠিক করেছো!”

মা বিস্মিত-চক্ষে আমার গুরু মুখের পানে চেয়ে ব'ললেন “সে কি রে! এত লোক এত বার দেখে এলো, আমি নিজেও দেখে এসেছি, সকলেই একবাক্যে মরি, মরি ব'ললে, কারুর চোখে কোনো খুঁত পড়লো না, আর তুই আজ ব'লছিস কি না সে কুঁজো! এ বাজে খবর তুই কোথেকে পেলি? আর তা' ছাড়া সব ঠিকঠাক হ'য়ে গেছে—পাকা-দেখা পর্যন্ত হ'য়ে গেছে, এখন এ সম্বন্ধ মিছামিছি ভেঙ্গে দেওয়া কতখানি অশ্রয় হবে বল্ দিকিন! তা'র গরীব হ'লেও এতখানি অভদ্র ব্যাপার কি করা উচিত?”

আমি তবু অবিচলিতভাবে বললুম—“না, ও মেয়ে আমি বিয়ে করবো না!—বিয়েই করবো না!”

মা উদ্ভ্রান্ত-চিত্তে বললেন—“আচ্ছা, আমি বন্দোবস্ত করছি, তুই নিজে গিয়েই কবার দেখে আয়! তা'র পর এসে বলিস!”

আমি চুপ করে রইলুম।

* * *

হাতীতে চড়ে, লোক-লব্ধর নিয়ে, ঐশ্বর্যের আড়ম্বর করে মামার সঙ্গে মেয়ে দেখতে গেলুম। এক জীর্ণ কুটারের ছয়ারে গিয়ে দাঁড়াতেই, একটা স্নিগ্ধ-সোয়া-মূর্তি বৃদ্ধ বেরিয়ে এসে, আমাদের সাদর অভ্যর্থনা করে, ভেতরে নিয়ে গিয়ে মাটির দাওয়ার ওপরে স্বহস্তে একখানা মাটির পেতে সন্মিত মুখে ছ'টি হাত বাড়িয়ে আমাদের বসতে ব'ললেন। আমাদের ধন-দৌলতের খ্যাতি শুনে অঞ্চলে লোকের মুখে-মুখে ফিরতো। সেই ধনী জমীদার-বংশের একমাত্র ছালাল আমি—আমি যে তাঁ'র সামান্য পণ-কুটারে এসে বসেছি, আমার যোগ্য সমাদর যে কিছুই হ'চ্ছে না—সেজন্তে কোনো কুণ্ডার ছায়ামাত্রও বৃদ্ধের হাবে-ভাবে ভাষা-ভঙ্গিমায় প্রকাশ হ'লো না! জীবনে সেই একটি দিনমাত্র বিস্মিত হ'য়ে দেখেছিলুম—দারিদ্র্য ঐশ্বর্যের সামনে কেমন করে মাথা তুলে দাঁড়ায়!

মামা বৃদ্ধের সঙ্গে দেশের শিক্ষা, স্বাস্থ্য, নীতি বিষয়ে রঙ-বেরঙের গল্প জুড়ে দিলেন। আমি নিঃশব্দে বসে তাঁ'র ঘর-দোরের ওপর চোখ বুলোতে লাগলুম। পরিষ্কার

পরিচ্ছন্ন দেওয়াল, মেজে; আঙিনার সর্বত্রই একটি কল্যাণী গৃহ-লক্ষ্মীর দরদী হাতের পরশ যেন ফুলের মতন ফুটে রয়েছে! ছোট আঙিনার এক প্রান্তে শিউলি-গাছের তলায় একটা তুলনী-মঞ্চ,—ঝরে-পড়া শিউলি-ফুলে মঞ্চটির চার পাশ ছেয়ে গেছে। ধনী প্রাসাদে ভোগ-ঐশ্বর্যের নিত্য সমারোহের মধ্যে আজন্ম-বর্ধিত আমি—আজ এই সুন্দর, শ্রী দারিদ্র্যের রিক্ত, শূণ্য, তাপস মূর্তি আমার চোখে টাটকোর হিসাবে বড় ভাল লাগলো!

খানিক পরে মামার কথার ইঙ্গিতে বৃদ্ধ মেয়েকে আনবার জন্তে উঠে গেলেন। কয়েক মুহূর্তের মধ্যেই বৃদ্ধের সঙ্গে একটা ঘর এসে আমাদের আনত প্রণাম করে ধীরে ধীরে আমাদের সামনে একটু দূরে গিয়ে বসলো।—আসতে আসতে উদ্ভ্রাম লজ্জায় তার পা-ছোটো জড়িয়ে গেল না,—আমাদের নামে বসে অকারণ কুণ্ডায় তার মাথাটা বোলের কাছে ঝুঁক পড়লো না,—সহজ সরল ভাবে অসঙ্কোচে সে আমাদের পানে ছুটি কালো চোখের অকুণ্ঠিত দৃষ্টি মেলে চাইলো। আমি সামান্য একটু ইতস্ততঃ করে, লজ্জার জড়িমা জোর করে কাটিয়ে ফেলে, উৎসুক চোখ তুলে তার দিকে তাকালাম। খানিকক্ষণ আমার চোখের পলক পড়লো না!

—সুনীল বললে তার কিছুই বলা হয় না,—অপ্সরী বললেও তার স্পীর ভাগ না বলাই থেকে যায়! সে ভোরের গুণকায় অচঞ্চল আলো, স্তব্ধ গভীর নিশীথে দূর বেহাগের মুচ্ছমা, পরতের স্বচ্ছ নীল সন্ধ্যাকাশে সূর্যাস্তের গৈরিক আভা—তেম্নি নিবিড়, তেম্নি গভীর, তেম্নি মহান! না, না,—সে এসবকে ছাপিয়েও আর কিছু! সে যে কি—তা আমি জানি না!—সেদিন জানি নি, পরে জানি নি,—এই বিচিত্র দীর্ঘ জীবনের কোনো দিন জানতে পারি নি! সে তাই—যা দেখে বিস্মিত পুলকে, নির্বাক, নিস্পন্দ হয়ে চেয়ে থাকতে হয়;—“কী সুন্দর!” বলবার চেতনাটুকুও দেহের মধ্যে থাকে না। মঞ্জরিত যৌবনের বসন্তোৎসব তার দেহের মাধবী-কুঞ্জ সুর হয়ে গেছে, কিন্তু সে উৎসবের বাণরী-ধ্বনি যেন তার কাণে গিয়ে এখনও পৌঁছয়নি,—এখনও যেন তার শিশুকালের মনটি পড়ে আছে সেই খেলাঘরের পুতুলেরই দিকে! কিন্তু এমন একটা সন্মিত গাভীর্য তার নখর মুখখানির ওপরে মাথানো যে, মুখ দেখে তার বয়স পাঁচ কি পচিশ তা ঠিক করা একটা দুর্লভ ব্যাপার!

আমি চুপ করে বসে মনে মনে স্বপ্নের মায়াজাল রচনা করতে লাগলুম। ভবিষ্যৎ জীবনের কত রঙীন কল্পনা সমুদ্রের চেউয়ের মতন উচ্ছ্বসিত হয়ে উঠে আমার চিত্ত-সৈকতে শত ধারে ছড়িয়ে পড়তে লাগলো। বেলা পড়ে আসছিলো; বিদায়মান সূর্যের একটা পথহারী রশ্মি শিউলি গাছের ফাঁক দিয়ে তার অকম্পিত মুখের ওপরে এসে পড়েছিলো—দেবী-প্রতিমা'র মুখে সন্ধ্যারতির পঞ্চ-প্রদীপের আলোর মতন!

কতক্ষণ আমার এমন মুগ্ধ বিহ্বল ভাবে কেটে গেছিলো, সে খেয়াল আমার ছিল না। চমক ভাঙলো—যখন মামা আমার গায়ে হাত রেখে একটু নাড়া দিয়ে বললেন—“কিছু জিজ্ঞাসা করতে চাও তো করো!”

আমি লজ্জা পেয়ে শুধু বললুম—“না।”

বৃদ্ধ স্নেহাঙ্গী স্বরে বললেন—“ভালো করে দেখে নাও বাবা, পিঠে কোনো দোষ আছে কি না,—মনের কোণে কেন একটা অকারণ সন্দেহ থেকে যায়!”

মাথাটা আমার নিদ্রিতের মাথার মতন মাটির দিকে ঝুঁকে পড়লো,—মনে মনে নিজেকে শত ধিক্কার দিয়ে আমি নির্বাক হয়ে রইলুম।

তেম্নি সশব্দ প্রণাম করে সে ধীরে ধীরে উঠে চলে গেল—গোধূলি বেলায় দিনান্তের শেষ আলোটুকুর মতন,—আমাদের সামনেটা অন্ধকার করে!

আরও খানিক ক্ষণ একথা সে-কথায় কেটে গেল। আমরা উঠবো-উঠবো করছি, এমন সময়ে ভেতর থেকে একটা স্নিগ্ধ আহ্বান এলো—“বাবা!”

বৃদ্ধ তাড়াতাড়ি উঠে “এখনই আসছি!” বলে চলে গেলেন। কয়েক মুহূর্ত পরে ফিরে এসে একটা ভেলভেটের কোটো আমার হাতে দিয়ে বললেন—“এই নাও বাবা।”

আমি চেয়ে দেখলুম—সেই হীরের ছল, যা দিয়ে মামা পাকা দেখে গেছিলেন। বৃদ্ধের কথার অর্থ কিছুই বুঝতে না পেরে সেটাকে হাতে ধরে আমি অভিভূতের মতন তাঁ'র মুখের দিকে চেয়ে রইলুম! বৃদ্ধ বললেন—“দেখে নাও বাবা, ঠিক আছে কি না; ওটা ফিরিয়ে নিয়ে যাও, আমার মেয়ে চির-কুমারী থাকতে চায়!”

মামা প্রগাঢ় বিষয়ে জিজ্ঞাসা করলেন—“কেন?”

শাস্ত কণ্ঠে বৃদ্ধ বললেন—“কেন তা' তো জানি না;

তার কোনো কাজের 'কেন' আমি কখনো জিজ্ঞাসা করি নি, জিজ্ঞাসা করবার দরকারও কোনো দিন হয় নি। কারণ, দারিদ্র্যের শূণ্য কোলেই সে আজন্মকাল মানুষ হয়েছে, তাই সে যা' বলে, সব দিক ভালো ক'রে ভেবে-চিন্তে, স্থির-সঙ্গম হ'য়ে বলে।"

মামা ব'ললেন—“এটা কি ভালো হচ্ছে বেয়াই মশাই?”

বৃদ্ধ মুহূ হেসে ব'ললেন—“ভালো-মন্দর বিচার সত্যিই

আমি এতদিনেও ক'রতে জানি না ভাই! তবে গুণ এইটুকু জানি—মানুষ তার নিজের সুবিধা-অসুবিধা, প্রয়োজন-অপ্রয়োজনের পানে চেয়েই জগতের ভালো-মন্দর বিচার করে। যদি অপরের অন্তরের সুখ-দুঃখের সঙ্গে নিজেকে মিশিয়ে সে-বিচার ক'রতো, তা' হ'লে ভালো-মন্দর রঙ ব'দলে যেতো।”

* * * * *

দ্বন্দ্ব

শ্রীমরোজকুমারী বন্দ্যোপাধ্যায়

৩১

কিরণের সহিত সেদিনের সাক্ষাতের পর হইতে ছই সপ্তাহ অতীত হইয়া গিয়াছে। ইহার মধ্যে আর লীলার সঙ্গে তাহার দেখা হয় নাই।

কিরণ অধীর চিন্তে লীলার আস্থানের অপেক্ষা করিতেছিল; কিন্তু তাহাকে ডাকিবার কথা মনে হইলেই লীলা কাঁপিয়া উঠিত। সেদিনের পর হইতে তাহার সহিত আগের মত সহজ ভাবে দেখা করিবার সাহস তাহার ছিল না। কিরণও আর পূর্বে মত অকুণ্ঠ ভাবে তাহার কাছে আসিতে পারিত না।

দীর্ঘ ছই মাসের পর সেদিন লীলা বৈকালে ড্রয়িংরুমে নামিয়া আসিয়া বসিয়াছিল। বীণা তাহার নিকট বসিয়া গল্প করিতেছিল, ও মধ্যে মধ্যে অধীর ভাবে জানালার মধ্য হইতে পথের দিকে চাহিতেছিল।

সুস্থ হইবার পর হইতে লীলা বীণার মধ্যে একটা অত্যন্ত পরিবর্তন লক্ষ্য করিত। তাহার পূর্কের সে চাঞ্চল্য ও কৌতুকপ্রিয়তা অনেকাংশে ঘুচিয়া গিয়াছিল। পূর্কে তাহার চোখে-মুখে যে একটা ভোগ-বিলাসের ও অসার দস্তুর প্রথর দীপ্তি সর্বদা বিরাজ করিত, তাহা লুপ্ত হইয়া একটা কোমল মধুর ভাব তাহার অপূর্ণ সুন্দর মুখে ছড়াইয়া পড়িয়াছিল। লীলার রোগের সময় হইতে সে তাহার সমস্ত আনন্দ প্রমোদ ভুলিয়া সর্বক্ষণ তাহার সঙ্গে সঙ্গে ফিরিত—সাধ্যমত তাহার সেবা করিত। লীলা অল্পতপ্ত মুগ্ধচিত্তে ভাবিত, এই

বীণাকে সে এতদিন হৃদয়হীনা অসার-প্রকৃতি মনে কত তুচ্ছ তাচ্ছিল্য, কত অবহেলা করিয়াছে।

ছই ভগিনীর আলাপের মধ্যে কুমার গুণেশ্বর আসিয়া সেই কক্ষে প্রবেশ করিলেন।

‘এই যে! আপনি আজ নেমে আসতে দেখেচেন!’ কুমার অত্যন্ত বিনম্র ভাবে লীলাকে নমস্কার করিয়া বীণার পার্শ্বে চৌকি টানিয়া লইয়া বসিলেন। পরে লীলাকে উদ্দেশ্য করিয়া আবার বলিলেন—‘কি চেহারা হইয়া গেছে আপনার—ঠিক যেন ছোট পাখীটির মত! যাহোক্ ভাবনা হয়ে উঠেছেন যে, সেইটাই লাভ! যে ভয় আমাদের হইছিল।’

লীলা একটু হাসিয়া প্রতিশ্রুতি করিল।

কুমারের আগমনের সঙ্গে সঙ্গে বীণার মুখ আগ্রহে আনন্দে উজ্জ্বল হইয়া উঠিয়াছিল। সে বলিল—‘জানো লিপি, তোমার অসুখের সময় গুঁর যে কি ভাবনা আর কি ভয়, সে যদি দেখতে! বাড়ীতে স্থির হয়ে থাকতে পারতেন না, সকালে চা খেয়েই এখানে এসে বেলা বারোটা পর্যন্ত বসে থাকতেন। আবার ফিরে গিয়ে নাওয়া খাওয়া সেরে সেই যে চলে আসতেন, একবারে রাত দশটা পর্যন্ত! কতদিন বাড়ী যেতেই চাইতেন না,—মা কত বুঝিয়ে, কত করে পাঠিয়ে দিতেন। সারাক্ষণ ভেবে ভেবে অস্থির!—’

—‘ভাবনা হবে না? সে কি সহজ কাণ্ডটি হয়েছিল বীণা? আর তা ছাড়া, আমি এ পরিবারের ঘনিষ্ঠ বন্ধু, তোমাদের সুখ-দুঃখ ঠিক তোমাদের মতই সমান ভাবে

আমি অনুভব করি। বাইরের লোকের মত একবার এসে খোঁজ খবর নিয়ে চলে গেলে ত আমার মন বুঝতো না! কুমার অত্যন্ত কোমল স্বরে বীণাকে কথাটা বলিয়া লীলার দিকে ফিরিয়া বলিলেন—‘সব চেয়ে মর্মান্তিক আঘাত আমার কিসে লেগেছিল জানেন? কেবলি আমার মনে হত যে, যে দিনই আমার সঙ্গে আপনার প্রথম পরিচয় হলো, তার ছ'ঘণ্টা না যেতে যেতেই কি সেইখানে সঙ্গে সঙ্গে এমন শক্ত অসুখ? তখনো অল্প করে একটা কথা পর্যন্ত আপনার সঙ্গে কইতে পারি নি, অথচ পিসীমার কাছে আপনাদের কথা শুনে পর্যন্ত আলাপ করবার জন্ত এত আগ্রহ এত ইচ্ছা কতদিন থেকে মনে রয়েছে। নানা কাজকর্মের রঞ্জাটে আসা আর হয়ে উঠছিল না। তা যদি বা অনেক কষ্টে কোন মতে আসা হলো, অমনি সঙ্গে সঙ্গে এই ব্যাপার—কি জানি তখন কেমন আমার মনে হত যে, আমার সঙ্গে দেখা না হলে হয় ত আপনার এমন অসুখ হতো না। অবশ্য এ কথাটার কোন মূল্য আছে বলে মনে হয় না। তবু সে সময় খালি ঐ কথাটা মনে হয়ে কেবলি আমার নিজের উপর বড় রাগ হতো!’

কুমারের সঙ্গে লীলার পরিচয় কেবল ছ'তিন মিনিটের মাত্র, তবু তিনি এমন নম্র মুহূ ভাবে, এমন আত্মীয়তার ভঙ্গীতে কল্পাঙ্গুলি বলিলেন যে, লীলা অপরিচিতের এত ঘনিষ্ঠতার অধিকার লওয়ায় বিরক্ত হইতে পারিল না।

সে বলিল—‘আপনি আমার কথা ভেবে এত দ্বিম কষ্ট পেয়েছেন, আমি তার কিছুই জানতুম না। সংসারে বন্ধুবান্ধব অবশ্য অনেক পাওয়া যায়, তবে প্রকৃত ব্যথার ব্যথী বন্ধু লাভ অনেক সৌভাগ্যের কথা। আপনাকে অকৃত্রিম বন্ধু রূপে পেয়ে আমিও খুব স্তব্ধ হলাম। এখন এখানেই ত থাকবেন কিছু দিন?’

—‘সেই রকম ইচ্ছেই ত আছে। অবশ্য আবার সেখানে বিশেষ দরকার যদি না পড়ে। তা আপনি এখন বেশ সুস্থ আছেন ত মিস রায়? আর ত কোন রকম অসুখ নেই?’

লীলা বলিল—‘অসুখ বিশেষ কিছু নেই,—এখন গায়ে আর একটু বল পেলেই বাঁচা যায়। অসুখের চেয়ে এই ষরের মাঝে বন্দী হয়ে থাকাকাটা যেন আরো কষ্টকর হয়ে উঠেছে! কতকাল যে বাড়ী থেকে বেরোই নি, তা মনেই পড়ে না! মনে হচ্ছে যেন আজন্মকাল এমনি ষরে বসেই কেটেছে।’

—‘সত্যি! বাড়ীতে বসে বসে এমনি অস্বস্তিই ধরে বটে! আমি ত কাজকর্মের সময় ছাড়া এক মুহূর্ত বাড়ীতে বসে থাকতে পারি না। বড়দিনের সময় আমরা সকলে মিলে শিকারে যাব স্থির হয়েছে। এখানে শিকার আর কি—এই একটু বেড়ানো, আমোদ আহ্লাদ, আর ছ'একটা পাখী মারা এই আর কি! মেয়েরাও কেউ কেউ আমাদের সঙ্গে যাবেন ঠিক হয়েছে। তত দিনে আপনি যদি আর একটু সারেন, তা হলে আমাদের সঙ্গে বেরোবেন—আপনি ত খুব ভাল ষোড়ায় চড়তে পারেন শুনেছি। খুব বেড়ানো হবে সমস্ত দিন—আপনার বেশ ভালোই লাগবে।’

—‘দেখা যাক, যদি পারি, নিশ্চয়ই যাব—ফাঁকা হাওয়ায় যাবার জন্তে আমার মন ব্যস্ত হয়ে উঠেছে।’

লীলার কথা শেষ হইবার পূর্বেই কিরণ মিসেস রায়কে লইয়া ঘরে প্রবেশ করিল। সে প্রতি দিনই এই সময় তাঁহাকে ক্লাব হইতে বাড়ী ফিরাইয়া দিতে আসিত। প্রতি দিনই তাহার আশা হইত, যদি লীলার সঙ্গে দেখা হয়। আজ তাহাকে দেখিয়া সে তাহার পাশে চেয়ার টানিয়া বসিল।

মিসেস রায় কুমারকে দেখিয়া অত্যন্ত প্রফুল্ল হইয়া উঠিলেন, বলিলেন—‘এই যে গুণেশ্বর! তুমি এখানে! ক্লাবে সকলে আমায় তোমার কথা জিজ্ঞেস করছিল! ওরা বলছিল তুমি যে ক্লাবে যাওয়া, সকলের সঙ্গে দেখা শুনা করা, সবই ছেড়ে দিলে—ব্যাপারটা কি! তা আর যাও না যে?’

কুমার বলিলেন—‘গিয়ে কি হবে বলুন? আমার ও-সব সঙ্গ আর ভাল লাগে না। বাদে সঙ্গ মন থেকে ভাল লাগে, সেইখানেই ঘুরে-ফিরে যেতে ইচ্ছে হয়, সেইখানে বসেই সময় কেটে যায়—পাঁচ জায়গায় বাবার সময়ই বা কোথা? কথাটা বলিয়া কুমার হাসিয়া বীণার মুখের দিকে চাহিলেন।’

—‘তা বেশ বাছা! যেখানে ভাল থাক সেখানেই থেক। লীলার সঙ্গে আলাপ হয়েছে? বলিয়া মিসেস রায় প্রীতি-প্রফুল্লমুখে বলিলেন—‘গুণেশ্বরের সঙ্গে আলাপ করো লীলা! অমন গুণের ছেলে আর হবে না! কিরণ, বসো তোমরা, আমি কাপড় ছেড়ে এখন আসছি।’

মিসেস রায় চলিয়া গেলে, লীলা কুমারের উদ্দেশ্যে বলিল—‘আপনারা বসুন, ঠাণ্ডা পড়ছে, আমি এবার ঘরে যাই।’

কিরণ তখন বলিল, তুমি বেড়াতে যাবার কথা বলছিলে না? কবে একটু বাইরে যেতে পারবে বনো? তা হলে আমি বিকেলে এসে তোমায় নিয়ে যাব!

লীলার মুখে রক্তের উচ্ছ্বাস জমিয়া উঠিল। কিরণের সঙ্গে একা বেড়াইতে যাইবার কথায় আজ আর সে সহসা কোন উত্তর দিতে পারিল না।

বীণা বলিল—আজ সকালে বাবা বলছিলেন, কাল থেকে আমাদের ক্লাবে ছেড়ে দিয়ে তিনি লিলিকে সন্ধ্যাবেলা একটু করে বেড়িয়ে আনবেন। ডাক্তার মত দিয়েছেন। তাব পর সে একটু হাসিয়া আবার বলিল—জানলেন কিরণ বাবু! অস্থখের পর থেকে বাবার যত টান সব লিলির উপর! আমার কথা আজকাল তাঁর একবারও মনে পড়ে না!

কিরণ হাসিয়া বলিল—তাই না কি? এটা ত তাঁর বড় অচ্যায় পক্ষপাত বলতে হবে! আচ্ছা! এবার তাঁর সঙ্গে দেখা হলে আমি এ কথা বোলবো তাঁকে। তা হলে আমি কাল বেলা চারটের সময় এখানে আসবো কি লিলি? যেতে পারবে ত?

লীলা বলিল—তাই এসো! বাবাকে আমি বলে রাখবো, তিনি তাতে খুসি হবেন। আমি এখন কতকটা বল পেয়েছি। গাড়ীতে তোমার সঙ্গে যেতে কষ্ট হবে না বোধ হয়।

রাত্রে একা বিছানায় পড়িয়া লীলা নিজের ভাবনা আকাশ পাতাল ভাবিতেছিল। কিরণের সঙ্গে যখন তাহার কোন সম্বন্ধ হইবার উপায় নাই, তখন আর এ ভাবে তাহার সঙ্গে মেলামেশা করিয়া মনকে প্রশ্রয় দেওয়া উচিত নহে। এ কয়দিন সে নিজের সঙ্গে অনেক দ্বন্দ্ব করিয়াছে, কিরণের কথা ভুলিয়া অরুণকে ভাবিবার অনেক চেষ্টা করিয়াছে; কিন্তু সবই বৃথা! কিরণের সেই আবেগময় কণ্ঠস্বর, তাহার সেই অনুরাগদীপ্ত অনিমেষ দৃষ্টি, প্রেমপূর্ণ মধুর কথা লীলা মুহূর্তের জন্তও ভুলিতে পারে নাই। কিরণের একাগ্র প্রশান্ত দৃষ্টি তাহাকে বলিয়া দিত, সে তাহারই জন্ত প্রতীক্ষা করিতেছে, কিন্তু লীলা যে নিশ্চিতই জানে তাহার এ অপেক্ষা বৃথা—অরুণের উপর সবই নির্ভর করিতেছে। অরুণ ত কোন দিনই তাহাকে ত্যাগ করিবে না। কিরণের জন্ত বেদনায় দুঃখে অনুক্ষণ তাহার প্রাণ কাঁদিতোছিল। তাহার সঙ্গে মিলন

তাহার কাছে স্বর্ণ-স্বথেরও অধিক প্রার্থনীয়, কর্তব্যের খাতির তাহাকে ছাড়িয়া হয় ত অরুণকে বিবাহ করিতে হইবে,—অরুণের সাধী সেবাংপরায়ণা পত্নী হইতে হইবে।

কিন্তু তবু যখন তাহার সেদিনের কথা মনে পড়ে, তখন যেন তাহার সর্বাঙ্গ দিয়া একটা পুলকের শিহরণ তড়িতের মত বহিয়া যায়! তাহার অন্তর ছর্নিবার আনন্দের বচায় ভাসিয়া যায়! কিরণ—কিরণের মত অসাধারণ—লোক তাহাকে ভালবাসে!

মনের এই অদম্য আবেগ ভুলিয়া কিরণকে পূর্বের মত কেবলমাত্র বন্ধু ভাবে ভাবিবার জন্ত লীলা প্রাণপণে নিজের সঙ্গে যুক্তিতেছিল। সে অপরের নিকট বিবাহ-প্রতিজ্ঞায় আবদ্ধ—কিরণের প্রতি মনের এ ভাব তাহার পক্ষে নিতান্ত অসুচিত—এই চিন্তা তাহার কর্তব্যনিষ্ঠ চিত্তকে নিয়ত পীড়া দিত, অথচ সর্বদা নিঃসঙ্গ একা ঘরে পড়িয়া পড়িয়া সে এ চিন্তা কিছুতেই ভুলিতে পারিতেছিল না।

সেদিন ক্ষান্ত একটু সকাল সকাল শুইতে আসিল। লীলাকে জাগিয়া থাকিতে দেখিয়া সে কাছে আসিয়া বলিল—এই যে তুমি এখনো জেগে আছ? আমি তাই একটু সকাল করে এলুম—বলি—তুমি যদি আবার ঘুমিয়ে পড়!

লীলা বুঝিল—ক্ষান্ত আজ কোথা হইতে নূতন কিছু তথ্য সংগ্রহ করিয়া আনিয়াছে। সে বলিল—কেন—এত রাত্রে তোমার আবার আমার সঙ্গে কি দরকার পড়লো?

দরকার এই যে বলি! বলিয়া ক্ষান্ত সেইখানে বসিয়া পড়িল—তাহার পর বিষম উত্তেজিত ভাবে আরম্ভ করিল—হ্যাঁ গা দিদিমণি! তোমাদের এ কেমন ধারা বিদ্বষ্টে কাণ্ড বল দেখি? একে ত এই সব সোমন্ত সোমন্ত মেয়ে দিবে রাত্তির যত পুরুষমানুষের সঙ্গে পাল্লা দিয়ে নেচে বেড়ানো! তার উপর ওই যে সব মড়ুইপোড়ারা এখানে ধেই ধেই করে নাচতে আসে, তাদের একটু দেখে শুনে খবর নিয়েও কি আনতে নেই? যে সে এসে ঘরে ঢুকলেই হলো? গড় করি বাছা! তোমাদের পায়ে আর তোমাদের মা বাপের পায়ে! এমন কাণ্ড আমার বাবার জন্মে কখনো দেখিও নি—দেখবোও না—ছি! ছি! ছি! লজ্জায় ঘেঞ্জায় আমার যে মরতে ইচ্ছে করছে!

লীলা বলিল—এই! আজ আবার মতিচূর্ণ ধরেছে

দেখছি! কি হয়েছে কি? সেইটা আগে বল না—মরতে ইচ্ছে হয়, তার পরে মরিস এখন! অমন করে বকে মরছিস কেন?

—বকে মরছি কেন? তোমাদের যা সব রীত্ চরিত্তির হচ্ছে—তাই দেখে দেখে থাকতে পারি নি—বকে মরি—বলি—আজ বিকেলে তোমাকে আর বড় দিদিমণিতে বসে যার সঙ্গে গল্প করছিলে—সেই যে গো—খুব টকটকে রং—তু হাতে হীরের আংটি জ্বল জ্বল করছে—সেই মুখপোড়া মিন্বে এখানে এসে ভাল মানুষের মত কোথা থেকে জুটলো বল ত? বদমাইসের ধাড়ি—শয়তানের বাচ্ছা—ঘাটের মড়া—সাত-ঘর মজিয়ে—

লীলা ক্ষান্তের গালাগালির উচ্ছ্বাসে বাধা দিয়া অত্যন্ত রাগিয়া বলিল—আরে মর! তোর যে বড় বাড় বেড়েছে দেখছি! মুখ সামলে কথা বলতে পারিস না? যত কিছু না বলি—ততই আত্মপর্কি দিন দিন বেড়ে উঠছে! ভদ্রলোকের ছেলেকে তুই অমন করে গাল দিস কোন আক্কেলে?

—ভদ্রর লোক! ওর সাত-পুরুষে কেউ ভদ্রর লোক নয়! পয়সা থাকলেই কি ভদ্রর লোক হয় গা? ও ওমনি করে লোকের ঘর মজিয়ে বেড়ায়! সেই যে গো—তোমায় বলি নি? ওই মুখপোড়াই ত সেই ডেপুটি বাবুর ভাইয়ের বউকে ঘর থেকে বের করে নিয়ে গেছে! এখন সে ছুঁড়ীর খোয়ারের অন্ত নেই! তার দিকে একবার ফিরেও চায় না—সে দাসীদের মহলে দাসীদের কাছে পড়ে আছে।

লীলা চমকিয়া উঠিল! ক্ষান্ত এ কি বলিতেছে! কুমার গুণেন্দ্রভূষণ! কুমার সেই শোচনীয় কুৎসিত কাণ্ডের নায়ক? অকস্মাৎ তাহার মাথা ঘুরিয়া গেল। সে নিজে কুমারের সঙ্গে বিশেষ পরিচিত নয় বটে, তবে যেটুকু সে তাঁহাকে দেখিয়াছে, তাহাতে তাঁহাকে অত্যন্ত ভদ্র ও সম্মানের পাত্র বলিয়াই তাহার বিশ্বাস। আর আজ সন্ধ্যার সময় সে তাহার নিজের বাড়ীতে কুমারের যে আদর ও মাগু দেখিয়াছে, তাহাতে তাহার বিশেষ আশ্চর্য্য বোধ হয় নাই। কুমার যে-কোন ভদ্র-পরিবারে এ ভাবে মিশিবার উপযুক্ত পাত্র, তাহার এ ধারণা হইয়াছিল। কিন্তু ক্ষান্ত তাঁহার সম্বন্ধে এ সব কথা কি বলে? সে কিছু বুঝিতে পারিল না, অত্যন্ত

বিচলিত হইয়া বলিল—তুই এ কথা জানলি কি করে? উনি আমাদের একজন বিশেষ বন্ধু, সম্প্রতি কলকাতা থেকে এখানে বেড়াতে এসেছেন—উনি ত এখানে থাকেন না। ওঁর নামে এ সব কথা কে বলেছে তোকে? আর জোছনাকে যে নিয়ে এসেছে—তুই কি তাকে চিনিম্ যে এ কথা বলতে এনেছিস?

ক্ষান্ত হাত নাড়িয়া বলিল—আমি তাকে চিনবো কোথা থেকে? আমাদের সাতপুরুষে কেউ কখনো অমন ছয়মণের ছায়া মাড়ায় না। আমার ধারে এলে মুড়ো বাঁটা দিয়ে গায়ের ছাল চামড়া তুলে দেবো না? বয়েস যখন আমার অল্প ছিল, তা গুটর বয় না হই—কালো ফোলোতে একটা ছিরি ছিল ত? মাথায় এই এক মাথা মিশ কালো চুল হাঁটুতে এসে পড়তো, তা গায়ের এক মিন্বে গরলা—

লীলা ধমক দিয়া বলিল—ফের! ওই সব আঘাতে গল্প বানাতে বসলি? যা বলছি—এক কথায় তার জবাব দে! একটা বাজে কথা নয়! বল—তুই ওঁকে চিনলি কি করে?

—বাবা! মেয়ে যেন ঘোড়সওয়ার! মেজাজ অষ্ট পহর তেরিয়া হয়েই আছে! বলি—আমি ওকে চিনবো কোথেকে গা? আমি যদি চিনতুম, তা হলে এই যে তোমার অস্থখের সময় থেকে ও এসে এখানে জমিয়ে বসেছে, যখন-তখন আসছে বাচ্ছে, বড় দিদিমণির সঙ্গে দিবে-রাত্তির ফুস-ফুস গুজগুজ করছে, এ সব কি হতে পারতো? মা ত একেবারে ওর নামে গলে পড়ছে। বড় দিদিমণিও তাই! আমি বলি কে না কে—বড়দিদির সঙ্গে বিয়ে হবে বুঝি? আজ না কি আমার বোন—সেই যে গো—যে জোছনার কাছে আছে—সে সহরে এনেছিল—তা একবার আমার সঙ্গে দেখা করতে এসে দেখে—না—বাইরের ঘরে তোমাদের সঙ্গে সে দিব্যি বসে গল্প করছে! বামা তো দেখে অবাক! বলে—এ শয়তানটা আবার তোদের এখানে জুটলো কি করে? ভয়ে সে তো আর দাঁড়ালো না, তোমাদের ওই রাজপুত্র যদি বামাকে এখানে দেখতে পেতো, তা হলে কি আর ওকে জোছনার কাছে থাকতে দিত? বাড়ী গিয়েই হয় তাকে দেশছাড়া করতো, না হয় আটক করে রাখতো—কথা জানাজানি হবে বলে!

লীলা স্তব্ধ হইয়া ভাবিতে লাগিল। কুমারের সহিত বীণার অতিরিক্ত ঘনিষ্ঠতা আজ সে বিশেষ ভাবেই লক্ষ্য

করিয়েছে। তাহার পিতা মাতা কখনো এ সম্বন্ধে বাধা দিবেম না। তাহার নিজেও এ ঘটনা কিছু বিসদৃশ ঠেকে নাই। কিন্তু ক্ষান্তের বর্ণিত ব্যাপার যদি সত্য হয়, সত্যই যদি বাহ্যিক ভদ্রতা ও শীলতার আবরণের ভিতরে কুমারের এইরূপ জঘন্য চরিত্র হয়, তাহা হইলে বীণাকে সম্মত থাকিতে সাবধান করা উচিত,—এ ঘনিষ্ঠতা আর বাড়িতে দেওয়া উচিত নয়। এখন কুমারের সম্বন্ধে আরও ভালরূপে সন্ধান লওয়া আবশ্যিক।

লীলাকে নীরব দেখিয়া ক্ষান্ত আবার বলিল—বলি, সংসারটা কি কেবল পাজি বদমাইসদেরই আড্ডা গো দিদিমণি? দয়া ধর্ম বলে কি একটা জিনিস নেই? দিন রাত্তির এখনো সত্যি-যুগের মতই হচ্ছে। এখনো চন্দ্র সূর্য উঠছে। মুখপোড়ার কি ভাবে যে চার পোয়া কলির রাজত্ব আরম্ভ হয়েছে? অমন কচি মেয়েটা—কোন হুকু জানতো না—কিছু বুঝতো না—হেসে খেলে বেড়াত—তাকে তার ঘর থেকে টেনে নিয়ে গিয়ে এই খোয়ার! ছুঁড়ি এখন খায় না—নায় না—শুকিয়ে শুকিয়ে মরতে বসেছে—আর দিবে-রাত্তির অব্যাহার করে কাঁদছে! সে আর কদিনই বা বাঁচবে বল ত?

লীলা সহসা অন্তরে দারুণ আঘাত বোধ করিল। অভাগিনী জোছনা! তাহার কি পরিণাম হইবে! বীণার সঙ্গে ঘনিষ্ঠতার ফলে কুমার এখন তাহার সম্বন্ধে এমন উদাসীন হইয়াছে—তাহা সে বুঝিল। জোছনার সম্বন্ধে লীলার পক্ষে উদাসীন থাকা অসম্ভব—কিন্তু লীলা তাহার কি ভাল ব্যবস্থা করিতে পারে?

লীলা বলিল—সে লোকটা কি জোছনার সঙ্গে ভাল ব্যবহার করে না?

—ওরা আবার কোন্ কালে ভাল ব্যাভার করে গা? ওদের আদর এই ছুদিন। সে বাতী থাকেই বা কখন? এই ছ' মাস ত দেখছি সকাল থেকে সন্ধ্যা পর্যন্ত এখানেই কাটাচ্ছে! আমার বোন বলে—রাত্তিরে কতকগুলো এয়ার বন্ধু নিয়ে অন্ধক রাত ইস্তিক বাইরের ঘরে মদ খেয়ে হলা করে, তার পর সেইখানেই ঘুমোয়! সে ছুঁড়ির ধারেও যায় না কোন দিন। ওর বউ ওর জালায় বিষ খেয়ে মরেছে, এই জোছনাও মরে কোনদিন! আরো কত জায়গায় কত কীত্তি করেছে—তা কে জানে? এবার আমাদের বড় দিদিমণিকে নিয়ে পড়েছে!

লীলা শিহরিয়া উঠিল। কুমারের হাতে পড়িলে বীণারও এই পরিণাম অনিবার্য। সে আর কিছু ভাবিতে পারিল না—তাড়াতাড়ি বলিল—তুই চুপ কর ক্ষান্ত! এ সব কথা আর মুখে আনিস নি। আমি ওদের সম্বন্ধে শীঘ্রই একটা ভাল ব্যবস্থা করছি। কিন্তু তোর যে রকম স্বভাব—তাকে বারণ করে দিচ্ছি—খবরদার যেন এ সব কথা কোথাও গল্প করে বেড়াস নি। যা করতে হয়—সব আমি নিজে কোরবো। কারু কাছে এ কথা এখন প্রকাশ না হয়।

ক্ষান্ত বলিল—না গো না! আমার অমন হালকা স্বভাব নয়—যে যাকে তাকে সব কথা গল্প করে বলতে বাব। সে সব আক্কেল আমার যথেষ্ট আছে। তুমি কিন্তু দিদিমণি—যেমন করে পার—ঐ লোকটাকে এখান থেকে তাড়াও। ওর ছায়া মাড়ালে পাপ হয়। আর যদি পার, তো—সে ছুঁড়ির একটা হিল্লো করো। বামা তাকে ধতে করে মাহুষ করেছে—তার দুগুণতি দেখে এখন সেও তার সঙ্গে কেঁদে কেঁদে মরতে বসেছে। (ক্রমশঃ)

ব্যথার পূজা

শ্রীস্বধীরচন্দ্র বন্দ্যোপাধ্যায়

৭

দয়াদেবী যখন শুনিলেন যে ধীরু কাহাকেও কিছু না বলিয়া গ্রাম পরিত্যাগ করিয়া দেশান্তরে চলিয়া গিয়াছে, তাহার প্রাণ কাঁদিয়া ধীরুর কাছে ছুটিয়া যাইতে চাহিল। কিন্তু সে কোথায়, কোন্ দূর দেশে আপনার অদৃষ্ট পরীক্ষার জন্ত ছুটিয়া গিয়াছে, সে কথা কেহই তাঁকে বলিতে পারিল না। তিনি কথা-প্রসঙ্গে যদি কখনও দেবেনের কাছে তাহার কথা পাড়িতেন, দেবেন মুখভঙ্গী বরিয়া বিজ্ঞপ স্বরে কহিত, “তিনি বিবাগী হয়ে দেশ ত্যাগ করেছেন।” সত্যই যখন দেবেন কিংবা রাজেশ্বরনাথ কেহই আর ধীরুর কোন অনুসন্ধান করিল না, এবং সে সম্বন্ধে সকলেই যেন একটা স্থির সিদ্ধান্ত করিয়া নিশ্চেষ্ট ভাবে দিনপাতের সঙ্গে আপনার কার্য শেষ করিয়া যাইতে লাগিল, তখন দয়াদেবী বুঝিলেন হতভাগ্য ধীরুর জন্ত এক ফোঁটা চক্ষের জল ফেলিতেও এ সংসারে কেউ নাই। মনকে বুঝাইলেন—সে বাটাচ্ছেলে, যেমন করেই হোক আপনার পথ আপনি করে নেবে। কিন্তু হতভাগা যদি একবার বলে যেত কোথায় যাবে, কি করবে—তাহলেও হত। যুক্তি, তর্ক, মীমাংসা কোন কিছুই দয়াদেবীর দুর্বল স্নেহ-কাতর মনকে স্তম্ভ কবিত্তে পারিল না। দিনের পর দিন তাহার শরীরও ভাঙ্গিয়া যাইতে লাগিল। এ সংসারে ধীরুই যেন তাঁহাকে এতদিন জোর করিয়া বাঁধিয়া রাখিয়াছিল। বাঁধন ছিঁড়িয়াছে—তাই আজ তাহার মন এক মুহূর্তের জন্ত এখানে থাকিতে চাহিতেছে না—মুক্তির জন্ত ছটফট করিতেছে।

দেবেন ইদানিং দয়াদেবীর সঙ্গে বড় একটা সদ্ভাব রাখে নাই। তাহার প্রধান কারণ—ধীরু-সংশ্লিষ্ট ব্যাপারে উভয়ের মত-পার্থক্য। দ্বিতীয়তঃ—ধীরুর গৃহত্যাগ।

আজ বৈকালে দেবেন বেড়াইতে বাহির হইবে এমন সময় দয়াদেবী তাহাকে কহিলেন—“তাহলে কাল বাদে পরশু দিনই আমি কাশী যাওয়া স্থির করলাম।” দেবেন তাহার জ্বলন্ত কপালে টানিয়া কহিলেন—“কি হল কথাটা? কাশী যাচ্ছ—বেশ ভাল কথা।” দেবেন গম্ভীর ভাবে

দাঁড়াইল। দয়াদেবী মুহূর্তে কহিলেন—“হাঁ বাবা, এ দিকের দিনও ক্রমে ঘনিয়ে আসছে। তাই বাকি কটা দিন।”

দেবেন বাধা দিয়া কহিল—“তা কি করতে হবে?”

“তুই যে বলেছিল কাউকে সঙ্গে দিবি।”

“—কে যাবে?—লোক নেই।”

“ছ-দিনের জন্ত গিয়ে নবীনও ত রেখে আসতে পারে! সে ত চেনে, জানে—সেখানেও সেই সেবার অন্ধোদয় যোগের সময়—”

দেবেন মাথা বাঁকাইয়া বিরক্ত ভাবে কহিল—“না—না, পা'রবে না যেতে। কাজকর্ম দেখে কে? তুমি চলে গেলে সংসারের কিছু ক্ষতি-বৃদ্ধি হবে না, কিন্তু সে না থাকলে আমার চের ক্ষতি।”

দয়াদেবী দেবেনের কাছে এতখানি রুচ জবাব প্রত্যাশা করেন নাই। রাগ, হুঃখ, অভিমানের চিহ্ন তাহার মুখে ফুটিয়া উঠিল। সে ভাব জোর করিয়া চাপা দিয়া তিনি কম্পিত কণ্ঠে কহিলেন—“তবে তোমাদের ইচ্ছা কি আমায় এই বড় বয়সে এখানে ফেলে পিষে মারা! এত কাল তোমাদের সংসারে বি চাকরাণীর অধম হয়েও থেকেছি, এখন যদি আমার গতির আর না বয়, বাবা”—দয়াদেবীর কণ্ঠ কে যেন সজোরে চাপিয়া ধরিল।

দেবেন জ্র কুঞ্চিত করিয়া ঘাড় বাঁকাইয়া কহিল—“দেখ পিশি, ইদানিং তোমার কথার ধরণ-ধারণ একটুও ভাল নেই বলে আমি তোমার সঙ্গে কথা কওয়াই এক রকম ছেড়ে দিয়েছি। কে তোমাকে এখানে পায়ে শিকল বেঁধে আটকে রেখেছ বল? বেশ, কাশীই যদি যেতে চাও সরকার মশায় গিয়ে রেখে আসবেন। কারুর জন্ত কারুর কিছু আটকায় না পিশি, বুঝলে?”

দয়াদেবী চক্ষের জল মুছিতে মুছিতে কহিলেন—“আমি তা ত বলিনি বাবা!”

“হাঁ তাই বলছি। তুমি মনে করেছ যে তুমি চলে গেলে আমার সংসার অচল হয়ে যাবে? তা নয় পিশি! রাজা

মরলেও রাজ্য চলে। আর ধর তাই-ই যদি হয়, তা হলেই বা কচ্ছি কি।”

দয়াদেবী ভগ্নকণ্ঠে কহিলেন—“বালাই, সংসারে অমঙ্গল কেন হবে বাবা! তোমরা সব বড় হয়েছ—ছোট ছোট বউরা এখন গিন্নী হয়েছে—আপনার সংসার আপনি বুঝে নিয়েছে—এখন ত আর আমাকে দিয়ে কারুর দরকার নাই। ধীরে হতভাগাটাই ছিল আমার পায়ের বেড়ী, তা সেও ত”.....।

দেবেন বাধা দিয়া হাসিবার ভঙ্গীতে কহিল—“হাঁ—হাঁ, তা আর জানি না—সবই জানি পিশি! সেই ত হ'ল রোগের গোড়া! আর এই ধীরের জন্মই তোমার যত আক্রোশ পড়েছে আমাদের ওপর। সব বুঝি পিশি—নেহাং কাঁচা ছেলে আমি নই।.....তা বেশ, তোমার যেখানে খুসী যাও বাপু,—এত হাঙ্গামা আমার ভাল লাগে না। তোমার টাকা-কড়ি আমি হিসেব ক'রে ফেলে দেব'খন।” মুখখানা গভীর করিয়া দেবেন চলিয়া গেল।

সত্যবালা এতক্ষণ রেলিংয়ের উপর ঝুঁকিয়া সমস্ত কথা শুনিতেন। দেবেন চলিয়া যাওয়ার পরই দয়াদেবীর সম্মুখে আসিয়া দাঁড়াইল। দয়াদেবী তখন দেয়ালে ঠেস দিয়া মালা-হাতে শূন্যদৃষ্টিতে আকাশের দিকে চাহিয়া আছেন—আর তাঁহার ছুই চক্ষু দিয়া ধারা বহিতেছে।—“তুমি দেখছি এ বাড়ীতে একটা অমঙ্গল না ডেকে এনে আর কোথাও এক পা নড়ছ না!”

দয়াদেবী আশ্চর্য্য ভাবে কহিলেন “সে কি মা! যাট, তোরা বেঁচে থাক, স্নেহে থাক। আমি কেন অমঙ্গল ডাকব? তোরা কি আমার পর?”

সত্যবালা কহিল “তা নয় ত কি? রাত নেই, দিন নেই সন্ধ্যা-সকাল বাদ নেই, সব সময়ে চোখের জল ফেলা। তাতে কখন গেরস্থর ভাল হয়? যাবে যাও তোমার কপাল নিয়ে। কেউ ত আর তোমায় তাড়াচ্ছে না—তবে এত কেন?”

“ত সত্যি মেজ বউমা, আমি আমার কপাল নিয়েই যাচ্ছি। দেবুর আমার বাড়-বাড়ন্ত হোক।”—

সত্যবালা বাধা দিয়া কহিল—“ওঃ, তার জন্তে আর ভাবনায় ঘুম নেই! রাত দিন বুক চাপড়াচ্ছ, কপাল চুকে শাপ দিচ্ছ, তাড়িয়ে দিল বলে গাঁ-ময় ঢোল পেটাচ্ছ। আর তোমার দরদে কাজ নেই মা!”

দয়াদেবী কিছুক্ষণ চুপ করিয়া ক্ষুদ্রকণ্ঠে কহিলেন—“বল মা তোর প্রাণে যা চায়!—এতদিন সহীলাম, আর কি একটা ছোটো দিন সহীতে পারব না,—খুব পারব!”

রাজেন্দ্রের গলার আওয়াজ পাইয়া সত্যবালা চলিয়া গেল। “কি পিশি, পরশু দিনই কাশী যাচ্ছ না কি?”

দয়াদেবী মুখ তুলিয়া কহিলেন—“হাঁ; বাবা বিশ্বনাথ নেহাং টেনেছেন।”

“নিজেই যাচ্ছ, আর দোষটা বিশ্বনাথের ঘাড়ে চাপাও কেন বাপু। কিন্তু কাজটা ভাল করলে না” এই বলিয়া রাজেন্দ্রনাথ বাহির হইয়া গেল।

দয়াদেবী চাহিয়া দেখিলেন, আকাশ স্নান হইয়া উঠিয়াছে। একটা গভীর নিরুৎসাহ বৃকে করিয়া সন্ধ্যা আগতপ্রায়। জপের মালাছড়া কপালে ছোঁয়াইয়া পেরেকে তুলিয়া রাখিয়া দয়াদেবী ধীরে ধীরে বারান্দার কোণে আসিয়া উৎসুক, কাতর দৃষ্টিতে কিছুক্ষণ দেউড়ির দিকে চাহিয়া থাকিলেন। টম্ টম্ করিয়া কয়েক ফোঁটা চোখের জল মাটিতে পড়িল, একটা হতাশ করণ অক্ষুট শব্দ সন্ধ্যার বাতাস তাঁহার মুখ হইতে টানিয়া লইয়া বিশ্বের কোলাহলের মধ্যে মিলাইয়া দিল। দয়াদেবী ধীরে ধীরে ঘরের দিকে চলিয়া গেলেন।

৮

মাছুঘের এমন এক একটা সময় আসে, যখন চুঃখ জিনিসটাকে চিনিয়া জানিয়া অনুভব করিয়াও, লোকে সেইটাকেই আবার ব্যগ্র হৃদয় দিয়া আঁকড়াইয়া ধরিয়া থাকে। চক্ষের জলে মুখ ভাসিয়া যায়, বৃকের ভিতর টন টন করিয়া উঠে; কিন্তু তবুও সেই অতীত জীবনের স্মৃতি ও বিষ্মত ঘটনাগুলি লইয়াই সে নাড়াচাড়া করিতে থাকে,—যেন তাহাতেই সে শান্তি পায়।

ধীরুও আজ তাই। যখন ঝরিয়ায় একটা কয়লা কুটির ধারে নদীর চড়ায় বসিয়া ছিল, তখন তাহার মনটা বাংলাদেশের এক সুদূর পল্লীগামের মাঝে উদাসীনের মত ঘুরিয়া বেড়াইতেছিল। সেই পরিচিত পথ-ঘাট, পদ্মফুল-ভরা ঘোষেদের পুকুর, পার্শ্বে শ্রামের মন্দির, আম, কাঁঠাল, নারকেল গাছ-ঘেরা তাদের সাদা বাড়ী...সেই বৃহৎ চণ্ডীমণ্ডপ...উঠানের পাশেই তুলসীমঞ্চ...যেখানে প্রতি সন্ধ্যায় পিশিমা প্রদীপ জালিয়া মালা জপ করিতেন। পিশিয়ার কথা মনে আসিতেই ধীরুর প্রাণ কাঁদিয়া উঠিল।

...হায় সেই মেহময়ী পিশিমা আজ তাহারই মতন আজন্মের পিতৃগৃহ পরিত্যাগ করিয়া কাশী চলিয়া গিয়াছেন... না জানি কত কষ্টই তাঁহার ভোগ করিতে হইতেছে! ...ধীরু তাহার জামার পকেট হইতে একখানা চিঠি বাহির করিল। পত্র পড়িতে পড়িতে তাহার চক্ষু জলে ভরিয়া উঠিল। টম্ টম্ করিয়া অশ্রুবিন্দু পত্রের উপর পড়িল। ধীরু সমস্ত পত্রখানি মুড়িয়া তাহার জামার পকেটে রাখিয়া দূরে গাহাড়ের দিকে চাহিয়া ভাবিতে লাগিল...আজ যদি সে উপার্জনক্ষম হইত, তাহা হইলে...একটা রঙ্গীন ছবি তাহার মনে ভাসিয়া উঠিল। হয়ত পাঁচজনের মতন সেও...জমাট অন্ধকারের মাঝে উজ্জ্বল আলোকের ত্রায় একখানি মুখ মনের কোণে উঁকি মারিতেই...ক্ষোভে ছুঃখে সে নিজেকে জর্জরিত করিল। ঠিক এই কথাটাই সেদিন দিগম্বরী তাহাকে বলিয়াছিলেন...আর কল্যাণীও তাহার মজল দৃষ্টির ভিতর দিয়া বুঝি ইহারই ইঙ্গিত করিয়াছিল...ধীরু আর ভাবিতে পারিল না নিজের অক্ষমতা আজ তাহাকে নিঃশব্দ ভাবে পীড়ন করিল। তাহার বন্ধু “মণির” একদিনের একটা কথা আজ কাঁটার মতন তাহার বৃকে খচ্ করিয়া উঠিল। “ভবঘুরে না হয়ে নিজের পায়ে দাঁড়াতে শেখ ধীরু, দাদাদের উপর অতখানি ভরসা রাখিসনি; চিরদিন কেউ তোকে দেখবে না।” সেদিন ধীরু তাচ্ছিল্য ভাবে কথাটা উড়াইয়া দিয়া ভাবিয়াছিল, তাও কি কখনো সম্ভব? মার পেটের ভাই ভাইকে দেখবে না! এ বলে কি? মানব-চরিত্রের কুটিলতা তখনও তাহাকে স্পর্শ করে নাই। কল্পনার রঙ্গীন তুলি দিয়া সে তাহার মনের গায়ে রংয়ের পর রং ফলাইয়া চলিয়াছিল। মুক্ত বিহঙ্গের মত স্বাধীন ইচ্ছা অবাধ আনন্দে চারিদিকে ছুটাছুটি করিয়াছে... কিন্তু আজ?—ধীরু আর ভাবিতে পারিল না;...সে যেন একটা স্বপ্ন; বাস্তবের সঙ্গে তাহার কোন সম্বন্ধ নাই, হয় তো কোন কালেও ছিল না। সে কেবল জোর করিয়াই এতদিন একটা এতবড় মিথ্যাকে সত্য মনে করিয়া নিজের সঙ্গে প্রতারণা করিয়া আসিয়াছে। আজ যদি তাহার বন্ধু মণি অল্পগ্রহ করিয়া তাহাকে এই কয়লার খাদে না পাঠাইত, যদি মণির মামা দিহু ঘোষাল তাহাকে একটু স্থান না দিত, তবে হয় ত অনাহারে কোন গাঁছতলায় তাহাকে রাত্রি যাপন করিতে হইত; অথবা চির প্রশ্রয়-

প্রাপ্ত ছরস্ত অভিমান তাহাকে আত্মহত্যার উপায় করিয়া দিয়া সকল যন্ত্রণার অবসান করিত।

মণির মামা দিহু ঘোষাল এখানে রেজিং কন্ট্রাক্টার। ধীরু তাঁহার অধীনে কর্ম করিতেছে। বেতন উপস্থিত কিছুই ধার্য্য হয় নাই—সামান্য কিছু হাত-খরচা পাইবে মাত্র। তবে টিকিয়া থাকিতে পারিলে ধীরুর মত প্রশ্রয়ী ও বিশ্বাসী লোক ভবিষ্যতে যে বেশ উন্নতি করিতে পারিবে, সে কথার “ঘোষাল মশাই” খুব জোর গলায় ধীরুকে আভাস দিয়াছেন।

ধীরু “ঘোষাল মশায়ের” বাসায়ই খায় ও সকাল হইতে সন্ধ্যা পর্যন্ত অক্লান্ত ভাবে কাজ করিতে থাকে। কর্ম অবসানে আপনার ছোট নির্জন ঘরখানির ভিতর আসিয়া বসিয়া থাকে; আর ভাবে, কতদিনে তাহার এই ছুঃখের দিন যুচিবে। সে খাদের অস্বাভাব্য বাবুদের সঙ্গে বড় একটা মেশে না; কারণ, এখানকার বাবুদের সঙ্গে বড় একটা মেশে না; কারণ, এখানকার বাবুদের সঙ্গে তাহার ভাল লাগে না। তাহারা সকলেই প্রায় নিত্য সন্ধ্যায় দল বাঁধিয়া মদ খায়, নানা প্রকার কুৎসিত আলোচনা করে এবং প্রায়ই একটা ভাঙ্গা তবলা ও অল্পদামের হারমনিয়ম সংযোগে নানা ভঙ্গী সহকারে বেশরো বর্কশ আওয়াজে চাঁৎকার করিয়া তাহাদের কর্মক্রান্ত জীবনের সাক্ষ্য আমোদ উপভোগ করে।...কিন্তু কি করিয়াই বা ধীরু এমন ভাবে স্নধু আপনাতে লইয়া আপনি এই বিদেশে মন বসাইয়া থাকিতে পারিবে...তা ত সম্ভব নয়...তবে?

পশ্চাতে শব্দ হইল “এ ছোটো বাবু”—ধীরুর চিন্তার সূত্র ছিঁড়িয়া গেল। সে বাড়ি ফিরাইয়া চাহিতেই দেখিল “ঘোষাল মহাশয়ের” পাণ্ডে ঠাকুর তাহাকেই ডাকিতেছে। ধীরু উঠিয়া নিকটে যাইতেই সে ভাঙ্গা হিন্দি আধ-বাংলায় মাথা বাঁকাইয়া চোখ মুখের ভঙ্গী করিয়া কহিল—“দিদিমণি বল্ল, চা তোয়ারি হোইয়ে গেল...আপনে খাবে এস।”—“চল”—বলিয়া ধীরু “ঘোষাল মহাশয়ের” বাসার দিকে চলিল।

ধীরুকে দেখিয়া ঘোষাল মহাশয়ের স্ত্রী জগন্নারীণী মাথার কাপড়টা একটু টানিয়া দিয়া কহিলেন—“জল না খেয়েই কোথায় গেছে ধীরেন?”

ধীরু অপ্রস্তুত ভাবে কহিল, “আজ আর তেমন ক্ষিদে নেই মামিমা। তাই নদীর ধারে বসে ছিলাম।”

জগত্তারিণী হাসিয়া কহিলেন—“সেই ত কখন ছুটি ভাত মুখে দিয়েছ, এখনও ক্ষিদে হয় নি? তুমি বাপু বড় লজ্জা করছ। একে ত মাছ তরি তরকারি তেমন ভাল মেলে না; তার ওপর যদি লজ্জা কর, তাহলে কিন্তু দুদিনেই শরীর আধখানা হয়ে যাবে।... আর মণি এসে বলবে মামি তার বন্ধুকে না খেতে দিয়েই এই হাল করেছে!”

ধীরু ষাড় হেঁট করিয়া হাসিয়া কহিল—“আজ্ঞে না, লজ্জা ক’রব কেন, যখন এখানে থাকতে হবে, তখন ক’দিন লজ্জা.....”

জগত্তারিণী বাধা দিয়া কহিলেন—“হাঁ বাবা, লজ্জাটাজ্জা ক’রো না। মণি যেমন ছুটিতে বেড়াতে এসে, চেয়ে চিন্তে নিয়ে আপনার বাড়ীর মত খায়-দায় থাকে, তুমিও তেমনি ক’রো। তুমি তার বন্ধু—মণির মতনই আমাদের ঘরের ছেলে..... দেখ কথায় কথায় বুঝি চা এতক্ষণে ঠাণ্ডা হয়ে গেল...ও রাধি...তোর ধীরুদাকে...ওমা “ধীরুই” মনে পড়ে...তোর ধীরেন দা’কে চা আর খাবার দিয়ে যা।”

ধীরু হাসিয়া কহিল—“আমাকে সকলে ধীরু বলেই ডাকে, আপনিও তাই বলেই ডাকবেন।”

জগত্তারিণী হাসিয়া কহিলেন—“আচ্ছা।—কিন্তু ছেলেরা বড় হ’লে আবার ছেলে-বেলার “ডাকনাম” পছন্দ করে না।”

একটি ১৮।১৯ বছরের শ্রামবর্ণ দোহারী চেহারার মেয়ে একরাশ এলো চুলের বোঝা পিঠে ফেলিয়া একটা রেকাবির উপর এক বাটি চা ও কিছু খাবার লইয়া উপস্থিত হইল। জগত্তারিণীর দিকে ফিরিয়া কহিল—“চা’টা বোধ হয় ঠাণ্ডা হয়ে গেছে মা।”

“তাহলে গরম করে আনলি না কেন, ঠাণ্ডা চা মানুষে খেতে পারে? মেয়ে যেন সং!”

রাধিকা একটু অপ্রস্তুত ভাবে ধীরুর দিকে চাহিতেই, ধীরু বলিয়া উঠিল—“থাক, থাক, দেখি, ঠাণ্ডা হয়নি বোধ হয়।”

রাধি ধীরুর হাতে চায়ের পেয়ালা দিয়া খাবারটা তাহার সম্মুখে রাখিয়া একটু সরিয়া দাঁড়াইল। খানিকটা খাইয়া ধীরু বলিল—“না, ঠিক আছে! কিন্তু খাবার আমি খেতে পারব না, ওটা তুমি নিয়ে যাও।” বলিয়া সে রাধিকার দিকে চাহিল। রাধিকা দেয়াল তৈশ দিয়া দাঁড়াইয়া ছিল, ধীরুর

কথার প্রত্যুত্তরে সে কি বলিল, ধীরু তাহা শুনিতে পাইল না...শুধু দেখিল একটা অভিমানভরা দৃষ্টি আর উভয় গুষ্ঠের মূহ কম্পন।

জগত্তারিণী বাধা দিয়া কহিলেন—“না...না...আবার নিয়ে যাবে কি? ভারি ত জিনিস...ছুখানা নিমকী আর একটু হালুয়া। নাও খেয়ে বাপু, ওতে আর অস্বস্তি করবে না, ঘরের জিনিস...”

ধীরু ইতস্ততঃ ভাবে কহিল—“না, তার জন্ত নয়...তবে...”

ধীরুকে কথা কহিবার অবসর না দিয়া জগত্তারিণী কহিলেন—“সত্যি বাপু...আর আমি এত পর পর ভাবা ভালবাসি না।” ধীরু এই স্নেহের তিরস্কারে লজ্জিত হইয়া জলপানান্তে কহিল—“সত্যি, আমার বিকেলে জল খাওয়া অভ্যেস নেই...তবেলা পেটভরে ছোটো ভাত খেলেই...বাস নিশ্চিন্ত!”

ধীরুর এই স্বল্প কথায় জগত্তারিণী তাহার সরল মনের পরিচয় পাইয়া সন্তুষ্ট হইলেন বটে, কিন্তু একটু ব্যথাও অনুভব করিলেন সেইখানে, যেখানে নারীধর্ম সহানুভূতি-গলিত তরল ধারায় অন্তরের অন্তস্তল ধৌত করিয়া সমস্ত বুকের উপর দিয়া বহিয়া যাইতে ছ। জগত্তারিণী রাধির দিকে ফিরিয়া কহিলেন—“যা ছোটো পাণ এনে দে। দাঁড়িয়ে আছে ত দাঁড়িয়েই আছে!”


রাধি লজ্জিতভাবে চলিয়া গেল। ধীরু একটু সঙ্কচিত-ভাবে কহিল—“আচ্ছা মামীমা, একটা বিষয়—”

ধীরুকে ইতস্ততঃ করিতে দেখিয়া জগত্তারিণী ব্যগ্রভাবে কহিলেন—“কি কথা বাবা?”

“আচ্ছা, আপনার জামাই কি অন্য কোথাও কার্জ-কর্ম করেন?”

জগত্তারিণী বাম হস্তে কপালে এক চাপড় মারিয়া কহিলেন—“পোড়া কপাল আমার—সে কথা বলব কি বাবা...এই মেয়েটা হয়েছে আমার কাল। সাতটা নয় পাঁচটা নয় পেট-ধোয়া এই একটা মেয়ে...অত টাকা-পয়সা খরচ করে বে দিলুম...তা এমনি বরাত, জামাইটা একেবারে মানুষ নয়। তার ওপর শাশুড়ী মামী দজ্জাল, জালা দেয়...মেয়েটার আমার.....”

ধীরু বাধা দিয়া কহিল—“জামাই কি করেন?”



তুলসীদাস

জগত্তারিণী বিরক্তভাবে কহিলেন—“ছাই, তার মাথা আর মুণ্ডু করে! খায়-দায় আর নেশা ভাং করে। তার বাপ মিন্‌সে ছিল হাড়-কেপ্পন, চুরী-চামারী করে লোককে ঠকিয়ে কিছু যায়গা-জমী রেখে গেছে, তাই মা-বেটার চলছে।”

“এখানে সে আসে না?”

জগত্তারিণী দীর্ঘনিঃশ্বাস ছাড়িয়া কহিলেন—“পোড়া কপাল, এ পথ মাড়ায় না। শুনবে কি বাবা, মাগী নাকি যেটার আবার বিয়ে দেবে।...জামাইটাও নিরোধ গৌয়ারের এক শেষ...ছন্নছাড়া প্রকৃতির মানুষ—সেও আবার তাতেই মত্ত হয়েছে।”

ধীর ঘণাব্যঞ্জক বিরক্তি সহকারে কহিল—“আচ্ছা ত?”

রাধি পাণের ডিবাগ কয়েকটা পাণ আনিয়া ধীরের সম্মুখে আনিয়া দাঁড়াইল।

জগত্তারিণী কহিলেন—“পাণ কটা রেখে ঘরদোরগুলো পরিষ্কার করে ফেল মা!”

রাধিকা পাণের ডিবাটা ঠকাস করিয়া মাটিতে রাখিয়া বিকল্পিত দৃষ্টিতে মার দিকে চাহিয়া চলিয়া গেল।

জগত্তারিণী রাগতভাবে কহিলেন—“কাজের ছিঁরী দেখলে গা জ্বলে যায়! আর একটু হলেই ত পাণগুলো সব মাটিতে পড়ে যেত। যেমন বরাত...তেমনি বুদ্ধি-শুদ্ধি!...হ্যাঁ, যা বদাছিলাম...কর্তা রাগী মানুষ, জামায়ের কথা পাড়লেই বলেন ‘তার নাম আমার কাছে করো না, আমার মেয়ে দিখল হয়েছ, জামাই মরেছে’।”

ধীর হাসিয়া কহিল—“সে কি একটা কথা হল!”

“বল ত বাবা, সত্যিই ত আর তাই নয়। তবে মেয়ে ছেলে যদি সোয়ামীর ঘর না করতে পেলে, তাহলে তার জন্মই যে বৃথা।”

“তা ত বটেই!” ধীর ভাবিতেছিল, রাধির দুঃখের জীবনটা, তার স্বামীর নিষ্ঠুরতা ও নৃশংসতার কথা! রাধির হৃদয় ধীরের নিশ্চল সরল চিত্তের উপর শারদাকাশের গায়ে কাল রেখার মত একটা মলিন দাগ আঁকিয়া দিল। সে অশ্রুমনস্কভাবে কহিল—“তা বটে! আমায় যে একটু চুণ দিতে হবে! এ দেশের পাণগুলো বড় ঝাল।”

“পাণে চুণ কম দিয়েছে বুঝি? ও রাধি...রাধি... ধীরকে একটু চুণ দিয়ে যা! আচ্ছা না হয় আমিই দিচ্ছি—”

বলিয়া জগত্তারিণী তাঁহার হুল দেহ বাঁকাইয়া উঠিবার উদ্যোগ করিতেই, রাধিকা একটা পাণের বোটার মাথায় চুণ আনিয়া ডিবার উপরে রাখিয়া সরিয়া দাঁড়াইল। ধীর কড়িকাঠের দিকে চাহিয়া একমনে এতক্ষণ পূর্বকথাই ভাবিতেছিল, হঠাৎ অশ্রুমনস্কভাবে কহিল—“আমি ভাবছি, ছেলেটাই বা কোন্‌ হিসেবে রাজী হল?...তারও ত একটা কর্তব্য...”

বাধা দিয়া জগত্তারিণী কহিলেন—“এই যে চুণ দিয়েছে। দেখত রাধি বামুন ঠাকুর উনুনে আঁচ দিলে কি না! আজকাল পাণে কাজকর্মে বড় গা টিল দিয়েছে বাপু!”

রাধিকা এক পাশে দাঁড়াইয়া তখন দেয়ালের গায়ে আঁচড় কাটিতেছিল। একটা মুখভঙ্গী করিয়া সে বিরক্তভাবে কহিল—“হ্যাঁ গো, দিয়েছে।”

“তবে এক কাজ কর। নুনীয়া কঁটার সঙ্গে হাতে গেছে, ফিরতে ত দেখছি দেবী হচ্ছে। তুই ততক্ষণ আলোগুলোতে তেল ভরে ঠিক করে রাখ, সন্ধ্যা ত হয়ে এল!”

বিরক্তভাবে রাধি কহিল—“এক দণ্ডও মা মানুষকে স্থির হয়ে থাকতে দেবে না...এটা কর...সেটা কর...আমি পারব না এত...ভারী কি না হ্যাঁ!” মুখভার করিয়া রাধি ছুপদাপ শব্দে সে স্থান হইতে চলিয়া গেল।

জগত্তারিণী ধীরকে কহিলেন—“দেলে বাবা, আন্ত পাগল! কি যে ওকে নিয়ে করব, তা আর ভেবে পাই না!”

ধীর একটু হাসিল, কোন কথা কহিল না।

নুনীয়া চাকর মাথায় কাঁকা, হাতে তেলের বোতল লইয়া উঠানে আসিয়া হাঁকিল—“মাইজী!” পশ্চাতে ঘোষাল মহাশয় একটা ময়লা নেকড়ায় বাঁধা মাছের পুঁটুলী হাতে ভিতরে প্রবেশ করিয়া ডাকিলেন—“কই গো”—

জগত্তারিণী মাথার কাপড়টা খানিকটা টানিয়া দিয়া দুই হাতে মাটিতে ভর দিয়া উঠিলেন; এবং উঠানে নামিতেই, ঘোষাল মহাশয় বিরক্তভাবে কহিলেন—“তোমার নড়তে চড়তেই আধঘণ্টা—এই নাও...মাছ আর মেলবার উপায় নাই—হাতে গেলেই কি আর না গেলেই কি...মিছে পয়সা খরচ।”

জগত্তারিণী কহিলেন—“কি আনলে?”

“গোটাকতক মাগুর” বলিয়া ঘোষাল মহাশয় মাছের পুঁটুলীটা জগত্তারিণীর হাতে দিয়া ঘরের দিকে যাইতেই

জগত্তারিণী বাধা দিয়া কহিলেন—“দাঁড়াও, হাতে একটু জল দিই.....”

ধীরু এতক্ষণ চুপ করিয়া বারান্দায় বসিয়া ছিল। সে তাড়াতাড়ি উঠিয়া কহিল—“আচ্ছা, আমিই দিচ্ছি, আপনি যান।”

“ওমা, তুমি দেবে কি! অঃ রাধি! মেয়েটার যেন ভীমরতি হয়েছে।” জগত্তারিণী তাড়াতাড়ি রান্নাঘরের দিকে যাইতেই, ঘোষাল মহাশয় বিরক্তভাবে কহিলেন—“মেয়েটা কোন্ চুলোয় গেল? অ-রাধী...রাধী...”

ভিজা কাপড়ের এক প্রান্ত দ্বারা যৌবনোন্নত বক্ষ ঢাকিয়া খপখপ শব্দে রাধি ঘোষাল মহাশয়ের সম্মুখে আসিয়া কহিল—“কি? আমি গা ধুচ্ছিলাম।”...তার এলাহিত চুল পিঠের উপর ছাপাইয়া পড়িয়াছে, আর্দ্র বসনের ভিতর দিয়া তাহার পরিপূর্ণ দেহের পূর্ণ শ্রী ফুটিয়া বাহির হইতেছিল। রাধি একবার অবনত দৃষ্টিতে আড়চোখে ধীরুর দিকে চাহিয়া তাহার সম্মত বক্ষের উভয় পার্শ্বের কাপড় টানিয়া দিল।

ঘোষাল মহাশয় বিরক্তভাবে কহিলেন—“এতক্ষণ সময় পাসনি...আমায় একটু জল দে হাত পা ধুতে।”

“দিচ্ছি, ওই ত বারান্দায় বালতীভরা জল রয়েছে।”

রাধিকাকে উঠান হইতে বারান্দায় উঠিতে দেখিয়া ধীরু একটু কুণ্ঠিতভাবে সরিয়া দাঁড়াইল। রাধি জল লইয়া যাওয়ার সময়, বর্ষাশেষে বিদ্যুতের মত তাহার চঞ্চল চক্ষের একটা অগ্নিবাণ ধীরুর দিকে হানিয়া দিয়া গেল। বেচারী ধীরু পেরেকে ঠোকা ছবির মত দেয়াল ঠেশ দিয়া নতমুখে নিস্পন্দভাবে দাঁড়াইয়া রহিল।

ঘোষাল মহাশয় হাত পা ধুইয়া বারান্দায় আসিলেন; এবং ধীরুকে চুপ করিয়া দাঁড়াইয়া থাকিতে দেখিয়া কহিলেন—“দাঁড়িয়ে কেন ধীরেন, বোস! চা খেয়েছ?”

“আজ্ঞা হ্যাঁ।”

“কেমন লাগছে হে তোমার এ যায়গা?”

“মন্দ নয়, তবে—”

বাধা দিয়া ঘোষাল মহাশয় তাঁহার টাক-মাথায় জলের হাত বুলাইয়া কহিলেন—“হ্যাঁ, একটু রক্ষ বটে! পাহাড়ে যায়গা কি না...কিন্তু স্বাস্থ্য বেশ ভাল, কি বল?”

ধীরু মুখ না তুলিয়া অন্তমনস্কভাবে উত্তর করিল—“তা ভালই!”—

লুণীয়া এক হাতে একটা হেরিকেনের আলো, অপর হাতে ছঁকা কলিকা লইয়া বারান্দায় আসিতেই, ঘোষাল মহাশয় সাংগ্রহে কহিলেন—“দে বাবা, একটু তামাক খাওয়া যাক। আজ বড় পরিশ্রম হয়েছে। দাঁড়িয়ে রইলে কেন হে ধীরেন, বোস, একটু গল্প করা যাক!”

ধীরু বড় বিপদের মধ্যেই পড়িল। অনেকক্ষণ হইতেই যাইবে যাইবে ভাবিয়াও এতক্ষণ কেন যে যাইতে পারে নাই ইহার স্পষ্টতর মীমাংসা সে করিতে পারিল না। উপস্থিত যাইবার ইচ্ছা থাকিলেও ঘোষাল মহাশয়ের আগ্রহাতিশয্যে ধীরুকে পুনরায় অনিচ্ছা সত্ত্বেও বসিতে হইল। ধীরু বাবু এক রাশ ধূম ছাড়িয়া কহিলেন—“তা বাবাজী, তোমার স্বভাব চরিত্র দেখে আমরা বড়ই খুশী হয়েছি! তোমার মামীমা বলেন, এমন নত্ন ধীর ছেলে আর হয় না। তোমার নামটা তোমার স্বভাবের পরিচয় বটে!”

ধীরু নতমুখে তাহার নখের কোণ দাঁতে কাটিতে গেল। দীলু বাবু পুনরায় কহিলেন—“শুনতে পাই তুমি কি বড় লজ্জা কর...লজ্জাটজ্জা আমার এখানে তোমার করতে হবে না বাপু!”

মুহু হস্তে ধীরু কহিল—“আজ্ঞে না—লজ্জা কি?”

“না, তাই বলছি! আর কাকে দেখেই বা লজ্জা করবে?...রাধি একরত্তি মেয়ে...ওকে আবার...হ্যাঁ!” বলিয়া ছঁকায় টান দিলেন। পরে কহিলেন—“আর যে কাজ তুমি করছ, যদি উন্নতি চাও, তাহলে চক্ষুলজ্জাটা একেবারে ভুলে যেতে হবে বাপু! দেখতেই ত পাচ্ছ, যত সব ছোটলোক কুলী মজুর নিয়ে কারবার! ওদের দিনরাত চাকুর ওপর রাখতে হবে, না হলে কাজে ফাঁকী দেবে। ওদের মেয়ে-মন্দ সব পাজী! আর এদেশের লোক—এই যত সব খাদ-মুনীস দেখছ, এদের বিশ্বাস নেই! বেটারা মাইনে পায়ে ২০ টাকা, কিন্তু হলে কি হয়, মাসে ২০০ টাকা চুরী করে। আর বছরে একটা করে ধান জমী কিনছেই!”

ধীরু ঈষৎ হাসিয়া ঘোষাল মহাশয়ের মুখের পানে চাহিল। “হ্যাঁ, থাকতে থাকতেই তুমি দেখতে পাবে! তাই বলি, সব দিকে নজর রেখে মন দিয়ে যদি খাট আর টঁকে থাক, তাহলে তোমার উন্নতি ঠেকায় কে? তবে প্রথমটা একটু কষ্ট স্বীকার করে পরিশ্রম করা, কাজকর্মগুলো ভাল করে শেখা দরকার!”

ধীরু আঙ্গুল মটকাইতে মটকাইতে কহিল—“আজ্ঞে, তা ত বটেই!”

রাধি এক পেয়লা চা ও জলখাবার আনিয়া দীলু বাবুকে দিতেই, তিনি কহিলেন—“খাবারটা নিয়ে যা মা, এখন কিছু খেলে রাত্রে আর খেতে পারব না।”

রাধি মুহু হাসিয়া কহিল—“আজ দেখছি, তোমাদের সকলেরই পেটে ক্ষিদে কম। কি যে এমন ওবেলা খেয়েছ, তা ত জানি না বাপু! খাবারগুলো মিছেই করা হল।”

ঘোষাল মহাশয় চায়ের পেয়লা হইতে মুখ সরাইয়া কহিলেন—“কেন ধীরেনও খায় নি না কি?”

“না না খাওয়ারই মতন।” উদাসভাবে কথা কয়টা বলিয়া রাধি ধীরুর দিকে একবার চাহিয়া চলিয়া গেল। ধীরু ঝল, আবার একটা কৈফিয়ৎ দিবার সময় উপস্থিত। কারণ ঘোষাল মহাশয়ের প্রশ্নের অপেক্ষা না করিয়া সে নিজে হইতেই বলিল, “সকালে কি বিকেলে কোনও দিনই আমার জল খাওয়ার অভ্যেস নেই!”

ঘোষাল মহাশয় চায়ের পেয়লা নামাইয়া কহিলেন—“কিন্তু বাপু, এখানে তা করলে চলবে না। যেমন খাটতে হবে, খেতেও হবে তেমনি। না হলে শরীর টেকবে কেন? এই যে দেখছ, এত বয়সেও আমার শরীর খাড়া আছে, সে কেমন খাওয়ার জোরে!”

রাধিকা পাণের ডিবার পাণ দিয়া গেল। একসঙ্গে হাতের পাণ মুখে পুরিয়া দীলু বাবু কহিলেন—“নাও হে, পাণ খাও ধীরেন।”

“আজ্ঞে, পাণটা আমার বেশী খাওয়া অভ্যেস নেই, আমি খেয়েছি।”

“চুপ দিতে ভুলে গিছলুম” বলিয়া রাধি এক টুকরা ছেঁড়া পাণের উপর খানিকটা চুপ রাখিয়া গেল। পাণ চিবাইতে চিবাইতে দীলু বাবু কহিলেন, “দেখ ধীরেন, মানুষের অদৃষ্ট যে কখন ফিরে যায়, তা সে নিজেও বুঝতে বা জানতে পারে না!”

ধীরু কহিল—“নিশ্চয়!”

“আজ হয়ত তুমি মনে করছ যে রোদে পুড়ে কয়লার ময়লা গাঁটাই মার হচ্ছে, কিন্তু বাস্তবিক তা নয়! এতে তোমার যা জ্ঞান হচ্ছে, তার দাম ঢের বেশী। ছমাস বাদে বুঝতে পারবে—তোমার কদর কত বেড়ে গেছে। আমি জোর করে বলতে পারি—ভবিষ্যতে তোমার যথেষ্ট উন্নতি

হবেই হবে। কদিনই বা এসেছে এখানে, এর মধ্যে তোমার কাজ-কর্ম দেখে আমি ভারী খুশী হয়েছি। আমি সে কথা “মনি”কেও লিখে দিয়েছি। আর না হবেই বা কেন? যথেষ্ট লেখাপড়া শিখেছ, বেশ চালাক চতুর বুদ্ধিমান, একবার দেখলেই তোমরা যা শিখতে পারবে, আমাদের পাঁচবারেও তা হবে না! আর বাপু...আমারও বয়স হয়েছে...কাজ-কর্মগুলো যদি শিখে নিতে পার...” দীলু বাবু আর একটা পাণ মুখে দিয়া ডাকিলেন—“ওরে লুণীয়া, আর এক কলকে তামাক দিয়ে যা।”

“আজ্ঞে হ্যাঁ, তা ত বটেই” বলিয়া ধীরু উঠিয়া দাঁড়াইতেই, দীলু বাবু কহিলেন—“কি—যাচ্ছ না কি? আর রাত্তির করে এখন কোথায় যাবে?”

ধীরু উঠানে নাগিয়া কহিল—“কোথাও না...এইখানেই একটু...” বলিয়া বাহিরে চলিয়া গেল।

জগত্তারিণী এতক্ষণ পাঁড়ে ঠাকুরকে রন্ধন ব্যাপারে উপদেশ দিতেছিলেন; আসিয়া দেখিলেন ধীরু নাই। একটু বিস্মিতভাবে ঘোষাল মহাশয়কে বলিলেন—“ধীরেন চলে গেছে? কখন গেল?”

“এই ত...কেন?”

“না...এমনিই...বেশ ছেলেটি কিন্তু; যেমন কথাবার্তায়, তেমনি স্বভাব-চরিত্রে। এই কদিনের ভেতরই ওর ওপর কেমন যেন একটা মায়া পড়ে গেছে। জামাই হতচ্ছাড়ার কথা শুনে কত দুঃখ করতে লাগল। বলে, এমন সহায় থাকতে সে কি না চুপ করে বসে থাকে—”


ঘোষাল মহাশয় মুখভঙ্গী করিয়া কহিলেন—“বলবে না? মৎবংশের ছেলে, লেখাপড়া শিখেছে...বুদ্ধি শুদ্ধি আছে...তা বলবে না? এখানে এসেছে না হয় বাড়ী থেকে রাগ করে...নানা বন্ধুটে...কিন্তু বড়বরের ছেলে ত বটে!” জগত্তারিণী আর কোন কথা কহিলেন না। ঘোষাল মহাশয় উঠিয়া যবে গেলেন এবং জামাটা গায়ে দিয়া, আলমারীর ভিতর হইতে একটি ছোট বোতল জামার ভিতর লুকাইয়া তাড়াতাড়ি বাহিরে আসিতেই জগত্তারিণী কহিলেন—“আবার এখনই বেরোনো হচ্ছে? একদিনও ফাঁক ধাবার ঘো নেই...বুড়ো হলে, মরতে বসেছ, আর কেন? সকাল সকাল ফিরো!” দীলু বাবু ততক্ষণে লম্বা পা ফেলিয়া একেবারে বাটার বাহির হইয়া গিয়াছেন।

জার্মানী

শ্রীনরেন্দ্র দেব

প্রাণীয়া

প্রাণীয়া সমগ্র জার্মান সাম্রাজ্যের প্রায় তিনভাগের দু'ভাগ জুড়ে বসে আছে। লোকসংখ্যাও এই অঞ্চলেরই সবচেয়ে




ড্রেসডেন শহর

বেশী এবং এরা সকলেই প্রায় প্রোটেষ্ট্যান্ট ধর্মসম্প্রদায়ভুক্ত। ফ্রান্স ও বেলজিয়মের সীমান্ত স্পর্শ করে প্রাণীয়া বিস্তৃত হ'য়ে পড়েছে উত্তর যুরোপ ঘুরে নব পোল্যান্ডের পার্শ্বদেশ পর্যন্ত! দক্ষিণে একে বেষ্টিত করে আছে 'জেকোলোভাকীয়', অস্ট্রিয়া, এবং 'সুইসজার্ল্যান্ড'! উত্তর-পূর্ব ও পূর্বাঞ্চলের বিশাল বালুভূমি অরণ্যময়; কিয়দংশে শস্ত উৎপাদন ও আলুর চাষের জন্ম ব্যবহৃত হয়। সেকালের দাঙ্গাবাজেরা এই অঞ্চলেরই লোক ছিলেন এবং একালের দুর্ভিক্ষ জার্মান সৈনিকদের জন্মভূমিও হচ্ছে এই প্রাণীয়া!

প্রাণীয়ার উত্তর-পশ্চিম অঞ্চলকে কতকটা পার্কত্য-প্রদেশ বলা যেতে পারে। এই অঞ্চলই হচ্ছে জার্মানীর


কয়েকটি শ্রেষ্ঠ ব্যবসা-বাণিজ্যের কেন্দ্রস্থান। কয়লার খনি এবং লৌহ ও ইস্পাতের কারখানা প্রভৃতি বড় বড় কারখানার জুড়ে বসে আছে। দক্ষিণে আর্ডার চাষ, আখ এবং বীটপালঙের চাষ ও চিনির কারখানা আছে। সমুদ্রের ধারে জলের উপর একদল জেলে তাদের বড় বড় উল্টাতে বাস করে। এরা খুব কষ্টসহিষ্ণু জাত। উত্তর সাগর ও বাল্টিক সমুদ্র সংক্রমে এরা এদের জীবিকা নির্বাহ করে।

প্রাকৃতিক শোভা ও সৌন্দর্যের দিক দৃষ্টেও প্রাণীয়ায় যথেষ্ট পরিমাণ আছে। এই দেশের উপত্যকা স্বভাবের শোভার জন্ম দিখায়! ব্যবসা বাণিজ্য সংক্রান্ত কলকারখানার সংশ্রব থাকার সঙ্গেও ওয়েস্টফেলিয়া তার প্রাকৃতিক সৌন্দর্যটুকু এখনও হারানি।



ন্যূবেমবার্গ শহরের বাজার

দক্ষিণ-পশ্চিম অঞ্চলে 'হার্জ' পর্বতমালা। খুব বেশী দেখতে পাওয়া যায়! স্থানে স্থানে মনে হয় যেন প্রকৃতি উচু না হ'লেও এই পর্বত-শ্রেণীর বিবিধ মনোহর বৈচিত্র্য দেবী আপন হাতে চমৎকার উত্তান রচনা করে রেখেছেন




বালিণের সেভিংস্‌ব্যাক



চাষীদের 'বর কনে' ও তাদের সঙ্গী এবং সহচরীরা

এই পর্ব্বতের শ্রীতিভরা শাস্ত্র সুন্দর অস্তঃপুরে। নিদাঘ পোষাক পরিচ্ছদ পরে, সেই পুরাতন আচার ব্যবহার মেনে তাপ হতে জুড়াবার জন্ত ধনী জার্মান পরিবারেরা এইখানে চলে ও সেই সাবেক ভাষাতেই কথা কয়।
আসেন বায়ু সেবন করতে।
প্রাণীয়ার প্রধান শহর 'বার্লিন' একেবারে সম্পূর্ণ আধুনিক



আঁশের কাপড় বোনা

আরও দক্ষিণে শাইলে-
নীয়ায় 'জ্যেট' পর্ব্বত
মাথা তুলে দাঁড়িয়েছে।
এরই চারিদিকে যেসব
বনরাজি-বিভূষিত বহু-
তটিনী-সেরিত অসংখ্য
উপত্যকা দেখতে পাওয়া
যায়, তারা এক-একটি
যেন কোন দক্ষ চিত্রকরের
তুলিতে আঁকা দৃশ্যপটের
মতো সুন্দর! এখানে
ওয়েগিশ্ বলে লুপ্তপ্রায়



গাছের আঁশ ছাড়ানো


বহু প্রাচীন জার্মান জাতির অস্তিত্ব আজও দেখতে পাওয়া যায়। এরা এখনও তাদের সেই প্রাগৈতিহাসিক যুগের

জার্মানীর গোরব স্বরূপ। হাম্বার্গ, ব্রেমেন ও ল্যাবেক্; জার্মানীর এই তিনটি প্রসিদ্ধ প্রাচীন শহরও প্রাণীয়ার অঙ্গসংলগ্ন।

পদ্ধতিতে প্রস্তুত বলে এখানে মধ্যে বিজ্ঞানকে দেখতে পাওয়া যায় চারিদিকে, সব্যাকে খুঁজে পাওয়া শক্ত। প্রাণীয়ার প্রাচীন শহরগুলি সুন্দর। আধুনিক শহরগুলি একেবারে নেহাৎ যেন কলেবর তরী। তথাপি হিগোইম্, ম্যারীয়েনবার্গ ও ড্যানজিগ্ প্রভৃতি শহরগুলি প্রাকৃতিক প্রাণীয়ার নতুন সমগ্র

স্যাক্সনী


সচ্ছল। এরা উপার্জনও করে বেশী এবং খরচও করে জনসংখ্যায় তৃতীয় স্থান অধিকার করে। স্যাক্সনী বে-দরদে! কেবলমাত্র 'ওর' পর্ব্বতস্থ পল্লীটি চাষবাসের আকাঙ্ক্ষা জার্মানীর এক-পঞ্চম ভাগেরও কম। স্যাক্সনীও নিতান্ত অনুপযুক্ত বলে এখানে কুটার-শিল্পের প্রচলন খুব



মিউনিক্ শহরের এক অংশ

জার্মানী একটি ব্যবসায়-
বাণিজ্য ও কলকারখানা-
প্রধান স্থান। লৌহ প্রভৃতি
খনিজ ধাতুর ব্যবসায়,
মৃতা, খোজা, গেঞ্জি, ছিটের
কাপড় ও অগ্নাচ্চ বিবিধ
বস্ত্রশিল্পের কারখানা এবং
চীনেমাটির ও কাঁচের
জিনিষের কারবারই
এখানে খুব বেশী পরিমাণে
দেখতে পাওয়া যায়।


এখানকার অধিবাসীরাও
অধিকাংশই প্রোটেষ্ট্যান্ট
ধর্মাবলম্বী; তবে দীর্ঘকাল-
ধরে সমাজতন্ত্র বা সমষ্টি-
বাদের প্রবল আন্দোলনের
প্রভাবে এরা উপস্থিত প্রায় সর্ব
ধর্মেই অনাস্থাবান হয়ে উঠেছে।
স্যাক্সনীর লোকের অবস্থা বেশ




বীথোভেনের জন্মভূমি 'বন্' শহর

সংক্রান্ত সর্বপ্রকার শিল্প-বিজ্ঞানে সম্পূর্ণ পারদর্শী হয়ে ওঠে।

দেখতে পাওয়া যায়।
এস্থানটি অত্যন্ত জনা-
কীর্ণ বলে দারিদ্র্যের
দারুণ অভাবও এখানে
বিদ্যমান। শিক্ষার
উন্নতির দিক দিয়ে
স্যাক্সনী অত্র সকল
প্রদেশকে এগিয়ে
গেছে। এখানে অর্থ-
করী বিত্তা শিক্ষার
অতি সুন্দর সুব্যবস্থা
আছে। জার্মানীর এই
যন্ত্র-শিল্প-শিক্ষাদয়
পৃথিবীর মধ্যে সর্বশ্রেষ্ঠ
বলে পরিগণিত। এই
সকল শিক্ষা লয়ের
ছাত্রেরা ব্যবসায়



স্মার্ক কোর্ট, শহরের একদিক



শ্রী ওমাকের সুসজ্জিতা সুন্দরী তরুণী

জার্মানীর প্রধান শহর 'ড্রেসডেন'। এখানে প্রবাসী ইংরেজ কিছুদিন ড্রেসডেনে থাকলে আর ড্রেসডেন ছেড়ে আসতে ও মার্কিন বাবসারীদের সংখ্যা জার্মানদের চেয়েও বেশী। ইচ্ছে করে না।



উৎসব দিনের বাদকেরা

এখানে ইংরেজ ছেলে-মেয়েদের পড়বার জগৎ একাধিক ইংরাজী ইস্কুল স্থাপিত হয়েছে। বিগত মহাযুদ্ধের আগে এই সব প্রবাসী ইংরেজ ও আমেরিকানরা অনেকেই জায়গা জমী কিনে বাড়ী ঘর তৈরী করে এখানে স্থায়ীভাবে বসবাস শুরু করে দিয়েছিল। সমস্ত জার্মান রাজ্যে কোথাও ড্রেসডেনের মতো এমন সর্ব্বরকমে সুন্দর শহর আর দেখতে পাওয়া যায় না। এমন একটা সুন্দর শ্রী এই শহরের আছে যা মানুষকে তার অজ্ঞাতসারে একান্ত মুগ্ধ করে ফেলে।




উৎসব-প্রাঙ্গণে নৃত্যাভিলাষীগণ (নৃত্যের পূর্বে তাদের স্ব স্ব জাতীয় পোষাক সর্ব্বাঙ্গসুন্দর হয়েছে কি না তার পরীক্ষা হচ্ছে!)

উট্টে স্বর্গ

আকার ও লোকসংখ্যার অনুপাতে জার্মান সাম্রাজ্যের মধ্যে উট্টে স্বর্গ তৃতীয় স্থান অধিকার করে আছে। এটি


যার উপরে একটি ছুর্গ বা ছুর্গের ভগ্নাবশেষ দেখতে পাওয়া যায় না! হোহেনশ্টাউফেন পর্বতের শিখরদেশে যে জার্মান পরিবার যুদ্ধবিগ্রহের ভিতর জহঞ্জী বরণ করে সুখ-সমৃদ্ধিতে ঐশ্বর্য্যবান হয়ে উঠেছিল—যারা স্বধর্ম্মাশ্রিত পুণ্য রোগ সাম্রাজ্যের সিংহাসনে একটির পর একটি করে সব অসামান্য সম্রাট বৃগিয়ে এসেছিল, যারা জার্মানীকে বহু বিভক্ত করে ধ্বংসের পথে এগিয়ে দিয়েছিল, যারা বিশ্বরাজ্যের ছুঃস্বপ্ন দেখে ইটালীকে ছত্রভঙ্গ করে ফেলেছিল, তারাই এখানকার মানুষ। সেই হোক—তাদের সর্বদোষ মত্তেও তাদের মধ্যে ওই উট্টে স্বর্গের অধিবাসীদের চারিত্রিক বিশেষত্ব—সেই ছিল জার্মানীর সর্বতোমুখী প্রতিভার প্রধান উৎস। তাদের রাজসভা—কি সুদূর দক্ষিণে ইটালী, কি সিসিলী—সর্বত্রই শিক্ষা সাহিত্য ও জ্ঞানের কেন্দ্রস্থান হ'য়ে উঠে এবং একটা নবীন আলোক জ্বলে দিয়েছিল যে তার কিরণচ্ছটায় সমগ্র যুরোপ উজ্জ্বল হয়ে উঠেছিল। কিন্তু আবার সেই আলোক-শিখাতেই তারা যুরোপে আশ্রয় ধরিয়েও দিয়েছিল।



আঁশের পাঁজ

একটি আরামপ্রদ পাহাড়ী দেশ। কন্সটান্স-হ্রদের উত্তর তীর পর্য্যন্ত বিস্তৃত! ছুঃস্বপ্ন-স্বভাব কিন্তু সূজন শোয়াবীয়ানরা এইখানকারই অধিবাসী। এরা বড় প্রত্যুৎপন্নমতি ও ধূর্ত লোক, অথচ এদের মতো এত ভাবপ্রবণ জাতও আর দেখা যায় না। সংকার্য্যে এরা সর্বদাই অগ্রণী।

উট্টে স্বর্গের অধিবাসীরা সকলেই যোদ্ধা। এরা শতাব্দীর পর শতাব্দী ধরে আপনাদের বীর্য্যবলে ইতিহাস সৃষ্টি করে এসেছে। এ স্থানটিকে কবি ও ঔপন্যাসিকের কল্পিত কাহিনীর মতো স্বপ্নমাদুরীময় বলে মনে হয়। এখানে এমন একটি ছোটখাটো পাহাড় নেই




কবি শীলারের বাসগৃহ

‘জোলার্ন’ পর্বত-শৃঙ্গের বেলেপাথরের বেদীর উপর বিশ্বব্যাপী। Albertus Magnus, Paracelsus, প্রভৃতি যে নব-নির্ম্মিত বিরাট ও বিস্ময়কর ছুর্গ এরই কোড়ে মনীষীরা এই শোয়াবীয়ানদেরই পুত্র। এই দেশেই Kepler, জগদ্বিদ্যা হোহেন-

জোলার্ন রাজবংশের সম্রাটেরা লালিত-পালিত হয়েছিল। আজ ভাগ্যচক্রের ছুর্নিবার ছুর্বিপাকে তারা অধঃপতিত।

অজস্র রণদক্ষতা ছাড়াও শোয়াবীয়ানরা অস্বাভাবিক দিকে তাদের

প্রতিভার বিকাশ দেখিয়ে জগৎকে মুগ্ধ করেছে। মুখে তীক্ষ্ণধার স্বরূপ ছিল এরাই এবং দিগন্তবিস্তৃত জ্ঞান দর্শন-জ্ঞানের গবেষণা ও অনুসন্ধানও তাদের সূক্ষ্ম বিস্তারের এরাই ছিল বাহন।



উট্টে স্বর্গের প্রাচীন উল্ম শহর

হিমালয়

শ্রীযতীন্দ্রমোহন বাগচী বি.এ

তব অপরূপ রূপ যে জেনেছে মনে,
সে তোমারে আত্মদান করেছে গোপনে—
নিশ্চয় নিশ্চিত ইহা। বাহিরের চোখে
কতটুকু দেখা যায় আঁধার-আলোকে,
কতটুকু যায় চেনা? তাই ত সকলে
তোমারে, হে প্রিয়তম, হিমাচল বলে।
সৃষ্টির মঙ্গল-মুক্তি দক্ষিপাত্র শিরে
শিবেরে করিয়া কোলে পালিছ পৃথ্বীরে;
বহাইয়া সুরধুনী পুণ্য বক্ষস্বধা
পিয়ানে নিখিল জীবে পুষিছ বসুধা;
রক্ষ কাঠিন্যের বস্ম দেখিয়া নয়নে
সে তোমার বাহু-রূপ সমাধি-শয়নে
সর্বকালজয়ী দেহ! শৃঙ্গবাহু তুলি'
ডাকিছ সস্তানে তব স্বর্গদ্বার খুলি'।

কমঠ-কঠিন অঙ্গ প্রস্তর আকার,
তবু তার প্রাণ আছে করে তা স্বীকার
শিশুছাড়া সর্বজনে যেবা চক্ষুস্থান
যদিও আপাত-দৃশ্বে সে শুধু পাষাণ।
আরো বড় হবে যবে মানব-শৈশব
দৃষ্টি-অস্তরালে যবে শিথি অনুভব
হেরিবে নূতন চক্ষে অস্তদৃষ্টি খুলি'
সেদিন তব এ বাহু আঁধার ভুলি'
স্বরূপ দেখিবে তব ভবিষ্য-মানব;
ধ্যানমূর্ত্তি হেরি তব হইবে নীরব
আজিকার অবিদ্যাসী; বন্দিবে বিশ্বয়ে
তোমার ও পাদদেশে ভক্তিভরা ভয়ে।
হে তাপস হে সুন্দর হে চিরমঙ্গল,
সেদিনের কথা ভাবি'চোখে আসে জল।



কথা সুর ও স্বরলিপি—শ্রীদিলীপকুমার রায়

মিশ্র ভৈরবী—ভৈরৌ—তেতালা।

গিরি গোবর্ধন
হৃদি বৃন্দাবন
দেবকাজিত
হে চিরবাহিত
প্রকট মোই তব
মম প্রার্থন অব
রূপ ধিয়ানে
আবো প্রাণে
আশা করত হুঁ
পিয়াস বুঝাউ
তব সুরত সুর
বিনতি তাপ হর
তরসত তন মন
হৃদি বৃন্দাবন

কুঞ্জনচারী
বসো মুরারী।
অতুলিত শোভা
জগমনলোভা!—
নবঘন মূর্তি
কীরো পুঁতি।
চিত্ত উদাসী
প্রেম বিলাসী;
তব পদ মাগি
সব স্মৃথ ত্যাগি।
ন কিছু স্মহাবে
আশ মিটাবে;
যাত হুঁ বারি
বসো মুরারী ॥

॥ ধা গা গা সা | সা - সা সা | সা - রা সনা | সরা মা মা - ।

গি রি গো - র - ক্র ন কু - জ ন চা - রী -

গা মা গরা গা | সা - রা গা | সা রা গা মা | গরা গা রসা - । ।

হৃ দি বৃ ন্দা - র ন র সো - মু রা - রী -

সা ধা সধা জমা | মা - মা মা | মপা মদা পমা জরা | জা রা মজা রজা

দে - রা - কা - জিত অ তু লি ত শো - ভা -

সা রা সনা সা | সরজা মপদা পমা জরজা | ধা সা ধা মা | জধা জধা সা - ।
হে - চি র রা - জি ত জ গ ম ন লো - ভা -

[মা - মা -]

{ গা সা সা সনা | পা পা পা পা | পা দা পা মা | মপনা দপমা জরা জা | }
প্র ক ট মো - ই ত ব ন র ষ ন যু - তি -

গা মা গধা সা | সা ধা গা মা | গমা পা মগা মা | গধা গধা সা - । ॥ ॥
ম ম প্রা - র্থ ন অ ব কী - যো - পূ - তি -

সা - সা দা | পা - পদা রসা | গপা গা দপা দা | পমা পা মা - ।
রু - প ধি য়া - নে - চি - ত্ত উ দা - সী -

জা রা মজা রজা | সধাজা মপদা দা - । জসা - ধা মা | জধা জধা সা - ।
আ - রো - প্রা - ণে - প্রে - ম রি না - সী -

সা - গা - দা দা পা পা | পা ধা পধনা ধপা | মা গা পমা গমা |
আ - শা - ক র ত হুঁ ত ব প দ মা - গি -


গমা গা ধা সা | সা ধা গা মা | মা পা মগা মা | গধা গধা সা - । ॥ ॥
পি য়া - স বু ঝা - উ স ব স্মৃ থ ত্যা - গি -

সা সা রসা - । গা দা পা পা | গা দা পা মা | মপা দপা মজা রজা |
ত ব যু - র ত সুর ন ক ছু স্মৃ হা - রে

সা ধা সনা সা | - ধা জা মা | ধা মা জা মা | জধা জধা সা - ।
বি ন তি তা - প হ র আ - শ মি টা - রে -

সা সা সা সা | গা সা গদা গা | সা মা মা মা | গমা ধা মা - ।
ত র স ত ত ন ম ন যা - ত হুঁ রা - রি -

গা মা গা ধা | সা ধা গা মা | মা গপা মগা গা | ধা - সা - । ॥ ॥
হৃ দি বৃ ন্দা - র ন র সো - মু রা - রী -



কথা সুর ও স্বরলিপি—শ্রীদিলীপকুমার রায়

মিশ্র ভৈরবী—ভৈরবী—তেতাল।

গিরি গোবর্ধন
হৃদি বৃন্দাবন
দেবাকাঙ্ক্ষিত
হে চিরবাহিত
প্রকট সোই তব
মম প্রার্থন অব
রূপ ধিয়ানে
আবো প্রাণে
আশা করত হুঁ
পিয়াস বুঝাউ
তব সুরত সুর
বিনতি তাপ হর
তরসত তন মন
হৃদি বৃন্দাবন

কুঞ্জনচারী
বসো মুরারী।
অতুলিত শোভা
জগমনগোভা!—
নবধন মূর্তি
কীরো পুঁতি।
চিত্ত উদাসী
প্রেম বিলাসী;
তব পদ মাগি
সব স্মৃথ ত্যাগি।
ন কিছু স্মহাবে
আশ মিটাবে;
যাত হুঁ বারি
বসো মুরারী ॥

II ধা গা গা সা | সা - সা সা | সা - রা সন্ | সরা মা মা -।
গি রি গো - র - ঝ ন কু - জ ন চা - রী -

গা মা গরা গা | সা - রা গা | সা রা গা মা | গরা গা রসা -। I
হৃ দি বৃ ন্দা - র ন র সো - মু রা - রী -

সা খা সখা জ্ঞমা | মা - মা মা | মপা মদা পমা জ্ঞরা | জ্ঞা রা মজ্ঞা রজ্ঞা |
দে - রা - কা - জ্ঞিত অ তু লি ত শো - ভা -

সা রা সগা সা | সরজ্ঞা মপদা পমা জ্ঞরজ্ঞা | ধা সা খা মা | জ্ঞখা জ্ঞখা সা -।
হে - চি র রা - জি ত জ গ ম ন লো - ভ -

[মা - মা -]

{ গা সা সা মদা | পা পা পা পা | পা দা পা মা | মপনা দপমা জ্ঞরা জ্ঞা | }
প্র ক ট সো - ই ত ব ন র ষ ন যু - তি -

গা মা গখা সা | সা খা গা মা | গমা পা মগা মা | গখা গখা সা -। II II
ম ম প্রা - র্থ ন অ ব কী - য়ো - পু - তি -

সা - সা দা | পা - পদা গর্সা | গপা গা দপা দা | পমা পা মা -।
রু - প ধি য়া - নে - চি - ত্ত উ দা - সী -

জ্ঞা রা মজ্ঞা রজ্ঞা | সখাজ্ঞা মপদা দা -। জ্ঞসা - ধা মা | জ্ঞখা জ্ঞখা সা -।
আ - রো - প্রা - ণে - প্রে - ম রি লা - সী -

সা - গা -। দা দা পা পা | পা ধা পধনা ধপা | মা গা পমা গমা |
আ - শা - ক র ত হুঁ ত ব প দ মা - গি -

গমা গা খা সা | সা খা গা মা | মা পা মগা মা | গখা গখা সা -। III II
পি য়া - স বু ঝা - উ স ব স্ম থ ত্যা - গি -

সা সা সর্সা -। গা দা পা পা | গা দা পা মা | মপা দপা মজ্ঞা রজ্ঞা |
ত ব যু - র ত সুর ন ক ছু স্ম হা - রে

সা খা সগা সা | -। খা জ্ঞা মা | স্মা মা জ্ঞা মা | জ্ঞখা জ্ঞখা সা -।
বি ন তি তা - প হ র আ - শ মি টা - রে -

সা সা সা সা | গা সা গ্দা গা | সা মা মা মা | গমা স্মা মা -।
ত র স ত ত ন ম ন যা - ত হুঁ রা - রি -

গা মা গা খা | সা খা গা মা | মা গপা মমা গা | ধা - সা -। II II
হৃ দি বৃ ন্দা - র ন র সো - মু রা - রী -

তক্ষশিলা

শ্রীনরেশচন্দ্র সেনগুপ্ত বি-এ

প্রথম অধ্যায়

পথে

শ্রাবণ মাসের ২৯শে তারিখ শুক্রবার রাত্রি ৮টার সময় হাওড়া হইতে পাঞ্জাব মেলে স্বাস্থ্যলাভোদ্দেশ্যে তক্ষশিলা অভিমুখে রওনা হইলাম। তক্ষশিলার জলবায়ু খুব স্বাস্থ্যকর, শুনিয়াছি। আমার তৃতীয় মাতুল মহাশয় সরকারী প্রভুবিজ্ঞান-বিভাগের কার্য-ব্যপদেশে তক্ষশিলায় অবস্থান করেন। সম্প্রতি কিছুদিনের জন্ত ছুটি লইয়া দেশে আসিয়াছিলেন; এখন সপরিবারে পুনঃ কর্মস্থানে যাইতেছেন। সেই সঙ্গে আমিও যাইতেছি।

প্রথম রাত্রি

যথাসময়ে পাঞ্জাব মেল তাহার 'মোহন বাশী' বাজাইয়া, ঘর্ঘর শব্দে দিগন্ত প্রতিধ্বনিত করিয়া, রাশি রাশি ধূম্রকুণ্ডলী উদ্গীরণ করিতে করিতে বিশাল দেহ লইয়া প্রবল বেগে ছুটিয়া চলিল। বাহিরে জমাট অন্ধকার, মনের মধ্যেও অন্ধকার; প্রিয় জন্মভূমি, আত্মীয়-স্বজন, বন্ধুবান্ধব সমস্ত পশ্চাতে ফেলিয়া—কে জানে কত দিনের জন্ত, অথবা চিরদিনের জন্তই না কি—ভারতের সুদূর প্রান্তান্তরে চলিয়া যাইতেছি। জন্মভূমি ছাড়িয়া যাইতে মনের উপর যে কতটা আঘাত লাগে, তাহার অভিজ্ঞতা-লাভ জীবনে ইতিপূর্বে আরও একবার ঘটিলেও আঘাতের পরিমাণটা এইবারই যেন কিছু বেশী বোধ হইল। সপ্তাহখানেক পূর্বে আর এক দিন বাঙ্গালার কোন সুদূর পল্লীগাম হইতে আত্মীয়-স্বজন সকলের নিকট বিদায় লইয়া যখন নৌকাযোগে ধীরে পল্লী-নদীর রক্ষ দিয়া অগ্রসর হইতেছিলাম, তখন অন্যান্য পঞ্চাশৎ আবাল-বৃদ্ধ-বনিতা—প্রবল বারিপাতের মধ্যেও তীরে দাঁড়াইয়া যতক্ষণ দেখা যায়—সজলনেত্রে আমাদের নিরীক্ষণ করিতেছিল। সে করুণ বিদায়-দৃশ্য আজ থাকিয়া থাকিয়া মনে পড়িতে লাগিল। এ দৃশ্য বাঙ্গালী-মনের দুর্বলতার পরিচায়ক হইতে পারে, সক্ষীর্ণতার পরিচায়ক হইতে পারে, কিন্তু ইহা বাঙ্গালীর নিজস্ব সম্পদ।

মনের এইরূপ চঞ্চল অবস্থায় চোখে ঘুম বড় আসিল না।

কিছুক্ষণ উন্মুক্ত জানালা দিয়া উদাসভাবে বাহিরের দিকে চাহিয়া রহিলাম। ছই পাশে অন্ধকার বিজড়িত বিটগী-শ্রেণী, তাহার ফাঁকে ফাঁকে কখন জোনাকির মত ছই একটা আলোক, আর মাঝে মাঝে এক একটা আলোকোজ্জ্বল ষ্টেশন,—চলচ্চিত্রের মত চোখের সম্মুখ দিয়া জড়গতিতে চলিয়া যাইতে লাগিল। কিয়ৎকাল এই ভাবে বসিয়া থাকিবার পর অত্যধিক ঠাণ্ডা বোধ হওয়ায় জামাকা বন্ধ করিয়া দিয়া শুইয়া পড়িলাম। নিদ্রাদেবীর সঙ্গে কচিং কখন দেখা-সাক্ষাৎ হইতে লাগিল। এই অর্দ্ধ-জাগ্রত অর্দ্ধ-নিদ্রিতাবস্থায় কখন যে বাঙ্গালার সীমানা ছাড়াইয়া ভারতের মধ্য দিয়া চলিতে লাগিলাম, তাহা ঠিক বুঝিতে পারি নাই। যাহা হোক, রাত্রির শেষ দিকে একটু তন্দ্রা আসিয়াছিল। ভোরে জাগিয়া দেখি, পাটনা সিটা ষ্টেশনে আসিয়াছি। ইত্যবসরে মনটাও তাহার প্রাথমিক চাকলা পরিহার করিয়া স্থির হইয়া আসিয়াছে। রাত্রিতে ঠাণ্ডা লাগিয়া পড়িতে গলার গোড়াটা বড় ছম্-ছম্ করিতেছিল। কথা কহিতে যাইয়া দেখি, কণ্ঠস্বর ভাঙ্গিয়া গিয়াছে। কিছু গরম চা পান করিয়া গলাটা একটু ঝালাইয়া লওয়া গেল।

দ্বিতীয় দিন

পাটনা ছাড়াইলেই ছই দিকে কেবল দিগন্তব্যস্ত বিশাল মাঠ,—তাহাতে বাঙ্গালার মত ধান-পাট নাই। অধিকাংশ জমিতেই কেবল গম ও ভুট্টার চাষ। মাঝে মাঝে সারি সারি অসংখ্য উর্দ্ধশীর্ষ তালবৃক্ষ। স্থানে স্থানে মাটির দেওয়ালোপরি নির্মিত খোলার ঘর সমন্বিত এক একখানি ছোট গ্রাম। ক্রমশঃ বৃহৎ বৃহৎ আশ্রয়গান চোখে পড়িতে লাগিল। স্থানে স্থানে দেখিলাম, বহুবিস্তীর্ণ ভূমি অকর্ষিত অবস্থায় পড়িয়া রহিয়াছে। কেবল মাঝে মাঝে ছই একখানি করিয়া রোপা ধানের ক্ষেত; তাহাতে চারিদিকে আল বাধিয়া জল রাখা হইয়াছে। বাঙ্গলা দেশের মত বর্ষা-প্লাবিত শস্ত-শ্রামল ক্ষেত্র একখানিও দৃষ্টিগোচর হইল না।

দেখিতে দেখিতে বৃহৎ শোণ নদ অতিক্রম করিলাম। শোণ নদের উপরিস্থ সেতুটি সুবিখ্যাত সাড়া-সেতুর মত আড়ম্বরবহুল না হইলেও দৈর্ঘ্যে বোধ হয় কম হইবে না। বর্ষার জলে পরিপূর্ণ, ক্ষীত-যৌবন বিশাল শোণ নদের স্রবৎ আবিল জলরাশি উভয় কূল প্লাবিত করিয়া ধীর-মহুর গতিতে বহিয়া চলিয়াছে। দক্ষিণে নদের মধ্যখানে একখানি গ্রাম,— ঠিক যেন দ্বীপের মত জলের উপর ভাসিতেছে— মনোরম দৃশ্য!

এরূপে দক্ষিণে ও বামে নানা বৈচিত্র্যময় দৃশ্য দেখিতে দেখিতে বেলা ২টার মোগলসরাই জংশনে আসিয়া পৌঁছিলাম। আমাদের টিকেট—ভায়া মোগলসরাই— মাহারাজপুর; কাজেই মোগলসরাইতে পাঞ্জাব মেল বদল করিয়া আউধ-এণ্ড-রোহিলখণ্ড রেলওয়ের গাড়ীতে উঠিলাম। গাড়ী ছাড়িতে মিনিট কুড়ি দেহী—আহারের জন্ত কিছু ডালপুই, তরকারী ও কুঁজো ভরিয়া জল লওয়া গেল। ৯০ টায় গাড়ী ছাড়িয়া দিল।

মোগলসরাইয়ের পরের ষ্টেশনই ৮কালীধাম। এইবার বিহার ছাড়িয়া ক্রমশঃ যুক্তপ্রদেশের দিকে অগ্রসর হইতেছি। মিনিট পনেরের মধ্যেই গঙ্গার উপরিস্থ সেতুর উপর আসিয়া পড়িলাম। মরি, মরি, কি অপূর্ব দৃশ্য!—জীবনে আর কখন দেখি নাই, দেখিবও না। বর্ষা-সমাগমে উচ্ছ্বসিত উদ্বেগিত উত্তরবাহিনী ভাগীরথী কাশীর পাদদেশ বিধৌত করিয়া তর-তর বেগে বহিয়া যাইতেছে। তটোপরি নবোদ্ভিত সূর্য্যকিরণোদ্ভাসিত অসংখ্য বিচিত্র সৌধমালা। তন্মধ্যে শত শত অর্দ্ধমগ্ন দেউলের গর্কৌন্নত চূড়া। মাঝে মাঝে সুরম্য সোপানাবলী,—তছপরি জ্ঞান-রত অসংখ্য নরনারী,—যেন শিল্পীর সযত্ন-অঙ্কিত একখানি ছবি— অপূর্ণ দৃশ্য! সমগ্র নগরীটি যেন গঙ্গার মধ্য হইতে উঠিয়াছে। এ কি যথার্থই বাস্তব জগতের স্থূল দৃশ্য, না কল্পনালোকের কোন অলীক চিত্র! হে পতিতোদ্ধারিণী গঙ্গে! হে ভারতের তীর্থ বারণসী! হে জগতের ঈশ্বর বিধনাথ!—তোমাদের শত শত প্রণাম!!

কাশী ষ্টেশনে গাড়ী মাত্র ছই মিনিট থামিলেও গঙ্গাজল স্পর্শ করিবার সৌভাগ্য হইয়াছিল,—অবশ্য জনৈক পাণ্ডার কৃপায়। পরের ষ্টেশন বেনারস ক্যান্টনমেন্টে আর কিছু পানীয় জল ও কাশীর উৎকৃষ্ট আমের আচার লইয়া তৎসহ

মোগলসরাইয়ের ডালপুরী ও নিভাঁজ কুমড়ার তরকারীর সদ্যবহার করা গেল।

ইষ্ট ইণ্ডিয়ান রেলওয়ের গাড়ী অপেক্ষা আউধ-এণ্ড-রোহিলখণ্ডের গাড়ী অনেক অনুন্নত। অল্পবিস্তর ঝাঁকুনি খাইতে খাইতে ও কর্কশ ঘর্ঘর শব্দ শুনিতে শুনিতে হিন্দুস্থানের বিশাল প্রান্তর-বক্ষ ভেদ করিয়া ছুটিয়া চলিলাম। আমাদের কামরায় আর একজন বাঙ্গালী,—মোগলসরাইতে উঠিয়াছেন,—লাক্ণারে গাড়ী বদল করিয়া দেরাহুন যাইবেন।

প্রতাপগড়ে যখন পৌঁছিলাম, তখন বেলা ১২টা। অত্যধিক গরম বোধ হইতে লাগিল। চলন্ত ট্রেনে বাতাস পাওয়া যায়; কাজেই ততটা কষ্ট বোধ হয় না। গাড়ী হইতে নামিয়া পানিপাঁড়ের প্রদত্ত জল দ্বারা মাথাটা ধুইয়া ফেলিয়া কথঞ্চিৎ ঠাণ্ডা হইলাম। এই গ্রীষ্মের দিনে রেলকর্তৃপক্ষ প্রত্যেক ষ্টেশনেই জল দিবার অতি সুবন্দোবস্ত করিয়া যাত্রীসাধারণের, বিশেষতঃ দূরগামী যাত্রীদের, বড়ই উপকার করিয়াছেন। প্রত্যেক ষ্টেশনেই পানিপাঁড়েরা "বাবুজি, পানিমে সুরাই ভরকে লিয়ে" বলিয়া সাধিয়া সাধিয়া জল দেয়; ছই একটা পয়সা দিলে খুসী হইয়া চলিয়া যায়। বাঙ্গলা দেশের কোন রেল ষ্টেশনেই এমন সুবন্দোবস্ত নাই। প্রতাপগড়ে বেশ সস্তা ছোট ছোট আম পাওয়া গেল,— প্রতিটা মাত্র ৫ পয়সা। এবার বাঙ্গলায় আম অত্যন্ত মহার্ঘ। কিছু আম এবং ছোট খোকাটির জন্ত কিছু গরম মহিষ-দুগ্ধ ক্রয় করিয়া লইলাম। গরুর দুধ মিলিল না।

প্রতাপগড়ের পর কয়েক ষ্টেশন ছাড়াইলে দেখিতে লাগিলাম, স্থানে স্থানে গাছের সঙ্গে সারি সারি কুজপৃষ্ঠ, বৃহদাকার উট বাঁধা রহিয়াছে;—কোথাও মাঠের উপর দীর্ঘ-গ্রীব সারস পাখীগুলি ইতস্ততঃ চরিয়া বেড়াইতেছে; আবার কোনখানে স্থূলকায় মহিষগুলি দলে দলে কর্দ্দমাক্ত জলের মধ্যে শরীর নিমজ্জিত করিয়া মাত্র নাসিকাগ্র বাহির করিয়া রাখিয়াছে। এইরূপে মাঠের শোভা দেখিতে দেখিতে বেলা ৩টা লক্ষ্মী ষ্টেশনে আসিয়া পৌঁছিলাম। ওয়াজেদ আলী শার লক্ষ্মী,—মানস-নয়নে কত দৃশ্য দেখিলাম, মনে কত ইতিহাস জাগিল।

"কগতা ধরনীপালাঃ সসৈন্ত বল বাহানাঃ।

বিয়োগ সাক্ষিনীঃ যেবাং ভূমিরতাপি তিষ্ঠতি ॥"

সমস্ত দিন এক ভাবে বসিয়া থাকিতে কোমর লাগিয়া

আসিয়াছিল। ষ্টেশনে নামিয়া কিছুক্ষণ পায়চারি করিয়া শরীরটা একটু ঝড়িয়া লইলাম।

লক্ষ্যে ছাড়াইলে আবার দুই ধারে কেবল দিগন্ত-বিস্তৃত অকর্ষিত ভূমি; মাঝে মাঝে শুধু ইতস্ততঃ বিক্ষিপ্ত ক্ষুদ্র ক্ষুদ্র বৃক্ষের রোপ মিলিয়া সমগ্র প্রান্তর ভরিয়া জঙ্গলের সৃষ্টি করিয়াছে। একখানিও শস্তক্ষেত্র দেখিলাম না। কচিং কোথাও বিশাল মাঠের কোন প্রান্তে দুই একখানি গ্রাম অস্পষ্টভাবে দেখা যাইতেছে। এমনি মাঠের উপর দিয়া ষ্টেশনের পর ষ্টেশন অতিক্রম করিয়া গাড়ী দ্রুতবেগে ছুটিয়া চলিল।

দ্বিতীয় রাত্রি

সাহাজানপুর যখন পৌঁছিলাম, তখন সন্ধ্যা উত্তীর্ণ হইয়া গিয়াছে। তার পর, জানি না কখন, একটু ঘুমাইয়া পড়িয়াছিলাম,—ফেরিওয়ালাদের চীৎকারে জাগিয়া দেখি, মোরাদাবাদে পৌঁছিয়াছি। রাত্রি তখন ১০টা। ‘ঠাণ্ডি পানি’, ‘গরম চা’, ‘সোডা লেমনেড’, ‘ডাল-কটী-পুরী’,—আর তৎসহ ‘হিন্দু ওয়াস্তে’, ‘মুসলমান ওয়াস্তে’,—ইত্যাদি চীৎকার, এবং মিঠাইওয়ালার, ফলওয়ালার, চুড়িওয়ালার, ছুরী-কাঁচিওয়ালার, খেলনাওয়ালার, ঘটি-বাটিওয়ালার, প্রভৃতি ফেরিওয়ালাদের বিবিধ প্রকার স্বর মিলিয়া এক অভিনব ঐক্যতান-বাদনের সৃষ্টি করিয়াছে। কিছুক্ষণের মধ্যেই কান ঝালাপালা করিয়া অতিষ্ঠ করিয়া তুলিল। এক একজন ফেরিওয়ালার নানাবিধ মনোহারী দ্রব্য-সামগ্রীতে সাজাইয়া ঠিক যেন এক একখানা প্রতিমার চালীশুদ্ধ কাঠামো মাথায় লইয়া ঘুরিয়া বেড়াইতেছে, ও নানারূপ স্বরতানলয়ে হুকোঁধা ভাষায় চীৎকার করিতেছে। সে কাঠামোয় ছনীয়ার কি যে আছে, আর কি যে নাই, বলা কঠিন। বাসনওয়ালারা নিকেলের কলাইকরা ঝকঝকে ছোট ছোট পিতলের ঘটি, বাটি, গ্লাস, খালা প্রভৃতি সাজাইয়া লইয়া অনবরত হাঁকিয়া যাইতেছে। জিনিষগুলি দেখিতে বড়ই সুন্দর,—ঠিক রৌপ্য-নির্মিত বলিয়া ভ্রম হয়। এই মোরাদাবাদী বাসনের খুব প্রসিদ্ধি আছে। মিঠাই-বিক্রেতার মিঠাই-বোঝাই এক একখানা গাড়ী ঠেলিয়া ঠেলিয়া ট্রেনের কামরার কাছে আনিতেছে। তাহাদের মুখোচ্চারিত নাম গুনিয়া, অথবা চাক্ষুষ দেখিয়াও দুই একটা ব্যতীত কোন মিঠাইয়েরই ‘কুলশীল’ বুঝিতে পারিলাম না। যাহা হোক, একটা বিষয়

খুবই লক্ষ্য করিলাম। এক একজন ফেরিওয়ালার যেরূপ গুরুভার বোঝা মাথায় করিয়া, অথবা গাড়ী ঠেলিয়া বৃহৎ ট্রেনের এক প্রান্ত হইতে অপর প্রান্ত পর্যন্ত অনবরত যাওয়া-আসা করিতেছে, সেরূপ বোঝা আমাদের বঙ্গদেশের পাঁচজনেও লইয়া যাইতে পারিবে কি না সন্দেহ। মোরাদাবাদে আবার এক প্রস্থ ডালপুরী-তরকারী কিনিয়া লইয়া রাত্রির আহার কার্য সমাপ্ত করা গেল।

মোরাদাবাদের পর হইতে অসহ্য গরম বোধ হইতে লাগিল। গাড়ী ছাড়িয়া দিলে গরমটা একটু কম বোধ হয় বটে, কিন্তু কোন ষ্টেশনে থামিলেই কেমন একটা গরমের গুমোট চারিদিক হইতে যেন চাপিয়া ধরিতে লাগিল। এই ভাবে অগ্রসর হইতে লাগিলাম। ইচ্ছা ছিল, সাহারানপুরের পর গাড়ী যখন যমুনা অতিক্রম করিবে, তখন জাগিয়া থাকিয়া সে দৃশ্য দেখিব। কিন্তু কখন যেন ঘুমাইয়া পড়িয়াছিলাম, জাগিয়া দেখি, সাহারানপুর ছাড়িয়া অনেক দূর আসিয়াছি; রাত্রি তখন ৪টা। আটটা গাড়ী সাহারানপুর ত্যাগ করিয়াছিল।

সাহারানপুর হইতেই গাড়ী নর্থ ওয়েস্টার্ন রেলওয়ের লাইনে চলিতে আরম্ভ করিয়াছে। এইবার যুক্তপ্রদেশের সীমানা ছাড়িয়া পাঞ্জাবের মধ্য দিয়া অগ্রসর হইতেছি। রাত্রি প্রায় শেষ হইয়া আসিয়াছে। ক্রমশঃ ঠাণ্ডা বোধ হইতে লাগিল।

তৃতীয় দিন

আম্বালা ক্যান্টনমেন্টে যখন পৌঁছিলাম, তখন রাত্রি প্রভাত হইয়াছে; পূর্বদিকে আকাশ রক্তিমভা ধারণ করিয়াছে। প্রকৃতিরও সম্পূর্ণ পরিবর্তন হইয়াছে। শিশির-সিক্ত সবুজ গম ও ভুট্টা-ক্ষেত্রগুলি নানা প্রকার ক্ষুদ্র-বৃহৎ বৃক্ষের সমবায়ে চতুর্দিকেই বেশ একটা সজীবতার সৃষ্টি করিয়াছে। আম্বালায় পৌঁছিয়াই দেখি, পূর্বদিনের মোগলসরাইয়ে পরিত্যক্ত পাঞ্জাব মেল এলাহাবাদ, কানপুর, দিল্লী, প্রভৃতি হইয়া আমাদের সঙ্গে সঙ্গেই আসিয়া পৌঁছিয়াছে। আধঘণ্টাখানেক অপেক্ষা করার পর পাঞ্জাব মেল সোজা উত্তর দিকে, শিমলার পথে, কালকা-অভিমুখে চলিয়া গেল; আর আমরা ক্রমশঃ উত্তর-পশ্চিমাভিমুখে অগ্রসর হইতে লাগিলাম।

আম্বালার পরেই সুপ্রসিদ্ধ গ্র্যাণ্ডট্রাঙ্ক রোড আমাদের

চোখে পড়িল। কখন সমান্তরালভাবে, কখন বা এদিক-ওদিক ঘুরিয়া আবার আসিয়া এই ইতিহাস-বিধাত প্রাচীন পথটি সমস্ত রাস্তাই আমাদের সঙ্গে সঙ্গে ছুটিতে লাগিল, অথবা আমরাই তাহার সঙ্গে সঙ্গে ছুটিয়া চলিলাম। ক্রমে শিমলা শৈলের দক্ষিণ-দিকস্থ অস্পষ্ট পর্বতাবলী দৃষ্টিগোচর হইল। আম্বালার পর হইতে গাড়ীতে একটু একটু করিয়া ভিড় হইতে লাগিল।

গাড়ী ক্রমশঃ উত্তর-পশ্চিমাভিমুখে ছুটিয়া চলিয়াছে। কয়েকটি বহু হরিণ চলন্ত ট্রেন দেখিয়া মাঠের মধ্যে ইতস্ততঃ ছুটাছুটি করিতে লাগিল। মাঝে মাঝে দুই একটা সুদৃশ্য নীলকণ্ঠ ময়ূর পুচ্ছ মেলিয়া দাঁড়াইয়া রহিয়াছে। এইবার একটি একটি করিয়া পাঞ্জাবের পঞ্চ নদ অতিক্রম করিতে লাগিলাম। বেলা প্রায় ৮টার সময় লুধিয়ানা ষ্টেশনের কিঞ্চিৎ পরেই সর্বপ্রথম সাতলেজ (শতক্র) পার হইলাম। রেলওয়ে সেতুর পাশাপাশি কিয়ৎ দূরেই গ্র্যাণ্ডট্রাঙ্ক রোডের সেতু। তাহার উপর দিয়া মানুষ, গাড়ী, ঘোড়া, গরু, সমস্তই যাতায়াত করিতেছে।

বেলা ৯টার জলন্ধর সিটি ষ্টেশনে পৌঁছিয়া আবার সেই ডালপুরী-তরকারী দিয়া ভোজন-কার্য সমাপ্ত করা গেল। জলন্ধরের কয়েকটা ষ্টেশন পরে বিয়াস ষ্টেশনের অদূরে বিয়াস (বিপাশা) নদী উত্তীর্ণ হইলাম। এখানেও গ্র্যাণ্ডট্রাঙ্ক রোড পূর্বের মতই পাশাপাশি সেতুর উপর দিয়া চলিয়া গিয়াছে।

বেলা পড়িবার সঙ্গে সঙ্গে ক্রমশঃ গরম বৃদ্ধি পাইতে লাগিল। এই অবস্থায়ই কখন একটু ঘুম আসিয়াছিল; জাগিয়া দেখি, অমৃতসরে আসিয়া পৌঁছিয়াছি। বেলা তখন ১০টা। অসহ্য গরম বোধ হইতে লাগিল। আজ দুই দিন স্নান হয় নাই, রাত্রিতে ঘুম হয় নাই, অভ্যস্ত আহার হয় নাই। এঞ্জিনের ধূমে শ্বেদ-সিক্ত মুখমণ্ডল, জামা, কাপড়,—সমস্তই কালিময় হইয়া গিয়াছে। শারীরিক ও মানসিক একটা বড় অস্বাভাবিক ভাব বোধ হইতে লাগিল। মনে হইল, একটা পুকুরে ঝাঁপাইয়া পড়ি। কিন্তু এত আর দেশ-ঘর নম্ন যে, পুকুর মিলিবে। কাজেই “যন্মিন দেশে যদাচার”—এই নীতি-বাক্যই শিরোধার্য করিলাম। গাড়ী হইতে নামিয়া পড়িয়া ষ্টেশনের একটা কলের নীচে মাথাটা রাখিয়া সেই ধূলি-কালি-কয়লা-মাথা কক্ষ চুলগুলি ধুইয়া

কতকটা ঠাণ্ডা হইয়া একরূপ সজল মাথা লইয়াই গাড়ীতে আসিয়া বসিয়া পড়িলাম।

অমৃতসরের পর হইতে ভিড় ক্রমশঃ বৃদ্ধি পাইতে লাগিল। বৃহদাকার পাঞ্জাবিগণ, বিশেষতঃ দীর্ঘ-শাশ্র-শুষ্ক-শোভিত আকালী শিখেরা মাথায় বৃহৎ পাগড়ী, গায়ে সার্ট, ওয়েস্ট কোট, কোট, পরিধানে ঝুলমুল ঢিলা পাঞ্জামা, পায়ে বৃহৎ জুতা, ও কটিতে কোষবদ্ধ রূপাণ লইয়া আরও বৃহদাকার হইয়া এক একজন একাই পাঁচজনের স্থান জুড়িয়া বসিতে লাগিল, এবং নিজেদের মধ্যে অবিশ্রাম অবোধ্য ভাষায় বাক্যলাপ করিয়া অল্পক্ষণ মধ্যেই আমাদের কাণ ঝালাপালা করিয়া তুলিল। ইহাদের আলাপ-প্রলাপের উৎস কি কেবল রেল-গাড়ীতে আসিলেই খুলিয়া যায়? আমরা তাহাদের কথাবার্তায় বিরক্ত হইয়া পড়িলাম, কিন্তু মন সন্ত্রমে পরিপূর্ণ হইয়া উঠিল। ইহার বীরের জাতি। এই সেদিনও ইহার ধর্মের জন্ত, স্বাধিকারের জন্ত সম্পূর্ণ অহিংসভাবে যেরূপ অমানুষিক নির্যাতন সহ্য করিয়াছে, তাহা ইতিহাসের পৃষ্ঠায় কেবল ছল্লভ নহে—তুলনাশূণ্ড বটে। শ্রদ্ধায় ইহাদের প্রতি মস্তক অবনত হইতে লাগিল।

অমৃতসরের পর হইতে আবার সেইরূপ স্তবিত্তীর্ণ মাঠ,—দিগন্তে যাইয়া মিশিয়াছে। ইহারই মাঝে মাঝে ইতস্ততঃ-বিক্ষিপ্ত, মাটির গৃহ-পরিপূর্ণ দুই একখানি গ্রাম কখন স্পষ্ট, কখন অস্পষ্ট দেখা যাইতে লাগিল।

বেলা ১২টায় লাহোরে পৌঁছিলাম। আর সেই যথাপূর্ব ‘ঠাণ্ডি পানি’, ‘সোডা লেমনেড’,—‘গোস্ট রোটি’, ‘ডাল-পুরী’, ‘আলু-ছোলে’—‘হিন্দু ওয়াস্তে’, ‘মুসলমান ওয়াস্তে’, ইত্যাদি চীৎকার। আমাদের কামরার নিকট দিয়া একজন অল্পবয়স্ক ফেরিওয়ালার বিকৃতস্বরে ডাকিয়া যাইতেছে, “মিঠা সেউ—পেচ্ছে পেচ্ছে।” “পেচ্ছে পেচ্ছে” কিরে বাপু? হরি হরি, পয়সা পয়সা!

পাটনা হইতে আরম্ভ করিয়া সমস্ত রাস্তায়ই ফেরিওয়ালাদের চীৎকারে বুঝিলাম,—এই সব স্থানে খাণ্ড ও পানীয় সম্পর্কে হিন্দু এবং মুসলমানের জন্ত পৃথক ব্যবস্থা। ইহাতে একটা বিষয় খুবই লক্ষ্য করিলাম। দেখিলাম, বিহার, যুক্তপ্রদেশ এবং পাঞ্জাবে এখনও সামাজিক ব্যবস্থায় ততটা শৈথিল্য আসে নাই; বোধ হয়, এই সব প্রদেশে এখন পর্যন্তও বাঙ্গলাদেশের মত অলিতে গলিতে তথাকথিত

সাম্যবাদী এবং উদারনৈতিকের উদ্ভব ও উপদ্রব হয় নাই। দেখিয়া মনে একটু আনন্দই হইল। নিজ নিজ বৈশিষ্ট্য ত্যাগ করিয়া সামাজিক আচার-ব্যবহারে বিভিন্ন সম্প্রদায় মিলিয়া যাইবে, ইহা যেমন কখনও সম্ভবপর নহে, তেমনি, বোধ হয়,—কাহারও পক্ষে বাঞ্ছনীয়ও নহে। দ্বিতীয়তঃ, বাঙ্গলাদেশের সাম্যবাদী ও উদারনৈতিক দল কেবল রসনার তৃপ্তির জন্ত অস্পৃশ্য অখাদ্য ভোজনে পটু,—কিন্তু বিবেক-বুদ্ধির প্রেরণায় সাম্য ও উদারনীতি অবলম্বন জন্ত প্রকৃত মনুষ্যত্ব,—সৎসাহস এবং তেজস্বিতা আবশ্যিক হইলেই তাহারা পৃষ্ঠপ্রদর্শনে তৎপর; তখন সঙ্কীর্ণতা এবং কুসংস্কার তাহাদিগকে চারিদিক হইতে বেঁধে রাখিয়া ফেলে।

লাহোর ছাড়িয়াই যখন রাবি (ইরাবতী) নদী পার হইলাম, তখন দেখিলাম, নদীতে বহু হইয়া লাহোরের উত্তরাঞ্চল প্লাবিত হইয়া গিয়াছে; রাস্তা-ঘাট-মাঠ একেবারে ডুবিয়া গিয়াছে; অনেক দালান-কোঠার মধ্যে জল গিয়াছে; বহু গো-মহিষ মৃতাবস্থায় জলের উপর ভাসিতেছে। বহু তখন কিছু কমিয়া আসিয়াছে, তাহা জলের দাগ দেখিয়াই বুঝিতে পারিলাম। লাহোর ষ্টেশনে একখানা খবরের কাগজ কিনিয়াছিলাম; তাহাতে দেখিলাম, কয়েক দিন পাঞ্জাবে অত্যধিক বৃষ্টি হওয়াতে এই বহু হইয়াছে। পাঞ্জাবে এত অধিক বৃষ্টি পঁচিশ বৎসরের মধ্যে আর হয় নাই।

লাহোরের পর হইতে গাড়ী ক্রমশঃ উত্তরাভিমুখে অগ্রসর হইতে লাগিল। বহুর দৃশ্য দেখিতে দেখিতে ছুটিয়া চলিয়াছি। গরমটা ক্রমেই অসহ্য হইয়া উঠিতে লাগিল। রাস্তা যেন আর ফুরাইতে চাহে না। যাহা হোক, বেলা ২টায় ওয়াজীরাবাদের পর চেনাব (চন্দ্রভাগা) নদী উত্তীর্ণ হইলাম।

খড়িয়ান নামক একটা ষ্টেশন ছাড়িয়া আসিতেই দুই ধারে নিকটে ও দূরে ক্ষুদ্র-বৃহৎ বহু পাহাড় চোখে পড়িতে লাগিল। বেলা ৪টার পর বিলাম ষ্টেশনের নিকট বিলাম (বিতস্তা) নদী অতিক্রম করিলাম। আমাদের সঙ্গী গ্র্যাণ্ডট্রাঙ্ক রোড পূর্ববর্তী আমাদের সঙ্গে সঙ্গে চলিয়াছে। বিলাম সহরটি এই অঞ্চলের একটি বর্ধিত বন্দর। সহরের নীচে দিয়াই নদীটি প্রবাহিত। নদীতে বড় বড় বোঝাই নৌকা; জলের মধ্যে বহু বৃহৎ বৃহৎ পার্বত্য কাঠ ভাসমান রহিয়াছে।

বিলামের পর কিছুদূর পর্যন্ত শস্ত-শ্রামল ক্ষেত্র। তার পর যতই অগ্রসর হইতে লাগিলাম, দূরবর্তী পাহাড় সকল ততই নিকটবর্তী হইতে লাগিল। ক্রমে বৃহৎ বৃহৎ শৃঙ্গ অথচ সুগভীর পার্বত্য নদী ও গহ্বর সকল পার হইতে হইতে চলিলাম। তারপর,—তারপর কেবল পাহাড়, পাহাড়, পাহাড়! সম্মুখে ও পশ্চাতে, দক্ষিণে ও বামে কেবল উত্তুঙ্গ শৈল-শিখরমালা। এইবার গাড়ী ধীরে ধীরে পাহাড়ের গা' ঘুরিয়া-ঘুরিয়া ক্রমশঃ অগ্রসর হইতে লাগিল। হয়ত কিছুক্ষণ আগে যে স্থান দিয়া আসিয়াছি, একটু পরেই আবার ঘুরিয়া ঠিক সেই স্থানের কিছু উপরে উঠিয়াছি। দুইধারে উত্তুঙ্গ পাহাড়-শ্রেণী,—মধ্য দিয়া রাস্তা কাটিয়া লাইন বসাইয়া গিয়াছে; ইহারই উপর দিয়া পাহাড়ের ক্রোড় ঘেঁসিয়া ঘেঁসিয়া গাড়ী কখন পশ্চিম, কখন দক্ষিণ, কখন পূর্ব, কখন উত্তরমুখী হইয়া ধীর অথচ দৃঢ় পদবিক্ষেপে ক্রমশঃ উপরের দিকে উঠিতে লাগিল। ক্রমে পর পর পাহাড় মধ্যস্থ ছোট ছোট দুইটা স্ফুঙ্গ (টানেল) পার হইলাম। তখনও বেলা আছে; কিন্তু স্ফুঙ্গের মধ্যে জমাট অন্ধকার,—পাঁচটা অমাবস্যা রাত্রি একত্র করিলেও বোধ হয় এত অন্ধকার হয় না। এই বিজন, হুর্গম, বন্ধুর পার্বত্য প্রদেশের মধ্যেও গ্র্যাণ্ডট্রাঙ্ক রোড আমাদের পরিত্যাগ করে নাই। কখন পাহাড়ের গা' ঘেঁসিয়া, কখন বা পাদদেশ দিয়া সমান্তরাল ভাবে, বা রেল লাইন অতিক্রম করিয়া এদিক ওদিক আঁকিয়া-বাঁকিয়া যাইয়া আবার ঘুরিয়া ঘুরিয়া আসিয়া আমাদের সঙ্গে সঙ্গেই ছুটিয়া চলিয়াছে। দূরে দূরে পাহাড়ের গায়ে এক একখানি ছোট গ্রাম,—যেন কোন স্ননিপুণ শিল্পী শৈল-ক্রোড় হইতে সযত্নে কাটিয়া বাহির করিয়াছে। ভাষায় সে দৃশ্য বর্ণনা করিয়া বুঝান অসম্ভব। পাহাড়-বেষ্টিত উপত্যকার মাঝে মাঝে এক একটি ছোট ষ্টেশন। এই নির্জন শৈলশূন্যপরাশির মধ্যে কোথা হইতে যে যাত্রী আসিয়া এই সব ষ্টেশনে সমবেত হয়, বুঝিতেই পারিলাম না।

সন্ধ্যা ঘনাইয়া আসিয়াছে। দূরে দূরে শৈল-ক্রোড়স্থিত দুই একখানি পল্লী-কুটির হইতে কোন পাঞ্জাবী বধূর প্রজ্জ্বলিত সাক্ষ্যদীপশিখা অস্পষ্ট দেখা যাইতেছে। সে অস্পষ্ট আলোক হৃদয়ের নিভৃত কন্দরে যাইয়া প্রবেশ করিল,—প্রিয় জন্মভূমির মুখচ্ছবি মনে পড়িয়া গেল। কোথায়

শস্ত-শ্রামল বাঙ্গলার সমতল ক্ষেত্র; আর কোথায় প্রস্তরময়, বন্ধুর, নীরস, উত্তুঙ্গ শৈলশূন্যপরাশি! ইহারই মধ্য দিয়া, আগত-প্রায় অন্ধকার রাত্রি সম্মুখে করিয়া যেন নিকরদেশ যাত্রীর মত কোন অজ্ঞাত দেশে ছুটিয়া চলিয়াছি! এ যাত্রার পরিসমাপ্তি কোথায়—কতদূর?

তৃতীয় রাত্রি

মাল্লা নামক পার্বত্য জংশন ষ্টেশনটিতে যখন পৌঁছিলাম, তখন সন্ধ্যা উত্তীর্ণ হইয়াছে। আর কয়েকটি ষ্টেশন পরে রাওলপিণ্ডি। মাল্লার পর হইতে গাড়ী পাহাড়রাশি ছাড়িয়াই সমতল উপত্যকার বক্ষ ভেদ করিয়া অগ্রসর হইতে লাগিল। বাহিরে গাঢ় অন্ধকার,—তুই চোখে আর কিছুই দেখা যায় না। তথাপি জানালা দিয়া চাহিয়া রহিলাম। কেবল দূরে দূরে গর্কোন্নতশীর্ষ শৈলশূন্যপরাশি দুর্ভেদ্য প্রাচীরের শ্রায় চতুর্দিকে দাঁড়াইয়া আছে, অল্পমানে বুঝিয়া লইতে লাগিলাম। রাওলপিণ্ডি যখন পৌঁছিলাম, তখন রাত্রি চটা। রাওলপিণ্ডিতে গাড়ী দুই ঘণ্টার উপর অপেক্ষা করিবে। গাড়ীর মধ্যে প্রাণ ছটফট করিতেছিল। গাড়ী থামিতেই নামিয়া পড়িলাম। তাড়াতাড়ি যাইয়া পাথর-কুচি-আচ্ছাদিত প্লাটফর্মের উপর অর্ধশায়িত অবস্থায় কিছুক্ষণ পড়িয়া রহিলাম,—বড় আরাম লাগিল। একটু পরেই আহাৰ্যের অন্বেষণে উঠিয়া পড়িলাম! কিন্তু ক্রমাগত দুই দিন ডালপুরী খাইয়া ভেতো বাঙ্গালী মুখটা যেন ভাত-ভাত করিতেছিল। অল্পসন্ধ্যানে জানা গেল, চা' প্লেটের এক প্লেট করিয়া ভাত ১/০ আনায় পাওয়া যায়। ঐরূপ পাঁচখানা প্লেটের ভাতেও বোধ হয় একজনের উদরের এক কোণাও ভরিবে না। কাজেই বাধ্য হইয়া আবার সেই ডালপুরীর শরণাপন্ন হইতে হইল।

রাত্রি ১০টার রাওলপিণ্ডি ত্যাগ করিয়া আবার সেই পাহাড়বেষ্টিত স্নবিস্তীর্ণ উপত্যকার মধ্য দিয়া চলিতে লাগিলাম। পিণ্ডির পরের ষ্টেশন গোলরা। গোলরা এই অঞ্চলের সর্বোচ্চ পার্বত্য ষ্টেশন। সমুদ্র-বক্ষ হইতে ইহার উচ্চতা ২০০০ ফিট। কাজেই এই গোলরা পর্যন্ত চড়াই, অর্থাৎ ক্রমশঃ উচ্চ ভূমি; তৎপর হইতেই উৎরাই,—ক্রমশঃ নিম্ন ভূমি। রাওলপিণ্ডি হইতে গোলরা মাত্র নয় মাইল। অথচ চড়াই ঠেলিয়া এই পথ অতিক্রম করিতে কলিকাতা মেলেরও প্রায় এক ঘণ্টা লাগিল। আর একটা ষ্টেশন পরেই ট্যাকশিলা (তক্ষশিলা)।

গোলরার পর হইতে গাড়ী অধিকতর দ্রুতগতিতে চলিতে লাগিল। যথা সময়ে পরবর্তী ষ্টেশন সাংজানি ছাড়িলাম। আর মিনিট কুড়ির মধ্যেই ট্যাকশিলা পৌঁছিলাম। গাড়ী কখন উপত্যকার উপর দিয়া, কখন উপত্যকা-মধ্যস্থিত গভীর খাতের ভিতর দিয়া অপেক্ষাকৃত প্রবল বেগে ছুটিয়া চলিয়াছে। কিছুক্ষণ পরে হঠাৎ একটা কর্কশ স্বর্ষর শব্দ শুনিয়া বুঝিলাম, গাড়ী পাহাড়-নিম্নস্থ একটা স্ফুঙ্গ অতিক্রম করিতেছে। মিনিট খানেক লাগিল; কাজেই স্ফুঙ্গটি নেহাৎ ছোট নহে, মনে হইল। স্ফুঙ্গ পার হইয়া মিনিট দশেকের মধ্যেই তক্ষশিলায় আসিয়া পৌঁছিলাম,—অকুলপাথরে কুল পাইলাম। রাত্রি তখন ১২টা বাজিয়া গিয়াছে।

ট্যাকশিলা ষ্টেশনে গাড়ী ১০ মিনিট থামে। ভাড়াতাড়ি গাড়ী হইতে নামিয়া পড়িলাম। মিউজিয়মের অফিস হইতে আগেই লোক আসিয়া ষ্টেশনে অপেক্ষা করিতেছিল। কাজেই জিনিষপত্র, লটবহর লইয়া আমাদের আর কোন অসুবিধা ভোগ করিতে হইল না। ষ্টেশন হইতে অফিস অর্ধ মাইলেরও কম। স্মতরাং সে রাত্রির মত আর পল্লী মধ্যস্থ ভাড়াটিয়া বাড়ীতে না যাইয়া অফিস-সংলগ্ন গৃহেই রাত্রি যাপন করিব,—এই ইচ্ছায় জিনিষপত্র ও কুলি এবং অগ্রাণ লোকজনসহ আমরা ষ্টেশন ছাড়িয়া সেই গভীর নিস্তর নিশীথে দীপালোকে পথ দেখিয়া দেখিয়া সেই দিকেই অগ্রসর হইতে লাগিলাম।

আজ তিন দিন ক্রমাগত গাড়িতে চড়িয়া প্রায় দেড় হাজার মাইল পথ অতিক্রম করার পর পদব্রজে এই পথটুকু ভ্রমণ বড়ই আরামপ্রদ লাগিল। কিন্তু শরীর তখনও বিম্ব-বিম্ব করিতেছে,—মনে হইল যেন গাড়িতেই চলিতেছি। মিনিট পনের মধ্যস্থেই গন্তব্যস্থানে পৌঁছিয়া তাড়াতাড়ি বিনা বাক্যব্যয়ে শুইয়া পড়িলাম। সেই পশ্চিমদেশীয় কঠিন, ইতস্ততঃ গ্রন্থিবিশিষ্ট, অনাচ্ছাদিত খাটিয়া ('মঞ্জি') আজ কুসুম শয্যাপেক্ষাও কোমল বলিয়া বোধ হইল। মুহূর্ত মধ্যেই গভীর নিদ্রায় অভিভূত হইয়া পড়িলাম।

পরদিন প্রভাতে ঘুম হইতে উঠিয়াই দেখি, আমরা চতুর্দিকে পাহাড়-পর্বত-পরিবেষ্টিত এক অতি মনোহর উপত্যকায় আসিয়া পড়িয়াছি।

(ক্রমশঃ)

পথের শেষে

শ্রীপ্রভাবতী দেবী সরস্বতী

(১)

“বউ মা—”

“মাই বাবা—”

বধু বাসনগুলো রন্ধনগৃহে গুছাইয়া রাখিতেছিল, তখনও সিন্ধু বসনখানা ছাড়িতে পারে নাই। শ্বশুরের আহ্বান কাণে আসিবামাত্র সে বাসনগুলি তেমনি অবস্থাতেই ফেলিয়া রাখিয়া বাহির হইল।

শ্বশুর উপেন্দ্রনাথ বারাণ্ডায় একখানি বস্ত্রের আসনে বসিয়া তামাক খাইতেছিলেন। পুত্রবধু তখনও সিন্ধু বস্ত্র ত্যাগ করে নাই দেখিয়া তিনি রুদ্ধ ব্যথিত কণ্ঠে বলিলেন—“এখনও কাপড় ছাড় নি মা? এমনি করে শেষটায় একটা গুরুতর অসুখ না বাধিয়ে দেখছি ছাড়বে না। নিজে তো ভুগবেই, আমাকেও ভুগিয়ে মারবে।”

বধু লজ্জিতা ও কুণ্ঠিতা হইয়া উঠিল; মুখখানা নত করিয়া ধীর স্বরে বলিল, “এই যে বাবা, এখনি গিয়ে ছাড়ছি, আপনি ডাকছেন শুনে তাড়াতাড়ি করে—”

বাধা দিয়া উপেন্দ্রনাথ বলিলেন, “না মা, আমার দরকারটা এমন বিশেষ কিছু জরুরী নয় যে, তোমায় ভিজে কাপড়ে দাঁড়িয়েই তা শুনতে হবে। আমি ভেবেছিলুম, তোমার সব কাজ শেষ হয়ে গেছে, তাই কয়েকটা কথা বলব বলে ডেকেছিলুম। যাও, তুমি আগে ভিজে কাপড়-খানা ছেড়ে এসো, তার পরে কথা হবে এখন।”

ধীরপদে দেবী চলিয়া গেল।

খানিক পরে সে সিন্ধুবস্ত্র ছাড়িয়া শুষ্ক বস্ত্র পরিয়া শ্বশুরের কাছে ফিরিয়া আসিল।

আজ প্রথম এই বুঝি শ্বশুরের দৃষ্টি বধুর বহুতালি-যুক্ত বস্ত্রখানার উপর পড়িল। তাই তিনি বিস্ময়ে সেই দিক পানেই চাহিয়া রহিলেন,—হাতের ছ'কা হাতেই রহিয়া গেল।

তাঁহার সেই বিস্ময়ভরা দৃষ্টির অর্থ বুঝিয়া দেবী আরও বেশী রকম কুণ্ঠিতা হইয়া পড়িল; ছই একটা তালি লুকাইবার চেষ্টা করিতে করিতে সে বলিল, “না বাবা, ভাল কাপড়ও

আছে, কিন্তু তাড়াতাড়ি কাপড় ছাড়া কি না,—এইটেই হাতের কাছে পেলুম, তাই পরলুম।”

অতিদীরে একটা দীর্ঘনিঃশ্বাস উপেন্দ্রনাথের বক্ষ চিরিয়া বাহির হইয়া গেল; তিনি বলিলেন, “তাই হোক মা, তোমার কথাই সত্য হোক, ভগবান যেন সেই আশীর্বাদই করেন।”

কথাটার মধ্যে কি ছিল তাহা দেবী বেশ বুঝিতেছিল। যত লজ্জার বোঝা তাহার মাথায় আসিয়া চাপিল। জানিয়া গুনিয়া সে এত বড় একটা জীবন্ত মিথ্যাকে অনায়াসে সত্য বলিয়া চালাইয়া দিল। আর তাহার অমন জানী শ্বশুরও সে কথা মিথ্যা জানিয়াও সত্য বলিয়া অতি সহজেই মানিয়া লইলেন। কিন্তু জোর করিয়া মিথ্যাকে সত্য বলায় যে একটা বেদনা অনুভব করা যায়, সেটা তাঁহার কণ্ঠস্থের ঝরিয়া পড়িল।

অনেকক্ষণ চুপ করিয়া দাঁড়াইয়া থাকিয়া দেবী জিজ্ঞাসা করিল, “আমায় কেন ডেকেছিলেন বাবা?”

সেই মনের কোণে হঠাৎ-লুকাইয়া-পড়া কথাটিকে স্মরণ করিয়া উপেন্দ্রনাথ বলিলেন, “হ্যাঁ, সে একটা কথা আছে মা। এখন এখানে একটু বসতে পারবে কি,—এতটুকু ছুটি তোমার হবে কি?”

বধু উত্তর দিল, “পারব বাবা, এখন আমার তেমন বিশেষ কাজ কিছু হাতে নেই।”

উপেন্দ্রনাথ বলিলেন, “তবে একটু বসো। এই পত্র-খানা আজ এসেছে, পড় দেখি।”

পত্রের পানে তাকাইয়াই বধুর মুখখানা শুকাইয়া উঠিল, সে চোখ ফিরাইয়া লইল।

উপেন্দ্রনাথ বধুর সে ভাব লক্ষ্য করিলেন,—শান্ত স্বরে বলিলেন, “নাও মা, পত্রখানা বেশ করে একবার পড়। তারপর আমার যা কথা তা আমি পরে বলব এখন।”

দেবী কম্পিতহস্তে পত্রখানা তুলিয়া লইল।

উপেন্দ্রনাথ বেদনাভরা হাসি হাসিয়া ব্যথাভরা স্বরে বলিলেন, “আর কেন মা চেষ্টা কল্যাণী, ছেঁড়া তার আর

কি জোড়া লাগে? যে তার একবার কেটে গেছে, তাকে হাজার জোড়া দাও সে আবার কেটে যাবেই। তুমি মা মঙ্গলময়ী—সংসারের মঙ্গলই তোমার ইচ্ছা। তোমার এই মঙ্গলোচ্ছা তোমায় যে একেবারে অপমানের নিম্নস্তরে ফেলে দিচ্ছে, সেটা কি বুঝতে পারছ না মা, সেটা কি দেখতে পাচ্ছ না? কাকে তুমি আপন করতে যাচ্ছে মা? যে সব বুঝেও অবুঝের ভাণে চলে গেল, তাকে? আমি তোমাকে যে কিছুতেই বুঝে উঠতে পারছি নে বউ মা?”

দেবী পত্রখানা ভাঁজ করিয়া তাঁহার চরণোপাঙ্গে রাখিয়া একটু হাসিবার চেষ্টা করিয়া বলিল, “কেন বাবা, বুঝে উঠতে পারছেন না কেন?”

উপেন্দ্রনাথ হতাশ দৃষ্টিতে শুধু পুত্রবধুর অনিন্দ্যসুন্দর সরল পুণ্য-মণ্ডিত মুখখানির পানে তাকাইয়া রহিলেন।

দেবীর কণ্ঠে অনেকখানি জড়তা আসিয়া জমাট বাঁধিয়া দাঁড়াইয়াছিল। সে কণ্ঠ পরিষ্কার করিয়া লইয়া বলিল, “আমার অপরাধ হয়েছিল বাবা, আপনার আদেশ না শুনে আমি দিদিকে পত্র দিয়েছিলুম; কিন্তু এ অপরাধ কি এতই গুরুতর হয়েছে বাবা, যে মার্জনা করতে পারবেন না? আপনার মুখ দিনরাত বিষন্ন হয়ে থাকে, ঠাকুবন্দি কত দুঃখ করে—এই সব দেখে আমার মনে হল, আমিই আপনাদের মিলনের সেতু হই না কেন। তাঁরা আপনার কাছে আসুন, আপনার ছেলের সঙ্গে আবার আপনার মিলন হোক। বড়দি এসে বসুন, আমি তাঁর সেবার ভার আমার হাতে নেব, ছেলেপুলে দেখব, এই আনন্দ কল্পনা করে আমি অধীর হয়ে উঠেছিলুম। এ আমি আমার ক্ষুদ্র মেয়েবুদ্ধিতেই করেছিলুম বাবা, আমি জানতে পারি নি যে এতে—”

বাধা দিয়া ধীর স্বরে উপেন্দ্রনাথ বলিলেন, “না মা, এ তোমার অসংবুদ্ধি-প্রণোদিত নয়, সংবুদ্ধি দ্বারা পরিচালিত হয়েই তুমি এ কাজ করেছ,—এর ফল যে কি হবে অতদূর তুমি বুঝতে পার নি। কিন্তু জানো কি মা, শ্রীবৎস রাজার ঘরে যখন শনির কোপদৃষ্টি পতিত হয়েছিল, তখন চিন্তারাগীর হাত হতে পোড়া শোলমাছটাও পালিয়েছিল। আমার এখন শনির দশা, সোণা ধরব—হয়ে যাবে ছাই; শঙ্ক করে বাঁধন দিতে গেলে উণ্টে সেই বাঁধন নিজের গলায় আসে। আমার নামে এখন যা করতে যাবে সবই ব্যর্থ হয়ে যাবে।”

দেবী বলিল, “কিন্তু বাবা, রাজা শ্রীবৎসও তো আবার সুসময় পেয়েছিলেন, যা তাঁর হারিয়েছিল সবই আবার পথ চলার সময় কুড়িয়ে পেয়েছিলেন, আপনি কেন আপনার সেই হারান দিনটাকে কুড়িয়ে পাবেন না? মালুঘের চিরদিন যে সমান যায় না এ কথা আপনিই তো বরাবর বলে আসছেন বাবা। আপন রই কি এমনি দিন যাবে? আশা রাখুন, হঠাৎ কোন দিন সেই শুভক্ষণটা এসে পড়তে পাবে—যেদিন আপনার বড় ছেলে শ্রী-পুত্র কন্যা নিয়ে আপনার এই পর্ণ-কুটীরেই ফিরে আসবেন—আপনার এই শূন্য গৃহ পূর্ণ হয়ে উঠবে।”

উপেন্দ্রনাথ গম্ভীর হাসিলেন—“বালিকার অসম্বন্ধ প্রলাপ মাত্র। জানো মা, যদি তারা আসতেও চায়—”

তিনি খামিয়া গেলেন, মুখ ফিরাইয়া কি ভাবিতে লাগিলেন। দেবী উৎসুক হইয়া বলিল,—“তবে কি বাবা?”

উপেন্দ্রনাথ তেমনি হাসিয়া বলিলেন, “আর কি এ ঘরে তাদের জায়গা দিতে পারব মা?”

ব্যগ্রকণ্ঠে দেবী বলিল, “কেন তাদের জায়গা দিতে পারবেন না বাবা?”

সে কথার উত্তর না দিয়া উপেন্দ্রনাথ বলিলেন, “তার এখানে আসতে চাইবেও না মা। কলিকাতার সেই বাড়ী-ঘর, জাঁক-জমক ফেলে তারা আসবে এই পল্লীগ্রামে, এই কুঁড়ে ঘরে? এ যে যুগিয়ে স্বপ দেখা বউ মা, এ কখনও কি সম্ভব হতে পারে?”

তর্ক করা দেবীর স্বভাববিরুদ্ধ। বিশেষ যদি ননদিনী হইত, সে ছ'কথা বলিলেও বলিতে পারিত; কিন্তু এ যে পুজনীয় শ্বশুরের কথা। সে উত্তর না দিয়া তাঁহার কথাই মানিয়া লইল। মনের মধ্যে জাগিতেছিল—জগতে অসম্ভবই বা কি। যাহা একেবারে অচিন্তনীয়, তাহাও যখন ঘটয়া যায়, তখন তাহাদের দেশে ফিরিয়া আসা তো সম্ভব নয়।

একটুখানি নীরব থাকিয়া উপেন্দ্রনাথ বলিলেন, “এদিকে সংসারের অনাটন নিত্য বেড়ে চলেছে,—সত্যকে পড়াতেও তো আর পেরে উঠছি নে। খরচ অত্যন্ত বেড়ে যাচ্ছে,—কি যে করি, তা কিছু ঠিক করতে পারছি নে।”

স্বামীর প্রসঙ্গে দেবীর মুখ একেবারেই বন্ধ হইয়া গেল। সে মুখখানা অন্ধ দিকে ফিরাইয়া অনাবশ্যক অত্যন্ত ব্যস্ত হইয়া হাতের শাঁখার ময়লা পরিষ্কারে ব্যাপৃত হইল।

চিন্তিতমুখে উপেন্দ্রনাথ কেশশূন্য মাথায় হাত বুলাইতে বুলাইতে বলিতে লাগিলেন, “এই যে তার মাস গেলে, বারটা করে টাকা—এ আমি দিই কোথা হতে? যদিও সে একটা টিউশানি যোগাড় করে কিছু উপায় করছে—তাতে তো কলকাতায় যেসে থেকে পড়া চলে না। এই—মাস গেলে বারটাকার ভাবনা আমার আগে, মাসের প্রথম দিন সকালে ঘুম ভাঙতেই দেখি সামনে অন্ধকার—টাকা কোথায় পাব? এই টাকার ভাবনা ভাবতে ভাবতে আমার দেহ গেল। তাই ভাবছি, ওকে আর পড়াব না। আর পড়িয়েই বা লাভ কি, কি বল মা?”

দেবীর গৌরবর্ণ মুখখানা সিঁদুরের মত লাল হইয়া উঠিল। অথচ উত্তর না দিলেই নয়। যতক্ষণ না উত্তর দেওয়া যাইবে, উপেন্দ্রনাথ এমনি জিজ্ঞাসুভাবে তাহার মুখের পানে তাকাইয়া থাকিবেন। তাই সে থামিয়া কাসিয়া উত্তর দিল, “তা বই কি।”

একটা দীর্ঘনিঃশ্বাস গোপনে ফেলিয়া উপেন্দ্রনাথ বলিলেন, “বি-এ পাশ করেছে, এম-এ না হয় নাই পড়লে। একটা বছর পড়েছে,—ধরলুম, সে টাকাটা আমার জলে ফেলাই হয়েছে। আর একটা বছর বাকি আছে একজামিন দেবার। এই একটা বছর মাত্র মাসে বার টাকা করে দেওয়ার অভাবে তার পড়াটা মাটা হয়ে গেল।”

পুত্রের বিষয় মুখখানার কথা কল্পনা করিয়া পিতার মেহকোমল বুকটা বিদীর্ণ হইয়া যাইতেছিল, কিন্তু তখনই তিনি সে করুণ ভাবটা ঝাড়িয়া ফেলিয়া বলিলেন, “তা হোক, আমার মত গরীব পিতার সন্তান যখন সে—জীবনে এমন অনেক ক্ষতিই তাকে সহিতে হয়েছে, আরও সহিতে হবে। তার বাপ যখন অপারগ, তখন তার না পড়াই ভাল। সামনে পূজা আসছে, এই ছুটিতে সে বাড়ী এলে তাকে আমি এই কথাটা বুঝিয়ে বলে দেব। সে আমার বাধ্য ছেলে, আমার কথা রাখতে সে তার জীবনে খুব বড় ক্ষতিও সহ করতে পারবে বলেই জানি,—সে জিতেন নয়।”

কথায় কথায় সেই সংসার ও সমাজত্যাগী ছেলের কথাই মনে পড়ে। যতই তাহাকে দূরে রাখিতে চান, সে ততই সকলের মাঝে ফুট হইয়া উঠে।

যে কাছে থাকে তাহার জন্ম মন তত অধীর ব্যগ্র হইয়া উঠে না—যতটা যে একেবারে ছাড়িয়া দূরে চলিয়া যায়,

তাহার জন্ম মন তত বেশী অমুভব করে। কাছে যে থাকে সে সহজলভ্য, না ডাকিতেই সাড়া দেয়, কাছে আসে। কিন্তু দূরে যে চলিয়া যায়, সে সাড়া দিবে না, কাছে আসিবে না, তাই মনও অবিশ্রান্ত তাহাকেই পাইতে চায়।

দেবী উঠিবার কোন একটা ওজোর খুঁজিতেছিল। উপেন্দ্রনাথ তাহার সে অকারণ ব্যস্ততার দিকে লক্ষ্য না করিয়া বলিয়া চলিলেন, “পূজোর পর হ’তে সত্য একটা কোনও কাজের ঠিক করে নিক, নইলে আমার দ্বারা আর সংসার চালানো সম্ভবপর নয়। চোখে ভাল দেখতে পাই নে,—লোকের বাড়ী পূজা করা বা অভ্যেস হয়ে গেছে, তা ছাড়া অতিরিক্ত কিছু আর করতে পারি নে। আর এ কাজও যে বেশী দিন করতে পারব তা বোধ হয় না, দেহ ক্রমেই অপটু হয়ে পড়ছে। বয়েস যাচ্ছে বই ঘুরে তো আসছে না মা! আর কি এখন খাটতে পারা যায়? তোমার অদৃষ্টও এ সংসারে এসে মন্দ ফলই দিলে মা, কোথায় তোমায় আনলুম—”

নিজের প্রসঙ্গে দেবী সজাগ হইয়া উঠিল। ব্যগ্রকণ্ঠে বলিয়া উঠিল, “অমন কথা বলবেন না বাবা; আপনি আমার অদৃষ্ট মন্দ বলছেন, আমার অদৃষ্ট যেমন এমন আপনি আর কারও দেখান দেখি। আপনার মত শঙ্কর যার, ঠাকুরঝির মত নন্দ যার, তার অদৃষ্ট মন্দ এ কথা বলা সাজে না।”

সঙ্গে সঙ্গে মনে জাগিয়াছিল—আর তাহার স্বামীর মত স্বামী যার, কিন্তু ছিঃ; সে কথা কি বলা যায়?

শাস্ত স্নিগ্ধ দৃষ্টি পুত্রবধূর মুখের উপর নিষ্কম্প করিয়া উপেন্দ্রনাথ একটু হাসিলেন, তাহার পর বলিলেন, “বাও মা, তোমার অনেক কাজ আছে এখনও, আর তোমায় দেবী করাব না, অনেকক্ষণ তোমায় বসিয়ে রেখেছি, এতক্ষণে হয় ত তোমার সব কাজ হয়ে যেত।”

দেবী উঠিতে উঠিতে বলিল, “কাজ করতে আর এমন বেশীক্ষণ কি লাগে বাবা। ভারি তো কাজ, কখন শেষ হয়ে যায়, সারাদিনটা কেমন করে কাটবে ঠিক পাই নে।”

সে রন্ধনগৃহের দিকে চলিয়া গেল।

(২)

বহুকাল পূর্বে উপেন্দ্রনাথের গৃহ শূন্য করিয়া গৃহলক্ষী অন্তর্হিতা হইয়াছেন। তখন জ্যেষ্ঠপুত্র জিতেন্দ্রনাথ সপ্তদশ

বর্ষ, সত্যেন্দ্র পঞ্চম বর্ষীয় ও কস্তা ভবানী এক বর্ষ বয়স্ক। তিনি পুত্রবধূকে লইয়া আসিয়াছিলেন, সে আরাম পাওয়া দূরে থাক, এ যেন আরও অশান্তিকর হইয়া উঠিল। এত করিয়াও তিনি তবু কম কথা, কম নিন্দা শুনে নাই।

তখনও এই পরিবারের অবস্থা বেশ উন্নত ছিল। কয়েক বিঘা নিষ্কর জমি, বাগান, পুকুরিণী, বাড়ীতে ধানের গোলা, টেকিশালা, গোয়ালভরা গরু সবই ছিল। ইহা ছাড়া গ্রামের অধিকাংশ বাড়ীতে উপেন্দ্রনাথ পুরোহিত ছিলেন; ইহাতেও তাঁহার লাভ হইত বড় কম নয়।

সুতরাং পত্নীর মৃত্যুর সঙ্গে সঙ্গে উপেন্দ্রনাথের অনেক বিবাহ সম্বন্ধ আসিতে লাগিল, কিন্তু তিনি কিছুতেই বিবাহে সম্মত হইলেন না। কস্তাদায়গ্রস্তেরা যেমন আশাবিত্তভাবে আসিয়াছিল, তেমনি নৈরাশ্র লইয়া তাহাদের ফিরিতে হইল। উপেন্দ্রনাথের প্রতিজ্ঞা অচল অটল রহিল, তিনি কিছুতেই তাঁহার মৃত পত্নীর ত্যক্ত আসনে কাহাকেও প্রতিষ্ঠিত করিতে পারিলেন না।

জিতেন্দ্রনাথ যে সময়ে আই-এ পড়িতে গেলেন, সেই সময়ে ঢাকা জিলার একটা জমিদারের একমাত্র কস্তার সহিত তাঁহার বিবাহ হইয়াছিল। পিতা পুত্রের ভবিষ্যৎ ভাবিয়া এ বিবাহে সানন্দে সম্মতি দিয়াছিলেন।

জমিদার মহাশয় সপরিবারে কলিকাতাতেই বাস করিতেন, দেশের সহিত সম্পর্ক তাঁহার খুবই কম ছিল। বিশেষ স্ত্রীবিধা হইল—জিতেন্দ্রনাথ সেখানে থাকিয়া কলেজে যাতায়াত করিতে পারিতেছিলেন। শঙ্কর মহাশয় জামাতার সকল ভার লইয়াছিলেন এবং তাহার ভবিষ্যৎ উন্নতির জন্মও তিনি দায়ী ছিলেন।

জিতেন্দ্রের স্ত্রী মায়ী যখন চতুর্দশ বর্ষীয়া বালিকা, সেই সময় উপেন্দ্রনাথ তাহাকে একবার নিজের বাড়ীতে আনিয়াছিলেন। সঙ্গে দুইজন পরিচারিকা আসিয়াছিল। ইহাদের বনিম্বাদী ধনী চলে উপেন্দ্রনাথ শশব্যস্ত হইয়া উঠিয়াছিলেন। ভবানী তখন নিতান্ত ছেলেমানুষ, বাড়ীতে অগ্র মেয়ে আর কেহই ছিল না। তিনি নিজেই সমস্ত কাজ সত্য ও ভবানীর সাহায্যে কোনরূপে সারিয়া লইতেন। মায়ী রন্ধন করা দূরে থাক, সামান্য কোন কাজও জানিত না। যদিও সে শিশু নন্দ বা বালক দেবরের কাজ দেখিয়া লজ্জিত হইয়া কোন কাজে হাত দিতে যাইত, দাসী দুইটা হাঁ হাঁ করিয়া আসিয়া পড়িত। বাধ্য হইয়া উপেন্দ্রনাথকে নিজে রন্ধন করিয়া সকলকে আহাির করাইতে হইত। যে আরামটুকু পাইবার জন্ম

তিনি পুত্রবধূকে লইয়া আসিয়াছিলেন, সে আরাম পাওয়া দূরে থাক, এ যেন আরও অশান্তিকর হইয়া উঠিল। এত করিয়াও তিনি তবু কম কথা, কম নিন্দা শুনে নাই।

মায়ী এখানে এক সপ্তাহের বেশী থাকিতে পারে নাই। এখানকার জল বাতাস তাহার মোটে সহ হইত না, দিনরাত গায়ে জামা আঁটিয়া, পায়ে জুতা ঠকিং দিয়াও সে সন্দির হাত এড়াইতে পারে নাই। এক সপ্তাহের মধ্যে একটা দিনও তাহার মাথাধরা ছাড়ে নাই; কাজেই জিতেন্দ্রনাথ পিতাকে বলিয়া স্ত্রীকে লইয়া চলিয়া গেলেন।

ইহার পর মায়ী বয়স্ক হইলে উপেন্দ্রনাথ আরও এক বার তাহাকে আনিবার চেষ্টা করিয়াছিলেন, কিন্তু মায়ীর পিতা স্ত্রীবনয় বাবু ঈষৎ হাসিয়া বলিয়াছিলেন, “কি জানেন বেহাই, মায়ীর মত মেয়ে আপনাদের ওই নোংরা পাড়াগাঁয়ে গিয়ে মোটে টিকতে পারবে না। কেবল ওরই জন্মে আমি আমার জন্মভূমির মায়ী পর্য্যন্ত ছেড়েছি। একবার নিয়ে গিয়ে দেখেছেন তো, তার শরীর ভারি খারাপ হয়ে যায়। আর যে কাজকর্মের জন্মে নিয়ে যাবেন, তাও জানে না সে,—কিছু করতে পারে না। বাঁটা কি করে ধরতে হয়, উনান কি করে ধরতে হয়, এ শিক্ষা যার নেই, সে আপনাকে রেঁধে ভাত খাওয়াবে, এ মনেও ঠাই দেবেন না। পাড়াগাঁয়ে গেলে তার চেহারা যেন আধখানা হয়ে যায়। সে ধাক্কা সামলাতে তার ছয়মাস সময় লাগে। তাই আমি ভাবছি, তার সেখানে গিয়ে কাজ নেই। ভগবান করুন, জিতেন মানুষ হোক, এখানে কাজকর্ম করুক, আপনারাও এখানে থাকবেন, মায়ীও গিয়ে আপনাদের কাছে থাকবে। আরও একটা কথা, সে এখন পড়ছে, এবার ম্যাট্রিক দেবে, এই সামনে তার একজামিন। এখন কোথাও একটা দিনের জন্মে গেলে, ওর একটা বছর একেবারে মাটি হ’বে।”

দীর্ঘনিঃশ্বাস অতি কষ্টে রোধ করিয়া ছেলের পিতা ফিরিয়া আসিলেন। প্রতিজ্ঞা করিলেন, আর বড়লোকের মেয়ের সঙ্গে ছেলের বিবাহ দিবেন না। সত্যর বিবাহ তিনি গরীবের ঘরেই দিবেন, যে মেয়ে সর্বাংশে তাঁহার ঘরের উপযুক্ত হইতে পারিবে।

জিতেনের পড়ার খরচ যোগাইতে ইতিপূর্বে জমীজমা সবই গিয়াছিল। পুত্রের বিবাহে তিনি একটা পয়সা পণ লন নাই; সুতরাং বন্ধকী জমীগুলি একেবারেই হাতছাড়া

হইয়া গেল। আশা ছিল, ছেলেটা মানুষ হইবে, দুই পয়সা ঘরে আনিবে, তাঁহার সংসারে অনাটন-ক্লেশ কখনই হইবে না। কিন্তু জিতেক্রনাথ গৃহে কিরিলেন না,—পিতা যখন বাড়ী আসিবার জন্ত পত্র দিতেন, তখন একটা না একটা ওজর করিতেন।

এই সময়ে সংবাদ পাওয়া গেল—জিতেক্রনাথ সঙ্গীক বিলাতযাত্রা করিয়াছেন। সুবিনয়বাবু কন্যা-জামাতাকে উচ্চশিক্ষা দিবার জন্ত এক বছর সহিত বিলাত পাঠাইয়া দিয়া, তাহার পর বেহাইকে একখানা পত্র দিয়াছেন, ও এই কার্যের জন্ত বারবার ক্ষমা চাহিয়াছেন।

এই পত্রখানা উপেক্ষনাথের বক্ষে বজ্রের সমান বাজিল। তিনি বদ্ধদৃষ্টিতে শুধু সেই কালসম পত্রখানার পানে তাকাইয়া রহিলেন,—এ কথা যে সত্য, ইহা যেন তাঁহার বিশ্বাসও হইতেছিল না।

ইহার বৎসরখানেক আগে জিতেক্রনাথের একটা কন্যা জন্মিয়াছিল। উদাসীন উপেক্ষনাথ পৌত্রী মুখ দর্শন করিতে যান নাই, অথবা তাহাদের কোন সংবাদাদিও নেন নাই। যখন শুনিলেন, পুত্র-পুত্রবধু উচ্চশিক্ষা লাভ করিবার জন্ত ইউরোপে চলিয়া গিয়াছে, তখন সে মেয়েটা কোথায় আছে জানিবার জন্ত তাঁহার মনে কোতূহল জাগিয়া উঠিল।

গোপনে সন্ধান লইয়া জানিতে পারিলেন সে তাহার দাদামণি ও দিদিমার কাছে রহিয়াছে। এই সময় পৌত্রীটিকে একবার দেখিবার বাসনা তাঁহার মনের মধ্যে জাগিয়া উঠিল; অনেক ভাবিয়া তিনি মনের ইচ্ছা মনেই রাখিলেন।

ভবানীকে অষ্টম বৎসরে তিনি গৌরীদান করিয়াছিলেন। ভগবানের একটা নিয়মে যাহার এক দিক ভাঙ্গিয়া যায়, তাহার একে একে সকল দিকই ধ্বসিয়া পড়ে। উপেক্ষনাথেরও হইয়াছিল তাই। ভবানীর এ বিবাহে সূখা উঠে নাই, উঠিয়াছিল গরল। ভবানীর স্বামী সংস্কৃত টোলে পড়িয়াছিল, ইংরাজিও জানিত। চেহারাটা তাহার সুন্দর ছিল, সংসারে মা ব্যতীত আর কেহই ছিল না। অবস্থা তাহাদের বেশ উন্নতই ছিল। গৃহস্থ ঘরে সচরাচর এইরূপ দেখিয়াই লোকে কন্যাদান করে। সব রকমেই ছেলেটা বাহির হইতে দেখিতে ভাল ছিল। তথাপি উপেক্ষনাথ সূখী হইতে পারিলেন না; কারণ, জামাতার যে চরিত্র-দোষ ছিল, তাহা

তিনি বিবাহের পূর্বে জানিতে পারেন নাই। জামাতার চরিত্র অল্প বয়সেই দূষিত হইয়া গিয়াছিল। বয়োবৃদ্ধির সঙ্গে সঙ্গে তাহার দুশ্চরিত্রতা আরও বাড়িতেছিল বই কমে নাই। স্বাণ্ডী বালিকা বধুকে নিৰ্ঘাতন করিতেন বড় কম নয়। তাহার অপরাধ—সে তাহার দুশ্চরিত্র স্বামীকে সংপথে ফিরাইতে পারে নাই। এই অপরাধে ভবানী স্বাণ্ডী কর্তৃক বিতাড়িত হইয়া দ্বাদশবর্ষ বয়সে পিতৃগৃহে আশ্রয় লইয়াছিল।

এই মেয়েটার মুখের পানে তাকাইয়া স্নেহময় পিতা উপেক্ষনাথ অনেক সময় অশ্রু সম্বরণ করিতে পারিতেন না। তিনি তাহাকে স্বামীর আনয়ে পাঠাইবার অনেক চেষ্টা করিয়াছিলেন; কিন্তু তাহার স্বাণ্ডী কিছুতেই এই হর্কিনীতা অপয়া বধুকে গ্রহণ করিতে সম্মত হন নাই। ইহার মূলে একটা সত্য গোপন ছিল। তিনি আরও কিছু অর্থ পাইবার প্রত্যাশা করিয়াছিলেন; কিন্তু উপেক্ষনাথের আর অর্থ দিবার সামর্থ্য ছিল না। এই কন্যার বিবাহ উপলক্ষে তাঁহাকে বাগান পুষ্করিণী সবই বিক্রয় করিয়া ফেলিতে হইয়াছিল,—বাস্তভিটাখানা ছাড়া আর তাঁহার কিছুই ছিল না।

কেবলমাত্র কনিষ্ঠ পুত্রটিকে লইয়াই তিনি সূখে ছিলেন। সত্য যথার্থই এ পর্যন্ত পিতার খুব বাধ্য হইয়া চলিতেছিল,—কখনও পিতার অমতে সে কোন কাজ করে নাই। পাছে তাহার কোনও ব্যবহারে পিতার বুক আঘাত লাগে, এই ভয়ে সে সর্বদা সন্ত্রস্ত থাকিত।

কিছুকাল আগে তাহার কলেজের প্রফেসর শাস্তিময় বাবু নিজে উত্তোঙ্গী হইয়া তাহাকে কন্যাদান করিতে চাহিয়াছিলেন,—সত্য পিতার মত না পাইলে কিছুতেই বিবাহ করিতে পারিবে না জানাইয়াছিল। তাহার অমতের কারণ জানিতে পারিয়া শাস্তিময় বাবু উপেক্ষনাথের সম্মতি প্রার্থনা করিলেন, কিন্তু উপেক্ষনাথ মলিন হাসিয়া শুধু মাথা নাড়িলেন, এ বিবাহ হইতে পারে না।

এ বিবাহে সত্য অনেকটা সাহায্য পাইত, এবং যথার্থ কথা বলিতে কি, সে শাস্তিময় বাবুর কন্যা নলিনীর প্রতি কতকটা আকৃষ্ট হইয়া পড়িয়াছিল। কিন্তু পিতার অমত জানিতে পারিয়া—যখন শাস্তিময়বাবু আসিয়া তাহাকে বিবাহের কথা বলিলেন, তখন সে স্পষ্টই অস্বীকার করিল।

শাস্তিময়বাবু বলিলেন, “এ রকম ঘটনা প্রায়ই হচ্ছে যে,

ছেলে বাপকে না জানিয়েই বিয়ে করে,—বাপও কিছুকাল পরে ছেলেকে ক্ষমা করেন। তুমি বিয়েটা করে ফেল,—তোমার বাপ এখন একটু মনোকষ্ট পেলেও, পরে তোমার ঠাকে ক্ষমা করতেই হবে।”

কিন্তু তথাপি সত্য রাজি হইতে পারিল না। সে বেশ জানিত, তাহার স্থিরবুদ্ধি, জ্ঞানবান পিতা মুখে কিছুই বলিবেন না, কিন্তু অন্তরটা তাঁহার এ আঘাতে একেবারেই ভাঙ্গিয়া যাইবে। পিতার অন্তরে যাহাতে ব্যথা লাগে, তাহা করিতে সে মোটেই সম্মত ছিল না। তাই সে স্পষ্টতঃই এ প্রস্তাব প্রত্যাখ্যান করিল।

ইহার কিছুদিন পরেই তাহার দেবীর সহিত বিবাহ হইল।

দেবী উপেক্ষনাথের জটনক বাল্যবন্ধুর কন্যা। তাঁহার অবস্থাও অনেকটা উপেক্ষনাথের সমান ছিল; তাই বিনা আপত্তিতে উপেক্ষনাথ তাঁহার কন্যার সহিত পুত্রের বিবাহ মঞ্চস্থ করিয়া ফেলিলেন।

দেবী নামে শুধু দেবী নয়, কার্যেও সে দেবীই ছিল। সে যদিও উজ্জল শ্রামবর্ণা ছিল, গৌরাজিনী ছিল না, তথাপি তাহার মধ্যে অসীম সৌন্দর্য ছিল। তাহার হৃদয়ের সৌন্দর্য মুখে ফুটিয়া উঠিত; তাই তাহার মুখ এত সুন্দর।

সে স্বপুত্রালয়ে পদার্পণ করিয়াই সকলকে তাহার

আপনার করিয়া লইয়াছিল। স্বপুত্র, স্বামী, ননদিনী সকলেই তাহার গুণ বশ হইয়া পড়িয়াছিল। পাড়ার লোকে শতমুখে এই বউটার স্তুতিয়াতি করিত।

কর্ম্মে আলস্য তাহার এতটুকু ছিল না। যদিও সে পিত্রালয় হইতে গা-মাজানো গহনা পাইয়াছিল, তথাপি এক দিনের জন্ত তাহা তাহার গাত্রে উঠে নাই। শুধু দুইগাছি লাল শাঁখা তাহার প্রকোষ্ঠ দুটি শোভিত করিতেছে। সত্য এক দিন স্ত্রীকে অলঙ্কার পরিবার জন্ত অনুরোধ করিয়াছিল। দেবী অস্ত্রের কাছে যেমন এ কথা হাসিয়া চাপা দিয়া যাইত, সত্যের নিকট তাহা পারে নাই। খানিক চুপ করিয়া থাকিয়া সে মুহূর্ত্তে বলিয়াছিল, “এখন আমায় গহনা পরতে অনুরোধ করে না। যখন সে দিন আসবে তখন আমি গহনা পরব।”

এই একটা কথাতেই সত্য নীরব হইয়া গিয়াছিল। তাহার পর একটা দীর্ঘনিঃশ্বাস ফেলিয়া বলিয়াছিল, “তাই ভাল দেবী, গহনা পরার সময় আগে আমুক, তার পর তুমি গহনা পরো। ভগবানের কাছে প্রার্থনা কর, সে দিন যেন শীঘ্র আসে,—আমি যেন খুব ভাল হয়েই এম-এ পাসটা করতে পারি।”

তাহার একান্ত লক্ষ্য ছিল এম-এ পাসের দিকে। সে তাই প্রাণপণ যত্নে লেখাপড়া করিতেছিল। (ক্রমশঃ)

প্রবাসী

শ্রীসুধাংশুবিকাশ রায় চৌধুরী

ভাই প্রদোষ,

বাঙ্গালী পল্টনে যোগ দিয়ে যখন বাংলা মায়ের শাস্তিপ্রিয় নন্দলাল ছেলের নাম যুটিয়ে যোদ্ধাবেশে বেরিয়ে পড়লুম, তুমি বোধ হয় তখন মোটেই আশ্চর্য হও নি। আশ্চর্য হবার কিন্তু কোন কথাই নেই, কারণ, আমার অন্তরের সব গোপনতম চোরাগলির খোঁজ তুমি জান। আমার এ তিরিশ বছরের ঘটনাবহুল জীবনের ঘাত-প্রতিঘাত কেমন করে আমায় চঞ্চল করে তুলেছিল, তা' তো তুমি বেশ জানো। মনে পড়ে, গ্রামের ইস্কুলের পণ্ডিতমশাইএর ক্লাশ পালিয়ে, ঘোষালদের

চণ্ডীমণ্ডপের পেছনের আমগাছটার উপর উঠে, সারাদিন বসে থাকি, নষ্টচন্দ্রের দিন যতখুড়োর বাড়ীর আকগাছ কাটতে গিয়ে ধরা পড়া, আর মনে পড়ে, নন্দখুড়োর মেয়ে চন্দনার কাছ থেকে লুন চেয়ে নিয়ে কাঁচা পেয়ারা চিবান। সে অতি বাল্যের স্বপ্নময় স্মৃতি-স্মৃতির কথা মনে করে এখনো এ মুহূর্ত্তের পর্যন্তকারে বাঙ্গালার শ্রামলস্বভাবাবৃত্ত সন্তান চোখের জলে বুক ভাসিয়ে দেয়। কোথায় আমার সেই ক্ষুদ্র পল্লীভবন, এখনো যখন ধূলিফিল্ম বেলাশেষ-ছায়ায় রাত্রির অন্ধকার ঘনিয়ে আসে—মনে পড়ে আমার বাংলার

তুলসীতলার সে ক্ষুদ্র প্রদীপ, সে সায়াহের শব্দবটাবনি, সে শান্ত-শীতল গৃহাঙ্গনে ঠাকুরমার বেঙ্গমাবেঙ্গমীর গল্প। বাংলার মাঠের সে শ্রামলিমা, রসদাত্রী বাংলা মায়ের সে অক্ষরস্ত শব্দসম্ভার, ঝাউগাছের আড়ালে কোকিলের সে অন্তরস্পর্শী গীতরস, দীঘির বৃকে বৃকে পদ্মপাপড়ীর আকুলীব্যাকুলী খেলা, মাঠে মাঠে শান্ত-সন্ধ্যার সে মেঘের বায়ুপ্রবাহ—সব আমার কাছে স্বপন-মায়ার মতো! কিন্তু সে কি শুধু স্বপ্ন? আমার সমস্ত ইন্দ্রিয় দিয়েই তো সে শ্রামল স্বপনার রূপ, রস, গন্ধ, স্পর্শ আমি প্রাণে প্রাণে অনুভব করেছি।

সেদিন সাঁঝের আঁধার ঘনিষে আসছিল। ইস্কুলের পণ্ডিত মশাইকে বই ছুঁড়ে মেরেছিলাম বলে কাকার কাছে যথেষ্ট মার খেলাম। হাত-পাগুলো যেন ব্যাথায় আড়ষ্ট হয়ে গেছে। বৈঠকখানার ঘরে এক কোণে বসে বসে ভাবছিলাম—কেমন করে পণ্ডিতের টিকিটা একেবারে সমূলে তুলে নিয়ে আসা যায়। আঠার বছরের যুগ্মা ছেলে আজ এমনি করে মার খেয়ে নিজের অপমানের জ্বালায় নিজেই জ্বলে মরছিলাম। মনে হচ্ছিল—যেন সবগুলো শিরার ভিতর থেকে ফিন্কে দিয়ে রক্তধারা ছুটে বেরতে চাচ্ছিল। দূর—কি হ'বে এ গাঁয়ে থেকে। বেরিয়ে পড়লুম,—দক্ষিণপাড়ার রাস্তাটা ধরে ইষ্টিসানের দিকে রওনা হলুম। রাতের আঁধারে চারদিক যেন ধ্যানীবুদ্ধের মতো মৌন হয়ে আছে। মাঝে মাঝে কুকুরের ডাক এ মৌন নিস্তরতা ভেঙ্গে দিচ্ছিল। ছলে-পাড়ার পাশের রাস্তাটায় পড়তেই দেখলুম, কেরোসিনের ডিপেটা হাতে করে কে যেন কি খুঁজে বেড়াচ্ছে। ভাবলুম বুঝি চক্কোত্তি মশাই তাঁর দৈনিক আহাৰ্য্যের খোঁজে বেরিয়েছেন। সামনে এগুতেই দেখলুম চন্দনা। আমার মাথার বিদ্রোহী রক্তচাপ যেন তালে তালে নেচে উঠল, এ দশবছরের মেয়েটার কাছে আমার অপমানিত কৈশোর যেন রুদ্ধ অপমানে গর্জে উঠল। মনে হচ্ছিল, নিজেকে নিজেই খেঁবেলে মাটির ভিতর সেঁদিয়ে দিয়ে চন্দনার কাছে থেকে নিজেকে লুকুই।

“রবিদা, তুমি? এ রাত্রে চলে কোথায়?”

কোন কথা না বলে পাশ কাটিয়ে চলে যাবার উত্থোগ করলাম। চন্দনা আবার ডেকে বলে, “ও রবিদা, শুনচু; এ রাত্তিরে বুঝি মামীমাকে ভাঁড়িয়ে তাস পিটাতে চলে?” বুঝলাম, আমার অপমানের কথা সে জানে না। বল্লুম, “কে

চন্দ, এই যে তোর কাছেই যাচ্ছিলুম। সেই যে কাল তোর কাছে টাকাগুলো রেখেছিলাম দিতে পারিস? বজ্র দরকার রে!”

অনেক কথার পর চন্দনাকে বুঝলাম যে ষ্টেশনে কলিকাতা-বাত্রী কারুর কাছে পাড়ার ছেলেদের জুড়ে একটা ফুটবল আনতে দেওয়ার জন্ত টাকা চাচ্ছি। বল্লুম, “তুই তুই ভাবিসনে, কালই আবার ব্যাঙ্কের টাকা ফিরিয়ে দোব।”

“বেশ তো তুমি, দিলুম আর কি না ঠাট্টা? তোমার জিনিস তুমি নেবে, আমার ভা—রী তো বয়ে গেছে।”

সেই দিন কলিকাতা চলে এলুম। ভোরের বাতাসে যখন ঘুম ভেঙ্গে গেল, বাইরে তাকিয়ে দেখি, কোথায় আমার দূর-প্রসারী শ্রামলমাঠ, কোথায় আমার চণ্ডীমণ্ডপ, কোথায় আমার বেতসকুঞ্জ। এ যে সব নূতন—ভয়ানক নূতন। সব কথা মনে পড়ল। পল্লীমায়ের ক্ষীর-সমুদ্রের সূধা-ধারায় আমার জন্ম, পল্লীমায়ের মেহ-সরস প্রেমধারায় আমি বর্ধিত, কলিকাতার তীব্র উত্তেজনা আমায় পাগল করে দিলে। শেয়ালদায় নেমে পড়লুম, কই কাউকেই তো দেখতে পেলুম না। আমার ছোট্ট গ্রামটাতে তো ভোর বেলা উঠেই চাটুজে মশাই, গোপালখুড়ো, ছলে-পাড়ার বাদব—সবাইর পরিচিত মুখ দেখতে পেতাম। সবাইর সাথে হুঁচারটে কথা বলতে বলতে পুকুর-ঘাটে মুখ ধুতে যেতাম। কই, এখানে তো সে মেহ-সরস কুশল-প্রশ্ন নেই। এ তো বজ্র নূতন। আমার কান্না এল,—যে রাগের মাথায় সব তুলে বসেছিলাম, এখন সব মনে হ'তে লাগল। ভয়ে শিউরে উঠলুম। কান্নায় চোখে জল ভরে এল। * * *

* * * তার পর ছ'বছরে জীবনের কত পরিবর্তন হ'ল, কেমন করে বাঙ্গালী পল্টনে যোগ দিলুম, সে কথা আমার নিজেরই মনে নেই—কেবল এক দিন শুনলুম মেসো-পোটেমিয়ায় যেতে হ'বে। * * *

* * * * *
করাচী থেকে জাহাজটা ছাড়লে। হাভার-শ্রাক থেকে চুরটটা বের করে ধরিয়ে ডেকে এসে দাঁড়ালুম। পাশে একটা সাহেব হাটটা তুলে বলে, “হাউ স্পেলনডিড।” সত্যি, সন্ধ্যার এত পরিপূর্ণ সৌন্দর্য্য কোন দিনই দেখি নি। বাংলার

সবুজ ঘাসের শিশির-ভেজা বৃকের উপরে রূপার স্রোতের মতো জোছনার অপূর্ণ মাধুরী দেখেছি, কৃষ্ণচূড়া গাছের ফাঁকে ফাঁকে চাঁদের উকিঝুঁকি, আর সে জোছনার মাঝে ছোট্ট ছোট্ট কুটীরের আলো দেয়ালীর আলোকমালার মতো ঝুটে উঠতে দেখেছি। কিন্তু সে যেন মায়ের হাসির মতো স্নিগ্ধ, তরুণীর দৃষ্টির মতো স্বচ্ছ, শিশুর হাসির মতো মধুর। মাগরের এ নিবিড় সৌন্দর্য্য আমার কাছে চির-নূতন। বহুদূর পর্যন্ত সার্চলাইটের আলোয় ভ'রে গেছে, ছোট্ট ছোট্ট ডেউগুলির উপর চাঁদের আলো এসে পড়েছে। আলো-আঁধারে, আকাশে-মাগরে সে এক বিরাট আলিঙ্গন।

ল্যান্স-নায়ক অপূর্ণ এসে পাশে দাঁড়াল, বলে, “মিটার, জোছনা দেখেছ এমনি কোথাও?” বল্লুম, “বাংলার জোছনা দেখেছি—সেও তো অমনি।” “বটে! সমুদ্রের বৃকের উপর চাঁদের আলো—তা'র চেয়েও স্নন্দর?” চারদিক থেকে হুঁ করে বাতাসের ঝাপটা আসছিল, সাহেবটা ম্যাকিনটস জড়িয়ে চুরট ফুঁকছিল, আর মাঝে মাঝে শিস দিয়ে বুঝি বা কোন প্রেমিকার উদ্দেশে সুর নিবেদন করছিল।

বাসরায় পৌঁছলুম—সে দিন শুক্রবার। দূর থেকে মসজিদের গম্বুজ, মিনার দেখা যাচ্ছিল। ছোট্ট ছোট্ট অপ্রশস্ত গলি। হুঁধারে প্রকাণ্ড জোয়ান আরবী লোক-গুলোর আঙ্গুর, আপেল, বেদনার দোকান। তাদের টিলা পা'জামা, তার উপর লম্বা কুর্তা। কোমরে লম্বা ভোজালী। শীর্ণ বাঙ্গালী দেখা যাদের অভ্যাস, এ পৌরুষমূর্তি তা'দের কাছে একটু নূতন বলেই মনে হ'ল। মার্চ করে সহরের বাইরে ক্যাম্পে যাচ্ছিলাম,—দূরে ইউফ্রেটীসের রূপালী জল-রাশি প্রভাত-সূর্য্যের কিরণে চিক্চিক করছিল। ইউফ্রেটীসের ঝোড়ো হাওয়ায় তীরের খেজুর-গাছের প্রকাণ্ড-প্রকাণ্ড পাতা-গুলি রুদ্ধ আক্রোশে যেন গর্জে উঠছিল। অপূর্ণ বলে, “বাসরায় এলাম, বাসরাই গুলাবই দেখলুম না এ পর্যন্ত!” প্রাইভেট অমর রুমাল দিয়ে মুখ মুছে অতি ধীরে বলে, “বটেই তো, ভাবছিলাম কোথায় ‘শিরিশপুপাধিদৌ সৌকুমার্য্যো বাহু তদীমৌ’ দেখব—না দেখলুম, কতকগুলি শালকাটের মতো বিরাট বাহু; বাঃ বাঃ—ওর এক চাপড়েই যুদ্ধভঙ্গা একেবারে Freezing pointএ।”

* * * ছ'বছর কেটে গেছে। আমরা তখন বাগদাদেয়

পাঁচ মাইল দূরে একটা গাঁয়ে—টাইগ্রীসের তীরে। প্রথম যখন এ মরুপ্রান্তরে পদার্পণ করে এর শুষ্ক প্রাণধারা দেখেছিলাম; তার পর থেকে অনেক পরিবর্তন হয়ে গেছে। এখন রীতিমত আরবীতে পরিষ্কার কথা বলতে পারি। জ্যাকসন সাহেব তাই আমায় দোভাষি বলে ডাকেন। কাজ-কর্মও এখন নেই তেমন—কারণ, বিলেতে না কি এখন শান্তির চেষ্টা হচ্ছে—যুদ্ধও থেমে এল। তাই নিত্য বিকেলে টাইগ্রীসের তীর ধরে বেড়াই, দূরে খেজুর-পাতার ফাঁকে ফাঁকে মসজিদের মিনার বৈকালিক সূর্য্যের আঙুন-রাঙ্গা কিরণে বলসে উঠে। দলের পর দল উট-আরোহী যাত্রী বাগদাদের পথ ধরে চ'লে যায়। বহুদিন পর প্রবাসী পথিক শান্ত-শীতল গৃহকোণের অপূর্ণ মাদকতায় উচ্ছসিত হয়ে কত কথা বলে যায়। কেউ বা মুসাফের দেখে ছ'একটা কথা জিজ্ঞেস করে, কেউ বা ছনিয়ার ফেরদৌস হিন্দুস্থানের বাসিন্দা দেখে মেহেরবাণী করে বিদেশবাসের জন্ত সহানুভূতি জানায়।

সেদিন আকাশে-বাতাসে আকুলী-ব্যাকুলী খেলা। টাইগ্রীস যেন তা'র পূর্ণ যৌবন-গরিমায় স্ফীত হয়ে উঠেছে,—তালগাছের মাঝ দিয়ে যেন সহস্রশীর্ষ সাপের ক্রুদ্ধ আক্ষালন। বাতাসে ধুলোয় মিশে মসজিদের আকাশস্পর্শী মিনারটাকে ছেয়ে ফেলেছে। পায়ে চলার পথের ধারে গুচ্ছেগুচ্ছে আঙ্গুর-ভরা ক্ষেত। গোপা খোপা আঙ্গুরের গুচ্ছ বাতাসে কেঁপে কেঁপে গাছের পায়ে লুটিয়ে পড়ছিল। ক্যাম্পে ফেরবার জন্ত হৌচোট খেতে খেতে পা চালিয়ে চলছিলাম; ধূলোময় বাতাসের ঝাপটা নাক মুখ ভরিয়ে দিলে। মাঝে মাঝে টাইগ্রীসের দম্কা হাওয়ার স্নিগ্ধ স্রবাস। রাস্তা ছেড়ে একটা ক্ষেতের ভিতর দিয়ে যাচ্ছিলাম—অদূরেই একটা ছোট্ট কুটীর, ভাবলুম একটু দাঁড়াই—বাতাসটা থেমে যাক।

ওয়টার-প্রফটা কাঁধে ফেলে গাছটার নিচে বসে পড়লাম। কাছেই আরবী কুটীর। পেছনে ছোট্ট একটু বাগান,—আঙ্গুর, ডালিম প্রভৃতি ফলের গাছে ভরা। পাশে ছোট্ট একটুখানি কুয়া। দক্ষিণে ছোট্ট গাছের সাথে একটা উট বাঁধা—আর পাশে সতেরো আঠারো বছরের একটা আরবী মেয়ে। উটটা শুধুই মাটাতে শুয়ে পড়তে চাচ্ছিল; আর সে মেয়েটি কেবলই তাকে দাঁড় করাবার জন্ত গলার দড়িটা ধরে টানছিল।

ঠোঁট উল্টিয়ে মেয়েটা পরিষ্কার আরবীতে বলে, “দূর কমবৎ, উঠে দাঁড়া লক্ষ্মীছাড়া জানোয়ার কোথাকার।” জানোয়ারটা কিন্তু শুধুই মুখ মাটিতে খুবড়ে পড়ে রইল। মেয়েটা তার মিঠে গলায় চেঁচিয়ে গৃহাভ্যন্তরের মাকে ডেকে বলে, “আম্মা, এ ছদ্মগণটা কিন্তু এক্ষুণি মার খাবে, এই ছাখো, এটা কেবলি বৃষ্টিতে ভিজবে।” বৃষ্টির জলে স্নন্দরী তরুণীর রুক্ষ বিপর্যস্ত কেশরাশির মাঝ দিয়ে জলের ধারা পড়ছিল, আর রাগে তার শুভ্র নিটোল গণ্ড লাল হ’য়ে উঠল; বলে, “উঠবিনে ফেরবাজ, রাখু—” ঘরের ভিতর থেকে ছুঁকল কঠে মা ডেকে বলে, “রোশেনা, খোদার কশম্, মারিসনি কিন্তু ওকে।”

চোখ ফিরাতেই মেয়েটার দৃষ্টি আমার দিকে পড়ল। লজ্জায় তার মাথাটা হুয়ে রইল; আর মাঝে মাঝে সে উট্টটাকে তোলবার জন্ত মুখের দড়িটা ধরে টান দিতে লাগল। আমার মাথায় কি যেন ঢুকল—আমি এগিয়ে গেলুম। মেয়েটা আমায় দেখে সরে দাঁড়াল। আমার যুদ্ধ-সজ্জা দেখে সে ভীত দ্রস্ত দৃষ্টিতে আমার আপাদমস্তক দেখে নিলে। আমি বল্লুম, “উট্ট কি আর এমনি টেনে তোলা যায়—?” হাতের batonটা দিয়ে উট্টটাকে ছুটা আঘাত করতেই সেটা উঠে দাঁড়াল। সেটাকে টেনে নিয়ে আমি একটা ছোট চালা ঘরে বেঁধে দিলুম। মেয়েটা তার কুন্দফুলের মত মুখটা তুলে, আড়চোখে রুতজ্ঞনেত্র আমায় দেখে নিল। বলে—“বহুৎ তক্বলিপু দিচ্ছিল এ বেয়াদপ জানোয়ারটা—ছদ্মগণ।” তার পর টোক গিলে সরমজড়িত স্বরে বলে, “সাহেব, আপনি কি লড়াইতে এসেছেন, লড়াইর খুনখারাবী বড্ড ভয়ানক।” বল্লুম, “লড়াই তো থেমে এসেছে, বেছন্দা খুনও থেমে এল আর কি!”

“আপনার ঘর?”

“হিন্দুস্তান, পাঞ্জাব মুলুক, মেরা নাম মীর হবিব।”

সেদিন নওসেরা থেকে ৭০ নম্বর রাজপুত রেজিমেন্ট এসে পৌঁছবার কথা। আমি ও অপূর্ব ভোর-বেলা বেরিয়ে পড়লুম,—কাজকর্মও নেই কিছু,—প্যারেড করাও হ’য়ে গেছে। ভোরের বাতাস আরবের শুকনো মাটির উপর লুটোপুটা খাচ্ছিল,—দাড়িম-পাতার ফাঁকে সূর্য্যের অগ্নিবৃষ্টি। অপূর্ব তার সাহেবী কায়দায় বাম্মা চুরটের ধূম্মা কেবলি আমার

মুখের উপর দিচ্ছিল। বল্লুম, “আখো, এবার কিন্তু বাংলা-মুখো মন টান্চে।”

অপূর্ব বলে, “বটে, বড্ড একা পড়ে গেছ,—এবার বুরি সংসারী হ’তে চাও, Old boy, তাই বল—”

“Nonsense, বাড়ী ছেড়েছি কি আজ? সেও তো কতদিন হ’ল! আর লড়াই ফড়াই ভালো লাগে না।”

“কিন্তু যাই বল, আমার কিন্তু বেশ লাগছে! কেমন কঠোর উদ্যম জীবন, জীবনের সব মধুই যেন পাচ্ছি, অবশি—”

ধমক দিয়া বল্লুম, “Shut up”; অপূর্বের মুখ থেকে একবার কথা আরম্ভ হ’লে তা’কে থামান মুষ্কিল।

রাস্তার মোড় ঘুরে আমরা রোশেনাদের কুটারের কাছে এসে পৌঁছলাম। দেখলাম—রোশেনা কুয়া থেকে জল তুলছে। তার রুক্ষ কেশপাশ বাতাসে উড়ে উড়ে মুখ ছেয়ে পড়েছে। ক্ষণ দেহলতা কলসীর ভারে বেতস-পত্রের মত হুয়ে পড়েছে। অপূর্ব সাথে আছে বলে রোশেনার পরিচয় গোপন করবার জন্ত তাড়াতাড়ি হাঁটা আরম্ভ করে দিলুম। কারণ, অপূর্ব যদি বুঝতে পারে—এ তরুণী আমার পরিচিত, তবে ক্যাম্পে গিয়ে সে নিশ্চয়ই একটা গোলমাল বাধাবে। কিন্তু আমার এ হঠাৎ তড়িৎগতি অপূর্ব যেন বুঝতে পারলে, বলে, “কি হে, হঠাৎ যে একেবারে double march, যদি একটু ধীরেই হাঁটো না বাপু—এতো আর কুট-এল-আম্রাতে যেতে হচ্ছে না”—হঠাৎ একটু থেমেই রোশেনাকে দেখে অপূর্ব চেঁচিয়ে বলে উঠল, “রবি, eyes front!” আমি যেন কিছুই বুঝি নি ভাব দেখিয়ে একটু তিত্ব স্বরে বল্লুম, “কি আবার হলো, কোথায়? কি যে বল্চ।”

“আঁকা আর কি! আখই না বাপু একটু চোখটা মেলে, তা’র পর তো হাঁ করেই থাকবি জানি।”

রোশেনার দিকে তাকিয়ে দেখে নিয়ে বল্লুম, “আখো, এ কিন্তু বাংলা মুলুক নয় যে মেয়ে দেখলেই হাঁ করে থাকবে। অসভ্যতা করেচ কি আরবীদের হাতে একেবারে শেষ।”

“রোসো, হাজার জঞ্জালের মাঝে একটা বাসরাই গুলাব—তা’ও বুঝি তোমার সইছে না! বেশ আছ যা হোক তুমি!”

আমাদের কথাবার্তা শুনে রোশেনার দৃষ্টি আমাদের দিকে পড়ল। দেখলুম, মুখের আনন্দ-উৎফুল্ল সে ভাব আর

নেই। কি চিন্তায় যেন সে অল্পম মুখকান্তি মলিন হ’য়ে গেছে। একরাশ শিউলীর মত শুভ্র পেলব সে মুখখানি হুনিয়ার কোন ভাবনার যেন মুসড়ে গেছে। দেখলুম, সে যেন কিছু বলতে চায়—কিন্তু আমরা যে অনেক এগিয়ে গেছি। অপূর্ব মাঝে মাঝে পেছন ফিরে চাইছিল ও আপন মনে অনবরত ব’কে যাচ্ছিল।

এগারোটার সে দিন ক্যাম্পে ফিরে এলুম। নওসেরা থেকে বাঙ্গালী বন্ধুরা আমাদের জন্ত অনেকগুলো রুমাল পাঠিয়ে দিয়েছেন। সে রুমালের বাঙালিগুলো খুল্ছিলাম আর বাংলার কথা ভাব্ছিলাম। জানি এ সমুদ্র পেরিয়ে দেশে কোন বন্ধনই আমার নেই। আরবের ধুঁ করা মাঠ ও বাংলার অনন্ত-প্রসারী শ্রামলিমা আমার কাছে সব সমান। কিন্তু তাই ব’লে কি সেটা ভোলা যায়? এক একটা রুমাল খুলে বের কর্ছিলুম, আর আমার বাংলার ছবি চোখের উপর ভেসে বেড়াতে লাগল। সে রুমালগুলির উপর হয়তো বাংলার স্নেহপ্রবণ কত তরুণ-তরুণীর হস্তস্পর্শ পড়েছে, তা’দের অঙ্গ-স্বষমা এখনও যেন সেগুলোর গায়ে গায়ে জড়িত রয়েছে। প্রবাসী বন্ধুদের জন্ত এ স্নেহের দানে তা’দের স্নেহশীতল স্পর্শ যেন আমি বুক দিয়ে অনুভব কর্ছিলাম। পাইপটা ফুঁকতে ফুঁকতে অপূর্ব এসে দাঁড়াল—প্যান্টের পকেটে হাত ছুটা ঢুকিয়ে। পেছন ফিরে পবিত্র তা’র বৌদির চিঠি পড়্ছিল। ঠাকুরপো বাংলার মধুময় গৃহকোণ ছেড়ে যুদ্ধ-ক্ষেত্রের অগ্নিবুকে আশ্রয় নিয়ে আপন মনের মানুষ্যতা এখনো খুঁজে পেলে কি না—বৌদি তাই জানতে চাইছেন। রুমাল দিয়ে মুখটা মুছে পবিত্র বলে, “অপূর্ব, বৌদি কি লিখেছে জানিস—Right girl খুঁজে পেলুম কি না—”

অপূর্ব বলে, “আর তুমি পেয়েছ! কেবলই থাকবে কোণ-ঠাসা হ’য়ে ঘরে বসে।—আখু—রবিকে জিজ্ঞেস কর, আজ কি ক’রে এলুম!”

পবিত্র জিজ্ঞাসুভাবে আমার পানে তাকাল। যে জিনিষটা গোপন রাখতে চাই, সেইটেই যেন সব কথার ভেতর দিয়ে কেবল আত্মপ্রকাশ করতে চায়;—আমি বড্ড মুষ্কিলে পড়ে গেলুম; বল্লুম, “আমি ভাই গৃহহীন, সব-হীন—লাভ জিনিষটে আমার কুণ্ঠিতে নেই, তাই আমি কিন্তু আজ অপূর্বের মতো কিছুই লাভ করতে পারি নি।”

“বটে, মরুভূমির ভেতর একটা ওয়েসিশ—তা’ও তোদের চোখে পড়ে না—শুকচাখাই বটে,” এই বলে অপূর্ব একটা কেরোসিন কাঠের বাস্ক টেনে নিয়ে বসে পড়ল। পবিত্র চিঠিটা পকেটে পুরে অপূর্বের হাত থেকে পাইপটা নিয়ে বলে, “কি দেখেছিস মিটার, বল না, আঙ্গুর? বেদানা?—না বাসরাই গুলাব—”

অপূর্ব যথেষ্ট রং ফলিয়ে রোশেনাকে দেখার কথা বলে। আমি চুপ করে রুমালগুলো ভাঁজ করা আরম্ভ করে দিলুম। মাঝে মাঝে রোশেনার চিন্তাক্রান্ত মুখখানির ছবি চোখের সামনে ভেসে উঠতে লাগল। হয় তো বা তা’র কোন বিপদ-আপদ হয়েছে, রুম্মা মা হয় তো আরও কাতর হয়ে পড়েছে। রোশেনার কথা শুনে শুনে আমার মনে এমনি কত কথা ভেসে উঠতে লাগল। পবিত্র অপূর্বের কথা শুনেই চেঁচিয়ে উঠে বলে, “ইউরেকা, ইউরেকা—আরে তোদের তো একটা কথা বলতেই ভুলে গেছি! কাল যখন দিলোয়ারা থেকে ফিরে আসি, তখন দেখলুম, একটা মেয়ে ঠিক অমনি একটা জায়গায় রাস্তার ধারে দাঁড়িয়ে কি যেন দেখ্ছিল। চুলগুলি তার সে কি কালো! আমায় দেখে মেয়েটা হঠাৎ বলে, ‘সাহেব, তুমি কি হিন্দুস্তানের লড়াইর ফৌজ?’ আরবী তো আর রবির মতো জানি নে, তাই একটু ঝাবড়েই গেলুম। মেয়েটা আমার উত্তর পেয়ে জিজ্ঞেস করলে যে, পাঞ্জাব মুলুকের মীর হবিবকে আমি চিনি কি না। তোরা চিনিস? ও নামের কাউকে তো চিনি নে! ভাবলুম, হয় তো হবিব সাহেব ৬০ নম্বর পাঞ্জাব রেজিমেন্টের হবেন। বল্লুম, তা’কে চিনি নে। মেয়েটা বুক-ভাঙ্গা দীর্ঘনিঃশ্বাস ফেলে আমায় সেলাম করে চলে গেল। হবিব নিশ্চয়ই ওর স্বামী। এটা নিশ্চয়ই তোদের সেই মেয়েটা—আচ্ছা, চোখ ছুটা কি তার খুব ডাগর? হাত ছুটা একেবারে খালি—নয়?” অপূর্ব উৎসুক ভাবে বলে, “সত্যি, তাই—সেই মেয়েটাই বটে।” আমার দিকে ফিরে বলে, “কি বলিস রবি, অমনি চেহারা নয়?”

আমি যদিও রোশেনাকে সব চেয়ে বেশী চিনি, তবু চুপ করে রইলুম। আমার বকের ভেতর কি যেন একটা খোঁচা দিয়ে উঠল। সরলী একটা মেয়ের কাছে নিজের নাম ও জাতি ভাঁড়িয়ে তার হয় তো বিশ্বাসের উপর দাবী করেছি। হয় তো কোন অজানিত বিপদে পড়ে মেয়েটা সকাল-সন্ধ্যায়

আমার খোঁজ করে বেড়াচ্ছে। জীবনে কোন দিন কারুর স্নেহ পাইনি। মাঠে মাঠে, দেশে দেশে ঘুরে বেড়িয়েছি, ছোটবেলা থেকেই কারুর একটা আদরের ডাক, স্নেহের স্পর্শ পাই নি। দেশের রম্য উৎসবানন্দের আবেষ্টন ছেড়ে যখন বিদেশের অগ্নিলীলার মাঝে বাঁপ দিলুম—তখন হয় তো একটা লোকও আমার কথা ভেবে দীর্ঘনিঃশ্বাস ফেলে নি, কেউ একটা মুখের কথা দিয়েও খোঁজ করে নি। এ কোন অজানা তরুণী তা'র স্নেহস্পর্শে আমার টেনে নিতে চাইছে? বিধাতার সৃষ্টির বেদনা যাকে স্নেহহীন করে সৃষ্টি করেছে, এ ক্ষুদ্র প্রেমের সিংহাসনে সে বসবে কোন সম্বল নিয়ে? ভাবলুম, আজ বিকেলেই যাব সেখানে। কিন্তু রোশেনার কথা এ বিলাসী যুবকদের মধ্যে যে একটা আন্দোলন সৃষ্টি করেছে, সেটা থেকে নিজেকে গোপন রাখতে হবে। বেশ বুঝতে পারলুম, যে মুহূর্তে এ তরল-বুদ্ধি বিলাসীদের কাছে প্রকাশ হবে যে রোশেনা আমার পরিচিত, সেই মুহূর্তেই জ্যাকসন সাহেব জানতে পারবেন;—তার পরিণাম ভাবতেই আমি শিউরে উঠলুম।

পরদিন ভোর বেলা প্যারেডের পরেই একটু জ্বর জ্বর অনুভব করছিলাম। কিন্তু শরীর অসুস্থ হ'লেও যেন রোশেনার কথা ভুলতে পারছিলাম না। বুঝলাম, নীড়হীন মুক্ত পাখী আজ স্নেহের খাঁচায় বদ্ধ হ'তে চলেছে। বেরিয়ে পড়লুম—তখন বেলা আটটা। বিকিমিকি দিয়ে রোদের চোখ-বলসান আলো প্রভাতের শিশির-ভেজা ধূলোকে প্রাণ-বান্ করে তুলছিল।

কুটারের পাশে এসে দাঁড়াতেই মনে হলো, বিধাতার কোন অভিষাপের রুদ্রলীলা যেন এ ক্ষুদ্র কুটারের শাস্তি হরণ করে নিয়ে গেছে। আঙ্গুর-গাছের আঙ্গুর-গুচ্ছ পেকে পেকে মাটিতে বরে পড়েছে, পাকা দাড়িম-ফলগুলো ফেটে গেছে—তাদের রাস্তা রাস্তা দানাগুলি রসে টপটপে হয়ে আছে। উটটা যেন কত দিন খেতে না পেয়ে স্তব্ধ-বিস্ময়ে দাঁড়িয়ে আছে। সমস্ত প্রাণণ নিস্তব্ধ। আমি গলাটা ঝেঁকে রোশেনার নাম করে ডাক দিলুম, কোন উত্তর পেলুম না। হাতের ছড়িটা রেখে আমি একটু ভেবে ঘরের মধ্যে ঢুকে পড়লুম। প্রদীপ্ত প্রায়াক্ষের রশ্মিরেখাও গৃহাভ্যন্তরের আঁধার দূর করতে পারে নি। ক্ষুদ্র গৃহাভ্যন্তর যেন দারিদ্র্যের জ্বলন্ত প্রতিমূর্তি, কিন্তু সে দারিদ্র্যের বিলাসশূন্য উপকরণের

মাঝেও যেন কোন শাস্তিময় কল্যাণ-শ্রীহস্তের চিহ্ন সব জায়গায় দীপ্যমান। মাটা দিয়ে তক্তপোষের মত উচু করা হয়েছে—তার উপর মলিন শয্যা। দেয়ালে একটা বহু পুরান তরবারী ও বড় একটা ভোজালী। আমি শঙ্কাকুল চিত্তে এ প্রাণহীন গৃহশয্যা দেখছিলাম, ঘরের কোণ দিয়ে রোদের একটু বিকিমিকি আভা গৃহকোণের অন্ধকারাচ্ছন্ন সৌন্দর্য্যকে ক্ষুণ্ণতর করে তুলছিল। হঠাৎ দেখলাম, শয্যার এক প্রান্তে এলায়িত পল্লবের মতো রোশেনা মুখ গুঁজে পড়ে আছে। তার বিস্রম্ব বসনাঞ্চল ভেদ করে অঙ্গের দীপ্ত আভা ফুটে বেরুচ্ছিল। একরাশ কেশগুচ্ছ সে স্নকুমার নগ্ন কণ্ঠকে ঢেকে শয্যাপ্রান্তে লুটোপুটি খাচ্ছিল। তার অঙ্গ-স্বময়া যেন এ কঠোর অয়ত্নে আরও বেড়ে উঠেছে। কোন সৃষ্টিকরের যাদুমন্বের অমোঘ বলে যেন এ মূর্তিমতী কুসুম প্রাণবতী হ'য়ে মরুপ্রান্তরে ফুটে উঠেছে। ডাকলুম, “রোশেনা!”—রোশেনা হঠাৎ ধড়মড়িয়ে উঠে বসল। এলায়িত কেশপাশ তার মুখ ঘিরে যেন কৌতুকহাস্তে উড়ে বেড়াচ্ছিল। সে ত্রস্তগতিতে উঠে আমার হাঁটু জড়িয়ে কেঁদে উঠল। বিস্ময়ে আমি যেন স্তব্ধ হ'য়ে রইলুম। মাটির উচু বেদীটার উপর বসে আমি তাকে বুকে তুলে নিলুম। পৃথিবীর শ্রামল বুকের উপর যেদিন থেকে বাসা বেঁধেছি, সেই দিন থেকে যে অবলম্বন পাই নি, আপনার বলে কাউকে পাইনি, বিদ্রোহীর মতো, উচ্ছ্বালের মতো তাগুব হাশ্বে সবভাঙ্গা বীরের মতো ঘুরে ঘুরে বেড়িয়েছি—আজ যেন আমার বুকের কাছে কোন যুগযুগের আপনার জন পেলুম। জীবনের এ নৃত্যদোহন বৈচিত্র্যের মধ্যে আজ যেন ক্লাস্তিহারা, শ্রান্তিহারা কোন অমৃতময়ীর কোমলস্পর্শে আমার অন্তর-তলের গুহ্ব হৃদয়টা প্রাণরসে তাজা হ'য়ে উঠল। বহুদিন পরে আমার রক্ত, সবুজ চিত্ত কোন মায়াবিনীর মধুস্পর্শে সব পেয়েছির দেশে এসে উপস্থিত হ'ল।

বাস্পরুদ্ধ কণ্ঠে রোশেনা বললে যে, তা'র মা নেই। এ পৃথিবীতে তার অবলম্বন আর কেউ নেই। এ মরুভূমির উষ্ণ প্রান্তরে, এ তরুণী সাহারার বুকে ওয়েশিসের মতো পৃথিবীর নির্মম উষ্ণতায় জলে পুড়ে মরবে। সে বললে—কেমন করে সে আমার কত খোঁজ করেছে। যেদিন সে কুম্বো থেকে জল তুলছিল, সেই দিনই তো তা'র মার অসুখ আরো বেড়ে

ওঠে। আমজাদ এসে বলে যে, এ-যাত্রা আর মা বাঁচবে না—তবে খোদার মজ্জী। তার পর তো সে আমার কত খুঁজেছে; কই, মীর হবিবের কথা তো কেউ বলতে পারলে না। কেঁদে কেঁদে আমার বুকে মুখ রেখে রোশেনা বললে—কেমন করে সে এ ছনিয়ার জঞ্জালের ভেতর থাকবে? বাংলার রবি—আজ আরবের মীর হবিব। আমি স্তব্ধ হ'য়ে বসে রইলুম। জীবনের এ যে এক স্বপ্নময় রঙ্গীন অধ্যায় মিথ্যার আবরণে আরম্ভ হ'ল—কোথায় শেষ হ'বে এর বিচিত্র গরীক্ষা। অতীত, ভবিষ্যতের সহস্র ছবি চোখের উপর দিয়ে ছায়াচিত্রের মতো ভেসে গেল। যতদূর চোখ যায়, ভবিষ্যৎকে একটু ভেবে নিতে চেষ্টা করলুম,—কিন্তু কই, মিথ্যার স্থান তো তা'তে নেই! মিথ্যা দিয়ে মিথ্যাকে ঢাকতে পারি, কিন্তু অপরিদ্রীম সত্যকে তো মিথ্যার তন্তুজাল দিয়ে ঘিরে রাখতে পারব না। একবার ভাবলুম যে অসহায় বালিকাকে বুঝিয়ে দি যে, আমি মুসলমান হবিব নই,—আমি বাংলা মুলুকের হিন্দু যুবক রবি মিত্র। বুকের মধ্যে যেন কিসের খোঁচা অনুভব করছিলাম,—কে যেন বলছিল, নিজে হাতে যে স্বর্ণশৃঙ্খল বেঁধেছি—তা' কি নিষ্ঠুরতার ছুরিকাঘাতে বিচ্ছিন্ন ক'রে দেওয়া যায়—তার চেয়ে যে মরণও ভাল। রোশেনাকে কিছু বললুম না, বাজে কথায় সাস্বনা দেবার চেষ্টা করলুম। কিন্তু নিজের অসহায় অবস্থার কথা ভেবে ভেবে সে আকুল হ'য়ে কেঁদে উঠছিল! স্থির কণ্ঠে ডাকলুম, “রোশেনা!”—উদ্বেল অঙ্গ গোপন করে সে তার স্নিগ্ধ চোখ দুটা আমার উপর স্থাপন করল। বললুম “রোশেনা, আমিই তো আছি—কি ভয়?” রোশেনা আমার বুকের উপর বাঁপিয়ে পড়ে বললে, “সত্যি? আমার যে আর কেউ নেই। আমি কাউকে ছাড়া কেমন করে আমজাদ, উমেদ এদের কবল থেকে মুক্তি পাব!” বুঝলাম—মাতৃহীন হ'য়ে কেন এর এত ভয়! “আমিও তো বড় একা, রোশেনা; এ ছনিয়ার আমারও তো কেউ নেই—তোমায় আমিই নিলুম, নিত্যি এসে তোমায় দেখে যাব।”

“সে আর কদিন, লড়াইর শেষে তো তোমারও যেতে হ'বে—”

ভূত, ভবিষ্যৎ, বর্তমান পলকে চোখের উপর আবার ভেসে উঠল। রূপ-রস-গন্ধ-স্পর্শময়ী পৃথিবী যেন চোখের

উপর শত সৌন্দর্য্যে জ্যোতির্ময়ী হ'য়ে উঠল। এক মুহূর্তে জীবনের লক্ষ্য স্থির করে নিলুম। রোশেনার কোমল হাত দুটা চেপে ধরে বললুম, “বেশ, তখনো আমি তোমারই থাকব।”

বিপদের অকুল সমুদ্রে যেন রোশেনা একটা অবলম্বন পেল। সে রুদ্ধ কণ্ঠে বলে উঠল, “সাজা? মেরা দিল—মেরা জান—” আর কিছু সে বলতে পারলে না, শুধু ধীর স্নেহে হাতের তাঁমার আংটিটা আমার হাতে পরিয়ে দিল। তাকে অনেক বুঝিয়ে শান্ত করে—আবার আসব বলে প্রতিশ্রুতি দিয়ে বেরিয়ে পড়লুম। বাইরের মুক্ত বাতাস আমার বন্ধন-গরিমায় আমার অভ্যর্থনা করে নিলে। সে বাতাস ভেদ করে গুনলাম, “রবি মিত্র—চমৎকার!” হতাশ বিস্ময়ে দেখলুম—অদূরে—অপূর্ব!

* * * * *

প্রদোষ! এর পরের ইতিহাস তোমার কাছে কি লিখব ভাই? আমার জীবনের ঘটনা-বহুল ইতিহাসের রক্তরাঙ্গা পৃষ্ঠা উল্টাতে আমার নিজেরই যে ভয় হয়! আচ্ছা, ভগবানের সৃষ্ট জীব সবাই গুনেছি মানুষ হ'য়ে জন্মগ্রহণ করতে চায়,—কেন বলতে পার? আমার মনে হয় একবার অন্তর্দামীর পা' ধরে বলি, “প্রভু, এ মানব-জীবনের ক্রুর অভিষাপ থেকে নিষ্কৃতি দাও। পশুস্বভাব যে এর চেয়ে ঢের ভালো! ভগবান মানুষ যখন সৃষ্টি করেছেন, তাকে কেন মানুষই রাখলেন না, পশুস্বভাবকে কেন মানবতার সজ্জায় পৃথিবীর বুকের উপর ছেড়ে দিলেন? পৃথিবীর কলহাশ্রময়ী সৌন্দর্য্য-স্বময়ার ভেতর তো পশুর স্থান নেই, ভগবানের সৃষ্টির সেটা যে হ'বে বিরাট অসামঞ্জস্য। সেদিন ক্যাম্পে ফিরে যে অবস্থায় পড়লুম, তার ইতিহাস তোমায় দিতেও শিউরে উঠি। অপূর্ব তার বন্ধুত্বের সম্পূর্ণ মর্যাদা রক্ষা ক'রে একটা নূতন ইতিহাস তৈরি করলে। মানুষের চাপা হাসির লাজ্জনার, রুদ্ধ ইঙ্গিতের আঘাতে যেন আর স্থির থাকতে পারছিলাম না! যে দারিদ্র্যের গুরুভার বিদ্রোহী মাথাটা আপনার উপর চাপিয়ে নিলে, তার ভারেই যে আমি অস্থির! এ আঘাত আমি সহিব কেমন করে? যাক—সে দিনই খুব গুরুতর জ্বরে বিছানায় পড়লুম। একমাস চেতনা অচেতনার মাঝে জীবনের দোলা তুলছিল—কিন্তু সে শিথিল বন্ধন ছিঁড়ে ভেঙ্গে পড়েনি। বেঁচেই

মরার প্রতীক্ষায় রইলুম। রোগের দুর্ভাগ্য আক্রমণের মাঝে যখন চেতনা নেই, তখন সে অচেতন ঘোরে মনে হো'ত যেন বোঝা-ঢাকা একখানা শুভ্র কুন্দফুলের মতো মুখ আকুল আগ্রহে আমার মুখের উপর ঝুঁকে বসে থাকত। তার হাতের স্পর্শে মনে হোত—যেন এক রাশ শিউলীর বোঝা। কিন্তু জ্ঞান হ'তেই দেখতুম—মাটিতে পড়ে আছি, রাগটা জড়ান, থাকী সার্টি গায়ে। এক মাস রোগ-ভোগের পর disabled হ'য়ে ফোঁজ ছেড়ে চলে এলুম। জ্যাকসন সাহেব বিদায়ের বেলা গম্ভীর কণ্ঠে বলেন, “মিটার, তুমি আমার বিশ্বাসের অমর্যাদা করেছ, তুমি মিলিটারীর অল্পযুক্ত— কারণ সেটা নারীর প্রেম নয়! All right, good boy.” এমন করে আমার কর্মজীবনের যবনিকা-পাত হ'ল। আমার চলে আসার পরদিনই আমাদের রেজিমেন্ট মার্চের হুকুম পেয়ে কুট-এল-আমারায় রওনা হ'ল। রোশেনা ছাড়া আরবের মরুভূমিতে আমার চেনা আর কেউ রইল না। অতি কষ্টে নিজেকে টেনে রোশেনাদের কুটারের পাশে এসে পৌঁছলাম। আকুল আগ্রহে রোশেনা আমায় বুকে টেনে নিলে। শত প্রশ্নে আমায় ব্যতিব্যস্ত ক'রে তুলে, বলে, “আমি ভাবলুম, তুমি বুঝি আমায় ফাঁকি দিয়ে চলেই গেছ! ইং—কি চেহারা হয়েছে! বেমারীর কথা তো আমায় জানাও নি?”

“তোমায় কেমন করে জানাই বল তো? আমার কলিজার ভেতর ঢুকতে পার, তা' বলে কি ফোঁজের ক্যাম্পে ঢুকতে পারবে?” সে লজ্জায় লাল হয়ে উঠল, বলে, “আখো, তোমাদের ফোঁজের কয়টা ছয়মণের অত্যাচারে এমনি হাঁপিয়ে উঠেছিলুম!” তার মাথাটার উপর হাত দিয়ে কতক্ষণ স্তব্ধ হ'য়ে রইলুম। সে করুণ কণ্ঠে বলে উঠল, “এ বেমারীতে কে তোমায় দেখবে শুনবে—আর তো তুমি যাবে না—”

“না রোশেনা, আর তোমায় ছেড়ে যাব না, এবার পাখীর নীড়েই যে বাসা বাঁধলুম।”

হাসি-কান্নায় তার মুখ উদ্ভাসিত হয়ে উঠল।

ছটা বছর আমি বেহুইনের মতো মরুর বুকে বাসা বাঁধলুম। সকাল সাঁঝে ছটা কোমল হাতের স্নেহের স্পর্শে আমায় মনে করে দিয়ে যায় যে, এ ছুনিয়ার বুকে আমি একা নই! সে স্নেহের মধুর স্পর্শে আমার চিত্ত-

শতদল যেন দলে দলে ফুটে উঠতে লাগল। কিন্তু মনে শান্তি কই? ভবিষ্যতের কথা মনে হতেই, যেন প্রাণটা কি একটা অজানা আবেগ-আশঙ্কায় কেঁপে কেঁপে উঠত। এ ছুনিয়ার মিথ্যার জাল শেষ করে দিতে চাইছিলুম; কিন্তু রোশেনাকে হারাবার ভয়ে পেছিয়ে গেলুম। এ ছয়ছড়া জীবনের মধ্যাহ্ন-গরিমায় যখন একটা অবলম্বন পেয়েছি—কেমন করে তার বন্ধন ছিঁড়ে আবার পৃথিবীর বিরাট বুকে একা এসে দাঁড়াই। এ দোহুল দোলায় মনটা ও শরীরটা যেন একই সাথে ভেঙে যাচ্ছিল। এক-একবার বাংলা মায়ের স্নেহ-আহ্বান আমায় পাগল করে দিত, আর এক-একবার এ মরু-কুসুমের ছুনিয়ার আলিঙ্গন আমায় বেঁধে ফেলত। এ মরু-প্রান্তরে জীবনের যা' কিছু সম্বল, তা প্রায় এর মধ্যেই ফুরিয়ে গেছে—তাই নিশ্চয় ভবিষ্যৎটা আরও কঠোর হ'য়ে চোখের উপর ফুটে উঠতে লাগল। এ দুন্দোলায় রোশেনার স্নেহ-রসই আমায় বাঁচিয়ে রাখছিল।

ঘুসুঘুসে জ্বরটা যেন সে দিন বেড়ে উঠল। রোশেনা আমায় এ রোগ-ক্লান্তি দেখে যেন মুসড়ে গেল। বলে, “তোমার মতো লোকের কি আর ফোঁজে যাওয়া পোষায়? আখো তো কেমন জেরবার হ'য়ে এসেছ?” সে আমার আঙ্গুলগুলি নিয়ে নাড়াচাড়া আরম্ভ করলে। খানিকক্ষণ পরে বলে, “আচ্ছা, উটটা বেচে ফেলা যায় না? কি বল?”

চম্কে উঠে বললুম, “কেন? কি হয়েছে?”

রোশেনা চুপ করে মাথা নীচু করে রইল। আবার বললুম, “কি হয়েছে বল তো? উট বিক্রী কেন?”

“তুমি কেবলই ভুগছ, দাওয়াই-পত্তরও নেই কিছু—তুমি কেমন করে বাঁচবে—”

“পাগল আর কি? একটু জ্বর, তা'তে কি ছেলেমীটাই আরম্ভ করেছ!”

ক্রমশঃই দেখতে পাচ্ছিলুম—রোশেনা যেন কেমন একটু অশ্রুমনস্ক হয়ে থাকে। আর তেমনি করে সাঁঝে-সকালে সে আমার বুকে বাঁপিয়ে পড়ে না—সে কেমন যেন সংসারী হয়ে গেছে। মাঝে মাঝে সন্ধ্যার সময় তাকে ডেকে পাই নে—কোথায় যেন সে যায়। সে পুলকময়ী প্রতিমা আর যেন সে নেই—এখন সে গৃহলক্ষ্মী গৃহিণীর গাম্ভীর্য অবলম্বন করেছে। চিন্তা ও পীড়াতে মনটা যেন ভারাক্রান্ত হ'য়ে পড়ছিল। তার পর এ সব দেখে আমার মাথা যেন

কেমন হ'য়ে গেল। নিজেই বুঝতে পারলুম না—কেমন করে খিটখিটে হয়ে গেছি। সে দিন ঘরের দাওয়ায় বসে আঙ্গুরের গুচ্ছ থেকে আঙ্গুর ছাড়াচ্ছিলুম, দেখলুম—রোশেনা আমার দিকে অপলক নেত্রে চেয়ে আছে। হঠাৎ সামনে এসে বলে, “বসে থেকে থেকে হাঁপিয়ে গেছ, এখন একটু শুয়ে পড় দিকিনি!” সত্যি ভাল লাগছিল না—ঘরে গিয়ে শুয়ে পড়লুম। রোশেনা একবার এসে আমায় দেখে গেল। মনে মনে কত কথা ভাবছিলুম, তার আদি-অন্ত নেই। হয়তো রোশেনা জানতে পেরেছে যে, আমি ছদ্মবেশী বিশ্বাসঘাতক—তা'র সর্বনাশ করেছি! হয় তো বা এ মরুর ছলাকা খাঁচা ভেঙে উড়ে যেতে চাইছে।

হঠাৎ বিছানার উপর উঠে বসলুম। ঘরের ফাঁক দিয়ে দেখলুম—আমজাদকে রোশেনা যেন কি বলচে—চোখ-মুখে তার একটা ব্যগ্র আশঙ্কার ভাব। হাতে তার সে পুরান জরুরিটা। আমার চোখের সামনে যেন বিশ্ব-ব্রহ্মাণ্ডটা স্থবির অতলে তলিয়ে গেল। বুকের রক্তধারা খর-প্রবাহে শির উপশিরা ভেদ করে যেন রক্ত উচ্ছ্বাসে ফুটে বেরতে চাইল। চোখের উপর অতীত ভবিষ্যৎ যেন ঘুলিয়ে গেল। বুকের—রক্ত আমাকে স্নেহের ভান করে ঘরে পাঠিয়ে, বিশ্বাসঘাতিনী আজ আরব যুবকের কাছে প্রণয়-নিবেদন করছে। মরুর বুনো পাখী আর খাঁচায় থাকতে চাইছিল না—আজ দিনের আলোর মতো স্পষ্ট হয়ে গেল।

প্রদোষ! তার পর আমি যেন ভাই পাগল হয়ে গেলুম। আমার যা' কিছু সম্বল, সব যেন অতলে তলিয়ে গেছে—সেই আমি উন্মাদ হয়ে উঠলাম। জীবনের গুচ্ছ কর্ম-প্রবাহের মধ্যে কে আমাকে আর এমনি ক'রে বুকে টেনে নেবে। কত অসহায় আমি! ছুনিয়ার যা' ঘাটের কড়ি তা'ও যেন আমার হারিয়ে গেল—কি সম্বল নিয়ে এ জীবনের যাত্রা-পথে রইব আমি?

রোশেনা যেন আমার অবস্থা দেখে কেমন হ'য়ে গেল। কত আকুল প্রাণে আমার শরীরের অবস্থা জানতে চাইত, কিন্তু সে প্রাণে মন যেন আমার বিষয়ে উঠত। নিষ্ফল রোষে আমি হাঁপিয়ে উঠতাম। রোশেনার পাণ্ডুর মুখের উপর কে যেন কালি লেপে দিত।

সে সন্ধ্যায় রোশেনা বাড়ী নেই। আমি হিংস্র রোষে যেন পাগল হ'য়ে গেলুম। রিভলভারটা নিয়ে

বেরিয়ে পড়লুম। পায়ে চলার পথের উপর ধীরে ধীরে পাগলচরী করতে লাগলুম। সন্ধ্যার অন্ধকারের মাঝ দিয়ে। তাঁলগাছের মন্ডর ধ্বনি কাণে এসে পৌঁছছিল। মনে আমার যেন আগুনের খেলা। চাইছিলুম আমি সব ভুলতে, কিন্তু—পারি কই? বনের পাখী আজ আমার হৃৎপিণ্ড টেনে তুলে নিয়ে গেছে—আমি বাঁচব কি দিয়ে? ধীরে হেঁটে বাড়ী-মুখে ফিরছি—সুদূর মরুর বুকে সন্ধ্যার আধার জমাট হয়ে আছে।

বাড়ীর কোণের ডালিম গাছটার কাছে এসেই থমকে দাঁড়ালুম,—দেখলুম, মুখোমুখি দাঁড়িয়ে আমজাদ ও রোশেনা। আমজাদের হাত থেকে কি একটা জিনিষ যেন রোশেনা তুলে নিলে। আমি পাগল হ'য়ে গেলুম! রক্ত, রক্ত, চিন্তাদর্শ মাথা সবকটা শিরা যেন টন টন করে ছিঁড়ে গিয়ে মাথার তিতর একটা তাণ্ডব উল্লাস আরম্ভ করেছে, চোখের তারা-গুলো যেন আগুনের ফিন্কা হ'য়ে ছুটে বেরতে চাচ্ছে। পারলুম না আমি,—হাতের ভারী রিভলভার বের করলুম। কোন্ দানবের পিশাচলীলায় যেন এ ক্ষুদ্র মরু প্রান্তর কেঁপে উঠল, সন্ধ্যার স্তিমিত অন্ধকার যেন স্তব্ধ বিশ্বয়ে গর্জে উঠল—খোঁড়ায় টিপ পড়ল ওঃ!! * * * * *

* * * * *

প্রদোষ! আমারই রোগশাস্তির জন্তু বনের পাখিটা আমার তরবারী বিক্রী ক'রে আমজাদকে দিয়ে বাগদাদ থেকে গুপু আনিয়েছিল! সে দিন সন্ধ্যায় সে গুপুটাই নিচ্ছিল সে। কেন জান? আমার এ দর্শ-জীবনটাকে আবার প্রাণরসে বাঁচিয়ে তুলতে। অ'চ্ছা, প্রদোষ, হৃৎপিণ্ড উপড়ে ফেলে কি বাঁচা যায়? কেন? আমি তো বেঁচেই আছি! * *


এখনো সাঁঝের আঁধার যখন ঘনিয়ে আসে—সে ছোট্ট কবরটার উপর একটা আলো জ্বলে দিয়ে বসে থাকি। ধূসর সন্ধ্যা আমার আশে পাশে জমাট হ'য়ে থাকে। বুক দিয়ে আমি কবরের ভেতর তা'র বুকের স্পন্দন অনুভব করি। লোকে জানে আমি পাগল সেপাই মীর হবিব—বাগদাদের রাস্তায় রাস্তায় ঘুরে বেড়াই; কিন্তু আমি জানি যে আমি বাংলারই প্রবাসী ছেলে—রবি মিত্র!

তোমার
রবি

একজামিনের পর

শ্রীমিহিরমোহন মুখোপাধ্যায়

দুই মাস খুব কঠিন পরিশ্রম করে পড়া গেল। সারা ছুটো দেখতে দেখতে একজামিনের দিন ঘনিষে এল। ১০ই বছর ধরে কি করেছি তারই হিসাব নিকাশ করতে হবে। মার্চ একজামিন আরম্ভ হ'ল। দশদিনে শেষও হ'য়ে গেল।



আমিন গাঁয় ধীর

ইন্টারমিডিয়েট পরীক্ষাটা সত্যি সত্যিই ভয়ানক। ম্যাট্রিকে এত বেগ পেতে হয় নি। ছোট ছোট বই বেশ সহজেই তৈরী হ'য়ে যেত। একে পরীক্ষার জন্ত তৈরী হওয়া, আবার তার মুখোমুখি দুই একজন আত্মীয়ের বি'য়ে হ'য়ে গেল। তা'তে যে'তে পারলাম না ব'লে অনেকে অনেক কথা শোনালেন। কেউ বললেন, "এবার প্রথম হ'তে হবে।" আবার কেউ বললেন, "স্কলার-সিপ না পে'লে দেখে নেবো।" মাথা হেঁট করে সব চূপ করে শুনে গেলাম।

বোবার পালান এই ঠিক করলাম। স্মরণও যথেষ্ট ছিল। একজন আত্মীয় থাকেন দারজিলিংয়ে; আর একজন


থাকেন শিলংয়ে—দুইই বেশ ঠাণ্ডা স্থান, আর মনোরমও বটে। কোথায় যাই এই নিয়ে একটা সমস্যা বাধল। শিলংয়ে গত বছর গিয়েছিলাম; সেইজন্ত এবার দারজিলিং যাবার বড় ইচ্ছা হ'ল। কিন্তু, শেষে শিলং যাওয়াই স্থির হ'ল। ঠিক সেই সময় কলিকাতায় ভীষণ দাঙ্গা আরম্ভ হ'ল। দাঙ্গা একমাস ধরে চলল। আমার যাওয়াও বন্ধ থাকল। কলিকাতায় ব'সে ব'সে কত কি দেখলাম, কত গুলির আওয়াজ শুনলাম, তার ঠিকানা রাখি কে? তার পর দাঙ্গা একটা থামলে, ১৩ই মে শিলংয়ে রওনা হলাম।



নংপো


কায়দায় রুমাল উড়িয়ে, স্টেশনে যারা বিদায় দিতে এসেছিলেন, তাঁদের কাছে বিদায় লইলাম।

গাড়ী ছ'ল শব্দে চলতে আরম্ভ করল। সঙ্গে একটা




“নির্ঝরের বর্ষ বর্ষ তালে বাতাসের শব্দ শব্দ শব্দ শব্দ দিচ্ছে”

শিলং মেল ৩-২৪ মিনিটে শিয়ালদহ ছাড়ে। তার আগেই গুরুজনদের প্রণাম করে ৩-১৫ মিনিটে শিয়ালদহ স্টেশনে হাজির। একটা ট্রাক, আর একটা বিছানা নিয়ে গাড়িতে চড়ে বসলাম। ঠিক সময় গাড়ী ছাড়ল। বিলাতী




বৃষ্টির পর


বিলাতী মাসিক পত্র ছিল। তার ছ'চারটে পাতাগুলটার পর আর পড়তে ইচ্ছে হোলো না। চারিদিকে যেন




বাজারের দিনে



ছইধারে সবুজ ঢালু পাহাড়ের মধ্যে আঁকা বাঁকানো




পাইনের মধ্যে




নদীর আর একটা দৃশ্য

অগ্নিবৃষ্টি হচ্ছে। যেন লু চলছে। গাড়ীর কাঁচ উঠিয়ে
দিলাম।

প্রায় ৫টার সময় গাড়ী রাণাঘাটে এসে উপস্থিত।




বাগানের মধ্যে—বৃষ্টির পর




বাজারের দিনে—খামিষাদের চায়ের দোকান

রাণাঘাটে ছই একটি ফেঁটা বৃষ্টি হয়েছিল। একটু ঠাণ্ডা
বলে বোধ হ'ল। রাণাঘাট ছাড়বার পর ছই এক পশলা
বৃষ্টি পাওয়া গেল। ঠাণ্ডা হাওয়াও বহিতে লাগল। ধড়ে
প্রাণ এ'ল। খোলা মাঠের পানে চেয়ে মনে
অনেক কবিত্ব-ভাব জাগতে লাগল।
তখন সন্ধ্যার ছায়া আস্তে আস্তে পৃথিবীর
উপর ছড়িয়ে পড়ছে। দিনান্তের ক্রান্ত রবি
সুদূর প্রান্তরের পশ্চিম কোণ দিয়ে ডুবে
যাচ্ছে। Now fades the glim-
mering landscape on the sght"
—লাইনটা চর্চ'রে মনে এ'ল। কৃষকরা
গরুগুড়িকে ঘরে নিয়ে যাচ্ছে দেখে কত
কথা মনে হোতে লাগলো।


দেখতে, দেখতে সূর্য্য ক্রমেই রক্তবর্ণ
হ'য়ে একেবারে পৃথিবীর শেষ রেখার
অন্তরালে অস্তহিত হ'য়ে গেল। চারিদিকে
একটা এমন সৌন্দর্য্য ফুটে উঠল, সে আর
কি বলব। বহু দূরে একেবারে দিগন্তের




পথের ধারে—pineএর মধ্যে পরিত্যক্ত কুটার; ডানদিকে
Hydroelectricএর shwice gole,




শিল্প মোটর ট্রেন



বাজার



কাউন্সিল হাউস—Council House.




মোটর ট্রেন

শেষ প্রান্তে গাছ পালার সারি দেখা যাচ্ছিল। “সেখানটা এখন সমস্ত অপার মাঠের উপর একটি ছায়া পড়েছে—একটি মায়ায় হ’য়ে উঠল। নীলেতে লালেতে মিশে এমন আবছায়া কোমল বিষাদ—ঠিক অশ্রুজল নয়, একটি নির্নিমেষ চোখের বড়ো বড়ো পল্লবের নীচে গভীর ছলছলে ভাঁবের মতো।—”



বাজারের পথে

হ’য়ে এলো, মনে হ’লো—ত্রিখানে যেন সন্ধ্যার বাড়ী, ত্রিখানে সময় গেয়েছিলেন —
গিয়ে সে আপনার রাস্তা আঁচলটা শিথিলভাবে এলিয়ে দেয়।




কুড়ীর



পথের ধারে

“সাজের বেলা তাঁটার শ্রোতে ওপার হ’তে একটানা
একটী ছুটী যায় যে তরী ভেসে।
কেমন করে চিন্তা ওরে ওদের মাঝে কোন্‌খানা
আমার ঘাটে ছিল আমার দেশে।




জামাতুল্লাহর প্রসিদ্ধ দৌকান

ওরে আস।

আমায় নিয়ে যাবি কেরে

বেলা শেষের শেষ খেয়াল।”

মিনিট দুয়েকের মধ্যেই গাড়ী পুল
পার হয়ে গেল। সময়ও আস্তে আস্তে
কাটতে লাগল। রাত্রি প্রায় ৯টার
সময় গাড়ী সান্তাহার ষ্টেশনে এসে
দাঁড়ালো। এই স্থানে আমাদের গাড়ী
বদল করতে হোলো। তাড়াতাড়ি
কুলি ডেকে জিনিসপত্র নামিয়ে প্ল্যাট-
ফর্মের অপর পাশে নির্দিষ্ট গাড়ীতে
গিয়ে উঠলাম। এক দফা ওঠা-নামার
পর্ব শেষ হোলো। সেই ছ-পহরে
আহার হয়েছিল; আর এখন রাত
নটা বেজে গেছে। সুতরাং ক্ষুধার
আর অপরাধ কি? তাড়াতাড়ি কুলিকে




লাবাণের দৃশ্য

পয়সা দিয়ে মুখ ধুলাম। তার পর জঠরাগ্নিকে ঠাণ্ডা করে
শুয়ে পড়লাম। একটু পরে গাড়ী ছাড়লো। বেশ একটু
ঠাণ্ডা বোধ হ’ল। তার পরই ঘুমে বিভোর।
খুব ভোরে ঘুম ভেঙ্গে গেল। উঠে দেখি, ভোরের
আলো গাড়ীর মধ্যে উঁকি দিচ্ছে।
একটু পরেই গুব্ব দিকটা রূপা হ’য়ে
উঠল। বড় সুন্দর সে দৃশ্য। গাড়ী
এসে গোলোকগঞ্জ ষ্টেশনে দাঁড়ালো।
একটু পরেই গোলোকগঞ্জ ছাড়িয়ে
গভীর জঙ্গলের মধ্য দিয়ে গাড়ী ছুটলো।
শীতের চোটে গরম জামা আর মোজা
চড়াতে হ’ল। জঙ্গলের মধ্য দিয়ে
অনেকক্ষণ চলল; সেটা ছাড়িয়ে
খানিকটা যাওয়ার পর মোটে ছোট
পাহাড় দেখা দিল। কেউ বা নেড়া
আর কেউ বা জঙ্গল-ভরা। দূরে
উত্তরে মেঘের মত এক পর্বত-
শ্রেণী দেখা যাচ্ছিল; সেটা বোধ হয়
গিরিরাজ হিমালয়। সেই পর্বতশ্রেণী অনেকক্ষণ দেখলাম;
শেষে বেলা হ’য়ে গেল; আর দেখা গেল না। অনন্তের
কোলে মিলিয়ে গেল।

“পেয়েছ আপন সীমা, তাই আজি মৌন শান্ত হিয়া
সীমাবিহীনের মাঝে আপনারে দিয়েছ সঁপিয়া।”

পড়ে। গতবার ফিরবার পথে গোহাটা ও ৩কামাখ্যা
ধাম দেখে আসি। সে সময় এই উর্বশীঘাট দেখি।



নদীর শেষ পরিণাম


পড়ে আটটার গাড়ী সরভোগে এসে থামল। সেখানে
একটা ছোট-হাজিরি করা গেল। কিন্তু হাজার হোক
ব্রাহ্মণ মানুষ; ও সব বিলাতী ভোজে তৃপ্তিও হয় না,
পেট ভরে না।

গাড়ী ছাড়ল। ক্রমে ক্রমে আমরা
পাহাড়ের রাজ্যে প্রবেশ করতে লাগলাম।
পাহাড়গুলি বেশ কাছে কাছে, আর জঙ্গলে
ভরা। না জানি তার মধ্যে কি না আছে।
বেলা প্রায় বারটার সময় গাড়ী আমির্গাতে
এসে দাঁড়াল। এইখানে ই-বি-আরএর লাইন
শেষ। সামনেই ব্রহ্মপুত্র। ও-পারে পাণ্ডু।
এখানে একটা ফ্লাট আছে; সেইটা যাত্রীদের
ও-পারে নিয়ে যায়। ইতিপূর্বে ছই চারজন
আত্মীয়ের সহিত এখানে দেখা হ’বার কথা
ছিল ও একসঙ্গে শিলং যাব এই স্থির ছিল।
তাঁদের সহিত ফ্লাটে দেখা হ’ল। এটা
দোতলা। ওপার থেকে প্রকৃতির দৃশ্য বড়
সুন্দর। নদীটার ছইদিকে পাহাড়। দূরে
নদীর বাঁকে গোহাটার ছোট ছোট বাড়ীগুলি
বেশ দেখা যায়। উর্বশী ঘাটের কতকটা

নেত্রপথে বন্দোবস্ত করা হ’য়েছিল। ম্যানেজারবার সর্ব-কাজি ফেলো


বেলা ২-৩০ মিনিটের একটু পরেই
আমরা পাণ্ডুতে এলাম। এখান থেকে ৬৮
মাইল মোটরের পথ। পাণ্ডু থেকে শিলং
যেতে হ’লে ছইটা উপায় আছে। এক হয়
প্রথম শ্রেণীতে, না হয় মেল গাড়ীতে। প্রথম
শ্রেণীর ভাড়া প্রত্যেকের ২৪ টাকা;
অন্যটার ভাড়া ১০ টাকা। 1st. classগুলি
Wyllis Knight car। কোনটা 5

Seater, আর কোনটা 7 Seater। আমাদের জুট
একখানি গাড়ী পূর্বেই রিজার্ভ ছিল। সঙ্গে ছই একটা
ছোটখাট জিনিষ নিয়ে অল্পগুলি লগেজে দিয়ে গোহাটার
দিকে রওনা হওয়া গেল। একটু পরেই মোটর-




পুলিশ বাজার


আফিসে উপস্থিত হওয়া গেল। সেইখানে খাওয়া-দাওয়ার




Ward's Lake—ওয়ার্ড লেক-শিলং



পার্বত্য নদী



পাহাড়ের মাঝে




প্যারেরডের দৃশ্য—সন্ধ্যার জন্মদিন উপলক্ষে

আমাদের অভ্যর্থনা করতে এত যত্নবান হ'লেন যে শিকারের সখ আছে, তা বোধ হয় গাড়ীচালক জানত। আমাদের বিশেষ লজ্জিত হ'তে হ'য়েছিল। আহারাতে এক জামগায় একটু ব্রেক ক'সে সে বলল যে, সেইখানে ম্যানেজারবাবুকে আন্তরিক ধন্যবাদ দিয়ে শিলংয়ের দিকে কিছুদিন আগে গাড়ীর সামনে একটা বাঘ পড়েছিল। তার কথাটা মিথ্যা ব'লে ওড়ান যায় না। কারণ সে যে

জঙ্গল, তাতে বাঘের চেয়ে আরও অনেক বড় বড় মহারাজের আড্ডা থাকতে পারে।

প্রায় এক ঘণ্টা পরে আমরা বার্নিহাটে এসে থামলাম। এখানে আরও তিনটা গাড়ীর সঙ্গে দেখা হ'ল। চালানে টাইমকিপারের সহি নিয়ে চালক মালা শিং গাড়ী ছাড়ল।

জঙ্গল আরও ঘন হ'তে লাগল। এক এক স্থান এমন যে সেখানে সূর্যের আলোক প্রবেশ করতে পারে না। স্থানে স্থানে কুলিরা রাস্তা মেরামত করছে। কেউ বা পাথর ভাঙ্গছে, কেউ বা পাহাড় ফাটিয়ে পাথর বাহির করছে। রাস্তায় একটু গর্ত হ'লেই তারা সেটা মেরামত করে। এই রকম যত্ন করা হ'য় বলেই




টেলিগ্রাফ আফিস

এই বেলার বেড়াটা। মোটরের রাস্তাটা গোহাটা থেকে একেবারে সৌজা ৭ মাইল গিয়ে পাহাড়ের মধ্যে প্রবেশ করে। চারিদিকে খোলা মাঠ ধু ধু করছে। ৩ কামাখ্যা পাহাড়ের চূড়া থেকে রাস্তা বড় সুন্দর দেখায়—যেন একটা মাথার তেড়ি কাটা রয়েছে। ৭ মাইল এসে আমরা P. W. D. Time-keeper-এর কাছে উপস্থিত হ'লাম। একটু শীঘ্র এসেছিলাম বলে কিছুক্ষণ দাঁড়াতে হ'ল। শেষে সময় হ'ল। Time keeper বাবু একটা চালানে সহি দিলেন। গাড়ী ছাড়ল।

এইবার আমরা ঠিক পাহাড়ের মধ্য দিয়ে যেতে আরম্ভ করলাম। রাস্তাটা আঁকাবাঁকা, আর চড়াইও বেশ আছে। এক একটা বাঁক ছাড়াই, আর খানিকটা কয়ে উঠে যাই। কিন্তু রাস্তা খুব চমৎকার; আমাদের রেড রোডের চেয়ে কোন অংশে খারাপ নয়। চারিদিকে পাহাড়; সেই পাহাড় গভীর জঙ্গলে ঢাকা। আমাদের একটু

রাস্তাটা আছে। শুনেছি না কি মোটর কোম্পানীকে প্রতি বৎসর এই রাস্তায় গাড়ী চালানোর জন্য আসাম গবর্নমেন্টকে




প্রকৃতির কোলে—একটা জলপ্রপাতের দৃশ্য

Bishop's Fall

এক লক্ষ টাকা দিতে হ'য়। পল্লীগামের জেলাবোর্ডের রাস্তা হ'লে শিলংয়ে যাওয়া এক ভয়ানক সমস্যা হ'য়ে উঠত।

বেলা প্রায় ৪টার সময় আমরা Nongpohতে এ'লাম। Nongpoh শিলং ও গোহাটীর একটা মাঝামাঝি জায়গা।



খাঘির পল্লী (সম্মুখে পুরাতন স্বাস্থ্য নিবাস)


এইখানে খানাপিনার ব্যবস্থা আছে। ডাক ও তাঁর আফিসও নূতন খোলা হয়েছে। এখানে গাড়ী প্রায় ১৫।২০ মিনিট দাঁড়ায়। ছই একটা লেমোনেড খেয়ে একটু এদিক-সেদিক বেড়ান গেল। একটু পরেই আবার গাড়ী ছাড়ল।

Nongpoh ছেড়ে খানিকটা যাওয়ার পর ইংরাজিতে যাক্কে বলে Zigzag Road—সেই রকম আঁকা-বাঁকা রাস্তা আরম্ভ হ'ল। মোড়ে মোড়ে লেখা "Caution Z"। চড়াইও আগেকার চেয়ে বেশী। রাস্তার এক দিকে পাহাড়, আর এক দিকে ১০০।১৫০ ফুট পাহাড়ের ঢাল নেমে গিয়েছে। নির্ঝরের ঝর্-ঝর্ তানে বাতাসের শন্ শন্ শব্দ সুর দিচ্ছে। তার মধ্যে এদিক-সেদিক থেকে ছই একটা পাখীর আওয়াজ এ'সে সে তাল কেটে দিচ্ছে। মাঝে মাঝে আবার আমাদের সারথি মালা শিং তাঁর গুরুগম্ভীর স্বরে সেই সুরে সুর মিলাচ্ছেন্। এর মধ্যে হঠাৎ একটা নূতন সুর কাণে গেল। ফিরে দেখি, আমার দাদা ভৈরবী আলাপ আরম্ভ করেছেন। শ্রীমান্ শৈ—ও আবার তাঁর সঙ্গে যোগ দিবার মতলব করছেন। নাঃ! আর থাকা গেল না। এ সময় চুপ করে থাকা নেহাৎ গড়ের চিহ্ন। আমিও আস্তে আস্তে মীরা-বাইয়ের "মেরে গিরিধর গোপাল, হুসরণ কোই" আরম্ভ

করলাম। ছই লাইন গাওয়ার পর সুর ভুল হ'য়ে গেল। অনেক মাথা নাড়া দিলাম; হাতে তাল দিলাম; সুর আর মনে এ'ল না। কিন্তু চুপ করে থাকা হ'বে না। গাড়ীতে সঙ্গীতের রাগ-রাগিনী তখন পূর্ণমাত্রায় চলেছে। কি আবার আরম্ভ করব ভাবছি, এমন সময় হঠাৎ বিজয়বাবুর ছই চরণ মনে পড়ে গেল। আমিও আরম্ভ করলাম—

"কি স্মৃতে ডাকরে পাখী
ছপরের বোঝে,
খাম তুমি বাছা মোর
খেতে দিব বোঝে।"


ছই লাইন গান—এক সুরে অনেক-ক্ষণ গাওয়া যায় না। সেইজন্ আমি সব সুরেই ছই একবার গাহিতে লাগলাম।



পর্বতের প্রাকৃতিক দৃশ্য

গাহিতে গাহিতে Umranএ এ'সে উপস্থিত। তখন বেলা প্রায় ৫টা। এখানে ভয়ানক বৃষ্টি আরম্ভ হ'ল। দৃশ্য

দেখা দূরে থাকুক সকলের গান বন্ধ হ'য়ে গেল। একেবারে বরপানির ছোট সেতুটা পার হওয়ার সঙ্গে সঙ্গে আমরা বারম বৃষ্টি। ছড লাগিয়ে দিয়ে কোন রকমে বৃষ্টির হাত নেড়া পাহাড়ের দেশ ছেড়ে পাইনের রাজত্বে ঢুকলাম। এখন থেকে বাঁচা গেল। কিন্তু যে রকম চটপট ধ্বনি হচ্ছিল, যদিকে চাই সেইদিকেই পাইন। তখন বেশ হাওয়া দিচ্ছিল। হাওয়াতে পাইনের শন্ শন্ গীত বেশ স্নমধুর লাগছিল।



"নীল আকাশ এবং ধূসর পৃথিবী, আর তা'রই মাঝখানে একটা সঙ্গীহীন গৃহহীন অসীম সন্ধ্যা,—মনে হয় যেন একটি সোনার চেলিপরা বধু অনন্ত পাহাড়ের মধ্যে মাঝামাঝি একটুখানি ঘোমটা টেনে একলা চলেছে; ধীরে ধীরে কত সহস্র গ্রাম নদী প্রান্তর পর্বত নগর বনের উপর দিয়ে যুগ-যুগান্তের কাল সমস্ত পৃথিবীমণ্ডলকে একাকিনী স্নান নেত্র মৌনমুখে শ্রান্তপদে প্রদক্ষিণ ক'রে আসছে।"


খামিনাদের ধনুর্বিদ্যায় প্রতিযোগিতা

তা'তে হুটু হুটু হ'য়ে যা'বার একটু আশঙ্কা হ'য়েছিল। প্রায় ৫।৬ মাইল যাওয়ার পর বৃষ্টি থামল। মালা শিং গাড়ী খামিনাদের পক্ষের পর্দা খুলে দিল। চারিদিকে চেয়ে দেখি প্রকৃতির ছবি বদলে গেছে। আর সে নিবিড়; অরণ্যময়ী। চারিদিকে তৃণাচ্ছাদিত পাহাড়। কোমল গায় মেঘ জড়িয়ে আছে; কাহারও বা মাথাটা মেঘে ঢাকা, আর সেই পাহাড়ের মধ্য দিয়ে লাল রাস্তা চলেছে। পাহাড়-গুলির উপর বৃষ্টি হ'য়ে গেছে। তাদের গা দিয়ে টিপ্ টিপ্ করে জল বর্ছে।

খানিকটা পরে আমরা বরপানি ব'লে একটা জায়গা আছে সেইখানে এ'লাম। এখানে মোটরের খামবার কথা নাই বটে, কিন্তু চালকরা ছই এক মিনিট এখানে দাঁড়ায়। বরপানি একটা ছুধের আড়ত। এখান থেকে শিলংয়ে ছধ; ঘি; মাখন ইত্যাদি

যায়। মোটরের এর রাস্তা দিয়ে শিলংয়ে গেলে ৯ মাইলের পথ। কিন্তু ওদেশের লোকেরা পাহাড়ের উপর দিয়া অনেক পাকড়াপ্তী করে নেয়।

সন্ধ্যার ছায়া ধীরে ধীরে পৃথিবীর উপর ছড়াতে লাগল। পাহাড়গুলি কাল কাল হ'য়ে গেল। পশ্চিম দিকের উঁচু পাহাড়ের পিছন দিকটা রাস্তা হ'য়ে উঠল। গাড়ী শিলংয়ের 1st Carrierএ এ'সে দাঁড়াল।




উপত্যকার মাঝে

টাইম-কিপার বাবুর সহি নিয়ে আমরা শিলংয়ের মধ্যে দিয়ে চললাম। এক বছর কেটে গেছে, কিন্তু বিশেষ কিছু পরিবর্তন দেখলাম না। চারিদিক দেখতে লাগলাম,

আর পুরান স্মৃতি সব আমার মনে জেগে উঠতে সঙ্গে দেখা হ'ল। মনের আহ্বানে সকলে বাঁচি
লাগল।

গোধূলি যায় যায়, রাত্রির তিমির পৃথিবীকে ঘুমে শিলংয়ের দৃশ্যের বর্ণনা করে কথাটা শেষ করলেই ভাল



বাজারের দৃশ্য

অচেতন করে করে, এমন সময় গাড়ী শিলং স্টেশনে প্রাকৃতিক দৃশ্য দেখে তা যে পুথিয়ে যাবে, এ কথা আমি
এসে দাঁড়াল। অনেক দিনের পর আবার সকলের নিঃসঙ্কোচে ব'লে দিতে পারি।

দাক্ষিণাত্য

৮মনোমোহন গঙ্গোপাধ্যায় বি-ই

১৯১৫ অব্দের জুলাই মাসে যখন দাক্ষিণাত্য-ভ্রমণের জন্ত
আত্মীয়-স্বজনের নিকট বিদায় প্রার্থনা করি, তখন, ভারতের
প্রাচীন কীর্তিগুলির ইতিহাসোদ্ধারের তীব্র ও উৎকট বাসনা
মনকে একটুও চঞ্চল হইতে দেয় নাই। তখন বহু দিনের
গুপ্তবাসনা সার্থকতা লাভ করিবে এই চিন্তায় মন হর্ষগর্ভভরে
প্রফুল্ল ছিল। শুদ্ধ প্রাচীন কীর্তিগুলি ও ভারতের বিরাট
জাতিকে দেখিব, এই বাসনা লইয়া গৃহ হইতে বাহির হইয়া-
ছিলাম; স্বর্ণখনি যে দেখিতে যাইব এ বাসনা ক্ষণেকের
জন্ত মনে স্থান পায় নাই। স্বর্ণের উপর আমি চিরকালই
বিগতভূষ, বা স্বর্ণ আমার উপর চিরকালই বিমুখ। এই

কাঞ্চন-কৌলীশ্বের দিনে এ কথা ব্যক্ত করা বিবেচকের
কার্য্য নহে। কাঞ্চনের সহিত কামিনীর চিন্তাও মন হইতে
দূরে পলাইয়াছিল; কেন না, যাত্রা করিবার সময় যা পূর্বে
সকলকে প্রণাম আলিঙ্গন করিয়া একজনের সহিত সাক্ষাৎ
করি নাই। যাহা হউক, তজ্জন্ত বিশেষ গঞ্জনা সহ্য করিতে
হয় নাই। কেন না, শুনিয়াছি যে, আমি এক বিকৃত-কটি-
সম্পন্ন, নীরস, কবিত্বহীন, “বিটকেল” মানুষ; স্মরণ্য
আমাকে কিছু বলিয়া কোন লাভ নাই। কিন্তু কেহ যদি
সে সময় আমার হৃদয় পরীক্ষা করিতেন, তাহা হইলে তিনি
নিশ্চয়ই দেখিতেন যে, কবিত্বের একটা ঐকতানিক প্রবাহে

আমার কোথায় ভাসাইয়া লইয়া গিয়াছে। বাস্তবিক, কবি
হইলে আমি নিশ্চয়ই বলিতাম,

“দক্ষিণ পবন
সেদিন জাগায়েছিল চঞ্চল পরশে
মোর কুঞ্জবন;
মুখরিত চারিদিক
গেয়ে উঠেছিল পিক,
নবীন মুকুল ঘিরি ছিল অনিবার
মধুপ বঙ্কার,
হে প্রিয় আমার।”

কবির প্রিয় কে তাহা জানি না; আমার প্রিয়ের পরিচয়
জানিবার আবশ্যিকতা নাই। সাধনা ভিন্ন শুদ্ধ পরিচয়ে
কোন মঙ্গল নাই।

কোলা হউক, দুই মাস কাল দাক্ষিণাত্যের বহু স্থান ভ্রমণ
করিয়া আসিলোঁরস্থ রামকৃষ্ণ মিশনের মঠে ফিরিয়া আসিয়া
শিব-সমূহের জলপ্রপাত ও বৈদ্যাতিক কারখানা দেখিয়া
আসিলাম। সেখানে বন্ধুর শিল্পী জী—বাবুর সহিত দেখা;
তাঁহাকে লইয়া এবারে কোলারের স্বর্ণখনি দেখিতে যাত্রা
করা গেল।

কোলায় যাইবার জন্ত স্বামী বিষ্ণুদানন্দকে বন্দোবস্ত
করিয়া অনুরোধ করিয়াছিলাম। তিনি কো-অপারেটিভ
ক্রেডিট সোসাইটির রেজিষ্ট্রার (Registrar, Co-ope-
rative Credit Societies) তাঁহাদের ভক্ত মিঃ নারায়ণ
আমাকে জানাইলেন; আমাঙ্গার মহাশয় চিঠি লিখিলেন
ও ভ্রমণযোগে সমস্ত বন্দোবস্ত করিয়া দিলেন। সে সময়
সকলকে দেখিবার অনুমতি দিত না; এবং যাঁহাদিগকে
দেখিবার আদেশ দেওয়া হইত, তাঁহাদিগের নিকট ৫ টাকা
ফি লওয়া হইত। ইহা War-fundএ জমা হইত। এ কথা
মনে রাখ।

নারায়ণ আমাঙ্গার মহাশয় মহীশূরস্থ মহাজনী যৌথ-কার-
বার-সমূহের রেজিষ্ট্রার। ইহার পূর্বে ইনি যুবরাজের
গৃহশিক্ষক ছিলেন। ইনি ডেপুটি কমিশনার বা জেলার
ম্যাজিস্ট্রেটের সমশ্রেণীস্থ কর্মচারী। ইহার প্রতিপত্তি যথেষ্ট।
মাছঘটা যেন মাংসপেশী দিগ্বেই তৈরী; sentiment বা
শৃঙ্খল ভাবের বড় ধার ধারেন না; ইনি স্বামী বিবেকানন্দের
বিশেষ ভক্ত। ইহারই অল্পগ্রহে আমাদের কোলায় যাইয়া

খনি দর্শনান্তর বিশ্রাম ও আহার করিবার সমস্ত বন্দোবস্ত
ঠিক হইয়াছিল; না বলিয়া আমাদের ছ'জনের ফিও
তিনি পূর্বেই জমা দিয়াছিলেন। অবশ্য আমরা তাহা
ফিরাইয়া দিয়াছিলাম। অপরের জন্ত একপ স্তুবিধা বড়
কেহ করিয়া দেয় না। আমার সঙ্গে স্বামী অম্বিকানন্দেরও
যাইবার কথা ছিল; তাঁহার শরীর অসুস্থ হওয়ায় তিনি
যাইলেন না। এদিকে বন্ধুবর নী-বাবুও যাইতে ইচ্ছুক।
আমরা ছ'জনে যাত্রা করিলাম।

কোলায় যাইতে হইলে মাদ্রাজের লাইনে বাউরিংপেট
(Bouringpet) পর্যন্ত যাইয়া গাড়ি বদল করিতে হয়।
সেখান হইতে খনির দিকে এক লাইন গিয়াছে; ইহা দৈর্ঘ্যে
১০ মাইল। বাউরিংপেটে দেখি যে Co-operative Credit
Societyর একজন ইন্সপেক্টর আমাদিগকে অভ্যর্থনা করিয়া
লইতে আসিয়াছেন। তিনি স্বামী অম্বিকানন্দকে না দেখিয়া
বিশেষ দুঃখিত হইলেন। এ দেশের লোকে রামকৃষ্ণ মিশন
সংক্রান্ত সাধুদের বড়ই শ্রদ্ধাভক্তি কবে। শুধু সচরিত্রের
জন্ত ইঁহাদিগকে ভক্তি না করিয়া থাকা যায় না; ধর্মের
কথা ছাড়িয়া দিলে ইঁহাদের চরিত্র-মাধুর্য্যে মুগ্ধ হয় না
এমন লোক বিরল। ইন্সপেক্টর মহাশয় আমাদের
প্রাতরাশের জন্ত যথেষ্ট খারাবুঁদি, লাডু, নান্খাটাইর মত
বিস্কুট আনিয়াছেন। খারাবুঁদি বড় উপাদেয়; ইহা লবণা-
স্বাদযুক্ত বোদের মত মিষ্টান্ন। ইনি ঘটপূর্ণ করিয়া উত্তপ্ত
করিয়া লইলেন। আমরা গাড়িতে আহার করিতে করিতে
খনিস্থান বা Mining Districtএ আসিয়া পঁহুছিলাম।
লাইনের দুই পার্শ্বে মাঝে মাঝে Hoisting Machine বা
মানুষ বা ধাতু-প্রস্তুতবাহী খাঁচা বা বাঁক উঠাইবার ও
নামাইবার কল দেখা গেল। কুলিদিগের বাসস্থানগুলি
কেমন শ্রেণীবদ্ধভাবে অবস্থিত রহিয়াছে দেখা গেল; কিন্তু
এগুলি দৈত্যের ভাব জ্ঞাপন করিতেছে। খনিস্থ কর্মচারী-
গুলির বাসস্থান, গির্জাগৃহ; ঔষধালয় সমস্তই নয়নগোচর
হইল। রেল লাইনের দুই পার্শ্বে উচ্চ মৃত্তিকা-স্তূপ দেখা গেল।
এগুলি হইতে রাসায়নিক প্রক্রিয়ার সাহায্যে স্বর্ণ বাহির
করিয়া লওয়া হইয়াছে। এগুলি কেহ লইয়া যাইতে পারে
না; লওয়া আইন-বিরুদ্ধ; কেন না, স্বর্ণখনির পরিচালকেরা
আশা করিতেছেন যে, রসায়ন-শাস্ত্রের আরও উন্নতি হইলে,
নূতন আবিষ্কার সাহায্যে এই মৃত্তিকাস্তূপ হইতে

আহত স্বর্ণাবশেষ উদ্ধার করা যাইবে। বাস্তবিক এই প্রকার আশা-প্রণোদিত না হইলে বৈজ্ঞানিক বা ব্যবসায়ীর এক দণ্ড চলে না। পরবর্তী স্টেশন হইতে যুরোপীয় ও যুরেশীয় বালক-বালিকা আমাদের গাড়ি পূর্ণ করিয়া দিল। ইহার Champion Ref Station এর বিদ্যালয়ে পড়িতে যাইতেছিল। আমাদের গাড়িটা যেন পাঁচ ফুলের মাজী; বালকবালিকাগুলির বেশ ভূষা ও গাত্র-বর্ণের মধ্যে এক মনোজ্ঞ বিচিত্রতা বর্তমান। তুখার-শুভ্র বর্ণ হইতে কৃষ্ণবর্ণের নানা শ্রেণীর বালক-বালিকা কেমন উচ্চ হস্ত ও গল্পে সমস্ত গাড়িটাকে মুখরিত করিয়া চলিতেছে; তাহাদের সঙ্গে তাহাদের কিশোরী ভগ্নীরও বিদ্যালয়ে চলিতেছে। বোধ হইতেছিল যেন মেঘযুথের সঙ্গে মেঘপালক রহিয়াছে। বাস্তবিক বালকবালিকাগুলির স্মিতহাস্তে কোন বিদ্বেষের ভাব নাই; তাহারা মেঘের স্তায়ই নিরীহ প্রকৃতি; কিন্তু ভারত-বর্ষের কেমন জলবায়ুর দোষ যে, এই কিশোরীগুলির ভাবে, ভাষায়, ইঙ্গিতে ভবিষ্যৎ জীবনের বিদ্বেষ যেন অঙ্কুরিত ও পঙ্কবিত হইয়া উঠিয়াছে। ভাবিতেছিলাম—কেন এমন হয়! আমাদের পথপ্রদর্শক বন্ধুটি বালকদিগকে বিস্কুট খাইতে দিলেন। তাহারাও অন্মানচিত্তে ও বেশ আনন্দের সহিত সেগুলি নিঃশেষ করিয়া দিল। এরা আমাদের দেশের ছেলেদের মত লাজুক নহে, এবং প্রাণস্পন্দন মস্তকের কেশাগ্র হইতে পদের নখাগ্র পর্যন্ত বেশ স্পষ্ট প্রতীয়মান হয়।

আমাদের গন্তব্য স্টেশনটি লাইনের সর্বশেষে। পঁছিয়া দেখি যে, স্টেশনে সহকারী খনিপরিদর্শক মহাশয় আমাদের অভ্যর্থনার জন্ত অপেক্ষা করিতেছেন। ইহার নাম মিষ্টার সূর্যনারায়ণ রাও। মানুষটি বেশ সাধাসিধে ও ভদ্র-স্বভাব। সর্বাপেক্ষা উত্তম ও নিরাপদ খনিতে আমাদের লইয়া চলিলেন। ইহার নাম মাইসোর মাইন (Mysore Mine)। এই বন্দোবস্ত হইল যে, প্রথমেই খাদের কার্য দেখিয়া আহারাদির পর স্বর্ণ নিষ্কাশণের প্রক্রিয়া দেখিতে যাইব। এক এক খনির মধ্যে অনেকগুলি খাদ বা shaft আছে। সর্বোত্তম খাদ দিয়া নামিবার বন্দোবস্ত হইল; ইহার নাম এড্‌গারস্ সাফট (Edgar's shaft)। কিন্তু যখন শুনিলাম যে, দুই বৎসর পূর্বে নামিবার সময় এই খাদে এক সঙ্গে ৪২ জন লোকের শোচনীয় মৃত্যু হইয়াছিল, তখন মনে ভয়ের

সঞ্চার হইল, এ কথা গোপন করিলে চলিবে না। এই খাদের গভীরতা প্রায় ৪,০০০ ফিট। আমরা সার্কি হিসেব ফিট নিজে যাইব, এই স্থির হইল।

আমরা এঞ্জিন-ঘরের নিকটবর্তী হইলে মিঃ সূর্যনারায়ণ রাও খাদের তত্ত্বাবধায়ক একজন যুরোপীয় এঞ্জিনিয়ারের হস্তে আমাদের সঁপিয়া দিলেন। আমার মনে তখন Edgar shaft এর ভয় ছিল; সেই জন্ত মিঃ রাওকে আমাদের সঙ্গে থাকিতে বলিলাম। তিনি বলিলেন, “ভয়ের কোন কারণ নাই। তবে যখন বলিতেছেন, চলুন, এক সঙ্গে খাদের মধ্যে যাওয়া যাক।” তাঁহাকে অল্পরোধ করা হইল যে, আমরা যে খাঁচার নামি, তাহাতে যেন অধিক লোককে অবতরণ করিতে না দেওয়া হয়। এঞ্জিনিয়ার সাহেব অতিশয় ভদ্র; বলিলাম, সেজ্ঞ ভাবিবেন না। আমাদের স্তায় দর্শক থাকিলে খাঁচা ধীরে ধীরে নামাইবার আদেশ আছে। তিনি এঞ্জিন-চালককে বলিয়া দিলেন, যেন অতিশয় বেগে এঞ্জিন চালান না হয়। এঞ্জিনিয়ার মহাশয় অল্প ও মৃদুভাষী এবং ধীর। তিনি আকৃতিতে শালপ্রাংশু, মহাজুজ; কিন্তু বৃষস্কন্ধ নহে। তাঁহার পরিচ্ছদ ঠিক শ্রমজীবী কুলীর স্তায়; মস্তকে এক প্রকার বিচিত্র টুপি, হস্তে এক এসিটিলিন লঠন।

আমরা খাঁচায় উঠিলাম। ইহা দ্বিতল। প্রত্যেক তলে ২৫টি করিয়া লোক ধরে। মিঃ রাওকে লইয়া আমরা চারিজন লোক নামিলাম। এঞ্জিনিয়ার সাহেব অবতরণ করিবার পূর্বে খাঁচার দ্বারটি বন্ধ করিয়া দিলেন এবং দ্বারের বিপরীত ধারে দাঁড়াইতে বলিলেন। প্রথমে শরীর খুব শিহরিয়া উঠিল; পা একটু ফাঁক করিয়া দাঁড়াইলে শিহরণের ভাবটা একটু অল্প বোধ হয়; তাহার পর আর সে ভাব রহিল না, বোধ হইল উপরে উঠিতেছি। জিজ্ঞাসা করিলে, এঞ্জিনিয়ার সাহেব বলিলেন যে, আমরা ১২.১৪ মাইল বেগে নামিতেছি। খাদের ধারি বা দেওয়াল ইষ্টকে নিশ্চিত; আমাদের দেওয়ালের দিকে দৃষ্টি নিক্ষেপ করিতে নিষেধ করিয়া দেওয়া হইল; কেন না আপেক্ষিক গতির জন্ত আমরা যে অতিশয় বেগে অবতরণ করিতেছি, এরূপ মনে হইবে। আমরা প্রথমে দুই সহস্র ফিট নামিলে, এঞ্জিনিয়ার সাহেব খাঁচা থামাইয়া তাহার দ্বার খুলিলেন; আমরা সোজা পথে খনির মধ্যে প্রবেশ করিলাম।

এ স্থলে খনি-খনন ব্যাপারটা সংক্ষেপে বলিয়া রাখিলে ভাল হয়। খনি-খননের পূর্বে স্থানটিকে ভাল করিয়া পরীক্ষা করিয়া দেখা হয় যে, ব্যবসায় দাঁড়াইতে পারে এরূপ মূল্যের ধাতু-প্রস্তর বা Ore আছে কি না, এবং কত নীচে আছে ইত্যাদি। এই পরীক্ষার নাম prospecting। এই পরীক্ষার ধাতু-প্রস্তরবাহী স্তর কোন দিকে, কিরূপ ভাবে প্রসারিত তাহার একটা নক্সা প্রস্তুত করা হয়। পরে খাদ খনন আরম্ভ করা হয়। ব্ল্যাস্টিং (blasting) বা বারুদ বা বিস্ফোরক দ্বারা পর্বত ভাঙ্গিয়া পথ করিয়া দেওয়া হইলে, প্রস্তরগুলিকে কাটিয়া বাহির করিতে হয়। কাটিতে কাটিতে, জল প্রায়ই উৎসাকারে বহিতে থাকে—দেখা যায়। কতদূর ও উচ্চ প্রদেশ হইতে পৃথিবীর অভ্যন্তরে বাহিয়া আসিতে আসিতে খাল পাইলেই জল বাহির হইয়া পড়ে। সেইজন্ত খনন করিবার সময় পাম্প (pump) ব্যবহার করিয়া জল তুলিয়া ফেলিতে হয়। পাছে খাদের পার্শ্বদেশ ধ্বসিয়া পড়ে, তজ্জন্ত কাঠের তক্তা প্রভৃতি দ্বারা ইহার গাত্র বাঁধিয়া দেওয়া হয়। ইহার পরিভাষা timbering; যাহারা এই কার্য করে তাহাদের নাম timber-men। তৎপরে কাঠগুলি আস্তে আস্তে সরাইয়া, ইষ্টক দ্বারা গাঁথিয়া দেওয়া হয়। ইহাকে brick lining বলে। দেওয়ালের গাত্রে মাঝে মাঝে ক্ষুদ্র ক্ষুদ্র গর্ত রাখা হয়; তথা হইতে ঝির ঝির করিয়া জল প্রবাহিত হয়। সঞ্চিত জল দ্বারা পাছে কোন স্থান ধ্বসিয়া যায়, বা আর কোন অনিষ্ট সাধিত হয়, এই জন্ত এই সব গর্ত রাখিবার ব্যবস্থা। আমাদের সহযাত্রী এঞ্জিনিয়ারকে জিজ্ঞাসা করিয়া অবগত হইলাম যে, প্রত্যেক ফুট খাদ খনন করিতে ও ইষ্টকের ধারি বাঁধিতে খরচ ২০ পাউণ্ড বা ৩০০ টাকা; ইহা ১৯১৫ অব্দে। এখনকার খরচ ইহার অনেক অধিক। আমরা যে খাদটিতে অবতরণ করিয়াছিলাম তাহা ৪০০০ ফিট গভীর। সুতরাং একটা খাদ খননে কত টাকা যে ব্যয়িত হইয়াছে, তাহা সহজেই অনুমান করা যাইতে পারে।

খাদের ভিন্ন ভিন্ন তল হইতে ইহার সহিত সমকোণ করিয়া সমপৃষ্ঠ বা horizontal খাদ কাটা হয়; ইহাদের নাম cross cut। প্রত্যেক cross cut এর নম্বর আছে। ইহার যেন খনির এক একটি তল বিশেষ। Edgar shaft এ ৫২টি তল আছে। ধরাপৃষ্ঠ বা উপর হইতে প্রত্যেক

cross cut এর সহিত টেলিফোন ও বৈদ্যুতিক সর্কেতের বন্দোবস্ত আছে। প্রত্যেক cross cut এর মুখের কাছে এক একটি দ্বার আছে। দ্বারদেশের সম্মুখে খাঁচা থামিলেই দ্বার খুলিয়া দেওয়া হয়। তখন খাঁচা হইতে লোকজন প্রবেশ করে। Cross cut হইতে উপরে টেলিফোন করিলে খাঁচা উপরে উঠে বা নীচে নামে; একটুকুও ভুল-ভ্রান্তির সম্ভাবনা নাই। প্রত্যেক cross cut এ এক একজন কর্মচারী আছেন; ইহার উপর বা নীচের সহিত যোগাযোগ নিয়ন্ত্রিত করিতেছেন। এক একটি cross cut হইতে নানাদিকে সঙ্কীর্ণ পথ গিয়াছে; ইহাদের নাম গ্যালারি (gallery)। গ্যালারির উপর লাইন পাতা; ইহার উপর দিয়া মাল বোঝাই গাড়ি বা truck গুলি-কুলীরা ঠেলিয়া লইয়া যায়।

গ্যালারিগুলির ভিতর বেশ সোজা হইয়া ইটিয়া যাইতে পারা গেল। গিরিডির কয়লার খনি সন্দর্শন করিবার সময়, মনে আছে, আমাদের নীচু হইয়া যাইতে হইয়াছিল। গ্যালারিগুলিতে প্রায়শঃ বৈদ্যুতিক আলোর বন্দোবস্ত আছে। অনেক নূতন গ্যালারিতে আলোকের বন্দোবস্ত ছিল না বলিয়া এঞ্জিনিয়ার সাহেব আমাদের হস্তে বর্তিকা দিলেন। দেখিলাম, গ্যালারিগুলি আঁকিয়া বাঁকিয়া গিয়াছে। দুই তলের cross cut এর মধ্যে তির্ধ্যক ভাবে খাদ কাটা হয়। এই খাদগুলিতে মাল কাটিয়া ফেলিয়া দেওয়া হয়; ইহার গড়াইয়া গড়াইয়া নীচের লাইনে অবস্থিত ট্রাকে গিয়া পড়ে। ইহার আর একটি প্রয়োজনীয়তা আছে; খাঁচায় করিয়া এক cross cut হইতে অপর cross cut এ যাইতে সময় লাগে ও অগ্ৰাণ কার্যের অসুবিধা হয়; এই জন্ত কুলীরা এই সকল তির্ধ্যক পথে নাচেকার cross cut হইতে উপরকার cross cut এ যাতায়াত করে। ভিতরে উত্তাপের আধিক্য বলিয়া যন্ত্রের সাহায্যে বায়ু সঞ্চালনের সুবিধা করিয়া দেওয়া হয়। শুনিলাম যে উত্তাপ বশতঃ কুলীদিগের পান করিবার জলে বরফ দেওয়া হয়। ভিতরের তাপ এত অধিক যে, জল ইহাতে বিশেষ শীতল হয় না।

খনির উপর ভূমি-পৃষ্ঠে রেলপাতা আছে। খাদের ভিতর হইতে ধাতু-প্রস্তর তোলা হইলে, ট্রাকে করিয়া সেগুলিকে যেখানে ভাঙ্গা হয়, সেইখানে লইয়া যাওয়া যায়। প্রস্তর-গুলিকে পেষণ-যন্ত্র বা crusher দ্বারা ক্ষুদ্র ক্ষুদ্র আকারে

ভাঙ্গিয়া ফেলা হয়; তাহার পর সেগুলিকে একটি বাটিতে লইয়া যাওয়া হয়। এখানে খুব মিহিভাবে ভাঙ্গিয়া দেওয়া হইলে প্রবাহিত জল দ্বারা এই প্রস্তর-ধূলিগুলি তিথ্যকভাবে অবস্থিত এক তাত্র-ফলকের উপর পতিত হয়। এই ফলকের উপর পারদের প্রলেপ থাকে। ইহার সাহায্যে পূর্বোক্ত পিষ্ট প্রস্তর-ধূলি হইতে স্বর্ণ আকৃষ্ট হইয়া পারদের প্রলেপযুক্ত তাত্রফলকে আটকাইয়া যায়, এবং ধূলি-মিশ্রিত জল নীচে গিয়া পড়ে। পূর্বোক্ত প্রক্রিয়ায় সমস্ত স্বর্ণ নিষ্কাশিত হয় না বলিয়া ধূলি-মিশ্রিত জল তাত্রফলক হইতে নীচে নামিয়া পড়িবার সময় একখণ্ড কঞ্চল, চর্ম বা এই প্রকারের কোন বস্তুর উপর দিয়া প্রবাহিত হয়; ইহা দ্বারা অবশিষ্ট স্বর্ণের বৃহৎশুলি কঞ্চলাদিতে আটকাইয়া যায়। শতকরা প্রায় ৭০ অংশ হইতে ৮০ অংশ স্বর্ণ নিষ্কাশিত হয়; অবশিষ্ট ২০ হইতে ৩০ অংশ ধূলি-মিশ্রিত জলের সহিত প্রবাহিত হইয়া পয়ঃ-প্রণালী দিয়া প্রকাণ্ড জলাধারে পতিত হয়। অনেকগুলি পরস্পর-সংযুক্ত জলাধার শ্রেণীবদ্ধ ভাবে অবস্থিত। সর্বপ্রথম জলাধারে বৃহৎ স্বর্ণকণা থিতাইয়া পড়ে। এই বৃহৎ কণাগুলির নাম tailings। পরবর্তী জলাধারগুলিতে খুব মিহি স্বর্ণকণা-মিশ্রিত ধূলি বা কর্দম থিতায়; ইহার নাম battery slimes; এগুলিরও tailings হইতে রাসায়নিক প্রক্রিয়ায় স্বর্ণ বাহির করা হয়। কাঠের জলাধারের মধ্যে এক থাকে পাট বা নারিকেল দড়ির মাত্র বিস্তৃত করিয়া রাখা হয়। পূর্বোক্ত ধূলি বা কর্দমযুক্ত জল তাহার উপর ঢালিয়া দেওয়া হয়; জলাধারে পটাসিয়াম সায়ানাইড মিশ্রিত জল থাকে। জলাধারটিতে সায়ানাইড মিশ্রিত কর্দম থিতাইলে জল বাহির করিয়া দেওয়া হয় এবং কর্দম-গুলিকে আর এক পাত্রে লইয়া যাওয়া হয়। এই অবস্থায় পটাসিয়াম সায়ানাইড ও স্বর্ণে যে যৌগিক পদার্থ উৎপন্ন হয়, তাহার রাসায়নিক নাম Double cyanide of gold and potassium (Au K Cy)। ইহা হইতে দস্তার সাহায্যে স্বর্ণ নিষ্কাশিত করা হয়। যাহা অবশিষ্ট থাকে তাহাতেও কিছু স্বর্ণ থাকে; সমস্ত স্বর্ণ বাহির করিতে পারা যায় না। এই অবশিষ্ট স্বর্ণ-মিশ্রিত ধূলির স্তূপ কোলারে আসিবার সময় লাইনের পার্শ্বে দেখিয়াছিলাম বলিয়াছি।

যখন আমরা স্বর্ণ নিষ্কাশিত করিবার ঘরে পৌঁছিলাম,

তখন এত ভয়ানক শব্দ শ্রুত হইতেছিল যে, কর্ণ বধির হইয়া যায়। বাস্তবিক ভিতরে গিয়া দেখিলাম যে, যে-সব যুরোপীয় বিশেষজ্ঞেরা এক একটি তাত্র-ফলকের সম্মুখে দাঁড়াইয়া কার্য পরিদর্শন করিতেছেন, তাঁহারা পাছে বধির হইয়া যান, এইজন্ত কর্ণে তুলা দিয়াছেন ও কর্ণের চারিধার বাধা রহিয়াছে। এ ঘরে যুরোপীয় ভিন্ন অল্প কহাকেও কার্য করিতে দেওয়া হয় না। আমাদেরকে বাহিরে অপেক্ষা করিতে হইল; অল্পমতি-পত্র পাইলে ভিতরে যাইতে পারা গেল।

স্বর্ণ নিষ্কাশন সম্বন্ধে অনেক কথা বলিবার আছে; অতি সংক্ষেপে অবশ্য-জ্ঞাতব্য বিষয়গুলি বলা গেল। এক্ষণে কেহ যদি জানিতে চাহেন যে যথাক্রমে তাত্রফলকের সাহায্যে ও রাসায়নিক প্রক্রিয়ায় কত স্বর্ণ নিষ্কাশিত হয়, তাঁহার অবগতির জন্ত মহীশূর ভূতত্ত্ব-বিষয়ক রিপোর্ট হইতে নিম্নলিখিত বিবরণটি সঙ্কলিত করিয়া দিলাম। এ বিবরণটি ১৯১৪ অব্দের প্রথম ৬ মাসের। ঐ সময়ে ৫টা খনি হইতে নিম্নলিখিত পরিমাণ ও মূল্যের স্বর্ণ পাওয়া গিয়াছিল—

স্বর্ণের ওজন	স্বর্ণের মূল্য
যন্ত্র সংযোগে প্রাপ্ত.....২,১৩,০৬৬ আউন্স ২০.৫৬৮ পাউণ্ড	
রাসায়নিক প্রক্রিয়ায় প্রাপ্ত...৩৭,৮৩৫ ঐ ১৬৫.০৪৯ পাউণ্ড	

স্বর্ণের ধাতুপ্রস্তর বা ore সম্বন্ধে ২১টি কথা বলিয়া প্রসঙ্গান্তরের অবতারণা করিব। স্বর্ণ সাধারণতঃ অবিমিশ্র অবস্থায় প্রাপ্ত হওয়া যায়। মহীশূরের ধাতু-প্রস্তরে pyrites বা গন্ধক-মিশ্রিত যৌগিক পদার্থ বিশেষ বিরল। ইহা কোয়ার্টজ (quartz) প্রস্তর সহিত মিলিত অবস্থায় প্রাপ্ত হওয়া যায়; প্রস্তরের মধ্যে স্বর্ণ চিক্চিক্ করিতেছে বেশ স্পষ্ট বুঝা যায়।

মহীশূর রাজ্যের খনিজ সম্পৎ যথেষ্ট; ইহার মধ্যে স্বর্ণই প্রধান। তন্মিমে অভ্র, ম্যাঙ্গানিজ (Manganese), ম্যাগনেসাইট (Magnesite), তাত্র, লৌহ, এসবেস্টাস (Asbestos), কারাণ্ডাম (Corundum), ক্রোম্‌ধাতুপ্রস্তর (Chrome Ore) উল্লেখযোগ্য। রাজসরকারও এই সকল খনিজ পদার্থের পরীক্ষা ও ব্যবসায় হিসাবে যথেষ্ট উন্নতিবিধান করিয়াছেন, এবং অধিকতর উন্নতির চেষ্টায় আছেন। সম্প্রতি (২২শে অক্টোবর) মহীশূরে যে প্রতিনিধি-সভা (Representative Assembly) আহূত

হইয়াছিল, তাহাতে দেওয়ান বাহাদুর রাজ্যের খনিজ সম্পদের বিষয় উল্লেখ করিয়া তাহা দ্বারা যে রাজ্যের আর্থিক অবস্থার বিশেষ উন্নতি হইয়াছে তাহা দেখাইয়াছেন। মহীশূর গবর্ণ-মেন্টের তত্ত্বাবধানে এখন ঢালাই করিবার লৌহও (Pig iron) প্রস্তুত হইতেছে।

মহীশূর প্রদেশ প্রকৃতই স্বর্ণপ্রস্থ। নানা বিলাতী কোম্পানীর খনি জমা লইয়া স্বর্ণ বাহির করিতেছেন। ১৯১৩ অব্দে যে স্বর্ণ বা স্বর্ণের ইষ্টক তৈয়ার করা হইয়াছিল, তাহার মূল্য ৩ কোটি ২২ লক্ষ ৫২ সহস্র ৮৯৫ টাকা। রাজসরকার শতকরা প্রায় ৫ টাকা হারে খাজনা পাইয়াছেন; অর্থাৎ এই বৎসর তাঁহারা রাজস্ব হিসাবে পাইয়াছেন কেবলমাত্র ১৬ লক্ষ ১০ হাজার টাকা। এই সকল কোম্পানী ১৮৮২ অব্দ হইতে ১৯১২ অব্দ পর্য্যন্ত ৫৭ কোটি টাকার স্বর্ণ বিক্রয় করিয়াছেন এবং অংশীদারদিগকে ২২ কোটি ৭৮ লক্ষ টাকা লভ্যাংশ দিয়াছেন; লভ্যাংশের পরিমাণ ৪৭.৬; আর মহীশূর রাজসরকার—যাঁহারা এই সকল খনির মালিক—ত্রিশ বৎসরে এই সকল কোম্পানীর নিকট খাজনা বা সেলামী হিসাবে পাইয়াছেন প্রায় তিন কোটি টাকা। আমি অনেক উচ্চ পদস্থ রাজকর্মচারীকে জিজ্ঞাসা করিলাম, সরকার হইতে খনি চালান হয় না কেন। তাঁহারা বলিলেন, অত টাকা সরকারের নাই। কিন্তু মহীশূর রাজ্যের খনি-সংক্রান্ত ১৯১৩—১৪ বৎসরের কার্য-বিবরণী বা Mining Report পাঠ করিয়া দেখিয়াছি যে, পরীক্ষা বা Prospecting সংক্রান্ত জমা বাদ দিয়া যে ১০টি খনির কার্য চলিতেছিল, তাহাদের মূলধন সর্বসাকল্যে ২ কোটি ২৭ লক্ষ টাকা, এবং এক বৎসরেই অর্থাৎ ১৯১৩ অব্দে এই সকল খনিতে ৩ কোটি ২২ লক্ষ টাকার স্বর্ণ প্রস্তুত হইয়াছিল। মনগ্র মূলধন অপেক্ষা এক বৎসরের আয় অধিক। মহীশূর রাজ্যের আয় পূর্বোক্ত মূলধন অপেক্ষা অধিক হইলেও এবং রাজকোষে উদ্ধৃত অর্থ থাকিলেও, এত টাকা একেবারে বাহির করা অসম্ভব। কিন্তু কথা হইতেছে এই যে, সরকার অনায়াসে ৩ বা ৪টি খনি ঢালাইতে পারেন। এই প্রকারে অচিরেই সমস্ত খনিগুলি ঢালাইবার ক্ষমতা হইবে। মহীশূর-রাজ নিঃস্ব নহেন। কেন না, তাহা হইলে কাবেরী বাঁধিবার প্রস্তাবে হাত দিতেন না; ইহাতে ব্যয় হইয়াছে কোটি টাকার উপর। ইঁহারা আরও কত শত বড়-বড় ব্যাপারে

ইস্তফেপ করিয়াছেন। রাজ্যের এমন সুন্দর বন্দোবস্ত এবং বিভাগীয় কর্মচারী এমন অভিজ্ঞ যে, ভারতের অধিকাংশ রাজ্যে যখন আয় অপেক্ষা ব্যয় অধিক, এমন কি ব্রিটিশগবর্ণ-মেন্টেরও যখন এই অবস্থা, তখনও মহীশূর-রাজ্যে গত বৎসর ৩ লক্ষ টাকা উদ্ধৃত হইয়াছে। দেওয়ান বাহাদুর বলিয়াছেন যে, বর্ষান্তে তাঁহারা আয়ব্যয় নির্দ্ধারণ করিবার সমস্ত অনুমান করিয়াছিলেন, আয় অপেক্ষা ২২ লক্ষ টাকা অধিক ব্যয় হইবে। তাহা না হইয়া সরকারী তহবিলে টাকা উদ্ধৃত হইয়াছে। আয় হইয়াছিল ৩ কোটি ৩৩ লক্ষ টাকা, ব্যয় হইয়াছে ৩ কোটি ৩০ লক্ষ টাকা।

এই সকল কোম্পানী নির্দিষ্ট সময়ের জন্ত খনি জমা করেন; আমার বোধ হয় এই নির্দিষ্ট সময় অতীত হইবার পর জমার মেয়াদ বৃদ্ধি করা উচিত নয়। অবশ্য এ কথা বলা সহজ; কেন না, এই সকল কোম্পানীর কর্মকর্তারা বিলাতের ধনী ও সম্ভ্রান্ত ব্যক্তি; কোনও কোনও অবসর-প্রাপ্ত রেসিডেন্টও কর্মকর্তা হইয়া বিলাত হইতে খনি ঢালাইতেছেন। ইহাতে রাজসরকার বা দেওয়ান বাহাদুরের নিজের ইচ্ছা কতটা বলবতী হইবে, তাহা বিশেষ সন্দেহের বিষয়। আমার কিন্তু এসব দেখিয়া বিশেষ কষ্ট হইল। এইসব দেখিলে আমার সেই প্রসিদ্ধ গীতটির নিম্নলিখিত কথা মাত্র মনে পড়ে :—

সারা শস্ত গ্রাসে যত ছিল দেশে

দেশের লোকের ভাগ্যে খোসা, ভূষি শেষে।

ইহাতে আমাদেরই দোষ বোল আনা; আমাদের ব্যবসায় বা বিষয়বুদ্ধি আদৌ নাই, নৈতিক বলেরও অভাব। যৌথ কারবারের বিষয় না জানিলে এ সব কখনই কার্যে পরিণত করা যাইবে না।

পূর্বে যে ১০টি খনির কথা * বলিলাম, তাহাদের মধ্যে একটি ভিন্ন সমস্তগুলিই বিলাতী। দেশী কোম্পানীর পরিচালিত খনিটির নাম Ahmed's Block। ইহার পরিচালক নিজামরাজ্যস্থ দুইজন মুসলমান। স্বল্প লইয়া ইহাদের মধ্যে বিবাদ চলিতেছিল বলিয়া সমস্ত কার্য স্থগিত দেখিলাম। কোম্পানীটি বিলুপ্ত হইয়াছে বলিলেও চলে; ইতোমধ্যে খনিটিও জলে প্রায় পূর্ণ হইয়া গিয়াছে। আর

* আমি যে সময় অর্থাৎ ১৯১৫ অব্দে মহীশূর যাই, সেই সময়েই আমার মন্তব্যগুলি প্রযোজ্য।

একটি খনির নাম বেটারায়স্বামি ব্লক বা Betarayaswamy Block। ইহার মালিক পল্. নাইট এবং রবার্ট নাইট।

পূর্বেই বলিয়াছি যে, এই সকল কোম্পানীর মূলধন বিদেশ হইতে প্রাপ্ত, কর্মকর্তা বিদেশী; খনিগুলি বাহারিা চালাইতেছেন সেই সকল এঞ্জিনিয়ারও যুরোপীয়। প্রস্-পেটিং বা পরীক্ষা কার্যের জন্ত ২।১ জন দেশী ভদ্রলোক জমা লইয়াছেন; ইহাদের একজনের নাম মিঃ ডি, শ্রামরাও।

কোলার হইতে কয়েক মাইল দূরে কাবেরী নদীতীরে শিবসমুদ্রম্ নামক গ্রাম হইতে কোলারের খনিসমূহের জন্ত বৈদ্যুতিক শক্তি প্রেরণ করা হয়। ইহার জন্ত রাজ-সরকার হইতে ফি বা মূল্য আদায় করা হয়, বৈদ্যুতিক শক্তি সরবরাহ করা খনিগুলি জমা দেওয়ার চুক্তিগুলির মধ্যে অন্ততম। শিবসমুদ্রমে কাবেরীর রুদ্ধ জলপ্রবাহ দ্বারা টারবাইন্ নামক “জলচক্র” যন্ত্র চালাইয়া ডাইনামো নামক তাড়িতশক্তি জননকারী যন্ত্রের দ্বারা বৈদ্যুতিকশক্তি উৎপন্ন করা হয়। আমি যে সময় কোলারের খনি দর্শন করিতে গিয়াছিলাম সে সময় তথায় ৮৩টি মোটর চলিত; ৭০টি দ্বারা আলোক উৎপাদন, যন্ত্রগালন প্রভৃতি কার্য এবং অবশিষ্ট ১৩টি দ্বারা খনির উত্তোলন প্রভৃতি কার্য নিষ্পন্ন হইত। ইহার জন্ত যে শক্তি ব্যয়িত হইত তাহার পরিমাণ ৫৩০৯ হর্স পাওয়ার বা অশ্ববল, এবং ইহার জন্ত যে বৈদ্যুতিক শক্তি ক্রীত হইত তাহার পরিমাণ ৪৯৫১৩১৯ মাত্রা বা বোর্ড অফ্ ট্রেড ইউনিট। কাবেরী নদীর বাঁধ বা ড্যামের (Dam) কার্য তখনও শেষ হয় নাই বলিয়া শিবসমুদ্রমে মার্চ হইতে জুনমাসের মধ্যে যথেষ্ট জলপ্রবাহ পাওয়া যাইত না; এইজন্ত পর্যাপ্ত পরিমাণ তড়িৎশক্তিও উৎপন্ন করা যাইত না। ১৯১৪ অব্দের এপ্রিল মাসে কোলার খনিতে শিবসমুদ্রম্ হইতে যে শক্তি পাওয়া গিয়াছিল তাহাতে দুই সহস্রের অধিক হর্স পাওয়ার (2000 H. P.) বল উৎপন্ন করিতে পারা যায় নাই। কাবেরীর বাঁধ কার্য শেষ হইবার, পূর্বেই শিবসমুদ্রম্ হইতে প্রায় ৯,০০০ হর্স পাওয়ার উৎপাদনকারী বৈদ্যুতিক শক্তি পাওয়া গিয়াছে। এখন ইহা অপেক্ষা অনেক অধিক শক্তি পাওয়া যায়; তাহার পরিমাণ আমি অবগত নহি।

রাজসরকার কোলার স্বর্ণখনিতে বৈদ্যুতিক শক্তি

সরবরাহ করার জন্ত মাত্রা বা unit প্রতি গড়ে ৬ পয়সা লইতেন; এখন বোধ হয় ইহা অপেক্ষা অনেক অল্প কি লয়েন। কলিকাতায় এক্ষণে মাত্রা প্রতি ৪ আনা লওয়া হয়। আমার যতদূর স্মরণ আছে—১৯১৫ অব্দে কলিকাতায় আলো ও পাথর জন্ত মাত্রা বা unit প্রতি যথাক্রমে ৮ ও ৪ আনা লওয়া হইত। অবশ্য যথাসময়ে মূল্য দিলে উপরিকথিত হারের সিকি অংশ হ্রাস (rebate) করিয়া দেওয়া হইত।

এখানে বলিয়া রাখি যে ১৯১৫ অব্দে মহীশূরস্থ ব্যাঙ্গালোর নগরে বৈদ্যুতিক মাত্রার মূল্য দশ পয়সা ধার্য ছিল। উপরিলিখিত হারে গণনা করিয়া দেখিলে বুঝা যায় যে, মহীশূর রাজসরকার কোলার স্বর্ণখনিতে বৈদ্যুতিক শক্তি সরবরাহ করার জন্ত সাড়ে চারি লক্ষ টাকার অধিক আদায় করিয়াছেন।

আমি যে সময় কোলারে যাই সে সময় প্রায় ২৬ হাজার লোক খনি খনন, প্রস্তুরোত্তোলন ইত্যাদি ব্যাপারে নিযুক্ত ছিল। ইহাদের মধ্যে ৫২৫ জন যুরোপীয়, ৩৩৬ জন এ দেশী ফিরিঙ্গী এবং অবশিষ্ট সমস্ত লোক এ দেশবাসী। এই ২৬ হাজার লোকের মধ্যে ১৫ হাজার লোক খনির মধ্যে কার্য করে, এবং অবশিষ্ট লোকেরা খনির উপরে বা Surface workএ নিযুক্ত। এতগুলি লোকের মধ্যে প্রায় ২৫০ জন লোক প্রত্যেক বৎসর গুরুতরভাবে আহত হইয়া বিকলাঙ্গ হইয়া যায়; প্রায় ৫০ জন লোক মৃত্যুমুখে পতিত হয়। আমি হিসাব করিয়া দেখিয়াছি যে, প্রত্যেক বার সহস্র লোকের মধ্যে ১০ জন গুরুতরভাবে আহত হয়। খনিতে পাথর কাটবার সময় প্রস্তুর পড়িয়া অনেকে আহত হয়। খনির মধ্যে অবরুদ্ধ বায়ুর আকস্মিক প্রসারণে প্রস্তুর ভাঙ্গিয়া খননকারীদিগের উপর পতিত হয়; ইহাতে সময় সময় তাহারা যে গুরু আহত হয় এমন নহে, অনেক সময় প্রস্তুরখণ্ডে প্রোথিত হইয়া অনেকে জীবন্ত সমাধি লাভ করে। বিস্ফোরক বা explosive ব্যবহার করিবার সময়ও এই প্রকার বহু দুর্ঘটনা ঘটে।

১৯১৩ অব্দের মাঝামাঝি এড্গার শ্যাফট (Edgar Shaft) নামক খনিতে এক বিষম দুর্ঘটনা ঘটয়াছিল। এই খনিতেই আমরা নামিয়াছিলাম, সে কথা বলিয়াছি। দুর্ঘটনাটি কিরূপে ঘটয়াছিল তাহার সংক্ষিপ্ত বিবরণ এ স্থলে অপ্রাসঙ্গিক হইবে না। খাদে কি করিয়া নামা হয়, তাহার

কথা আমি সংক্ষেপে বর্ণনা করিয়াছি। মহুষ্যবাহী বাস্ক বা খাঁচার সহিত যে লোহার দড়ি বাঁধা থাকে, তাহা একটা ২০ ফিট ব্যাসযুক্ত কাটিম বা reelএ জড়ান থাকে। এঞ্জিনের সাফটের (Shaft) সহিত যুক্ত একটি লৌহচক্রের সহিত ক্লাচ (clutch) দ্বারা এই কাটিমটির সংযোগ আছে। ক্লাচের পিন্টি কোন অজ্ঞাত কারণে ভাঙ্গিয়া যাওয়ায় কাটিমটি ইঞ্জিন সাফট বা পূর্বোক্ত লৌহচক্র হইতে বিচ্যুত হয়। এই ক্লাচের সাহায্যে কাটিমটাকে যথেষ্টভাবে নিয়ন্ত্রিত করা যাইতে পারে, অর্থাৎ ইহার গতির হ্রাসবৃদ্ধি বা গতিরোধ করা যাইতে পারে। ক্লাচ ভাঙ্গিয়া যাওয়ায় ব্রেক কমা সত্ত্বেও কাটিমটার গতিরোধ করিতে পারা যায় নাই। এই খাঁচাটি সবেগে নীচে পড়িয়া যায়। ইহাতে অনেকগুলি লোক মৃত্যুমুখে পতিত হয়।

২২টি লোক লইয়া একটি দ্বিতলযুক্ত খাঁচা বা বাস্ক প্রায় ১০০ ফিট নামিবার পর ক্লাচের পিন্টি ভাঙ্গিয়া যায়। এঞ্জিনচালক ব্রেক কসিতে থাকেন ও এঞ্জিন থামাইবার জন্ত ইহার স্টিম আসা বন্ধ করিয়া দেন; তাহাতেও কাটিম থামাইতে পারা যায় নাই। যখন এই ঘটনা ঘটে তখন খাঁচাটি মিনিটে ১২০০ ফিট বা ঘণ্টায় ১৪ মাইল বেগে নামিতেছিল। এত জোরে ব্রেক কমা হইয়াছিল যে, ঘর্ষণে ব্রেকের গাত্রস্থিত কাষ্ঠ দগ্ধ হইয়া এঞ্জিন ঘরটি ধূমে পূর্ণ হইয়া গিয়াছিল;

তথাপি কাটিমের গতিরোধ করিতে পারা যায় নাই। যে খাঁচাটি লোক লইয়া উপরে উঠিতেছিল, তাহার কাটিমটির গতিরোধ করিতে পারা গেল, কিন্তু যে কাটিম হইতে খাঁচাটি নামিতেছিল, তাহার গতিরোধ করিতে পারা গেল না। খাঁচাটি প্রায় সাত্টি দ্বিসহস্র ফিট যাইয়া সবেগে তলদেশে পতিত হইল ও মুহূর্তের মধ্যে ৪২ জনেরই মৃত্যু হইল। এই ৪২ জনের মধ্যে ৬ জন ইটালি দেশবাসী, ২ জন দেশী ফিরিঙ্গি ও ৩৪ জন এদেশবাসী।

এই দুর্ঘটনার কারণ অনুসন্ধান করিবার জন্ত গবর্নমেন্ট ৪ জন সভ্য লইয়া একটি কমিটি নিযুক্ত করেন; তাহার সভাপতি হইলেন মাদ্রাজ হাইকোর্টের জজ ওয়ালেস সাহেব। এই চারিজনের মধ্যে দেশী লোক ১ জন; ইনি মহীশূর রাজ্যের ইন্সপেক্টর জেনারেল অফ পোলিস। এই কমিটির রিপোর্ট আমি পাঠ করিয়াছি। কমিসন-কমিটিতে যাহা হইয়া থাকে তাহাই হইল, অর্থাৎ কোন কারণই নির্ধারণ করিতে পারা যায় নাই; তবে ভবিষ্যতে যাহাতে দুর্ঘটনার আশঙ্কা না থাকে তাহার কতকগুলি উপায় নির্ধারিত হইল। *

* এই প্রস্তাবের লেখক সোদরোপম মেহতাজন মনোমোহনের অকালে পরলোক গমনের জন্ত প্রস্তাবটি অসম্পূর্ণ ভাবেই প্রকাশিত হইল; মনোমোহনের অভাব বড়ই অনুভূত হইল।—ভারতবর্ষ সম্পাদক

জীবনের নিত্য-শ্রোতে

শ্রীভূপতি চৌধুরী..

কোনো উপায় ছিল না বলে পাঁচটা পয়সা খরচ করে টোমে চড়ে হয়েছিল। হেঁটে-হেঁটে পায়ে ফোঁকা উঠেছিল। সেই কোথা কমলাঘাট, আর কোথায় শ্রামবাজার, তার ওপর সারাদিন চীনবাজারে টো টো করে ঘোরা।

কিন্তু টোমে চড়েই ভাবেতে হয়েছিল, এ পয়সা কটা কেমন করে উম্মুল করা যায়। যত রকমের কচ্ছসাধন হতে পারে, নিজের সম্বন্ধে তার সবরকম ভেবেও কোনো

উপায় দেখা গেল না। টিফিনের বালাই নেই, কোনো রকম নেশারও দাস্তব করি না। প্রাণে কোনো সখের আকাঙ্ক্ষাও পোষণ করি না, তবে কেমন কবে এ অস্থায় খরচের দাবী মিটবে?

মানুষের চিন্তা না কি স্বয়ংক্রিয়, তাই দেখি, সময়ের ফাঁক পেলেই আর বিশ্রাম নেই। যতক্ষণ টোমে বসে ছিলাম, ততক্ষণই যত রাজ্যের চিন্তা মনটাকে ছেয়ে ফেলেছিল।

ট্রাম থেকে নামতেই দেখা—রাখালবাবুর সঙ্গে। আমাদেরই আপিসের কেরানী, আমারই সমান মাইনে পান। জিজ্ঞাসা করলেন—কি দাদা, ট্রামে যে!

বললুম—পায় ফোঁসকা উঠেছে।

—ও, আমি বলি, কোথা থেকে আল-টপ্কাটা পেলেন বুঝি। নইলে কেরানীর প্রাণে সখ। রাখালবাবু নিজের কথায় নিজেই হেসে উঠলেন। হাসি খামলে বললেন—তাই নয় কি ভাই?

রাখালবাবুর কথায় ঘাড় নেড়ে সাঙ্গ দিলুম।

বাড়ী ফিরতেই প্রতিদিনকার মতো খোকা কলরব করে উঠল। স্ত্রী তার কর্মশ্রাস্ত মুখশ্রীতে একটা হাসির আবরণ টেনে এসে দাঁড়াল।

খোকা আনন্দ করে একটা কিছু প্রত্যাশায় হাত বাড়াল। কোনো দিন ত কিছু দিতে পারি না। তবুও প্রত্যাশাই পকেট হাতে বলি—কিছু নেই। খোকা হাত ঘুরিয়ে বলে—নেই, নেই। আজও অভ্যাসমতো পকেটে হাত দিয়ে দেখি। ট্রামের টিকিটখানি,—খোকার হাতে দিলাম। খোকান অত্যন্ত মনোযোগের সঙ্গে গাল ফুলিয়ে দেখতে লাগল—এটা খাবার কি না।

স্ত্রী আমার আটপৌরে কাপড়খানি এগিয়ে দিতে গিয়ে ট্রামের টিকিট দেখে প্রশ্ন করলে—শরীরটা কি ভাল নেই? ট্রামে এলে যে?

কথাটার একটু হাসি এল, যেন ট্রামে চড়া ব্যাপারটা একটা অসাধারণ কিছু। অবশ্য ব্যাপারটা অসাধারণ নয়, কিন্তু কেরানীর পক্ষে বটে! এই নিয়ে ছ'বার। রাখালবাবু আর স্ত্রী, দুয়ের একই প্রশ্ন! যাক। শুধু বললুম—পায় ফোঁসকা পড়ল বলে ট্রামে এলাম।

স্ত্রীর মুখের হাসি ফিরে এল। বললে—ট্রামের টিকিট দেখে আমার ত ভয়ে বুক শুকিয়ে গেছল। ট্রামে এসেছ বেশ করেছ,—তবু যা হোক সকাল সকাল ঘরে ফিরেছ ত।

হেসে বললুম—একেই বলে শাপে বর। কিন্তু পাঁচটা পয়সা খরচ না করে ত হাতে করে জুতোটা নিয়ে আসতে পারতুম। এখন এই বাজে খরচের—

আমাকে বাধা দিয়ে স্ত্রী বললে—ভারী কটা পয়সা খরচ করে ফেলেছ নিজের জন্তে, তার জন্তে তোমায় অত ভাবতে হবে না।—

স্ত্রীর কটাক্ষের স্নেহ ও প্রেমের উৎস আমাকে সিক্ত করে দিল। কতখানি অস্তর দিয়ে সে আমার ব্যথা বোঝে।—

একটা আনন্দে আমার হৃদয় ভরে গেল। হেসে বললুম—যে কটা টাকা পাই, তার মধ্যে ত বাজে খরচের জন্তে কিছু থাকে না। কাজেই একটা বাড়তি খরচ হয়ে গেলে, তার জন্তে একটু ভাবতে হয় বৈকি।

—তোমার জন্তে খরচটাকে বাড়তি খরচ বোল না। ধর, যদি পাঁচ পয়সার খোকনের জন্তে অযুধই আনতে হত। বলতে নেই—খোকনটা আমার এত বড় হয়েছে, কিন্তু কোনো দিন এক পয়সার ডাক্তার-বড়ি খরচ তার জন্তে হয়নি।—

এতখানি বলেই হঠাৎ স্ত্রীর মনে পড়ল—আজ খোকার জন্ম-বার—তার উৎসাহ-উজ্জ্বল মুখখানি তখনই যেন ম্লান হয়ে গেল। তাড়াতাড়ি সে খোকনকে তার বুক টেনে মাতৃ-স্নেহাশীর্ষাদের অক্ষয় কবচে তাকে ধিরে দিলে।

কিন্তু তবুও সে যেন তৃপ্ত হন না। একটা অস্বাচ্ছন্দ্যের ছোঁয়াচে সে যেন চঞ্চল হয়ে উঠল। আমি আমার পায়ের দিকে তাকিয়ে বললুম—ফোঁসকাটা কিন্তু ছিঁড়ে গেছে।

স্ত্রী একরকম জোর করে তার চিন্তাধারা থেকে নিজেকে বিচ্ছিন্ন করে নিয়ে বললে—ছিঁড়ে গেছে? আর খুঁটো না, যা হয়ে যেতে পারে। আমি পরিষ্কার নেকড়ার ফালি এনে দিচ্ছি, বেঁধে রাখ।

পায়ের নেকড়ার ফালি বাঁধতে গিয়ে ফোঁসকার অবস্থা দেখে সে বললে—এত বড় ফোঁসকাটা ছিঁড়ে গেল! সমস্ত পা-টা কী রকম গরম হয়েছে!

তাচ্ছিল্যের সুরে বললুম—ও কিছু নয়!

স্ত্রী তার উচ্ছ্বসিত বেদনাকে সংযত করে বললে—নিজের বেলায় সব তাতেই তোমার উড়িয়ে দেওয়া। এ আমার ভাল লাগে না। আমাদের—

স্ত্রী প্রায় কেঁদে ফেলবার যোগাড় করেছিল। মনের সমস্ত রস ত একেবারে শুকিয়ে যায় নি। ভাই স্ত্রীকে টেনে নিয়ে বললুম—পাগলীর মতো এ আবার কি? এই বড়ো বয়সে আর কি এ সবেদিন আছে?—কথাটা শেষ করে নিজের মনে নিজেই হেসে উঠলুম। বয়স যাই হোক, মনে যেন কেমন পাক ধরেছিল। তাই কোনো আবেগের তীব্রতা আর অনুভব কর্তে পারি না।

স্ত্রী তাড়াতাড়ি নিজেকে সংযত করে নিল। তার পর কথার সুর ঘুরিয়ে বললে—আজ বুঝি বড় ঘুরেছে। ভারী ক্লান্ত দেখাচ্ছে।—

ঘোরা, হাঁ ঘোরার ত কামাই কোনো দিন নেই, এর শেষও নেই,—এর মধ্যে ক্লান্ত হলে চলবে কেন? কথার সুরে নৈরাশ্রের বেদনা যেন আপনাই বেজে উঠল।

হ্যাঁ—তোমার যত সব—কী যে ছাইভস্ম বকো!—স্ত্রীর কথাগুলো কত অকিঞ্চিৎকর, কিন্তু কত মিত্ব!

সারাদিনের কর্মক্লান্ত শ্রান্তিতে বললুম—খাবার হল কি?

ওমা—বলে নিজেই অপ্রতিভ হয়ে স্ত্রী তাড়াতাড়ি উঠে পড়ল। তার পর আমাকে নিমিত্তের ভাগী করে বললে—এ কথাটা এতক্ষণ মনে করিয়ে দিতে নেই?

খোকাকে নিয়েই স্ত্রী যাচ্ছিল। বললুম—খোকাকে দিয়ে যাও, নইলে কাজ করার অসুবিধে হবে যে।

না, না, এই সবে আপিস থেকে হা-ক্লান্ত হয়ে এলে। খোকাটা এখন খালি বিরক্ত করবে। তুমি একটু ব'স। আমরা মায়ের-পোয়ে চট করে সব তৈরি করে আনছি।

খোকাকে নিয়েই স্ত্রী চলে গেল।

পরের দিন, সকাল বেলা। ঘুম ভেঙেছিল, কিন্তু তখনও বিছানা ছেড়ে উঠি নি। এটুকু বিলাস এখনও বাকী ছিল।

স্ত্রী বিছানা তুলতে এসেছিল; আমাকে তখনও শুয়ে থাকতে দেখে জিজ্ঞাসা করলে—মশারীটা তুলে দিয়ে যাবো কি?

বালিশের তলা থেকে ঘড়িটা বার করে দেখলাম—তখন প্রায় সাতটা বাজে।

তাড়াতাড়ি উঠে বললাম—বাজারের পয়সা দাও!

মশারী তুলতে তুলতে স্ত্রী বললে—বাজারের পয়সা আমার আঁচলেই বাঁধা আছে। তুমি মুখ ধুয়ে এসো। হ্যাঁ, খোকার গাটা একবার দেখো ত, কেমন যেন ছাঁক ছাঁক করছে মনে হল।

খোকা মাহুরে বসে খেলা করছিল। ছিন্ন ফ্রকটা তুলে গায়ে হাত দিলাম। কিছু মনে হল না। বললাম—না, কই, গা ত' গরম মনে হচ্ছে না।

'তা হবে; আমি তখন জলের হাতে দেখেছিলুম।

আমাকে এই ভাবে স্তোক দিয়েও সে নিজেই একবার খোকার গায়ে হাত দিয়ে দেখলে। একটা সংশয়ের ছায়াপাতে, মনে হল, যেন তার মুখ অন্ধকার হয়ে উঠল। কিন্তু তখন ওদিকে নজর দেবার মতো সময় ছিল না। তাড়াতাড়ি পয়সা নিয়ে বাজারে চলে গেলাম।

সকালের বাকী সময়টুকু আর কিছু দেখবার অবসর থাকে না। কোনো রকমে সেদিনের বাজার সেরে, নাকে-মুখে ছুটা অন্ন গুঁজে আপিসে যেতে হয়। কিন্তু আমার এই অনবসর সময়টুকুর মধ্যেও একটা জিনিষ আমার চোখ এড়াল না।

রান্নাঘরে চড়া আঁচে কড়ার ওপর কি একটা ভাজা হচ্ছিল। খোকা সেই রান্নাঘরের কোণে একটা ছেঁড়া মাহুরে বসে কুটনোর খোসা নিয়ে খেলা করছিল। হঠাৎ কি কারণে খোকা কেঁদে উঠল। স্ত্রী তাড়াতাড়ি কড়া নামিয়ে খোকাকে শাস্ত করতে ছুটে এল। খোকা একবার তার মাকে জড়িয়ে ধরল।

'কী হয়েছে খোকন আমার! ছিঃ, এখন কাঁদতে নেই' বলে কুটনোর থালা থেকে এক টুকরো আলু খোকার খেলার রাজস্ব ফেলে তাকে সম্বন্ধ করে সে আবার তাড়াতাড়ি তার কাজে ফিরে গেল। ইতিমধ্যে খোকাকে শাস্ত করার ছলে, তার গায়ে মাথায় হাত বুলিয়ে তার সংশয়ের মীমাংসা করতে ভুলল না।

আমিও একবার তাড়াতাড়ি খোকার গায়ে হাত দিয়ে দেখলাম। সময়ও আর বেশী নাই। স্ত্রী আমাকে জানিয়ে দিলে—না, ও কিছু নয়। আমারই ভুল; এখন ত বেশ ঘাম হচ্ছে।

স্ত্রীর কথায় সাঙ্গ দিলাম। মনকে যাহোক একটা প্রবোধ ত' দিতে হবে। তার পর আপিস, নিত্য-কর্ম।

সারাদিন স্ত্রীর কেমন করে কেটেছিল জানি না, কিন্তু আমার কথা?

বাঙালী, ধারা ভদ্রলোকের উপযোগী অল্প মাহিনার দাসত্বের শৃঙ্খলে নিজেদের বন্দী করে রাখেন, তাঁদের হৃদয়-বৃত্তি বলে জিনিষটাকে আপিসের বন্দীশালার দরজার বাহিরে রেখে আসতে হয়। ও জিনিষটা আপিসের মধ্যে শুধু যে অদরকারী তা নয়,—অনিষ্টকর।

এমন অনিষ্টকর জিনিষ নিয়ে কাজ করা অসম্ভব। কী

জানি কখন হৃদয়হীনতা ও অবিচারের আঘাতে সে উত্তেজিত হয়ে নিজের আঁখেরই খুইয়ে বসে।

যখন বড় বাবুকে গিয়ে বললাম—সার, আজ একটু সকাল সকাল ছুটি পাব কি? বাড়ীতে খোকার অসুখ দেখে এসেছি।

বড়বাবু ধমক দিয়ে বললেন—তোমাদের বাপু খালি ছুটি নেবার ফন্দি। একটা না একটা অছিল আছেই। আর সে সব অছিল এমন যে মাহুষ তাতে ছুটি না দিয়ে পারে না।—তোমরা বাপু সকাল সকাল পালাও, আর তার হাঁপা সাম্লাতে হয় আমাকে—কাঁহাতক আমি সাম্লাই বল ত?—

বড় বাবুর বক্তৃতা হয়ত প্রায় শেষ হ'য়ে এসেছিল, কিন্তু আমি তা শেষ হবার পূর্বেই মূহুর্তে বললুম—কিন্তু সার—

—আচ্ছা তুমি যাও এখন, একটু পরে জানাব। বড়বাবু বড় সায়েবের ঘরের দিকে চললেন। আমি ফিরে এলাম নিজের কাজে।

একটু পরে জবাব এল। পিয়নের হাতে একটা প্লিপে বড় বাবুর হুকুম—সকাল সকাল যেতে পার, কিন্তু তার আগে এই সঙ্গের 'ফাইল' শেষ করে যাওয়া চাই। পিয়ন একটা মাঝারি গোছের ফাইল আর প্লিপটা আমায় দিয়ে গেল।

একটু ভেবে দেখলাম—সকাল সকাল যাওয়া সম্ভব কি না। সম্ভব অসম্ভব ভেবে লাভ নেই; 'ফাইল' ত আগে শেষ কর্তে হবে।—

বাড়ী ফিরে দেখি—সুশী উদ্বেগব্যাকুল চিত্তে আমার অপেক্ষা কচ্ছে। আমাকে দেখে একটা স্বস্তির নিঃশ্বাস ছেড়ে বললে—এসো, আমি বড় ভাবছিলাম। এত দেরী হল যে?

তার এ অভ্যর্থনার মধ্যে আন্তরিকতা ছিল, ছিল না আনন্দ। চোখে তার সে কী নির্ভরতা।

তার কথার উত্তরে হাসির বেদনায় বুক টনটন করে উঠল। কপালে আঙুল দিয়ে বললাম—আজই বেশী কাজ পড়ে গেল। খোকা কেমন আছে?

খোকার সামান্যই জ্বর হয়েছে; এখন ঘুমচ্ছে। সুশীর কথার মধ্যে সাস্থনা দেবার চেষ্টা ছিল, কিন্তু সে চেষ্টা তার স্বার্থ হল।

বললাম—তাই ত; খোকাটার জ্বর হল—

'জ্বর হয়েছে, ছেড়ে যাবে'খন্, অত ভাববার কী আছে? জ্বর ত বেশী হয়নি, গাটা একটু গরম হয়েছে মাত্র—'

খোকার গায়ে হাত দিয়ে দেখলাম। না, জ্বর বেশী নয়। সুশীকে জিজ্ঞাসা করলাম—সদি নেই ত।

না—সুশীর স্বর শুষ্ক।

একটু স্তব্ধতার পর সুশী বললে—কথায় যে বলে মা না ডাইনী—মা'র কথা ছেলের স'য় না। কালই বলছিলুম না, যে খোকার আমার অসুখ বিস্ময়ের বালাই নেই।

মাতৃ-হৃদয়ের ব্যথার কতখানি সাস্থনা ও ষিকার এই কথা ক'টার মধ্যে লুকানো!

সে রাত খোকা বেশ শান্ত ভাবেই ঘুমিয়েছিল, কিন্তু ঘুম ছিল না খোকার মায়ের। ঘুমোবার ভান করে সে যে শুয়েছিল এ আমি স্পষ্ট বুঝতে পারছিলাম তার শোবার ভঙ্গীর আড়ষ্টতা দেখে। সারারাত সে এই ভাবেই কাটিয়েছিল, অথচ এই সুশী এত ঘুম-কাতুরে ছিল যে, এজ্ঞে অনেক সময় আমিই বিরক্ত হ'য়ে উঠতুম। কিন্তু খোকা আসবার পর থেকে এ বিষয়ে সুশীর কী আশ্চর্য্য পরিবর্তন ঘটেছিল।

প্রভাতে ঘুমন্ত খোকাকে আমার কাছে রেখে সারারাত্রি অনিদ্রার কলঙ্ক প্রাতঃস্নানের প্রলেপে মুছে ফেলবার ব্যর্থ চেষ্টা ক'রে সুশী তার দৈনন্দিন কাজ শুরু করে দিল।


ভাবছিলুম সুশীর কথা। কী অশ্রান্ত কর্মকুশলতা। হয়ত এটা অসাধারণ কিছু নয়, কিন্তু তবুও সুশীর এই কর্ম-কুশলতায় তার প্রাণসায় আমার ম ভরে উঠল।

খোকা জেগে' কেঁদে উঠল।

আমি খোকাকে শান্ত করবার প্রয়াস পেতে না পেতে সুশী এসে, তাকে নিজের বুকে তুলে নিয়ে স্নেহচুম্বন বর্ষণে অভিযুক্ত করে দিল। তার পর বললে—দেখ, খোকার গাটা এখনও ত ঠাণ্ডা হ'ল না। একটু অমৃদু বিষুদ দিলে হত না?

হ্যাঁ, আচ্ছা দাও দেখি খোকাকে, পাশের বাড়ীর কবিরাজকে নয় দেখিয়ে আনি।

আঁচল দিয়ে মুখ মুছিয়ে সে তাকে আমার কোলে তুলে দিল। তারপর কি মনে করে খোকার হাতের একটা আঙুল কামড়ে দিয়ে বললে—তোমার জানা কেউ ডাক্তার নেই?



বাড়

শিল্পী—শ্রীযুক্ত চারুচন্দ্র সেনগুপ্ত

Bharatvarsha Halftone & Printing Works.

—জানা ডাক্তার আছে, একটু দূরে, সেখানে। তখোকাকে নিয়ে যাওয়া চলবে না। আজ আপিস থেকে ফেরবার পথে নয় তাকে একবার বলে আসব। এখন তবু কবিরাজ মশায়কেই দেখিয়ে আসি। দেখি কি বলে!

সুশী আর দ্বিকল্পিত করলে না।

কবিরাজ খোকাকে বেশ যত্ন করেই দেখলেন। বললেন—হুঁ, নাড়ীটা কিছু চঞ্চল বটে, কিন্তু কোনো জটিলতা নেই। জ্বর হয়েছে আজ ক'দিন?

—কাল সকাল থেকে। একই ভাবে জ্বর রয়েছে, কমেও নি, বাড়েও নি।

—হুঁ, তা উপস্থিত চিন্তার কোনো কারণ নেই। [তবে কি না কাল—অর্থাৎ ষষ্ঠীতে জ্বর হয়েছে, একটু ভোগাবে এই যা—

ফিরে এসে সুশীকে প্রশ্ন করলাম—খোকার জ্বর হয়েছে কবে থেকে? কাল সকাল থেকে, না পরশু রাত্তিরেই টের পেয়েছিলে?

সুশী উৎসুক চিত্তে জিজ্ঞাসা করলে—কেন বল ত।—কই রাত্তিরে তত বুঝতে পারিনি। সকালে খোকাকে দুধ খাওয়াতে গিয়ে মনে হ'ল যেন গা'টা একটু বল্ বল্ কচ্ছে।

ভেবেছিলুম, ষষ্ঠীর দিনের কথা বলব না। কিন্তু না বলেও পারলুম না। সুশীকে শান্ত করতে গিয়ে বলে ফেললুম—কবুরেজ মশায় বললেন—চিন্তার কিছু নেই। তবে—'ষষ্ঠী'তে জ্বর হয়েছে, সারাতে একটু সময় নেবে।

সুশীর চোখের দীপ্তি যেন একেবারে নিভে গেল। মুখে রক্ত-হীনতার বিবর্ণতা অত্যন্ত স্পষ্ট হয়ে উঠল। সুশী নিজেকে সংযত করে নেবার পূর্বেই, অবিশ্বাসের হাসি হেসে বললাম—ও 'ষষ্ঠী' তিথি কিছু না। তবে এখন হাওয়া বদলাবার সময়, একটু সাবধান হওয়া ভাল।

সুশী কোন কথা বললে না। শুধু আপিসে যাবার সময় একবার জানিয়ে দিল—ফেরবার পথে, তোমার জানা ডাক্তারকে যদি পার ত খোকার কথা জানিয়ে এস।

তিথি বা ক্ষণ আমি বিশ্বাসই করি না। তবু কথাটা শুনে মনটা যেন কেমন ছলে ওঠে। তিথি বা ক্ষণের প্রকোপে কী শুভাশুভ ঘটনা আমার জানা আছে তার তালিকা মনের মধ্যে ভেসে ওঠে।

সারাদিন এই ভাবেই কাটিয়ে একটু তাড়াতাড়ি বাড়ী

ফিরলাম। আজ আর ভাল লাগছিল না। মন এত দ্রুত যেতে চায়, যে তত দ্রুত চলা অসম্ভব। হিসাব না করেই ট্রামে চড়লাম।

পথে ডাক্তার বন্ধুর খোঁজ করে গেলাম। দেখা হ'ল না। বাড়ী ফেরবার জন্তে উদগ্রীব মন নিয়ে অপেক্ষা করতে পারলাম না।

খোকাকে কোলে নিয়ে সুশী বসে ছিল। আমাকে দেখে শুধু মুহূর্তেরে বললে—এসো।

সে স্বরে কতখানি ভয় ও নির্ভরতা!

আমি মুহূর্ত ভয়কম্পিত স্বরে প্রশ্ন করলাম—খোকার জ্বর কি খুব বেশী?

সুশী একবার ষাড় নেড়ে বললে—জ্বর এত যে গায়ে হাত রাখা যায় না। তার ওপর ছবার বমিও করেছে। সারা দুপুর মাথার যন্ত্রণায় বাছা আমার ছটফট করেছে।

উদগত অশ্রু রোধ করে সে সংযমের প্রতিমার মতো বসে ছিল। সুশীর এই মৌন শান্ত শৈথল্য দেখে আর স্থির থাকতে পারলাম না। আবার ডাক্তার বন্ধুর সন্ধানে বা'র হ'লাম।

বন্ধু তখন বাইরে যাবার উদ্যোগ করছিলেন। আমাকে দেখে বললেন—কি নরেন, খবর কি? মুখ এত শুকনো যে?

মুখে একটা হাসির ছলনা টেনে আনবার চেষ্টা করে বললাম—শুকনো হুবে না? সারাদিন আপিসের হাড়ভাঙা খাটুনি, তার উপর খোকার অসুখের ভাবনা।—

'খোকার অসুখ!—কী অসুখ করেছে?' একটা কৃত্রিম ঔৎসুক্যের ভাব তার মুখে।

এ ভাব লক্ষ্য করলেও উপেক্ষা করে বললাম—বড় জ্বর হয়েছে, গায়ে হাত রাখা যায় না। তার উপর আবার ছবার বমিও করেছে। একবার দেখে যাবার সুবিধে হবে কি?

—'যাওয়া'—রিষ্টেওয়াচটার দিকে লক্ষ্য করে একটু হিসাব করে সে বললে—সাঁড়ে সাতটায় থিয়েটার আরম্ভ, এখন দেখছি সাতটা কুড়ি—আর ত দেবী করা চলে না।—আচ্ছা জ্বর আর ছবার বমি করেছে।—ও কিছু নয়। ইনফ্লুয়েঞ্জা—একটা অসুখ লিখে দিচ্ছি—হু ষটী অন্তর এক দাগ। একটা গ্লিপ নিয়ে ফস্ফস্ করে সে প্রেসক্রিপশন লিখে দিল। তার পর সেটা আমার হাতে দিতে দিতে বললে—কিছু মনে

করিস নি ভাই। বড় তাড়াতাড়ি নইলে যেতুম।—আর ভাল কথা—জরের ওপর ছুটুৎ যেন দিস নি। একটা এলেনবেরীস্ ফুড নম্বর ওয়ান নিয়ে যাস্। হ্যাঁ, আর কাল সকালে খবর দিস্ কেমন থাকে।

কোনো রকমে শিষ্টাচারের গণ্ডী ঠিক রেখে ঘাড় নেড়ে এই অপমানবরণ গ্রহণ কর্তে হ'ল।

কিন্তু এইবার!

হাত পাতলেই পাব, এমন কোনো বন্ধুর নাম আমার মনেই এল না। তবুও অনেক আশায় নিজেকে সংযত করে, এক বন্ধুর উদ্দেশে পাড়ি দিলাম। কিন্তু তত দূরও যেতে হল না। প্রায় মোটর চাপা পড়তে পড়তে বেঁচে গেলাম। আর সেই মোটর থেকে নেমে এলেন—রাখাল বাবু, আমাদের আপিসের কেরানী।

প্রেসক্লপসানখানা পকেটে রাখবার কথা মনেই হয়নি, সেখানা হাতেই ছিল। রাখাল বাবু বললেন—আরে ছ্যা ছ্যা, দাদা যে—কি ওখানা, প্রেসক্লপসান না কি? কার অমুখ?

সত্ত্ব বিপদ থেকে রক্ষা পেয়ে তখনও স্তম্ভ হতে পারি নি। কোনো রকমে বললাম—আমার ছেলের।

রাখাল বাবু এক রকম জোর করে আমায় তার গাড়ীতে তুলে নিয়ে বললেন—ডিস্‌পেনসারীতে ত?

অত্যন্ত মাথা ঘুরছিল। তাই ঘাড় নেড়ে বললাম—হ্যাঁ।

রাখাল বাবু ট্যাক্সিওয়ালাকে সেই মতো আদেশ দিলেন।

আমি ভাবছিলাম আমার এই নিঃসঙ্গতার কথা কেমন করে বলি। অনেক চেষ্টা করে বলতে যাচ্ছি, এমন সময় রাখালবাবু হেসে বললেন—কী, আমায় ট্যাক্সিতে দেখে ভায়ার মুখে যে আঁচনা নেই। আমি কী ট্যাক্সি চড়ি? রেস্, ভাই, রেস্। আজ বেশ কিছু মোটা রকম পাওয়া গেল। ভাললুম একটু আরাম করে নিই। দুঃখ কষ্ট ত জীবনে আছেই রে ভাই। তবে আরাম করবার যেটুকু সুযোগ পাই ছাড়ি কেন?

আমার মন আমার অবস্থাটুকু জানাবার জন্তে ব্যাকুল হয়ে উঠেছিল। কিন্তু তখন সে কথা বলা স্তম্ভ হবে কিনা ভেবে শুকস্বরে বললাম—তবে—

আমার কথা আরম্ভ না হতেই রাখালবাবু বললেন—ও তবে টবে নেই ভাই। 'নগদ' যা পাও হাত পেতে নাও' এই হচ্ছে আমার 'মটো'—

রাখালবাবুর 'মটো' জানবার জন্তে আমার বিন্দুমাত্রও আগ্রহ ছিল না। মোটরও ডিস্‌পেনসারীর কাছে এসে পড়েছিল। তখন মরিয়া হ'য়ে বলে ফেললুম—রাখালবাবু, অমুদের জন্তে কটা টাকা—

মোটর ততক্ষণে ডিস্‌পেনসারীর সামনে এসে দাঁড়াল। রাখালবাবু আমায় বাধা দিয়ে বললেন—আচ্ছা, সে সব আমি ঠিক করে দিচ্ছি। তুমি বস গাড়ীতে।

রাখালবাবু প্রেসক্লপসানখানা নিয়ে বললেন—আর কিছু?

'এলেনবেরী একটা'—

'আচ্ছা, নিয়ে আনছি।

অমুদ ও ফুড নিয়ে রাখালবাবু ফিরে এসে বললেন—এই নাও।

তারপর কি ভেবে বললেন—আচ্ছা চল, তোমার বাড়ী দেখে আসি।

ট্যাক্সিওয়ালাকে পথ বুঝিয়ে দিলাম।

রাখালবাবু খোকাকে দেখে ফেরবার সময় আমাকে ডেকে বললেন—ছিঃ ছিঃ ভায়া, আমাদের বলতে লজ্জা! নিজেদের অবস্থার কথা আমরা জানি না? যা মাইনে পাই তাতে হয়ত কোনো রকমে খাই-খরচ চলে। ব্যস্। তার বাইরে একটা খরচ এলে চক্ষু চড়কগাছ! টাকা ভারী দরকারী জিনিষ—বুঝলে।

পকেট থেকে একখানা নোট বার করে, আমার হাতে স্তম্ভে দিয়ে, রাখালবাবু তাড়াতাড়ি ট্যাক্সিতে গিয়ে উঠলেন।

রাখালবাবুকে একটা ধন্বাদ দিতে ভুলে গেলাম। এত বড় হৃদয়ের দানের প্রতিদানে শুষ্ক কথার ধন্বাদ দেবার প্রবৃত্তি তখন ছিল না।

মনটা বড় খুসী হ'য়ে উঠল। ঘরে এসে অত্যন্ত সহজ ভাবে স্তম্ভকে নোটটা দিলাম। স্তম্ভ জিজ্ঞাসু ভাবে আমার দিকে তাকাল।

আমি স্বাভাবিক ভাবে সমস্ত ব্যাপারটা বলবার চেষ্টা করলাম। ধীরভাবে সমস্ত ঘটনা শুনে স্তম্ভ নোটটা আমার দিকে দিয়ে বললে—ওঁর এই দয়ার ঋণ আমরা কোনকালে

শোধ কর্তে পারি না। কিন্তু এই জুরার টাকা ত আমার খোকার জন্তে খরচ কর্তে পারি না। এ টাকা তুমি ঠেকে ফিরিয়ে দাও।

আমি আশ্চর্য্য ভাবে স্তম্ভের দিকে তাকালাম। তারপর যুক্তি দিয়ে বোঝাতে চেষ্টা করলাম। কিন্তু কোন ফল হ'ল না। কি যে এই মেয়েদের ভাবপ্রবণতা বুঝি না।

অগত্যা আবার বার হয়ে ছলনা করে সেই টাকাই নিয়ে ফিরলাম। এবার স্তম্ভ পূর্ণ বিশ্বাসে এ টাকা গ্রহণ করলে।

স্তম্ভের এই বিশ্বাস এবারে আমাকে দোলা দিল। আমি আমার মনকে যথেষ্ট শাসন করেও এই সামান্য অশান্তির হাত এড়াতে পারলাম না। মনে হ'ল—এ টাকা ঘুরিয়ে এনে না দিলেই ভাল হত। যদি এতে খোকার ভালমন্দ একটা কিছু হয় তা' হ'লে আমার যে আপশোষের মীমা থাকবে না।

রাতে ভাল করে ঘুমাতে পারলাম না। চিন্তার দাহে সে রাত্রির অশান্তির তুলনা হয় না।

প্রভাতে উঠে দেখি, স্তম্ভের মুখের আভা ফিরে এসেছে। সে হেসে বললে—খোকার জর ছেড়ে গেছে।

আমার মন হাঁফ ছেড়ে বাঁচল। যাক্, তা হলে ও টাকা আর খোকার জন্তে খরচ কর্তে হবে না। কিন্তু কিছু বললাম না।

স্তম্ভ বললে—তুমি খোকার কাছে একটু বস; আমি ফুটটা তৈরি করে নিয়ে আসি। কাল সারাটা দিন খোকার পেটে একরত্তি জলও পড়েনি।

এক দিনের জরেই খোকা বড় দুর্বল হয়ে পড়েছিল। জেগে উঠে নিস্তেজ ভাবে শুয়ে রইল। আমাকে তার পাশে দেখে তার মুখে হাসির ক্ষণ রেখা ফুটে উঠল। আমার স্নেহ সন্তোষ সে মুদিত নেত্রে উপভোগ করলে। মনে মনে অতি আবেগে বললাম—খোকা, খোকা আমার।

খোকাকে স্তম্ভ দেখে মন আমার অনেকটা হালকা হ'য়ে গিয়েছিল। গত রাত্রির ছলনার কণ্টকটুকু তখনও তার

অস্তিত্ব ভুলতে দেয় নাই। সেটা তখনও মনের মধ্যে খচ-খচ করছিল।

স্তম্ভী খোকাকে খাইয়ে গেল। আমাকে বাজারের পয়সা বুঝিয়ে দিলে; কিন্তু টাকাটা ফেরাবার কথা মুখেও আনলে না।

ভাবনা হল কেমন করে টাকাটা চেয়ে নিই? সেদিন রবিবার, কোনো রকমে কাটিয়ে দিলাম। পরের দিন আফিসে যাবার সময় দেখি—খোকা বসে বসে খেলা করছে—তখন বেশ সাহসে একটু বুক বেঁধে স্তম্ভকে বললাম—ওগো, আর বোধ হয়, ও-দিনের নোটটায় দরকার হবে না। দেনা যত শীগগির শোধ হয় তত ভাল। ওটা ফিরিয়ে দি, কি বল।

স্তম্ভী ঘাড় নেড়ে বললে—সেই ভাল, আমিও ওই কথাই ভাবছিলাম।

স্তম্ভী নোটটা এনে দিল।

নিজের দুর্বলতা অপ্রকাশিতই র'য়ে গেল। সেজন্তে একটা স্বস্তির নিঃশ্বাস ফেললাম। কিন্তু এখন টাকাটা ফেরাই কি বলে?

আপিসে এসে প্রথমই দেখা রাখালবাবুর সঙ্গে। জিজ্ঞাসা করলেন—কি ভায়া, খোকা কেমন, ভাল ত?

ঘাড় নেড়ে বললাম—আপনাদের আশীর্বাদে ভালই আছে। তার পর পকেটে হাত দিয়ে বেশ একটু সাহস করে বললাম—দাদা, টাকাটা আর খরচ করবার দরকার হয়নি। তাই—

—ফিরিয়ে দিতে চাও। দাও। দেনা শোধ করে ফেলাই ভাল। টাকা বড় দরকারী জিনিষ। রাখালবাবু হাত বাড়িয়ে নোটটা নিয়ে পকেটে পুরলেন। তার পর আমার দিকে একটা দৃষ্টি ফেলে চলে গেলেন। কোনও কথা বললেন না।

আমার একবার, কি জানি কেন, মনে হল, রাখালবাবু কি রাগ করলেন?

আগমনী—আশীষ

শ্রীযোগেশচন্দ্র চৌধুরী এম্-এ, বি-এল, বি-সি-এস্

আশ্বিনে আজ আশীষ মাসের

মেঘ-ভাঙা ঐ নীল গগনে

ছড়িয়ে গেল— ধানের শীষে,

কাশের ক্ষেতে, কমল-বনে।

বর্ষা বিদায় মাগূল,

শরৎ হেসে জাগূল,

শতদলের অরুণ আভাস আঁধির কোণে লাগূল।

২

ইন্দ্রপুরীর পারিজাতের

পাপড়ি খসে' পড়ল কি রে ?

নন্দনেরি ভাঙ হ'তে

ঝরল সূধা ধরার তীরে ?

অশ্রু-বাদল টুটল,

খুসির কুঁড়ি ফুটল,

কেয়ার রেণু অঙ্গে মাখি' মোমাছির ছুটল।

৩

ভাঙা ঘরের আঙ্গিনাতে

শিউলী ফুলের গুঞ্জ হাসি—

ভাঙা বৃকের গোপন কোণে

আগমনীর বাজল বাঁশী।

পল্লীরাগী

শ্রীমুরলীধর গঙ্গোপাধ্যায় বি-এ

বসন্তের মুহূর্তহিলোল, থাকিয়া থাকিয়া স্নিগ্ধ পল্লীখানার বৃকের উপর শান্তির অমিয়ধারা ঢালিয়া দিতেছিল। গাছে-গাছে কোকিলের কুহুতান, ঝোপের আড়ালে দমেল, পাপিয়ার কমণীয় কণ্ঠ, চৈত্রের অপরাহ্নটিকে মনোরম করিয়া তুলিয়াছিল। বারোয়ারীতলায় ছেলের দল একটা থিয়েটারের রিহার্সেল দিতে উঠিয়া পড়িয়া লাগিয়াছিল। তাহারই অদূরে

একটা প্রাচীন বটগাছের নীচে, একটা ভাঙ্গা আটচালার ছারপোকাওয়াল তক্তপোষের উপর বসিয়া গ্রাম্যদেবতাগণ নানাবিধ পরনিন্দারূপ সদালাপে ব্যস্ত ছিলেন। তাঁহাদের গভীর গবেষণার বিষয় ছিল, কাহার স্ত্রী কি ভগ্নী দু'চরিত্রা, কাহাকে সমাজে আটক দেওয়া যায়, কাহার বাপের শ্রাদ্ধে গোয়ালাকে গোপনে ডাকিয়া জিনিস দিতে নিষেধ করিয়া

৩৩৮

হারানিধি ফিরল,

মাসের কোলে ভিড়ল,

মুর্ছা ভেঙে মৌন আশা গুঞ্জরিয়া ঘিরল।

৪

মর্শ্বতলের নিবিড় নীরে

হয় তো ছিল স্তম্ভ সাধ—

মাখায় করি' নিলাম তুলি,

জগন্মাতার আশীর্বাদ!

দিগ্বধুরা হাসল,

জমাট আঁধার নাশল,

ভরা পালে জোয়ার জলে মনের তরী ভাসল।

৫

তোমার দানের মোহন মোহে

তোমাগ্ন যেন না যাই তুলি—

দেওয়া-নেওয়ার চিত্র আঁকে

নানান্ টানে তোমার তুলি।

স্বখে অটল রহিতে,

ছুখের বোঝা বহিতে,

শক্তি দিয়ে বর্ষা-শরৎ নির্বিবকারে সহিতে!

দেওয়া যায়, ইত্যাদি। আটচালার পাশ দিয়া গ্রামের ছোট সড়ীটা, তাহার ছোট সম্পদ বৃকে লইয়া অতি সন্তর্পণে চলি-
রাছে; কারণ এখন বসন্ত, বর্ষা নহে। বটগাছের দক্ষিণ দিকে
একটা পুরাতন জীর্ণ ঘাটলা, শেওলাতে পিচ্ছিল হইয়া,
কত যুগের জীর্ণস্মৃতি আঁকড়াইয়া ধরিয়া আছে, কে
বর্ণিবে ?

একঘর বনেদী সেকলে গৃহস্থ, যেমন প্রায় প্রতি গ্রামেই
থাকে, এখানেও ছিল। এদের অতীত ইতিহাস সম্বন্ধে
এরা প্রায়ই গর্ব করিয়া বলিত—“কীর্তিনাশা যখন রাজ-
নগরের কীর্তি ধ্বংস করিয়া লইয়া যায়, তখন তাহাদেরই
পূর্বপুরুষ, রাজা রাজবল্লভের খুল্লতাতে, এইখানে আসিয়া
বসতবাটার ভিত্তি স্থাপন করেন। নবাবী আমলের
খান্দানীর ঠাট-বহর স্বরূপ, তাহাদের সদর দেউড়ীতে একটা
নহবৎ, বৈঠকখানায় দু'চারখানা মরিচাপড়া ঢাল, তলোয়ার;
আর এক জরাজীর্ণ বুদ্ধ দরওয়ান, পাকা দাড়িতে দড়ি
বাধিয়া হিন্দী রামায়ণ পড়িত। গল্প উঠিলে সে বলিত—
“আরে বাপরে বাপু, রাজা রাজবল্লভ সাড়ে পাঁচ হাত
জোয়ান পুরুষ ছিল” ইত্যাদি।

হরনাথ সেন, বহুদিন হইল সুবরেজিষ্ট্রারের কার্য হইতে
অবসর গ্রহণ করিয়া এখন পূর্বপুরুষের ভগ্নাংশ জমীদারীর
মুনাফার তদ্বির-তদারকে ব্যস্ত হইয়া পড়িয়াছিলেন।
কেহ যদি জিজ্ঞাসা করিত,—“সেন ম'শায়, কাশী যাবেন
কবে?” উত্তর হইত, “আরে ভাই, যমুনার বিয়েটা, আর
এই চৈত্রপুত্রের হাঙ্গামাটা মিটিয়েই লম্বা দেব!” কিন্তু
কাজে আর তাঁহার কাশী যাওয়া হইত না। দু'একজন বন্ধু
গীড়াগীড়ি করিলে হরনাথ বলিতেন—“আরে ভাই, কিসের
কাশী, গয়া? কলিতে হচ্ছে কি জান “হরেন্দ্রমৈব কেবলম্।”
হরনাথ কতকগুলি খতখাতার মকদ্দমার কাগজপত্র, তলব
বাকীর লিপি, নিরিখবুদ্ধির ফিরিস্তি, স্বমারের গোসরা এবং
আমলার মাসহারা লইয়া নায়েব মহাশয়ের সঙ্গে আলাপ
জুড়িয়াছিলেন, এমন সময়ে ঐ আসিয়া সংবাদ দিল—
“দিদিরাণী ডাকছেন।” দিদিরাণীর কথাটা শুনিয়াই হরনাথ
তাহার সর্বকর্ষ ফেলিয়া বাড়ীর ভিতর চলিয়া গেলেন। এই
মেয়েটিকে না কি ছ'বৎসরের রাখিয়া হরনাথের স্ত্রী
পরলোকে চলিয়া গিয়াছেন। এই মেয়ের নামই যমুনা।
যমুনাকে আদর করিয়া কেহ দিদিরাণী, কেহ পল্লী-

রাণী, কেহ বা রাণী বলিয়া ডাকিত। বসন্তের রাণীর মত
রূপের নদীতে যমুনার পূর্ণ যৌবনের বিকাশ হইয়া আসিতে-
ছিল। পল্লীর স্নিগ্ধ, শান্ত কোলে এই নববসন্তই যমুনা
আপন মনে বসিয়া গাহিত—

“একলি মন্দিরে, অনিদ লোচনে

জাগি সাগর রাতিয়া।”

যমুনা রূপবতী, গুণবতী; কিন্তু যমুনার আজিও বিবাহ হয়
নাই। কেহ বলিত, হরনাথ মেয়ের বিবাহ দিয়া একটা
ঘরজামাই রাখিতে চায়। কিন্তু আজকালকার ছেলেরা আর
ঘরজামাই থাকে না। কেহ বলিত, কি জানি ভাই, যমুনার
মা না কি পাঞ্জাবে ছিল,—কি যেন কি ভাই, বড় ঘরের ছাই
ভস্ম দিয়ে কি দরকার? ইত্যাদি। সেদিন গাঁয়ের ছেলে
অমল দেওঘর হইতে যমুনাদের বাটীতে আসিয়াছিল—
যমুনার জন্মতিথির নিমন্ত্রণ। কত বন্ধু-বান্ধব নিমন্ত্রিত
হইয়াছে। যমুনা একখানা ফিরোজা রংএর বারণসী পরিয়া
সকলকে অভ্যর্থনা করিতেছিল। বাসন্তী সন্ধ্যায়, বসন্তের
রাণী যমুনার দিকে সকলেই হাঁ করিয়া চাহিয়া ছিল।
পল্লীর বন্ধুরা পল্লীরাগীর জন্ত কুম্বমের মালা, কুম্বমের হার
সাজাইয়া আনিয়াছিল। আর সুদূর নগরের প্রবাসী বন্ধুগণ
তাহার জন্ত নগরের নিত্য নূতন বিলাস-সামগ্রী উপহার
পাঠাইয়াছিল। পল্লীরাগী যমুনা আজ ফুলের মালা ফুলের
হার পরিয়া সত্যিই “পল্লীরাগী” সাজিয়াছিল। যমুনা
কাহাকে বা মিষ্টি কথায়, কাহাকে বা অর্গানের নাহাব্যে গান
শুনাইয়া মুগ্ধ করিতেছিল। অমল আসিয়া অর্গানের
সামনে বসিল। যমুনা গান ধরিল—“মম যৌবন নিকুঞ্জ গাহে
পাখী, সখী জাগো” মুগ্ধ দর্শক এবং স্ত্রীলোকগণ সেদিনকার
মত বিদায় গ্রহণ করিল। সকলেই বুঝিয়া গেল—অমলই
যমুনার বর। . . .

অমল এ গাঁয়ের ছেলে হলেও তা'রা দেওঘরেরই পাকা
বাসিন্দা। পূর্বপুরুষের ছটাক-নটাক তালুক-মলুক, ভাঙ্গা
দালান-কোঠা, যখন সাত-শরিকের দেনার দায়ে নিলাম
হইয়া গেল, তখন অমলের দাদা সবোমাত্র বি-এ পাশ করিয়া
এম-এ আর “ল” পড়িতেছিল। তখন হঠাৎ তাহার
পিতৃদেব দেওঘরে স্বর্গারোহণ করিলেন। অমল গাঁয়ের
কাছে শেষ বিদায় লইয়া ভাইটির হাত ধরিয়া দেওঘর চলিয়া
গেল। তাহার বাবা সেখানে একখানা মেটে কোঠা আর

হাজার ছ'চার টাকা রাখিয়া গিয়াছিলেন। তাই দিয়া ছ' ভাই বেশ একটা ছোটখাট সংসার পাতিয়াছিল। কিন্তু, পল্লীর মায়াটা সে একেবারে কাটাইতে পারে নাই। কারণ, পূর্বপুরুষের পুরোন ভাঙ্গা বাড়ীটা, তার পেছন দিকের বাঁশ বাড়, আর নারিকেল-কুঞ্জের আড়ালে পিক-বধুর মনোহর কাকলি; সর্বোপরি, বাল্যসার্থী যমুনার স্নেহ ভালবাসা-মাথা মধুর স্মৃতি-বিজড়িত কচি কোমল হস্তের লিপিখানা, তাহার জন্মতিথির দিনে তাহাকে কোন্ সুদূর হইতে যেন পল্লীর মাঝে, পল্লীরাজীর হৃদয়-মন্দিরের পূজার দেবতার সাজে সাজাইয়া আনিত। সবদিকের সমস্ত কাজ ফেলিয়া অমলকে বৎসরের নববসন্তের বধুর মধুর জন্মতিথিতে পল্লীরাজীর ক্রোড়ে ফিরিয়া আসিতে হইত।

বসন্ত চলিয়া গেল, বর্ষা আসিল। মানবের জীবনেও ত এমনি কত বসন্ত চলিয়া গিয়া কত বর্ষা আসে, কে তার খোঁজ রাখে? কীর্তিনাশা কূলে কূলে ভরিয়া উঠিয়াছিল। বিশাল, বিপুল, অনন্ত তরঙ্গের প্রচণ্ড লীলা, বিশ্বপ্রকৃতির বৃকে একটা বিদ্রোহের সৃষ্টি করিয়াছিল। অদূরে রাজনগরের ছ'একটা শেষ গরিমার শেষ নিদর্শন, তখনও ঘনবিচলিত বনানীর অন্তরাল হইতে, বর্ষার গুরু গুরু শিহরণের ভিতর দিয়া নিজেকে প্রকাশ করিবার চেষ্টা করিতেছিল—মাঝে-মাঝে যেমন প্রাচীন স্মৃতি আজিও কীর্তির ডালা সাজাইয়া, মানবের অতীত গরিমার কথা স্মরণ করাইয়া দেয়। প্রচণ্ড তরঙ্গ-সমাকুলা কীর্তিনাশা, রাজবল্লভের অসীম কীর্তি গ্রাস করিয়া শাস্তমূর্তি পরিগ্রহ করিয়াছে—অগ্নিদেব যেমন খাণ্ডব দাহন করিয়া শাস্ত প্রকৃতি ধারণ করিয়াছিলেন। এবার অমল অনেক দিন থাকিয়া গেল। সবুজ বন, নারিকেল-কুঞ্জ, বর্ষার পূর্ণ জোয়ার, ভেকের রব, এগুলি যেন তার এবার নূতন করিয়া ভাল লাগিতেছিল। বর্ষার ভরাবৃকে একখানা পান্‌সি ছুটিয়াছিল। পান্‌সি, ভরা জোয়ারের বৃকে যমুনার পূর্ণ যৌবনতরী বহন করিয়া ছুটিয়াছিল,—সঙ্গে ছিল তার চিরদিনের সঙ্গী—অমল।

অমল—কি সুন্দর যমুনা, আজ যেন কীর্তিনাশা তাহার সমস্ত কীর্তিমৈথলা লইয়া প্রাচীন ধ্বংসের বৃকে নূতন কিছু একটা সৃষ্টি করিতে যাইতেছে।

যমুনা—আমারও মনে হয় অমল, আজ যেন

কীর্তিনাশা নূতন সাজে সাজিয়াছে। কিন্তু এ কি ধ্বংস না সৃষ্টি, প্রলয় না স্থিতি, কি ক'রে বলব।

অমল—আমি আর কতকাল আশায় আশায় যুব যমুনা? আমি ত তোমার সব কথাই রেখেছি।

যমুনা—অমল, আর ক'টা দিন অপেক্ষা কর; তার পর যদি তোমার প্রাণের যমুনার জন্ত সত্য, ধর্ম, সমাজ, সব ত্যাগ কর্তে পার, তাহলে সে তোমারই।

অমল—কেন যমুনা! সত্য, ধর্ম, সমাজ, ত্যাগ কর্তে হবে কেন? অমল যমুনার হাতখানা নিজের হাতে তুলিয়া লইল। আকাশে বিহ্বৎ চমকিয়া উঠিল। যমুনার দেহলতা অমলের কোলে লুটাইয়া পড়িল। ঘাটের নোকা ঘাটে ফিরিয়া আসিল।

যমুনার পত্র—

প্রিয়তম,

পাঞ্জাবে বাবা এক বার্জিককে বিবাহ করেন। আমি সেই বার্জিক-মায়ের গর্ভজাত সন্তান। সমাজের বৃকে দাঁড়াইয়া আজিও আমি সমাজকে ধ্বংস করি নাই, কলুষিত হইতে দিই নাই। নইলে যমুনার বৃকে কতজনে ঝাঁপাইয়া পড়িতে চাহিয়াছে। প্রিয়তম, সুখ দুটা পুরুতের মন্ত্র না হলে কি বিবাহ হয় না? বাবা, মা চিরদিনই স্বামী, স্ত্রী ছিলেন। মায়ের মৃত্যুর পর বাবা পাগল হ'য়ে দেশে ছুটে এলেন। আমি বাবার বৃকে আশ্রয় পেলাম। কীর্তিনাশা তাঁদের বংশের সমস্ত কীর্তি ধ্বংস করেও প্রাচীন বংশ-গৌরবের স্মৃতি-চিহ্নটুকু মুছে ফেলে নাই। প্রিয়তম, জীবনসর্ব্বস্ব আমার, এখন দেখ্ব তুমি যমুনাতে কত ভালবাস।

যমুনা

সন্ধ্যার আরতি শেষ হইয়া গিয়াছে! অমলদের পুরোন দালানে এক বৃদ্ধা পিসিমা আজিও শালগ্রাম শিলার সেবায়ত্ন করিত। অমল আসিয়া পিসিমাকে প্রণাম করিল। পিসিমা আশীর্ব্বাদ করিলেন—“বাবা, সনাতন ধর্মে যেন মতি থাকে।” অমল যমুনার বাড়ীর দিকে চলিল। তাহার বৃকের ভিতরটা যেন কাঁপিয়া উঠিল। যমুনা অমলকে দেখিয়া তেমনি ছুটিয়া আসিল। অমল যমুনাতে সামনের চেয়ারে বসিতে বলিল মাত্র। যমুনার রুদ্ধ অভিমান কাঁপিয়া ফুলিয়া উঠিল। আকাশে “গুরু গুরু দেয়া” গর্জিয়া

উঠিল। কীর্তিনাশা কাঁপিয়া ফুলিয়া উঠিল। রাজবল্লভের শেষ কীর্তির ধ্বংসের শব্দে গ্রামবাসীরা চমকিয়া উঠিল। প্রলয়ের পাঞ্চজন্ত বাজিয়া উঠিল।

যমুনা—ওগো নিষ্ঠুর, ওগো পাষণ, এই কি পুরুষের ভালবাসা?

অমল—তা নয় যমুনা; ভাবছি একটা কথা। কথা কহিতে কহিতে তাহারা নদীর ধারে আসিয়া দাঁড়াইল। তখনও কীর্তিনাশা ভীষণা রাক্ষসী মূর্তিতে গ্রামখানিকে গ্রাস করিতে আসিতেছিল। সামনে ছিল তাদের পল্লীরাজী। যমুনাতে অনেকেই পল্লীরাজী বলিত।

চাদের ভরাবৃকে জ্যোৎস্নার তরঙ্গ খেলিতেছিল; আর তটিনীর বৃকে অনন্ত গর্জন থাকিয়া-থাকিয়া পল্লীবাসীকে ভীত সন্ত্রস্ত করিয়া দিতেছিল। নদীর তীরে তখন কেবল-মাত্র অমল আর যমুনা দাঁড়াইয়া ছিল। অমলের বৃকের মধ্যে কেবলই রহিয়া-রহিয়া বাজিতেছিল—“ওগো নিষ্ঠুর! ওগো পাষণ!” কোথা হইতে একটা প্রবল তরঙ্গ আসিয়া যমুনাতে কীর্তিনাশার বৃকে টানিয়া লইল। অমলও সঙ্গে সঙ্গে উন্নত তটিনীর বৃকে—“রাণী, রাণী, পল্লীরাজী” বলিয়া ঝাঁপাইয়া পড়িল। নৈশ গগনে তখনও প্রতিধ্বনি হইতেছিল—“পল্লীরাজী!”

মুক্তির পথ

শ্রীসত্যশচন্দ্র দাস গুপ্ত

ভারতবর্ষ পুরাতন সভ্যতার ধারা হারাইয়া ফেলিয়া এখন মোহাবিষ্টের মত চলিতেছে। এত বড় একটা বিরাট দেশ, বেদনার বোধশক্তি পর্য্যন্ত আজ তাহার নাই। সাধারণ লোকের সহিত সাম্রাজ্য পরিচালনের ব্যবস্থার যোগ ভারতবর্ষে বরাবরই কম ছিল। কি উদ্দেশ্যে কোন্ অনুশাসন হইতেছে তাহা প্রজাসাধারণ প্রায়ই জানিত না। ব্যবহারিক শুভাশুভ ব্যবস্থার জন্ত রাজার উপরই তাহারা নির্ভর করিয়া থাকিত। ইহা আজিকার কথা নয়, ইহা চিরচরিত। রাজা প্রজার এই সম্বন্ধ ভারতবর্ষের দৈনন্দিন প্রার্থনাতেও পরিস্ফুট হইয়া উঠিয়াছে। স্বস্তি প্রজাত্যঃ—প্রজার শুভ হউক, পরিপালয়ন্ত্যঃ শ্রাঘ্যেন মার্গেণ মহীং মহীশাঃ—রাজারা শ্রাঘ্য পথে রাজ্য পালন করুন। প্রজার সহিত রাজার ধর্মের দিক দিয়া যোগ থাকায় এই ব্যবস্থাতে শুভই হইত। রাজার ধ্যানই ছিল প্রজার হিতসাধন করা।

কিন্তু আজ এ ব্যবস্থার অনেকখানি পরিবর্তন হইয়াছে। আজ বিদেশী শাসন ভারতবর্ষের উপর চাপিয়া বসিয়াছে। এই শাসকদিগের উদ্দেশ্যই হইতেছে ভারতবর্ষের শাসন ধারা ইংলও এবং ইংলওবাসীকে লাভবান করা। রাজার প্রত্যেক প্রচেষ্টার মধ্যেই আজ এই স্বার্থের চেহারাটাই

পরিষ্ফুট হইয়া উঠে। যেখানেই ভারতীয় স্বার্থের সহিত ইংলওর স্বার্থের সংঘাত বাধে, সেই স্থানেই ভারতবর্ষের স্বার্থ বলি দেওয়া হয়। ভারতবর্ষে প্রচুর পরিমাণে বস্ত্র উৎপন্ন করা হইত। ইংরাজের স্বার্থে ভারতবর্ষের বস্ত্র-শিল্প নষ্ট করিয়া ইংলও প্রস্তুত বস্ত্র ভারতবর্ষে প্রচলিত করা আবশ্যক হইয়াছিল। রাজশক্তির সাহায্য লইয়া ইংরাজেরা এই অনিষ্টপাত করিয়াছেন।

এ একট কেন্দ্রীয় শিল্প নষ্ট করার পর আমাদের একটির পর একট শিল্প বলি দেওয়া হইয়াছে। সে জোলা-তঁাতীর ব্যবসাতো গিয়াছেই—সে কামার-কুমার, সে তামা-পিতল-কাঁসার বাসনওয়ালার ব্যবসাতো নাই। ছুতারের বড় ব্যবসা ছিল নোকা তৈরী করা। রেলের জন্ত নোকা লোপ পাইয়াছে। সে ছুতারের জাত আজ লুপ্তপ্রায়। যানবাহন ও যানবাহনের সমস্ত উপকরণ আজ বিদেশীর হাতে।

এক দিক দিয়া এমনি করিয়া যেমন দেশের শিল্প নষ্ট হইয়া দেশ নিধন হইতেছে, অপর দিকে আবার তেমনি দেশের ভিতর নানা অনাবশ্যক বিলাতী দ্রব্যের প্রবেশ ও ব্যবহারের পথ খুলিয়া দেওয়া হইতেছে। ভারতীয় সভ্যতার

পরিপূর্ণ নীতিমূত্র সকল কৈশোরেই শিক্ষার্থীদের মনে প্রবেশ করে। বিলাসোপকরণের আকাঙ্ক্ষা সৃষ্টি এবং বিলাতী দ্রব্যাদি সেই অভাবের পূরণ—এই কর্ম সূনিপুণ ভাবে প্রতিদ্বন্দ্বিতা চলিতেছে। সেই জন্তই জাতি আজ মোহাবিষ্ট। ষাঁহার দেশের জন্ত ভাবিবেন তাঁহাদের সেই ভাবনার উৎসই বিকৃত। ফলে ভারতবাসী পুরাতন সভ্যতার ধারা দিনদিনই হারাইয়া ফেলিতেছে। অথচ এই ভারতীয় সভ্যতার বিশেষত্বই এই জাতিকে নানা যুগে ধ্বংসের হাত হইতে রক্ষা করিয়া আসিয়াছে। আলেকজান্দার উত্তর-ভারত আক্রমণ করিয়া লক্ষ লক্ষ ভারতবাসীকে হত্যা করিয়াছিলেন। কিন্তু কোনও বিশাল বটবৃক্ষের দুই চারিটি পল্লব কাটিয়া ফেলিলে যেমন তাহা পরবৎসরই পরিপূর্ণিত হয়, আলেকজান্দারের অল্পস্থিত ক্ষতি—কয়েক লক্ষ লোকক্ষয়, তাহা দুই এক বৎসরেই পূরণ হইয়াছিল। আলেকজান্দার ভারতের প্রাণস্পর্শও করিতে পারেন নাই—ভারতের সভ্যতার উপর এতটুকুও আঘাত করিতে পারেন নাই। লোকক্ষয় দ্বারা ভারতবর্ষকে মরণহত করা যায় না—এ সত্যের পরিচয় মুসলমান-যুগেও পাওয়া গিয়াছে। মুসলমান আক্রমণ ও ভারতে মুসলমান রাজত্ব প্রতিষ্ঠার ফলেও ভারতবর্ষের আর্থিক হানি হয় নাই এবং সভ্যতার পরিবর্তনও ঘটে নাই।

কিন্তু ইংরেজ রাজত্ব সম্বন্ধে এ কথা বলা চলে না। ইংরাজ বাণিজ্য ব্যপদেশে আসিয়া ভারতবর্ষে রাজত্ব প্রতিষ্ঠা করিয়াছে এবং স্বীয় স্বার্থ অক্ষুণ্ণ রাখিবার প্রয়াসে ভারতবর্ষের প্রাণ-পদার্থেরও সন্ধান লইয়াছে। ইংরাজ জানিয়াছে যে, ভারতীয়কে অভ্যর্থনা করিতে না পারিলে ভারতবর্ষে চিরদিন বিদেশী শাসন অক্ষুণ্ণ রাখা অসম্ভব। মানুষ যেমন গো-জাতিকে কিঞ্চিৎ আহাৰ দিয়া তাহাদিগকে নিজেদের শত প্রয়োজনে আনে, ভারতে ইংরাজশাসন-পদ্ধতিতে তেমনি ইংলণ্ডের স্বার্থের প্রয়োজনে সমস্ত ভারতবাসীকে ব্যবহার করিবার জন্ত সচেষ্ট। কেহ কেবাণী, কেহ ডেপুটি, কেহ মুন্সেফ হইয়া শাসন অথবা শোষণ যন্ত্র পরিচালনা করিয়া এক দিক দিয়া ভারতের অর্থ বিলাতে প্রেরণের ব্যবস্থা করিতেছেন; অপর দিকে গ্রামবাসী ভারতীয়গণ কেবলমাত্র কৃষিজাত দ্রব্য, তুলা, পাট, ধান, গম উৎপন্ন করিয়া তাহা বিলাতে পাঠাইয়া তৎপরিবর্তে বিলাতজাত বস্ত্র ও শত শত

অল্প আবশ্যক ও অনাবশ্যক দ্রব্য গ্রহণ করিতেছেন। ইহাতেই ভারতের ক্ষেম, ইহাই ভারতের উপযোগী—এমনি বিশ্বাস লোকের মনে গড়িয়া উঠিতেছে। ভারতবাসীর অভাবের বোধ বাড়াইলেই বিলাতের পণ্য ভারতের বাজারে বিক্রয় করিয়া ইংলণ্ডকে ধনশালী করিবার পথ হয়। সেই চেষ্টাতে ভারতবর্ষের অল্পে সন্তুষ্ট থাকার যে একটা মনোবৃত্তি, একটা বিশেষত্ব ছিল, তাহা নষ্ট হইয়া যাইতেছে।

এই মোহাবিষ্ট অবস্থা হইতে দেশকে মুক্ত করার একমাত্র উপায় জনসেবা। সেবা দ্বারা কলহ নিবারণ করা, সেবা দ্বারা জনসাধারণকে ধর্ম্মাধিকরণের মন্ত্রচক্র হইতে বাহির করিয়া ধর্ম্মজ্ঞান দান করা, ভারতবাসীকে তাহার আত্মিক শক্তিতে প্রতিষ্ঠিত করা আজ দেশকে মোহমুক্ত করার শ্রেষ্ঠ পথ। সাহস, বীর্য ও সহন ক্ষমতা সমস্তই সেবাধর্ম্মের ভিতর দিয়া জাতির মনে প্রতিষ্ঠা লাভ করিতে পারে। সাময়িক ঘটনায় অথবা কোনও মর্মান্বন ও আপাত-অসহনীয় ব্যর্থায় যখন শাসন-পদ্ধতির দুষ্টিতার প্রতি দৃষ্টি পড়ে, তখনও সাধারণতঃ সাময়িক ও উত্তেজনামূলক পথই একমাত্র প্রতিকারের পথ বলিয়া মনে হয়। উত্তেজক পন্থার দ্বারা জনগণের চিন্তাশক্তি উদ্বুদ্ধ করা যাইতে পারে, জাগ্রত করা যাইতে পারে; কিন্তু পরে অভীপ্সিত ফললাভের চেষ্টা করা আবশ্যক। তাহার জন্ত নিষ্ঠা ও সাধনা চাই। কেবলমাত্র ভাবোন্মাদমত্ততা আমাদিগকে ক্ষণেকের জন্ত মহত্বের চরম স্তরে পঁছাইয়া অসাধ্য-সাধনে প্রবৃত্ত করিতে পারে; কিন্তু তাহার পশ্চাতে সাধনা ও সেবা না থাকিলে অচিরেই এবং অল্প বাধাতেই উত্তেজনা দারণ অবসাদে পরিণত হয়। পার্কট্য নদী যেমন এক দিনের বৃষ্টিতে উদ্বলিত হয়, পাহাড়ের সান্নিধ্যের বৃক্ষাদি উৎপাটিত করিয়া বিপুল উচ্ছ্বাসে প্রবাহিত হইতে থাকে, আবার অতি অল্পকালের মধ্যেই শীর্ণ ও ক্ষীণভোগ্য হইয়া বালুকাপ্রাপ্তরে প্রায় অন্তর্হিত হয়, তাহার গতিবেগ আছে কি না উপলব্ধি করা যায় না—সাময়িক উত্তেজনাও তেমনি অবসাদের বিস্তীর্ণ বালুকায় অল্পকালেই অন্তর্হিত হয়। যে স্থান ক্ষণকালপূর্বে তরঙ্গায়িত, উচ্ছ্বাসময় ও আবর্তমান ফেনিল জলরাশিতে পূর্ণ ছিল, দুই দিনের বৃষ্টিপাত বন্ধ হইলেই সেই স্থানের তপ্ত বালুকারাশি যেমন পূর্বেক্ষীতিকে পরিহাস করিতে থাকে, রাজনৈতিক উত্তেজনাও ঠিক তেমনি যখন অন্তর্হিত হয়, তখন আর তাহার পরিচয় মাত্রও অবশিষ্ট থাকে না।

অসহযোগ আন্দোলনের সময় যে বিপুল জনতা জাগিয়া উঠিয়াছিল, আজ তাহা মস্ত-মুগ্ধ সর্পের স্থায় নিদ্রিত। শহরে, বন্দরে, গঞ্জে আর সেই বৈচিত্র্যক আবেহাওয়া নাই, উদ্বেগ ও চিন্তাকুল আকাঙ্ক্ষা, স্বরাজ-প্রাপ্তির ব্যগ্রতা পরিলক্ষিত হয় না—পল্লীগ্রামে ততোধিক অবসাদ ও নিষ্ক্রিয়তা বিরাজ করিতেছে। এই প্রকারই হইবার কথা। ইহার অজ্ঞতা হইলেই আশ্চর্য্য হইবার কারণ হইত। বৃহৎ উত্তেজনায় পর বৃহৎ অবসাদ। যদি সেই উত্তেজনায় মুখে আমাদের স্বরাজ প্রাপ্তি ঘটত তাহা হইলে জন-সমাজে মহত্ব পরিবর্তন বেগে প্রবাহিত হইয়া কোনও সাম্প্রদায়িক বাধাধর্ম্মই আর গণ্য করিত না। কিন্তু তাহা হয় নাই, সেই জন্তই জাতি হইতে অধিক পরিমাণে মহত্ব অন্তর্হিত হইয়াছে। সেই উত্তেজিত আজ হিন্দু-মুসলমানের বিরোধ এমন উগ্র হইয়া কাঁটার মত বিঁধিতেছে। যে হিন্দু-মুসলমানের মিলন না হইলে ভারতের স্বরাজ হইবে না বলিয়া সকলের ধারণা ছিল, সর্ব প্রথমে যে মিলন আশুগন্ধ হইয়াছিল, আজ অবসাদের দুর্দিনে সে মিলন স্বপ্নবৎ মিলাইয়া গিয়াছে এবং তাহার স্থানে হিংসা ও বিদ্বেষের নরককুণ্ড আবর্তিত হইতেছে। যে পরাধীনতার ব্যাধি এই সকল সাময়িক সামাজিক বিদ্বেষের উপসর্গরূপে প্রকাশ পাইতেছে, তাহা তুলিয়া আমরা আজ সাময়িক প্রতিকারেরই সর্বপ্রথম মন নিযুক্ত করিয়াছি।

দেশের মুক্তির পথ জনসেবাতেই আছে, উত্তেজনায় নাই; কিন্তু সেবার জন্ত সাধনার আবশ্যক। এ সাধনা নানা হ্রদে অলম্বন করিয়া হয়। মহাত্মা গান্ধীজী এই সাধনার পথ চরকরতই পাইয়াছেন। তিনি দেখিয়াছেন, ভারতবর্ষ আজ দৈনিক পীড়িত। এই দৈনিক নিবারণের উপায় দেশের বস্ত্রশিল্প পুনঃপ্রতিষ্ঠিত করা—৮০ কোটি টাকা—যাহা প্রতি বৎসর বস্ত্রের জন্ত দেশের বাহিরে চলিয়া যায়—তাহা যাহাতে দেশে থাকে, তাহার চেষ্টা করা। তাই তিনি চরকার দ্বারা সমগ্র দেশকে সেবাব্রত গ্রহণ করিবার জন্ত আহ্বান করিয়াছেন।

ইংলণ্ডের যত ঐশ্বর্য্য তাহার অধিকাংশই ভারতবর্ষে বস্ত্র ব্যবসায় করিয়া লক্ষ। আর ভারতের দৈনিকের একটা বড় হেতু বিদেশী বস্ত্র ব্যবহার। যে শিল্পে বাৎসরিক ৮০ কোটি টাকা দেশে থাকে, তাহা ত সাধারণ নহে। এই অসাধ্য সাধন করিবার জন্ত অসামান্য সাধন আবশ্যক। এই সাধনার জন্ত যে যন্ত্র আবশ্যক, তাহা কিন্তু অতি সাধারণ।

একমাত্র চরকার সাহায্যেই এই বিপুল কর্ম সম্পন্ন করা যাইতে পারে। ইংরাজ আসিয়া আমাদের শিল্প নষ্ট করিবার পূর্বে যেমন ঘরে ঘরে চরকা অবসর সময়ে চলিত, আর তাহার দ্বারা দেশের বস্ত্রের অভাব মিটিত—পুনরায় সেই অবস্থা ফিরাইয়া আনার দ্বারা এ সমস্তার সমাধান করা যায়। নূতন কিছুই করার আবশ্যক নাই। যাহা ছিল, তাহারই পুনঃপ্রতিষ্ঠা করা, প্রাণনাশকারী অলসতা হইতে দেশকে মুক্ত করিয়া জীবনদানকারী শিল্পে হস্তক্ষেপ করাই ভারতের মুক্তির উপায়।

কিন্তু এই কার্য সম্পন্ন করিতে হইলে ষাঁহার শিক্ষিত, ষাঁহার ভদ্র তাঁহাদিগকেই উদ্বুদ্ধ হইয়া জাগ্রত হইয়া এই কার্য গ্রহণ করিতে হইবে। শিক্ষিত সমাজের পুরুষ ও স্ত্রী সকলেরই আজ সূতা কাটা আবশ্যক হইবে। বস্ত্রতঃ তাঁহাদের সম্মুখে আজ নিজে সূতা কাটা ও অপরকে সূতা কাটানো, নিজে খদ্দর ব্যবহার করা ও অপরকে খদ্দর ব্যবহার করানোর এক পরম কর্তব্য উপস্থিত। যদি শিক্ষিত সম্প্রদায় চরকা গ্রহণ করেন, তবে অপামর সাধারণকেও চরকা গ্রহণ করাইতে সাহায্য করা হয়। নিজে যদি কেবলমাত্র খদ্দর ব্যবহার করি, অল্প সমস্ত বস্ত্র ত্যাগ করি, তাহা হইলেই খদ্দর দ্বারা জনসেবার পথ চলিতে পারিবে। বাংলার একদল কর্মী যশখ্যাতি সম্পদের সমস্ত প্রলোভন পরিত্যাগ করিয়া এই সাধনার পথই গ্রহণ করিয়াছেন—তাহারই ফলে বাংলার পল্লীতে পল্লীতে আজ অল্পবিস্তর চরকা চলিতে আরম্ভ করিয়াছে। দেশের শিক্ষিত সমাজ যদি এই সাধনা গ্রহণ করেন, দীনতার দ্বারা গর্বকে জয় করিয়া এই উদ্দেশ্যে যদি তাঁহারা গণের সহিত মিলিত হন, তবে এমন দিন আসিবে, যখন তরঙ্গায়িত ভাদ্রের গঙ্গার মত জাগ্রত গণশক্তি চরকা অবলম্বনে উদ্বুদ্ধ হইয়া এক কাম্য পথে বহুতবেগে ছুটিয়া চলিবে।


তাই যখন সাম্প্রদায়িক বিদ্বেষ নিষ্ঠুর আঘাতে সমাজ-দেহ ক্ষত করিতেছে, তখনও খাদি কর্মীর চরকা-সেবায় একনিষ্ঠ থাকিবার হেতু ও আবশ্যিকতা আছে। সাম্প্রদায়িক বিদ্বেষ হুদিনের; কিন্তু ভারতের একান্ত হিত কল্পে এই দৈনিক হুঃখ নিবারণের ভার অল্প কর্মীর উপর দিয়া খাদি-কর্মীকে একনিষ্ঠ থাকিতে হইবে। খাদি কর্মে সম্প্রদায় নাই—প্রাদেশিকতা নাই। ইহা নিখিল সমাজের ও নিখিল

সংলগ্ন স্তম্ভের উত্থান ছিল। ইহাকে “রিষড়া হাউস” বলিত। কথিত আছে, হেষ্টিংসের তথায় অবস্থানকালে তদীয় পত্নী স্বহস্তে এই উত্থানে বহুসংখ্যক আত্মবুদ্ধি রোপণ করিয়াছিলেন। আজিও তথায় হেষ্টিংসঘাট নামে একটি ঘাট দৃষ্ট হয়। কোলগর ও রিষড়ার নাম বিপ্রদাসের পুত্রিতে উল্লিখিত আছে।

মাহেশও একটি অতি প্রাচীন গ্রাম। সর্দি তিনশত বৎসর পূর্বেও এই নামে এই নগর ছিল বলিয়া জানা যায়। জগন্নাথদেবের মন্দিরও এইরূপ পুরাতন বলিয়া উল্লেখ পাওয়া যায়। পুরীর পর এই জগন্নাথদেবের মাহাত্ম্য যেরূপ

ও বলদেবের মূর্তি প্রাপ্ত হন এবং উহাদের প্রতিষ্ঠা করেন। কিছু দিন পরে এক দিন মুরশিদাবাদের নবাব ভাগীরথীবক্ষ দিয়া গমনকালে ঝটিকা-বিফুক হওয়ায়, দেবসেবাইৎগণ তাঁহাকে আশ্রয় দেওয়ায়, নবাব সমুদ্র হইয়া দেবাইৎকে অধিকারী উপাধি ও একখণ্ড নিষ্কর জমি দান করেন। এই সময় হইতেই মাহেশের মন্দিরের নাম প্রচারিত হইতে থাকে। মাহেশের যে রথ স্মৃতিস্মিত তাহার প্রথমখানি এক মোদক দান করিয়াছিলেন। (৪)

মাহেশের নিকট বল্লভপুর শ্রীশ্রীরাধাবল্লভদেবের জন্ম প্রসিদ্ধ। কথিত আছে, চাতরার রুদ্র পণ্ডিত দেবাইৎ হওয়ায়



হেষ্টিংস ঘাট—রিষড়া

প্রচারিত, বোধ হয় অত্র একরূপ নহে। কিংবদন্তী এইরূপ যে পুরী হইতে জগন্নাথদেব গঙ্গানান করিতে আসিয়া এই স্থানে বিশ্রাম করিয়াছিলেন। তদবধি এই দেব-প্রতিষ্ঠা হইয়া তাহা স্মরণার্থ প্রতি বৎসর জ্যৈষ্ঠমাসের পূর্ণিমা তিথিতে মহা ধুমধামের সহিত স্নানযাত্রা উৎসব সম্পন্ন হইয়া আসিতেছে। আবার কেহ কেহ বলেন ঙ্গবানন্দ নামে এক ব্রহ্মচারী পুরীতীর্থে গমন করিলে মাহেশে ফিরিয়া আসিবার জন্ম জগন্নাথদেব কর্তৃক স্বপ্নে আদিষ্ট হন। তিনি ফিরিয়া আসিয়া গঙ্গাতীরে বালুকার মধ্যে অর্ধ নিমজ্জিত অবস্থায় ক্রমে ক্রমে জগন্নাথ, স্তম্ভদ্বা


তাঁহার দ্বারা গোড়ের রাজপ্রতিনিধির ভগ্ন প্রাসাদ হইতে আনীত প্রস্তর দ্বারা এই দেবমূর্তি গঠিত হয়। এই প্রস্তর গঙ্গায় ভাসিয়া বল্লভপুরের ঘাটে আসিয়াছিল। উহা প্রথম যে স্থানে প্রতিষ্ঠিত হয়, তথা হইতে পরে স্থানান্তরিত হইয়া, কলিকাতার স্মৃতিস্মিত মল্লিক বংশের কোন মহাত্মার দ্বারা নির্মিত বর্তমান মন্দিরে আনীত হন। রাধাবল্লভজী ও উহার মন্দির সম্বন্ধে অনেক অদ্ভুত কিংবদন্তী প্রচলিত আছে। শোভাবাজারের রাজা নবকৃষ্ণ রাধাবল্লভজীর একজন প্রধান

(৪) District Gazetteers—Hughly.

ভক্ত ছিলেন এবং তিনি এই দেবসেবাদের জন্ম বিস্তার অর্থ ব্যয় করিয়াছিলেন।

খৃষ্টান মিশনারীদের সংশ্রবেই শ্রীরামপুরের প্রসিদ্ধি। বর্তমান বাঙ্গালা ভাষার গঠনমূলে শ্রীরামপুরের নাম উল্লেখ না করিয়া থাকা যায় না। অত্যাশ্চর্য স্থানের ত্রায় এখানকার প্রাচীন ইতিহাসও অজ্ঞাত। ১৭৫৫ খৃষ্টাব্দে চন্দননগরের গোন্দলপাড়া হইতে দিনেমারদের এখানে আগমনের প্রসঙ্গেই উহার কথা জানা যায়। কার্যের সুবিধার জন্ম মুরশিদাবাদের ফরাসী ‘জেন্ট মসিয়ে ল’ (Mons. Law)র চেষ্টায় নবাবের

করেন। সে সময় তাঁহাদের অধ্যক্ষ ছিলেন মিঃ সোয়েৎম্যান (Mr. Soetman)। প্রায় অর্ধশতাব্দী ধরিয়া তাঁহারা এখানে অব্যাহতভাবে ব্যবসাকার্য্য চালাইয়া সবিশেষ উন্নতিলাভ করেন। ১৮০১ খৃষ্টাব্দে যখন ইংলণ্ডের সহিত ডেনমার্কের যুদ্ধ হয়, তখন তাঁহারা তাঁহাদের কার্য্যে প্রথম বাধা প্রাপ্ত হন। এই সময় ব্যারাকপুর হইতে একদল সৈন্য আসিয়া শ্রীরামপুর দখল করে এবং ইহা ইংরাজদের হস্তগত হয়। পরে ইয়োরোপে শান্তি সংস্থাপনের সঙ্গে সঙ্গে ১৮১৫ খৃষ্টাব্দে উহা দিনেমারদিগকে প্রত্যাপিত হয়। এই সময় কোম্পানীর



জগন্নাথ মন্দির—মাহেশ

নিকট হইতে তাঁহারা এই স্থান প্রাপ্ত হন। উক্ত বৎসরের ৮ই অক্টোবর তারিখে শ্রীরামপুরে দিনেমার পতাকা প্রথম উড্ডীন হয় এবং তাহা রক্ষা করিবার জন্ম চারিজন জমাদার নিযুক্ত করা হয়। নবাবের নিকট হইতে ফরমান পাইতে ও জমি সংগ্রহ করিতে মোট ১৬ হাজার পাউণ্ড ব্যয়িত হইয়াছিল। দিনেমাররা মোট ৬০ বিঘা জমি প্রাপ্ত হইয়াছিলেন।


দিনেমাররা এখানে প্রথমে একখানি চালাঘর নির্মাণ-পূর্বক তাহা মাটির প্রাচীর বেষ্টিত করিয়া কুঠির কার্য্য আরম্ভ

আর্থিক অবস্থা খুবই খারাপ হয়। ব্যবসায়ের অবস্থা ক্রমাগত নৈরাশুজনক হওয়ায়, ডেনমার্কের রাজা উহা ইংরাজ গভর্নমেন্টকে বিক্রয়ের কল্পনা করেন; এবং ১৮৫৫ খৃষ্টাব্দের ১১ই অক্টোবর শ্রীরামপুর ও ট্রানকোয়েবার, ঠিক ৯০ বৎসর ৩ দিনের পর ১২০০০ পাউণ্ডে হস্তান্তরিত হয়। শ্রীরামপুরকে ডেনমার্কের রাজার নামানুসারে তৎকালে ফ্রেড্রিকনগরও বলা হইত।

১৭৯৬-৯৭ খৃষ্টাব্দে এখানে প্রথম খৃষ্টান মিশনারীরা আগমন করেন। তৎপরে ১৭৯৯ খৃষ্টাব্দে ডাক্তার মার্শম্যান,

ওয়ার্ড ও তাঁহাদের ছুইজন মিশনারী বন্ধু এখানে আগমন করেন। তদানীন্তন গভর্নর লর্ড ওয়েলেসলি তাঁহাদিগকে ফরাসী গুপ্তচর বিবেচনায় প্রথম দেশে ফিরিয়া যাইবার আদেশ করেন। পরে ডেভিড ব্রাউনের (Rev. David Brown) চেষ্টায় এই ভ্রম সংশোধিত হয় এবং তাঁহারা এখানে বসবাসের আদেশ প্রাপ্ত হন। কিন্তু তাঁহাদের অভিপ্রায় মত মালদহে ডাক্তার কেরির নিকট যাওয়ার চেষ্টায় তাঁহারা বাধা প্রাপ্ত হন এবং গভর্নমেন্ট কর্তৃক শ্রীরামপুরের মধ্যেই বসবাস করিতে বাধ্য হন। কয়েক সপ্তাহ পরেই কেরি

হইয়াছিল। খৃষ্টধর্ম বিষয় গ্রন্থের প্রথম বাঙ্গালীবাদ এখান হইতে তাঁহারা প্রকাশ করেন। তাঁহাদের চেষ্টাতেই প্রথম বাঙ্গালায় মিশনারী ছাপাখানা স্থাপিত হয়। মিশনারী মিঃ ম্যাকের চেষ্টায় প্রথম ভারতবর্ষের মানচিত্র বাঙ্গালী অক্ষরে নাম সহ প্রকাশিত হয়। (৫) বৈদেশিকভাবে প্রথম বাঙ্গালী বিদ্যালয়ের প্রতিষ্ঠা তাঁহারা করিয়াছিলেন। প্রথম বাঙ্গালী সংবাদপত্র মার্শম্যান সম্পাদিত "সমাচার দর্পণ" ১৮১৮ খৃষ্টাব্দে এই স্থান হইতেই প্রকাশিত হয়। (৬) Friend of Indiaও এই স্থান হইতে প্রকাশিত



ব্যারাকপুর পার্ক হইতে শ্রীরামপুর

এখানে আসিয়া তাঁহাদের সহিত মিলিত হন। এই তিনজনে মিলিয়া শ্রীরামপুর মিশনের সৃষ্টি করেন। এই মিশন, উহাদের মধ্যে শেষ মিশনারী মার্শম্যানের মৃত্যুকাল অর্থাৎ ১৮৩৭ সাল পর্যন্ত স্থায়ী ছিল।

এই মহাআজয়ের সম্বন্ধে বিস্তৃত ভাবে লিখিবার স্থান এখানে নাই। তাঁহারা সকলেই বাঙ্গালী ভাষায় যথেষ্ট ব্যুৎপত্তি লাভ করিয়াছিলেন। তাঁহাদের চেষ্টায় যেমন বাঙ্গালায় দেশীয়দের মধ্যে খৃষ্টধর্মের অভ্যুদয় হইয়াছিল, তেমনই তাঁহাদের পরিশ্রমে বঙ্গভাষারও যথেষ্ট শ্রীবৃদ্ধি

হইত। এতদ্বিধ ভারতে প্রথম স্টীম এঞ্জিন শ্রীরামপুরের কাগজের কলেই আনীত হয়। প্রথম বাঙ্গালী খৃষ্টধর্মে দীক্ষালাভ করে এই স্থানে। খৃষ্টানী মতে বাঙ্গালীর বিবাহ হয় প্রথম এইখানে। বর্তমান শিবপুর বোটানিক্যাল গার্ডেনের প্রতিষ্ঠার মূলও শ্রীরামপুরের ডাক্তার কেরি।


(৫) The Life and Times Carey, Marshman and Ward, vol. II.

(৬) A return of the names and writings of 515 persons connected with Bengali Literature—Long.

শ্রীরামপুর কলেজ মিশনারীদের অগ্রতম কীর্তিস্তম্ভ। এখানকার গোরস্থানে এই তিন মহাত্মার সমাধি আজিও দেখা যায়।

পূর্বোক্ত মিশনারীগণ ভিন্ন এখানে মিঃ ম্যাক, ডেভিড


সুন্দর গির্জাটি ১৮৩৬ টাকা ব্যয়ে ইং ১৭৭৬ সালে প্রস্তুত হয়। লুথেরান গির্জা ১৮০৫ অব্দে ১৮৫০০ টাকা ব্যয়ে নির্মিত হয়। কনভেন্টটি অপেক্ষাকৃত নূতন, উহার নির্মাণকাল ১৮৪০ এর পর।



দিনেমার গভর্নরের বাটা—শ্রীরামপুর; এক্ষণে কাছারীরূপে ব্যবহৃত হইতেছে।

ব্রাউন, মার্টিন, কুরি, বুকানন প্রভৃতি প্রসিদ্ধ মিশনারীগণও বান করিতেন। তাঁহাদের বহু নিদর্শন আজিও বর্তমান রহিয়াছে। এখানকার মিশন চার্চ, ডাক্তার কেরি ও তাঁহার

শ্রীরামপুরের গোস্বামী-বংশ অতি প্রাচীন ও সম্ভ্রান্ত। আদিশুর কর্তৃক কনৌজ হইতে আনীত পঞ্চ ব্রাহ্মণের মধ্যে চন্দ্রের পুত্র ধরাধর গোস্বামী-বংশের আদিপুরুষ।




শ্রীরামপুরের গির্জা

সহযোগীদের দ্বারা ১৮০০ খৃষ্টাব্দে তাঁহাদের বাসভবনের সংলগ্ন জমির উপর নির্মিত হয়। রোম্যান-ক্যাথলিক গির্জা সর্বপ্রথম ১৭৬৪ খৃষ্টাব্দে ক্ষুদ্রাকারে নির্মিত হয়। বর্তমান

বর্তমান জেলার পাটুলি গ্রামে ইহাদের আদি বাস ছিল। সেওড়াফুলি ও বংশবাটার রাজাদের আদি বাসস্থানও এই স্থানে ছিল। গোস্বামীদের প্রকৃত উপাধি চক্রবর্তী। তাঁহাদের পূর্বপুরুষ লক্ষ্মণ চক্রবর্তী শাস্তিপুরের গোস্বামী বংশে বিবাহ করেন। তাঁহার পুত্র রামগোবিন্দ মাতুলের জমিদারী ও অগ্রাঙ্গ সম্পত্তির অধিকারী হওয়ায়, তিনিই প্রথম গোস্বামী নামে খ্যাত হন। কথিত আছে, একদা নৌকা জলমগ্ন হইলে তিনি সম্ভরণ করিয়া শ্রীরামপুরে উঠেন এবং তদবধি এই স্থানে বাস করেন। স্মরণ্য তাঁহাকেই প্রকৃতপক্ষে শ্রীরাম-

পুরের গোস্বামী-বংশের প্রতিষ্ঠাতা বলা যাইতে পারে। তিনি বাসের জগৎ সেওড়াফুলির রাজাদের নিকট জমি প্রাপ্ত হন এবং বিষ্ণুপুরের রাজা কর্তৃক


শ্রীশ্রী রাধামোহন, গোপাল ও রাধিকা এই তিন দেব-
দেবীর সেবাইৎ নিযুক্ত হন ও তৎসহিত উক্ত রাজার
প্রদত্ত নিষ্কর দেবোত্তর জমি প্রাপ্ত হন। এখনও এই তিন



শ্রীরামপুর কলেজ

দেব দেবী গোস্বামীবংশের গৃহদেবতা রূপে বিরাজ
করিতেছেন।

রামগোবিন্দের পুত্র হরিনারায়ণ দিনেমার কোম্পানীর
দেওয়ান ছিলেন এবং প্রচুর ধনোপার্জন করিয়াছিলেন।



ডাক্তার কেরির সমাধি-স্তম্ভ—শ্রীরামপুর


তাঁহার কনিষ্ঠ সহোদর রঘুনাথও পামার কোম্পানীর মুচুদ্দি
হইয়া, এবং ব্যবসা কার্যের দ্বারা বিস্তর ধন-সম্পদের
অধিকারী হইয়াছিলেন। ডেনমার্ক-অধিপতি যখন
শ্রীরামপুর বিক্রয়ের অভিলাষ করেন, তিনি দ্বাদশ লক্ষ মুদ্রায়

উহা খরিদ করিতে প্রস্তুত ছিলেন। ইংরাজ গভর্নমেন্ট তাহা
করিতে দেন নাই। (৭)


এখানকার দে-বংশও খুব প্রাচীন ও সম্পদশালী। ষোড়শ
শতাব্দীর প্রারম্ভে দমদমার নিকটবর্তী গাঁতি নাম গ্রামে
ইহাদের আদিম বাস ছিল। তৎপরে সে স্থান পরিত্যাগ
করিয়া তাঁহারিা রিষড়ায় আসিয়া বাস স্থাপন করেন।
প্রায় ছইশত বৎসর পূর্বে এই বংশের পূর্বপুরুষ রামচন্দ্র দে
ব্যবসায় উপলক্ষে শ্রীরামপুরে উঠিয়া আইসেন। উক্ত দে
মহাশয়ের একখানি মুদির দোকান ছিল। তাঁহার পুত্র
সাথলীরাম তুলার ব্যবসা ও দিনেমার কোম্পানীর আনীত
বৈদেশিক দ্রব্যের ব্যবসা দ্বারা উন্নতিলাভ করিয়াছিলেন।
কিন্তু প্রকৃত প্রস্তাবে এই বংশের গৌরব প্রতিষ্ঠা করিয়া-
ছিলেন তদীয় জ্যেষ্ঠ পুত্র রামচন্দ্র। তিনি বঙ্গদেশে
কোন আত্মায়ের লবণের কাজে শিক্ষানবীশরূপে প্রবেশ
করিয়া, শেষে নিজ চেষ্টা ও কার্যদক্ষতার লবণের ব্যবসা
দ্বারা বিপুল সৌভাগ্য অর্জন করিয়াছিলেন এবং উপার্জিত

অর্থের যথেষ্ট সন্ধানবহারও করিয়াছিলেন। ১২৩০ সালের
আষাঢ় মাসে রামচন্দ্র পরলোকে গমন করেন। তাঁহার

(৭) District Gazetteers—Hughly.




নিস্তারিনী-কালীমন্দির—সেওড়াফুলি



নিমাইতীর্কের বাট—বৈথবাটা

সহধর্মিনী তাঁহার সহিত সহযুতা হইয়া এই বংশকে গৌরবান্বিত করিয়া গিয়াছেন।

এই দে-বংশ পূর্বাঙ্গের অত্যন্ত ধার্মিক বলিয়া পরিচিত। শ্রীরামপুরস্থ যাবতীয় জনহিতকর প্রতিষ্ঠানসমূহেই প্রায় ইহাদের অর্থসাহায্য আছে। শ্রীরামপুরে শ্রীশ্রীকালী



শ্রীশ্রীনিস্তারিনী কালী—সেওড়াফুলি

মাতার পূজার জন্ত এক স্ববৃহৎ মণ্ডপ ও কাশীতে শ্রীশ্রীশিব স্থাপন ইহাদের অগ্রতম কীর্তি। (৮)

শ্রীরামপুরের পর চাত্রা। এখানে উল্লেখ করিবার মত কিছুই নাই। তৎপরে সৈওড়াফুলি। এখানকার হাট ও কালীবাটী প্রসিদ্ধ। এই উভয়েরই প্রতিষ্ঠাতা সেওড়া-


ফুলির রাজারা। বৈষ্ণববাটীর পুরাতন ও সমৃদ্ধ হাটের প্রচুর আয় দৃষ্টে উক্ত বংশের প্রপান হরিশ্চন্দ্র প্রতিযোগিতা করিয়া এই বাজার স্থাপন করেন। ইহার পূর্বে তিনি পূর্বোক্ত নিস্তারিনী নামে এক অতি সুগঠিত কালীমূর্তি প্রতিষ্ঠা করেন। মন্দির ও মূর্তি গঠন কার্যে তাঁহার দশ সহস্রাধিক টাকা ব্যয় হইয়াছিল। এই কালী দর্শনার্থ বহু লোকের সমাগম হইয়া থাকে।

সেওড়াফুলির রাজারা রাজ্যলার অতি প্রাচীন ও সম্ভ্রান্ত বংশসম্ভূত। পূর্বেই উক্ত হইয়াছে, ইহাদের আদি বাস ছিল কাটোয়ার অনতিদূরে পাটুলি নামক গ্রামে। মুসলমান রাজত্বকালে ইহাদের পূর্বপুরুষ মনোহর রাজ কোন ব্রাহ্মণ জমিদারকে ঋণদায় হইতে মুক্ত করিয়া রক্ষা করার জন্ত, শুরশিদ কুলিখাঁর সময়ে নবাব তাঁহার প্রতি অত্যন্ত সন্তুষ্ট হইয়া তাঁহাদের বংশগত “সুদ্রমনি” উপাধি প্রদান করেন। সুদীর্ঘকাল ধরিয়া তাঁহারা এই উপাধির মর্যাদা রক্ষা করিয়া আসিয়াছিলেন। এমন বিখ্যাত মন্দির এ অঞ্চলে কমই আছে, যাহা কখন না কখন তাঁহাদের সাহায্য প্রাপ্ত না হইয়াছে। তাহেশের জগন্নাথদেবের সেবার্থ জগন্নাথপুর নামক পল্লী তিনি দেবোত্তর করিয়া দিয়াছিলেন।

সেওড়াফুলির উত্তরে বৈষ্ণববাটী। পূর্বে এই স্থানে বহু বৈষ্ণব বাস থাকায় বৈষ্ণববাটী নামের উৎপত্তি। বৈষ্ণববাটীর যে প্রসিদ্ধ হাট আজও বর্তমান আছে, পূর্বোক্ত সেওড়াফুলির বাজার প্রতিষ্ঠিত হইবার পূর্বে কলিকাতার নিকটে পাট ও তরিতরকারীর এতাদৃশ হাট আর কোথাও ছিল না। এখনও কলা ও কুমড়ার এতাদৃশ হাট এ অঞ্চলে আর আছে কি না সন্দেহ। এখানকার শ্রীশ্রীভদ্রকালী অতি প্রাচীন দেবতা। সুপ্রসিদ্ধ নিমাই তীর্থের ঘাটটিও



চাপদানীর মাঠ—কথিত আছে—এই স্থানে ছাউনি ছিল।




খুব প্রাচীন। কথিত আছে, শ্রীচৈতন্যদেব পুরীতে অগ্নি
দর্শনার্থ যাইবার কালে গঙ্গাতীরে এই ঘাটে বিশ্রাম লাভ
করিয়াছিলেন; এবং তাঁহার আদেশে ঘাট সান্নিধ্যে নিম্নতরু
রোপিত হইয়াছিল। চৈতন্যদেবের জীবনচরিতে এবং অল্প
বাস্তালা কবিতায় একরূপে লেখা আছে—এই নিমগাছ-ঘাট
ব্যাপার হইতে তাঁহার অল্প নাম নিমাই হইয়াছে। (৯)

এখানকার পুরাতন ঘাটটি পরে
সংস্কৃত করা হয় এবং উহার উপর
চাঁদনী নির্মিত হয়। পৌষ-সংক্রান্তি ও
বাবুণীর সময় এখানে দুইটি বড় মেলা
হইয়া থাকে। উক্ত চাঁদনী প্রভৃতি
চন্দননগরের স্বনামধন্য কাশীনাথ কুণ্ডুর
দ্বারা নির্মিত হইয়াছে। এই অঞ্চলের
মধ্যে পথিকদের জন্ম ডাক-বাস্তালা
সর্বপ্রথম এই বৈষ্ণবাটীতেই নির্মিত
হইয়াছিল। (১০) বাস্তালার প্রথম
উপন্যাস আলালের ঘরের দুলালের
সহিত এই স্থানের সম্পর্ক আছে। (১১)

বৈষ্ণবাটীর পর চাঁপদানী। এই
ক্ষুদ্র গ্রামের প্রসিদ্ধি তেমন না থাকিলেও
ইহা একটি প্রাচীন স্থান এবং বাস্তালার
রাজনৈতিক ইতিহাসের সহিত ইহার
একটু সম্পর্ক আছে। মনসা মঙ্গলে
ইহারও উল্লেখ দেখা যায়। বাস্তালার
নবাবনাজিম মিরজাফরের নিকট হইতে
প্রধান সেনাপতি কর্নেল্ কুট (Sir
Eyre Coot) ইহা প্রাপ্ত হইয়া-
ছিলেন। হাইদার আলির বিরুদ্ধে যুদ্ধার্থ
সৈন্য প্রেরণ জন্ম, ১৭৬১ খৃষ্টাব্দে
মেদিনীপুরে প্রেরিত সৈন্যের অবশিষ্ট
সৈন্য পরিদর্শনার্থ হেষ্টিংস এই স্থানে আসিয়াছিলেন। (১২)
পূর্বকালে এই স্থান ডাকাতি ও খুনের জন্মও প্রসিদ্ধ ছিল।

এই স্থানের পর গৌরহাটী। ইহার কতক অংশ বৃতীশ
এবং কতক অংশ ফরাসী দ্বারা অধিকৃত। এই স্থানকে
গিরটি, গিরেটা, আবার কেহ বা গরুটি বলিয়াছেন।
ফরাসগঞ্জ নামেও ইহার উল্লেখ দৃষ্ট হয়। (১৩) বোর্টের
ম্যাপ, জোসেফ্ সার্ভে ম্যাপ প্রভৃতি পুরাতন
মানচিত্রে এই স্থান ফ্রেঞ্চ্ গার্ডেন বলিয়া উল্লিখিত




গরুটি প্রাসাদের শেষ চিহ্ন

আছে। সচরাচর লোকে ইহাকে গরুটি বলিয়া
থাকে।

এই স্থানটি আকারে ক্ষুদ্র হইলেও ইহার ঐতিহাসিক
মূল্য কম নহে। ইহা এক সময় চন্দননগরের ফরাসী গভর্নর

(১৩) District Gazetteers—Hughly.

দুপের একটি রম্য উদ্যানভবন বা পল্লীবাস ছিল। দেড়শত
বৎসর পূর্বে এখানে গভর্নরের নিমন্ত্রণে ক্লাইব,
ডিম্বারলেট, হেষ্টিংস, স্যার উইলিয়ম্ জোন্স, ফিলিপ
ফ্রান্সিস্ প্রমুখ চুঁচুড়া, চন্দননগর, শ্রীরামপুর ও
কলিকাতার ইয়োরোপীয় সৌখিন নরনারীগণের সর্বদা
আড়ম্বরে সদা মুখরিত থাকিত, সেই রূপ রাজ্য-সংক্রান্ত
পরামর্শদির জন্ম মিলনেরও ইহা স্থান ছিল।
এই প্রাসাদের মধ্যে একটি এতবড় হল ছিল, যাহার
মধ্যে একসঙ্গে একশত নরনারী স্বচ্ছন্দে পান-ভোজন করিতে
পারিত। ইহার উচ্চতা ৩৬ ফিট ছিল। এই সুসজ্জিত



শ্রীশ্রীঅন্নপূর্ণার মন্দির—তেলিনীপাড়া

সম্বলিত হইত। প্রাসাদ-সংলগ্ন উদ্যান পার্শ্বস্থ সুবিস্তৃত
বৃক্ষবীথিকা সমগ্র সময় নিমন্ত্রিতগণের শতাবধিক যানাদিতে
পরিপূর্ণ থাকিত। (১৪) এই ভবন যেমন অশ্রদ্ধ

(১৪) Selections from unpublished Records of
Government for the year 1748 to 1767.

বিচিত্র গৃহাভ্যন্তরে প্রবেশ করিলে
অকস্মাৎ ভার্সেইএর কোন কোন
সম্রাস্ত পল্লী-নিবাসের কথা মনে
হইত। এমন কি, এই পল্লীকে
কেহ কেহ পূর্বের ভার্সেই নামে
আখ্যাত করিয়াছেন। ইহার
সৌন্দর্য্যে মুগ্ধ হইয়া গ্রাঁপ্ৰি (১৫)
(Grandpre) ও কুরি (১৬)
(Right Rev. Daniel Currie)
এই প্রাসাদকে ভারতের মধ্যে
সর্বোৎকৃষ্ট ভবন বলিয়াছেন। যে
দেশে তাজমহল আছে, যে দেশের
দিল্লী, আগ্রা প্রভৃতি নগরে মুসলমান
বাদশাহদের অল্পম প্রাসাদ সকল
অবস্থিত, যাহার স্থাপত্যের স্থান
পৃথিবীর শ্রেষ্ঠ স্থাপত্য সকলেরও
উপর বলিলে অত্যাঙ্কি হয় না—
সেখানে অবশ্য এ কথার কোন
বিশেষ অর্থ আছে মনে হয় না।
মনে হয়, লেখকের বলিবার উদ্দেশ্য,
তৎকালীন ইয়োরোপীয়দের দ্বারা
নির্মিত এ দেশের ইয়োরোপীয়
ধরণের অট্টালিকা সমূহের মধ্যে
ইহা শ্রেষ্ঠ। এই ইতিহাস-প্রসিদ্ধ
পল্লা-আবাসের ভগ্নাবস্থা দেখিয়া

ঐতিহাসিক মাশম্যান্ দুঃখ করিয়া বলিয়াছেন, গোড়ের
ধ্বংসাবশিষ্ট প্রাসাদ ও মসজিদ সমূহ দর্শনে দর্শকের


(১৫) A voyage in the Indian Ocean and Bengal
undertaken in the years 1789 and 1790.

(১৬) Héber's journey through the upper Provinces
of India.

- (৯) District Gazetteers—Hughly.
(১০) Rural Life in Bengal.
(১১) District Gazetteers—Hughly.
(১২) District Gazetteers—Hughly.

মনে উহার পূর্ব-গৌরবের কথা উদ্ভিত হইয়া যে একটা গভীর হুঃখে হৃদয় ভরিয়া উঠে, যদি একপ হুঃখের নিদর্শন বঙ্গে আর কোথাও থাকে, তবে তাহা ফরাসী গভর্ণরের ভগ্ন-প্রাসাদ-পূর্ণ এই গুরুতীর বাগান।

বিশপ কুরি ভারত-ভ্রমণ কালে এই পরিত্যক্ত অসংস্কৃত প্রাসাদের সুন্দর মৌপান, বৈচিত্র্যময় ভগ্নপ্রায় উচ্চ স্তম্ভ সকল, বিবিধ কারুকার্য-বিশিষ্ট বোডিংমন্ট প্রভৃতি দেখিয়া বিলাতের শ্রমসামারের ধ্বংসপ্রায় মোরেটন করবেট (Moreton Corbét.) নামক সুপ্রসিদ্ধ অট্টালিকার কথা



বর্তমান গরুটি

তাহার মনে উদ্ভিত হইয়াছিল। তিনি বলিয়াছিলেন, এই প্রদেশের মধ্যে ইহাই পতনোন্মুখ উন্নতির একমাত্র (১৭) নিদর্শন। ফরাসী গভর্ণর মসিয়ে শেভালিয়ে (Mons Chevalier) ইহার প্রনষ্ট গৌরব উদ্ধারের জন্ত ইহাকে একবার সুসংস্কৃত করিয়াছিলেন। পরে ইংরাজ কর্তৃক ইহা আক্রান্ত হইলে তিনি এই স্থান হইতেই গোপনে পলায়ন করিয়াছিলেন।

(১৭) Heber's journey through the upper Provinces of India.

গৌরহাটীর পূর্ব কথা, এমন কি কিরূপে তাহা ফরাসীদের হস্তগত হইয়াছিল, তাহার কিছুই জানা যায় না। মোটাটুট পূর্বোক্ত প্রাসাদের সহিতই ইহার ইতিহাস বিজড়িত। তত্ত্ব ক্লাইবের সময় বাঙ্গালার সৈন্যদলের অধিক অংশ সময় সময় এই স্থানে থাকিত বলিয়া জানা যায়। ষ্ট্রাবোরিনস্ (Stravorinus) ১৭৭০ খৃষ্টাব্দে সহস্রাধিক লোক থাকিতে পারে ইংরাজদের এমন একটি মিলিটারি হুর্গ দেখিয়াছিলেন। ইংরাজি ১৭৫৭ অব্দের মে জুন মাসে মিরজাফরের সহিত গোপন সন্ধির উদ্দেশ্যে ক্লাইব এই স্থানে অপেক্ষা করিয়া

ছিলেন এবং ১২ই জুন তিনি এই স্থান হইতেই মুরশিদাবাদ অভিমুখে সৈন্য চালনা করিয়া পলাশী প্রাঙ্গণে জয়লাভ দ্বারা ভারতে বৃটীশ সাম্রাজ্য স্থাপনের ভিত্তি সুদৃঢ় করেন। (১৮) প্রাচীন কালের গৌরবময় যুগে এই স্থানে ফরাসীদের একটি নাট্যশালা ছিল। সুপ্রসিদ্ধ ফিরিঙ্গী কবি আর্টুনি সাহেব এক হিন্দু রমণীকে বিবাহ করিয়া এই স্থানেই বাস করিতেন।

(১৮) District Gazetteers—Hughly. The Musnud of Murshidabad ও অল্প কোন কোন গ্রন্থে ১৩ই জুন লেখা আছে।

এই পল্লীর পরই ভদ্রেখর। বিপ্রদাসের কবিতায় ভদ্রেখরের নাম পাওয়া যায়। শ্রীশ্রীভদ্রেখর নামক শিবলিঙ্গ ও ভদ্রেখরের বাজারের জহুই ইহার প্রসিদ্ধি। এই দেবতার নাম হইতেই এই স্থানের নাম হইয়াছে। বুদে.সি নামেও এই স্থানের উল্লেখ দৃষ্ট হয়। কালনা হইতে কলিকাতা পর্যন্ত স্থানের মধ্যে এত বড় বাজার আর কোথাও ছিল না। কলিকাতা ও ভদ্রেখরের চতুর্পার্শ্বস্থ দশ ক্রোশের সকল স্থানের ধান চাউল এই স্থান হইতে সরবরাহ হইত। পাটের ব্যবসাও এখানে বৃষ্টি ছিল। ভদ্রেখর দেবের উৎপত্তির বিবরণ অজ্ঞাত। ধারণার বিশ্বাস—ইনি কাশীর বিশ্বেশ্বর, দেওঘরের বৈষ্ণাণ দেবের ছায় স্বয়ম্ভু। এই স্থানে এক সময়

সংস্কৃত শিক্ষার চর্চা যথেষ্ট ছিল এবং শিক্ষার জন্ত ১০টি টোল ছিল। (১৯)

ভদ্রেখর অতিক্রম করিয়া চন্দননগরের মধ্যে তেলিনী-পাড়া নামক একটি ছোট গ্রাম আছে। এখানকার পুরাতন কথা বা প্রসিদ্ধির বিষয় কিছু উল্লেখ পাওয়া যায় না। এখানকার বন্দ্যোপাধ্যায়-বংশ ও তাহাদের পূর্বপুরুষদের প্রতিষ্ঠিত শ্রীশ্রীঅন্নপূর্ণা মন্দির প্রসিদ্ধ। এই বন্দ্যোপাধ্যায় মহাশয়দিগের পূর্বপুরুষ বৈষ্ণাণ বন্দ্যোপাধ্যায় হইতেই এই বংশের উন্নতি হয়।

ক্রমশঃ—

(১৯) Adam's Report on vernacular education in Bengal.



শিল্পী—শ্রীস্বধীররঞ্জন খাস্তগীর

মধুলুক

তিন অঙ্ক

শ্রীহেমেন্দ্রকুমার রায়

প্রথম

রঙ্গালয়,—নাটকের প্রথম অঙ্কের পরে তখন যবনিকা পড়েছে।

‘কনসার্ট’ বাজছিল—সম্প্রপাতালভেদী ভীষণ নিনাদে! ত্রেতাযুগে বোধ করি বাংলা রঙ্গালয়ের ‘কনসার্ট’র অস্তিত্ব ছিল না, কারণ তাহ’লে কুম্ভকর্ণের নিদ্রা ভঙ্গের জন্তে তাঁর আত্মীয়-স্বজনগণকে নিশ্চয়ই বেশী আয়াস স্বীকার করতে হ’ত না!

চারু বললে, “ওহে চন্দর, এখানে তো আর ব’সে থাকা অসম্ভব! চল, বাইরে পালাই চল!”

চন্দ্র একটি ‘বক্স’র দিকে দৃষ্টি নিবদ্ধ ক’রে বললে, “চারু, আমি যেদিকে চেয়ে আছি, সেইদিকে একবার তাকাও দেখি, ‘কনসার্ট’র অস্তিত্ব আর তোমার মনেও থাকবে না!”

চারু সেইদিকে তাকালে। যা দেখলে, তাতে তার চোখ হয়ে গেল একেবারে নিম্পলক!

‘বক্স’ এক সুন্দরী ব’সে আছে—যদিও ব্যাপারটা খুবই সাধারণ! তবে এর মধ্যে যদি অসাধারণতা কিছু থাকে, তবে তা আছে ঐ সুন্দরীর সৌন্দর্য!

পৃথিবীতে সুন্দরী আছে অনেক, কিন্তু সকলেই কি সৌন্দর্যকে ব্যবহার করতে জানে?

ইতিহাস বলে, মিসরে ও রোমে এমন সুন্দরী ছিল অসংখ্য, ক্লিওপেট্রা যাদের পাশে দাঁড়াবার যোগ্য ছিল না। কিন্তু ক্লিওপেট্রার রূপ বার বার দিগ্বিজয় করেছিল সেই মিসরে এবং রোমেই!

দেহকে কি-ক’রে চিত্তাকর্ষক ক’রে তোলা যায়, সে হচ্ছে এক অদ্ভুত আর্ট!

চারু যার দিকে এমন পলক-হারা চোখে তাকিয়ে আছে, এই ছলভ আর্ট সে জানে!

চারু মোহিত স্বরে বললে, “চন্দর, এযে আশ্চর্য রূপ! এ কে ভাই?”

চন্দ্র বললে, “ডাইনি কিরণ!”

চারু বিস্মিত কণ্ঠে বললে, “ডাইনি কিরণ?”

—“হ্যাঁ, কলকাতার এক বিখ্যাত বিলাসিনী। এর নৈশ নিকেতনে আজ পর্যন্ত কত হৃদয় ভগ্ন হয়েছে, তার হিসাব কেউ রাখতে পারে-নি!”

—“এমন সুন্দরীর এমন নাম!”

—“হ্যাঁ, কারণ এর আঁচল একবার যার পাশে জড়িয়েচে, সে আর কখনো মুক্তি পায় নি। আমি অল্প বয়সেই এমন বিখ্যাত ধনীকে জানি, এর জন্তে যারা আজ পথের ভিখারী! লোকে বলে, ডাইনি কিরণের বুকের তলায় হৃদয় ব’লে কোন জিনিসের অস্তিত্ব নেই।”

—“কিন্তু ওর পিছনে ব’সে আছে ও কে?”

—“কুমার নরেন্দ্রনাথ রায়—ডাইনি কিরণের নতুন শিকার।”

—“খুব ধনী বুঝি?”

—“হ্যাঁ, কিন্তু ও ধনদৌলৎ আর বেশীদিন থাকবে না, ইতিমধ্যেই কুমারের লোহার সিন্ধুকে বোধ হয় ভাঙন ধরেচে।”

—“কেন, কুমারকে সাবধান করবার কেউ কি হ’ল?”

—“সাবধান ক’রে ফল হয় নি। পতঙ্গ যে সজ্ঞানেই আগুনে গিয়ে ঝাঁপ দেয়! কুমার বিবাহ করেছে, তাঁর সংসারে স্ত্রী, পুত্র, কন্যা সবই রয়েছে, কিন্তু তিনি তাদের দিকে ফিরে চেয়ে দেখবার অবকাশ পান না।”

—“কি অশ্রদ্ধ!”

—“তুমি শুনলে অবাক হবে যে, অর্থাভাবে কুমারের স্ত্রীর কণ্ঠের আর অবধি নেই। নিজের আর ছেলে-মেয়ের জন্তে স্বামীর কাছ থেকে তিনি তো একটি কানাকড়িও পান না, কাজেই তাঁকে ধার করে খরচ চালাতে হয়!”

—“কেন, কুমারের স্ত্রীর কি কোন আত্মীয় নেই?”

—“এক ধনী খুঁড়ে আছেন, মধুবাবু। তাঁর অনেক টাকা, তিনি বিবাহ করেন নি। শুনতে পাই, তাঁর সমস্ত বিষয়ের উত্তরাধিকারিণী হচ্ছেন না কি কুমারের স্ত্রী।”

—“তবে?”

—“কিন্তু মধুবাবুর কাছ থেকে কুমারের স্ত্রী এখন পর্যন্ত কোনই সাহায্য পান-নি।”

—“তুমি এত কথা কি ক’রে জানলে চন্দর?”

—“কুমার যে আমার প্রতিবেশী।”

চারু আর একবার ‘বক্স’র দিকে দৃষ্টিপাত করলে। মর্দাঙ্গ রূপ, রক্ত আর বিচিত্র বর্ণের চমক নিয়ে সেই অপূর্ণ সুন্দরী স্তম্ভ হয়ে ব’সে আছে; তার মুখে অতিমূহু হাসির লীলা! চারু, লিওনার্ডো ডা ভিন্সির আঁকা মোনালিসার প্রসিদ্ধ ছবি দেখেছিল। তার মনে হ’ল এ হাসি সেই মোনালিসার হাসির মতই রহস্যের আবরণে ঢাকা!

ঠিক পিছনেই ব’সে আছেন, কুমার। চারিদিক থেকে শত শত নেত্র যে আগ্রহ-ব্যাকুল হয়ে তাঁর সঙ্গিনীর দিকে ছুটে আসছে, এজন্তে তাঁর মন গর্বে আত্মপ্রসাদে পরিপূর্ণ হয়ে উঠছিল! কারণ কুমারের বিশ্বাস, এই যে সার্বজনীন দর্শন-লালসা, এটা মৌন বিশ্বাসে তাঁরই পছন্দের তারিফ করছে।

চারু ভাবতে লাগল, ইউরিপাইডসের মতই ঠিক। মনুষ্য সৃষ্টির ভিন্ন একটা উপায় ক’রে ভগবানের উচিত, হুমিয়ার থেকে স্ত্রীজাতিকে একেবারে লুপ্ত ক’রে দেওয়া!

দ্বিতীয় অঙ্ক

একখানা ইঞ্জি-চেম্বারের উপরে শুয়ে আছে, কিরণ। টুকটুকে ‘প্লিম্পার’-পরা পা ছুখানি রয়েছে ঘরের মেঝেতে ছড়ানো একখানা বাঘের ছালের উপরে। একটা লোমশ কুকুর তার পায়ের তলায় কুণ্ডলী পাকিয়ে, নিজের পেটের ভিতরে মুখ গুঁজে নিদ্রাসুখ উপভোগ করছে।

দ্বারবান এসে কিরণের হাতে একখানা চিঠি দিয়ে গেল। কিরণ খামখানা চোখের সামনে ধ’রে দেখলে, শিরোনামার লেখা স্ত্রীলোকের হাতের। লেখাটাও অচেনা।

“পুরুষের চিঠিই বরাবর পাই। এ চিঠি কে লিখলে?”

—ভাবতে ভাবতে সে খাম ছিঁড়ে চিঠি বার করলে। তার পর পড়তে লাগল,

শ্রীমতী কিরণমালা,

আমরা কেউ পরস্পরকে দেখি-নি, কিন্তু আমরা হৃদয়েই বোধ হয় হৃদয়ের নাম জানি। আপনি কুমার—বাবুর প্রিয়তমা, আর আমি হচ্ছি তাঁরই উপেক্ষিতা, অভাগিনী সহধর্মিণী।

চিঠি থেকে মুখ তুলে কিরণ খানিকক্ষণ কি ভাবলে। তারপর আবার চিঠির উপরে দৃষ্টিপাত করলে—

“মনের কি অবস্থা নিয়ে আপনাকে এই চিঠি লিখতে বাধ্য হয়েছে, ভগবান তা জানেন। হয় তো আপনিও তা কিছু-কিছু বুঝতে পারবেন, কারণ নারীর মন বোধ হয় নারীর কাছে লুকানো থাকে না।

আমার স্বামীকে মুক্তি দিন—পৃথিবীতে আরো অনেক পুরুষ আছে!

তাঁর সম্পত্তির প্রায় সবই গেছে, যা আছে তাও যেতে বসেছে। তাঁকে এখনো না ছেড়ে দিলে পুত্র-কন্যার হাত ধ’রে আমাদের পথে গিয়ে দাঁড়াতে হবে।

আমার এই কাতর ভিক্ষায় যদি আপনার মনে দয়ার সঞ্চার হয়, তাহ’লে আপনি যাহাই হোন—আপনাকে আমি চিরদিন দেবী ব’লে মনে করব।

আর কিছু আমি বলতে চাই না। ইতি—
নিবেদিকা

শ্রীমতী কনকলতা দেবী।”

কিরণ আবার ভাবতে লাগল..... মনের ভিতরে লজ্জা ও ধিক্কারের কত-বড় আঘাত নিয়ে যে একজন পতিব্রতা সতী তার মত কোন নারীকে এমন পত্র লিখতে পারেন, সেটুকু বুঝবার ক্ষমতা কি তার আছে?.....

নিজের অতীত জীবনের স্মৃতি তার চোখের সামনে ভেসে উঠল। অনেকদিন আগেকার কথা। তখন সবে সে যৌবনে পা দিয়েছে। রাতের পর রাত কেটে গেছে, তার স্বামী বাড়াতে ফেরেন নি, তার চোখে ঘুম নেই। যেদিন স্বামীর দেখা পেয়েছে, সেদিন তার কি নির্ঘাতন! একে একে তার সমস্ত গহনা কোন্ উপদেবীর পূজার জন্তে অদৃশ্য হয়েছে, তবু সে স্বামীর মন পায় নি।

তারপর আর সইতে না পেরে, একদিন সে গৃহত্যাগ করলে,—মনের ভিতরে এই প্রতিজ্ঞা নিয়ে যে, জগতের কোন পুরুষকে আর সে ক্ষমা করবে না!.....

কিরণ হঠাৎ নিজের মনে উচ্চ-স্বরে হেসে উঠল।
পিছন থেকে শোনা গেল—“ও. কি, পাগল হ'লে না
কি, অত হাসচ কেন?”

কিরণ মুখ ফিরিয়ে দেখলে, কুমার নরেন্দ্রনাথ কখন
ঘরের ভিতরে এসে দাঁড়িয়েছে।

সে হাসতে হাসতেই বললে, “তোমার স্ত্রীর চিঠি প'ড়ে
হাসচি।”

নরেন ভুরু কুঁচকে বললে, “আমার স্ত্রীর চিঠি?”
—“হ্যাঁ, তোমার স্ত্রী আমাকে চিঠি লিখেচে।”

—“বটে, এত-বড় আশ্পর্ক! কৈ, দেখি!”
—“না, এ চিঠি তোমার দেখবার কোন অধিকার
নেই।”

—“কিন্তু কি লিখেছে সে?”
—“তাও আমি বলব না।”

নরেন নীরবে নিজের গুঁঠ দংশন করলে।
কিরণ একটু চুপ ক'রে থেকে বললে, “শুন্চি তোমার
বিষয়-সম্পত্তির অবস্থা না কি বড়ই খারাপ হয়ে পড়েচে?”

নরেন গর্জন ক'রে বললে, “কে বললে এ কথা?
নিশ্চয়ই আমার স্ত্রী চিঠিতে—”

বাধা দিয়ে কিরণ অধীর স্বরে বললে, “আগে আমার
প্রশ্নের উত্তর দাও।”

—“না, না, সমস্ত মিছে কথা! তুমি বিশ্বাস কোরো
না কিরণ।”

—“বেশ, তোমার অবস্থা যদি এতই ভালো, তাহ'লে
কাল দোকানে যে মুক্তার মালা দেখে এসেছি, সেই ছড়া
আজ আমাকে কিনে দাও।”

নরেনের মুখ স্নান হয়ে গেল। সে চিবিয়ে চিবিয়ে
বললে, “তার যে অনেক দাম।”

—“দাম! দামের খোঁজে আমার দরকার কি! সে
মুক্তার মালা আমার পছন্দ হয়েছে, তাই-ই কি তোমার পক্ষে
যথেষ্ট নয়?”

—“কিন্তু এই গেল সপ্তাহেই আমি যে তোমাকে দশ
হাজার টাকার জিনিষ কিনে দিয়েছি। তুমি একটু
বিবেচনা ক'রে দেখ।”

কিরণ আবার হাঁহী ক'রে হেসে উঠে বললে,
“বিবেচনা? আমি ও-সবের ধার ধারি না—বুঝেছ?”

তাই তো আমার নাম ডাইনি কিরণ। দয়া-মারা-বিবেচনার
দরকার থাকে তো অস্ত্র যায়গায় যাও, ডাইনি কিরণের
কাছে সে-সব কোনদিনই পাবে না।”

তৃতীয়

চন্দ্র ও চারু দুই বন্ধু মিলে পূজোর ছুটিতে পশ্চিমে
বেড়াতে যাচ্ছে। হাওড়ায় এসে তারা ট্রেনে উঠল। গাড়ী
ছাড়তে তখনো দেরি ছিল। চারু জানলায় মুখ বাড়িয়ে
স্টেশনের জন-সমারোহ দেখতে লাগল।

একটি পরমা সুন্দরী যুবতীর হাত ধ'রে একজন পুরুষ
ব্যস্তভাবে এগিয়ে যাচ্ছিল। তাদের দিকে তাকিয়েই
চারুর চোখ সচকিত হয়ে উঠল। সে তাড়াতাড়ি ডাকলে,
“চন্দর, চন্দর! শীগ'গির দেখে যাও।”

চন্দ্র জানলার ধারে এসে সেদিকে চেয়ে বেশ সহজ
ভাবেই বললে, “হুঁ, ডাইনি কিরণ যাচ্ছে।”

চারু বললে, “কিন্তু সঙ্গের লোকটি কে?”
—“ডাইনির নতুন শিকার।”

—“কুমার কোথায় গেল?”
—“তুমি শোনো নি বুঝি? কুমার যে এখন দেউলে।
কাজেই আর রুধির মিলবে না ব'লে ডাইনি তাকে চিবুনা
মাছের মুড়োর মত পরিত্যাগ করেছে।”

—“কি নিষ্ঠুর স্ত্রীলোক!.....তবে কুমারের মত
লোকের এমনি শাস্তি হওয়াই উচিত। কুমার এখন আবার
তার অভাগী স্ত্রীর কাছে ফিরে গেছে তো?”

—“তা গেছে। কিন্তু কুমারের স্ত্রীকে আর অভাগী
ব'লে ডেকো না। তাঁর এখন অনেক টাকা।”

—“সে কি! এই যে বললে, কুমার এখন দেউলে।”
—“হ্যাঁ, কিন্তু তোমাকে সেদিনই তো বলেছিলুম,
কুমারের স্ত্রীর এক ধনী খুড়ো আছেন, মধুবাবু। ব্যাপারটা
হয়েছে ঠিক উপস্থাসের মতন। মধুবাবু হঠাৎ তাঁর
স্বভাবসুলভ উদাসীনতা ত্যাগ ক'রে কুমারের স্ত্রীকে এত
অর্থদান ক'রেচেন যে, তাঁকে আর এ জীবনে টাকার
ভাবনা ভাবতে হবে না। কুমারকে এখন একটা পয়সার
জন্তেও স্ত্রীর কাছে গিয়ে হাত পাততে হয়। স্ত্রীর একান্ত
অনুগত হওয়া ছাড়া এখন আর তাঁর অস্ত্র উপায় নেই।”

—“অদৃষ্টের কি নিষ্ঠুর পরিহাস!”

—“হুঁ।.....কিন্তু মধুবাবুর এই আকস্মিক উদারতার
সন্দেহ হয়ে আমি তলে তলে কিছু খোঁজ নিয়ে আর একটা
আশ্চর্য আবিষ্কার করেছি।”

—“কি আবিষ্কার?”
—“মধুবাবুকে মধ্যস্থ রেখে আর একজন গোপনে
কুমারের স্ত্রীকে এই অর্থ দান করেছে। কুমার বা তাঁর
স্ত্রী এ-কথার কিছুই জানেন না।”

—“সে কি হে?”
—“হ্যাঁ। এ একটা বিচিত্র খেলাল, না মৌলিক
রসিকতা, না অমূল্য পাণীর ক্ষণিক দুর্বলতা, তা আমি
বলতে পারি না। তবে স্বামীকে ভিখারী করেছে সে স্ত্রীকে
রাণী করবার জন্তেই।”


—“এ আবার কি রহস্য! কে সে?”
—“ডাইনি কিরণ।”

“ওয়াটার সাইকেল বোট”

শ্রীউমাপতি ঘটক

প্রায় ৮১০ বৎসর পূর্বে আমেরিকার একখানি সংবাদ-
পত্রে নিম্নের চিত্রের স্থায় একটা চিত্র সহ এক দীর্ঘ প্রবন্ধ
বাহির হইয়াছিল। তাহাতে ঐ নূতন রকম জলযানের
নির্মাণকে উহার আবিষ্কার বলিয়া নির্দেশ করা হয় ও ঐ
যানের উপকারিতা সম্বন্ধে অনেক বিষয়ও লিখিত হইয়াছিল।

প্রায় এক বৎসর পূর্বে, আমার যতদূর মনে হয়, আর
একখানি পত্রিকায় ঐ প্রকার আর একটা ছবি দেখিয়াছিলাম



ওয়াটার সাইকেল বোট

ও তাহার নির্মাণও একজন বিদেশী। কিন্তু আমাদের এমন
হুঁজুগ্য যে, ঐ সাইকেল বোট আমাদের দেশে একজন বাঙ্গালী
প্রথম উদ্ভাবন করিয়া কালের করাল গ্রাসে পতিত হইয়া-
ছেন; কিন্তু আমরা তাহার কোনই সংবাদ রাখি না, বরং
উহা নির্মাণের প্রশংসা একজন বিদেশীকে দিয়া দিলাম।

এই যে বাঙ্গালীর প্রত্যেকের কত আদরের সামগ্রী যে
“চাউল”, তাহাও প্রস্তুত করিবার কল একজন বাঙ্গালীই

উদ্ভাবন করেন, কই আমরা কয়জন তাহার খবর রাখি?
খবর রাখিতাম—যদি তিনি বিলাত যাইয়া তাহার আবিষ্কার
ঘোষণা করিতেন।

প্রায় ৪০ বৎসর পূর্বে কলিকাতার দক্ষিণ চেল্লা
নামক স্থানে প্রসিদ্ধ সরকারী উকিল ৬কাশীধর ঘটক
মহাশয়ের পুত্র ২৪ পরগণা বেহালানিবাসী জগদীশ্বর ঘটক
১৮ বৎসর বয়স্ক কালে ঐ ওয়াটার সাইকেলের
আবিষ্কার করেন।

এই জলযান দেখিতে অতি সুন্দর ও ইহার বিশেষত্ব
এই যে, ইহা জলে ডুবিয়া যায় না, বা তুফানে উল্টাইয়া যায়
না। ইহার নির্মাণ স্বয়ং ইহাতে আরোহণ করিয়া পদ্মানদী
পর্যন্ত ভ্রমণ করিয়া আসিয়াছিলেন।

ইহার সুন্দর গঠন ও জল-ভ্রমণের নির্ভয়তা উপলব্ধি
করিয়া রাজা জ্যোতির্শ্রম ঠাকুর, সাজাহানপুরের মহারাজ ও
মহারাজাধিরাজ বর্দ্ধমান বাহাদুর প্রত্যেকেই একখানি
করিয়া ঐ জলযান খরিদ করিয়া নির্মাণের উৎসাহবর্দ্ধন
করিয়াছিলেন। *

* লেখকের আক্ষেপ একেবারে অসঙ্গত না হইলেও, সম্পূর্ণ
সঙ্গতও নয়। এই ওয়াটার সাইকেল বোট পুরাতন “ইণ্ডিয়ান
ইঞ্জিনিয়ার একজিভিশন”, “মোহন মেলা” প্রভৃতি শিল্প-প্রদর্শনীতে
প্রদর্শিত ও প্রশংসিত হইয়াছিল, সংবাদপত্রেও আলোচিত হইয়াছিল।
নূতন আবিষ্কারের গৌরব হইতে আবিষ্কারকে বঞ্চিত করা হয় নাই।
সে সময়ে সেই বোট আমরাও দেখিয়াছিলাম, প্রত্যন্তরে তাহার প্রশংসাও
করিয়াছিলাম। তাই বলিয়া বিদেশী কোন আবিষ্কারের পরিচয় লইতে
পারা যাইবে না, এমন কোন কথা নাই। আমাদের নিজ-দেশের
আবিষ্কার যে উপেক্ষিত হয়, তাহা আমাদেরই ব্যবসায়-বুদ্ধির অভাবের
পরিচায়ক; সেজন্ত বিদেশীকে দোষী করা যায় না। লেখক আমাদের
কাছে উহার বিবরণ পাঠাইবামাত্র আমরা উহা প্রকাশ করিলাম।
আবিষ্কারক নিজে নিশ্চেষ্ট থাকিলে অপরে কি করিতে পারে?

—ভারতবর্ষ-সম্পাদক।

দিকশূল

শ্রীউপেন্দ্রনাথ গঙ্গোপাধ্যায়

১৬

অনতিবিলম্বে স্কুমারীর মনোযোগ অপর সকল বিষয়ে হ্রাস পাইয়া সরমার পুত্রের উপর বর্দ্ধিত হইয়া উঠিল। সে তাহাকে কোলে তুলিয়া, বুকে ফেলিয়া, আদর করিয়া, চুমা খাইয়া, হাসাইয়া, কাঁদাইয়া, নাচাইয়া, অস্থির করিয়া দিল। তাহার বুভুক্ষু হৃদয়ের গোপন ক্ষুধা, দীর্ঘকালের অপরিতুষ্টিতে যাহা ক্রমশঃ প্রবল হইয়া হৃদয়ের নিভৃত গহবরে অগোচরে বাস করিতেছিল, সহসা জাগ্রত হইয়া উঠিয়া কিছুতেই যেন পরিতৃপ্তি মানিতেছিল না। নিজের গাছে যে ফল একবার মাত্র ফলিয়া ভবিষ্যতে পুনরায় ফলিবার সম্ভাবনা চিরদিনের জন্ত অপহৃত করিয়া নষ্ট হইয়া গিয়াছে, সেই স্মৃতি ফলের রসাস্বাদে স্কুমারীর অপরূপ মাতৃস্ব উদ্বেলিত হইয়া উঠিল। তাহার গভীরতম সংক্ৰান্তের কারণ এই ছিল যে, যে-অক্ষমতা মাতৃস্বের পূর্ণতা হইতে তাহাকে বঞ্চিত করিয়াছে সে-অক্ষমতা লইয়া সে জন্মগ্রহণ করে নাই! বিধাতার হস্তে সে যাহা পাইয়াছিল মানুষের হস্তে তাহা হারাইয়াছে।

রান্নাঘরে সরমা রান্নার যোগাড় করিয়া লইতেছিল, স্কুমারী খোকাকে লইয়া তথায় উপস্থিত হইয়া বলিল, “এমন সুন্দর ছেলে কিন্তু এত রোগা কেন রে?”

“অসুখ যে দিদি। রোজ শেষ রাতে লিভারের জ্বর হয়।”

“চিকিৎসা করাস নে?”

“করাই। ডাক্তার বলেছেন শীতটা একটু বেশী চেপে পড়লে জ্বর ছাড়বে।”

“সে ত’ সময়ের গুণে ছাড়বে—ওষুধের গুণ তাহলে কি হল? খাওয়ান কি?”

“খাওয়াই ছুধ সাবু। জ্বর না থাকলে কিষা কম থাকলে চারটি করে ছুধ-ভাত দিই।”

“কি ছুধ খাওয়ান? ভয়সার ছুধ না ত? ভয়সার ছুধ ছেলেকে কখনো খাওয়ানি নে!”

সরমা বলিল, “কিন্তু ভয়সার ছুধ খেয়ে হজম করতে পারলে খুব উপকার হয় দিদি।”

স্কুমারী বলিল, “ভয়সার ছুধ হজম করতে পারলে শরীর যেমন মোটা হয় বুদ্ধিও তেমনি মোটা হয়। গরুর ছুধ বেশী করে না খেলে বুদ্ধি গরুর মত হয় তা জানিস নে?”

স্কুমারীর এই অদ্ভুত মন্তব্যে হাসিতে হাসিতে সরমা বলিল, “না, তা’ ত জানি নে।”

“হয়। ছুধ-সাবু আর ছুধভাত ছাড়া আর কি দিস খেতে?”

“আর ত কিছু দিই নে।”

হুই চক্ষু বিস্ফারিত করিয়া স্কুমারী বলিল, “দর্দনাশ! এই খাইয়ে তুই ছেলে মানুষ করবি! গয়লা বাড়ীর ছুধ আর বাজারে কেনা সাবু, যা মোটেই সাবুদানা নয়, তাই খেয়ে তোমার ছেলের জ্বর সারবে?”

স্কুমারীর কথায় চিস্তিত হইয়া সরমা বলিল, “কিন্তু জ্বরের উপর আর কি দেবো দিদি?”

“বা দিলে শরীরে একটু রক্ত আর মাংস হয়ে জ্বরটাকে তাড়াতে পারে জ্বরের উপর তাই দিতে হবে! এখন এর প্রধান দরকার হচ্ছে শরীরে একটু পুষ্টি হওয়া; সেই জন্তে ভেবে চিন্তে যা-কিছু পুষ্টিকর অথচ হালকা খাওয়া সব একে খাওয়াতে হবে। পেটে যখন লিভার রয়েছে তখন বেশী, করে ফলের রস দিতে হবে। ডালিম, বেদানা, আঙ্গুর, কমলালেবু, পাতিলেবু এ সব ফলের রস এর পক্ষে আহাৰ আর ওষুধ দুইয়ের কাজ করবে। তারপর দুধের সঙ্গে টাটকা ডিমের কুসুম, মশুর ডালের জুস, কই-মাগুর মাছের স্থপ, মটন ব্রথ, একটু করে টাটকা মাখন, কোনো দিন বা একটু বার্লি-সিদ্ধ-করা রুটি, এ-সব দেওয়া দরকার। ছ মাসে ভাত হয়েছে সে আজ ছ মাস হতে চল, এক মুখ দাঁত বেরিয়েছে—এখন একে না খেতে দিলে চলবে কেন? এ বুড়ো মানুষ নয় যে উপোস দিইয়ে জ্বর ছাড়াবি। এ জ্বর ছুর্কলতার জ্বর—অপুষ্টির জ্বর। বেশী দিন এ জ্বর লেগে থাকলে কঠিন সব রোগ এসে জুটবে। ছোট ছেলের প্রথম

৬৯২

বনেদটা ভারী শক্ত হওয়া দরকার। ছ বছরের মধ্যে যে ছেলে স্বাস্থ্যবান না হল, কোনো রকম করে প্রাণে বেঁচে গেলেও, চিরজীবন সে রুগ্ন আর দুর্বল হয়ে থাকবে। ছেলেকে অযত্ন করিস নে সরো।”

ছেলেকে সরমা অযত্ন নিশ্চয়ই করে না; কিন্তু স্কুমারীর এই সুদীর্ঘ খাণ্ড-তালিকা আবৃত্তির পর ছেলেকে কেবল মাত্র ছুধ-সাবু এবং ভাত খাওয়াইয়া রাখা যে অযত্ন করা নহে, এ কথা বলিতে গেলে অনেক কথাই বলিতে হয়, তাই সে চুপ করিয়া রহিল। কিন্তু স্কুমারীর কথায় তাহার মনের মধ্যে আতঙ্ক সঞ্চারিত হইল। সে উৎকণ্ঠিত চিত্তে ভাবিতে লাগিল স্কুমারীর তালিকার কত দফা তাহার সামর্থ্যের মধ্যে সম্ভব।

স্কুমারী বলিল, “শুধু খাওয়াই নয়। পরার বিষয়েও বিশেষ মন দেওয়া দরকার, বিশেষতঃ এ সব শীতের দেশে। যথেষ্ট জামা কাপড়ের অভাবে ছেলের যে কত ক্ষতি হয় তা বলবার নয়। ঠাণ্ডা লেগে গেলে শুধু যে সর্দি কাশি আর পেটের অসুখ হতে পারে তাই নয়, উপযুক্ত গায়ের কাপড়ের অভাবে শরীরের উত্তাপ নষ্ট হয়ে শরীর মোটা হতে পারে না।”

এবার সরমা মৃদুভাবে একটু তর্ক তুলিল; বিশেষতঃ তাহার পুত্র যে সজ্জা পরিয়া ছিল তদ্বিষয়ে তেমন কিছু অনুরোধ করিবার ছিল না বলিয়া এ কথাটা সাধারণ ভাবে আলোচিত হইবার পক্ষে সেরূপ বাধা ছিল না। সে বলিল, “কিন্তু দিদি, তা হলে গরীব দুঃখীদের ছেলেপিলে বাঁচে কেমন করে? তারা যা খাইয়ে-পরিয়ে ছেলে মানুষ করে দেখেছ ত?”

স্কুমারী বলিল, “দেখেছি। কিন্তু প্রত্যেক মানুষের যেমন পৃথক ধাত আছে, প্রত্যেক জাতেরও তেমনি পৃথক ধাত আছে। দেহ খাটিয়ে যাদের খেতে হয় তাদের ধাত, আর মাথা খাটিয়ে যাদের খেতে হয় তাদের ধাত কখনো এক হয় না। এক মণ বোঝা মাথায় নিয়ে যে এক মাইল পথ চলে যেতে পারে তার ছেলে যা খেয়ে মানুষ হবে, এক ধানা বড় উপভাস এক রাত্রি জেগে যে পড়ে ফেলতে পারে তার ছেলে তাই খেয়ে মানুষ হতে পারে না। তাই বিপণ্যার ছেলে যখন ছোলা খাবে তোর ছেলেকে মাখন খেতে হবে। গয়লা বাড়ীর ছুধ দিয়ে মুদিখানার সাবু খাওয়া ছুজনের

মধ্যে কারো পোষাবে না। তা ছাড়া তোর ছেলের যা অসুখ আর আকৃতি—খাওয়া-পরার বিশেষ ব্যবস্থা না করলে চলবে কেন?”

সরমা আর তর্কে অগ্রসর হইল না; হাসিতে হাসিতে বলিল, “দিদি তুমি এত কথা জানলে কি করে?”

স্কুমারী সবিস্ময়ে বলিল, “এত কথা আবার কি করে? এ সব মামুলী কথা না জানলে ছেলে মানুষ করবি কি করে? নিজের আমার নেই, কিন্তু তাই বলে কি চোখে দেখি নি? আমার ননদের বড় জায়ের দৌত্তরকে পাড়াগাঁ থেকে নিয়ে এল জরাজীর্ণ—জলবারি খাইয়ে খাইয়ে একেবারে জল-বারির মত চেহারা করে দিয়েছে। তার দিদিমা তাকে ছ মাস বেদানার রস খাইয়ে বেদানার মন চেহারা করে পাঠিয়ে দিলে। ভাল জিনিস খাওয়ালে যদি ভাল চেহারা না হত তা হলে সাহেবদের ছেলের অমন চাঁদের মত চেহারা হত না।”

এ অকাট্য যুক্তি এবং প্রত্যক্ষ নজীরের বিরুদ্ধে সরমার কিছুই বলিবার ছিল না। সে ভীতি-বিহ্বল চিত্তে চুপ করিয়া রহিল। একবার ইচ্ছা হইল জিজ্ঞাসা করে কয়টা বেদানায় একদিন পান করিবার মত রস হয়, এবং তাহার মূল্য কত; কিন্তু পাছে উত্তর শুনিয়া বেদানার রসের দ্বারা পুত্রকে স্তম্ভ করিবার ক্ষমতা তাহার নাই বলিয়া জানিতে পারে সেই আশঙ্কায় সরমা সে কথা জিজ্ঞাসা করিল না।

হুই হস্তে খোকাকে তুলিয়া ধরিয়া তাহার নাসিকায় নিজ নাসিকা ঘষিয়া ঘষিয়া স্কুমারী আদর করিতেছিল; হঠাৎ সুবিধা পাইয়া খোকা অত্যন্ত স্কুমারীর নাসিকাগ্র বার হুই চুষিয়া দিল।

স্কুমারী বলিল, “তোর ছেলে শুধু ছুধ-সাবু আর ছুধ-ভাতই খায় না সরো, আরো একটা জিনিস খায়!”

কাজ করিতে করিতে ফিরিয়া চাহিয়া সরমা বলিল, “আবার কি খায়?”

“মাসির নাক খায়!”

সরমা হাসিয়া বলিল, “মাসি যে রকম বেদানা আর ডালিমের গল্প করছিল, মাসির টুকটুকে নাক দেখে ভেবেছে ডালিম কিয়া বেদানাই বা হবে!”

শিশুকে আদর করিতে করিতে স্কুমারী বলিল, “চুষে দেখলে মাকাল ফল। ছেলের নাম কি রেখেছিস রে?”

মুহূ হাশু করিয়া সরমা বলিল, “ত্ৰীপদ।”

সুকুমারী বলিল, “রমাপদর সঙ্গে মিলিয়ে ত্ৰীপদ? এ নাম কে রাখলে? রমা, না তুই?”

সরমা কিছু বলিল না। স্মিতমুখে চুপ করিয়া রহিল। “ত্ৰীপদ ত’ পোষাকী নাম; ডাক-নাম কিছু রাখিস নি?”

“ডাক নাম ঘিণ্টু।”

“ঘিণ্টু? তা বেশ নাম! ত্ৰীপদর চেয়ে ভাল।” বলিয়া ঘিণ্টুর সহিত সম-ধ্বনিত আরও চার-পাঁচটি অর্থ-বিহীন শব্দের দ্বারা আদর করিতে করিতে ঘিণ্টুকে বুকের উপর ফেলিয়া সুকুমারী গ্রহণ করিল স্বামী সমীপে। (ক্রমশঃ)

ভোরের শিউলা

শ্রীরাধারাণী দত্ত

শরৎ-আলোর অরুণ-চুমায় বরা

আমি তরুণ করুণ শেফালী,

ঘাসের বুকে মনের হুখে মরা—

সরম আমার নয়গো সে খালি!

ভোরের হাওয়া, তুইত’ আমার কাণে

কইলি,—“জাগো উষার আলোর গানে

আসছে দায়িত!” বিহ্বল আমার প্রাণে—

আশার মোহন স্বপ্ন দেখালি!

কোথায় ভ্রমর, কোথা গো অবন্ধ?

বক্ষে মধু নাই যে পিঙ্গাবো,

একটু ছিল ঈষৎ স্নগন্ধ,

আর কত’খন ভায় বা জীয়াবো?

আসছে প্রভাত মরণ-দুতী মোর,

চক্ষে ঘনায় ঝাপসা ঘুমের ঘোর,

শেষ-কামনা কুমুম-চিত-চোর

তোমার গলার গান শুনি যাবো!

রূপের ঠমক, গন্ধ-গমক নাই

চমক যা’ দেয় গোলাপ-বাগানে,

রঙীন পরিমল পাবে না ভাই

তোমার প্রেমের গুঞ্জন ভাসে;

পঙ্কজিনীর মর্ম্মকোষের মধু

পিয়াল-পরাগ নাইক’ হেথায় বঁধু!

কিশোরী এই শিউলী মই’য়ের গুধু

স্ববাস মুহূ—বিলাস না জানে!

হলুদ-বৌটা ব্যাঘ্র বিবশ তার

হানলে আলোক—আঁধার—নয়নে!

মৃত্যু-শিথিল দলগুলি একবার

কাঁপল’ যেন কালের চয়নে!

নীড়ের পাখী গাইল উদাস স্বরে

তরু-লতার অশ্রু শিশির বারে

শিউলী যখন সজল তৃণের’ পরে

মুদল আঁখি মরণ-শয়নে।

কলির দাতাকর্ণ

শ্রীনন্দ শর্মা

দাতারাম পড়তো যখন আগড়-পাড়ার ইস্কুলে,
পয়সা দিয়ে খাবার কিনে খায়নি সে কভু ভুলে।
পোষাক পরিচ্ছদের প্রতি ছিল না তার কিছুই টান,
দানাপুরী জুতো পায়;—দিলেও খেত’নাক’ পান।
চুলের সঙ্গে চিরুণীরও ছিল না কভু সাক্ষাৎ,
লেখাপড়া নিয়েই বাস্ত খাকুতো কেবল দিনরাত।
সন্ধ্যা-আহ্নিক করত’ খুবই, সেটায় ছিল খুবই আটা;
বিত্তেটা তার ছিল মাছে,—কখন সে খায়নি পাঁটা।
পাড়ার ছেলের বড়ই মুস্কিল,—সবাই দিত উদাহরণ,
“ছেলে যদি হয় কারো ত, হয় যেন সে দাতার মতন।”
প্রাইজ পেতো, মেডেল আনতো, চারদিকে তার হ’ত নাম,
সবাই বলত “গ্রামের ছিঁরি, বাহবা ছেলে দাতারাম!”
লেখাপড়া শেষ ক’রে সে হ’ল একজন প্রফেসর,
একেবারে একশ’ টাকা মাসোহারাও হল’ তার।
কর্তা হয়ে খরচটার সে করলে এমন কড়াকড়ি,—
ডল’ ভাত, আর কুমড়া কচু, শাকপাতার এক চচ্চড়ি।
আমড়া, না হয় আমরুল দিয়ে,—খোসার একটা জোঁদা টুক,
বারোমাসই একটানা, এই আহ্বারের তার বাড়লো সখ।
বছরে চারখানা সাজী,—ন’হাত হলেই,—তাই প্রমান,
পুষ্করদের বরাদ্দ হল,—এক থানে হবে ছ’খান।—
স্বতন্ত্র গজ’থানেক ক’রে পাবে সবাই আলাদা,—
কৌচার স্থানে কুঁচিয়ে সেটা গুঁজে নিতে কি বাধা?
কাচলেই হল’ মাঝে মাঝে, একটাতেই তার চলবে বেশ,
আবার একটা নতুন পাবে—বছরটা যেই হবে শেষ।
কামিজপরা ছেলেগুলয়—বাড়ীর সবাই হয়ে’ বাম,—
সবাই বলত, “দেখে আয়গে—কিবা ছেলে দাতারাম।”
সংসার-বাবদ চলিশ রেখে—যাট যেত’ তার ব্যাক্ষের খাতে,
খেতে প’রতে আটটি, তবু খেলাফ-কভু হয়নি তাতে।
বলা ছিল—“যে যা পারবে ও-থেকে বাঁচাতে যা,—
আমি আর চাইনা সেটা,—তারি হবে সে লাভটা!”
শুনে সবাই জলে যেতো,—কেউ বা হাসত’ পাগলু ভেবে,
বুঝত’ সবাই,—ম’রে গেলেও—এক পয়সা না অধিক দেবে।
বললে একদিন বোনকে ডেকে—“ফেঁটা তোর কি করিস!”

ওই’টেই ত’ আসল জিনিস,—কেউ না খায় ত’ আমায় দিস!”
“ওটা যে দাদা, গরুকে দি—ছবেলার সব ক’রে জড়;”
“আজ থেকে আমাকে দিবি, গরু বড় না আমি বড়?
জানিস না সব বিলেতেতে ও জিনিসটার কত দাম।”
সবাই বলে, “ধন্য ধন্য, ছেলে বটে দাতারাম!”
বরাবরই দাতারামের বৌকটা ছিল দানের দিকে,
মেডেল এনেছিল একবার—ঐ বিষয়ে “এসে” লিখে।
কথা পড়লেই বলত তখন,—“ছনিয়ার যা বড় কিছু—
ধর্ম বনো কর্ম বনো,—দানের কাছে সবই নীচ।
না খেয়ে না পোরে, আর নিত্য পাঁচকোশ্ হেঁটে চোলে—
টাকাটা যে বাঁচাই, কেবল—ওই নেশাটা আঁছে বোলে!
খাওয়া-পরায় রুখা-জেনে—ঐটেই আমি করেছি সার,
আনন্দ, কি সুখ শাস্তি,—ঐটেতেই সব হয় আমার।
দানটা সর্ব-শ্রেষ্ঠ বটে,—অপাত্রে না পড়ে কিন্তু;
মহাপাতক হয় তাহাতে, পুণ্য তাতে নাই এক বিন্দু।”
অবাক হয়ে শুনতেছিল—সহপাঠী ঘনশ্রাম,
লাফিয়ে উঠে রলে শেষে—“ক্যাবাৎ ভায় দাতারাম!”
সংসার বাড়লো-বছর বছর,—বেতনটাও বাড়লো ক্রমে,
খরচ কিন্তু বাড়লো না তার,—এক পয়সাও, ভুল, বা ভ্রমে!
মায়ের জালা বাড়লো বটে,—লুকিয়ে ফেলেন চোখের জল,
বাগড়াবাঁটি কানাকাটি—অনুয়েও হয় না ফল।
গোপনেতে গয়না-গাঁটি—বাঁধা রেখে চালান তিনি,
অভাগিনীর কি যে কষ্ট,—জানেন অন্তর্ধ্যামী যিনি।
কাট ফুরলে বেড়া ভেঙে,—লুকিয়ে তিনি উনুন ধরান,
দশমীতেও জল খান না, শিশুদের তায় খাবার আনান।
চাল কেঁড়ে, তার খুঁড়গুলি’নে—নিজে রাঁধেন স্বতস্তর,
পূজোর তত্ত্ব, কাপড়, নিয়ে ফি-বছর হয় মনাস্তর।
“দাতা” বলে—দানটা আগে,—তার পরেতে অল্প কাম,
সবাই বলে, “ভাগ্যবতী,—বিইয়েচে যে দাতারাম।”
ছেলে পড়িয়ে দাতারামের—টাকা যাটেক তাতেও আসে,
এ টাকা সে রাখে, কোনো ছুঃখীর মেয়ের বিয়ের আশে।
গৃহ-হীনে ক’রে দেওয়া ঘর,—অনাথ ছেলের শিক্ষার ভার,
আতুরেরে অন দেওয়া,—সখের মধ্যে ছিল তার।

অন্ধ খঞ্জ দেখে পথে—বড়ই কষ্ট হ'ত প্রাণে,—
 বলতেন তিনি—“এরাই আমার দানের দিকে প্রাণটা টানে।”
 জননী তার দেবতার কাছে—কাদতিন কেবল মৃত্যু চাই।
 খাওয়া-পরার কষ্টে শেষে—চুরি বিত্তে শিখলে ভাই।
 ঘটাবাট যা পেত' সে—লুকিয়ে নিয়ে আসত' বেচে,—
 কাপড় কিনে, খাবার খেয়ে,—একরকমে থাকতো বেঁচে।
 দান-খাতেতে জমার অঙ্ক বাড়তে লাগল অবিশ্রাম,
 দেখে সবাই চোমকে উঠে, বললে—“সাবাস দাতারাম!”
 সহপাঠী বললে একদিন,—“দয়ায় বটে শরীর গড়া,—
 কিন্তু তোমায় দেখিনি ত' দিতে কারোয় একটি কড়া।”
 দাতা বললে—“বলো কি হে—করলেই হল' দানটা বুঝি?—
 অপাত্রে দান ক'রে, শেষে—পাতক নিয়ে আমি যুঝি।”
 “অন্ধ খঞ্জ আতুর যারা—তারা ত অপাত্র নয়?”
 “তুমি আমি বললে কি আর—সে-কথাটা প্রমাণ হয়?
 বিশিষ্ট কেউ বড় ডাক্তার,—সাহেব কিন্তু হওয়া চাই,—
 পরীক্ষাশ্বে বলেন যদি,—তাতে মোর আপত্তি নাই।—
 তবু কিন্তু ধোঁকা থাকে;—ভাল রকম সন্ধান বিনা,—
 কি পাপে হয়েছে অমন—সেটাও আবার কুৎসিত কিনা;—
 কথাটা আমার বুঝেছ ত?—ভাবতে হয় ত' পরিণাম?”
 “তা ত' বটেই” বললে বন্ধু,—“তুমিই সত্য দাতারাম!”
 “ধর'না কারুর চোখ গেলে' দে—অন্ধ হয়ে থাকে যদি,
 কিম্বা কারুর ঠ্যাং ভেঙ্গে' দে—নিজের পায়ের এ দুর্গতি।
 অথবা কারেও সবংশেতে মেরে, এবার হয় অনাথ,
 কাঙ্গাল হয়ে থাকে যদি,—কারুর টাকা আত্মসাত
 ক'রে কোনো জন্মেতে সে;—কিম্বা কারুর মুখের অন্ন,—
 কেড়ে খেয়ে, এবার আতুর—হয়েছে সে মতিচ্ছন্ন;—
 দয়ায় অন্ধ হয়ে আমি—তাদের যদি দানটা করি,—
 ভাবতেও তা, শিউরে উঠি,—রক্ষা আমায় করেন হরি।
 তা না ত', এ সব টাকাই ত' দানের তরেই রাখাটা মোর,
 পাত্র কিন্তু পাই না খুঁজে,—এইটেই তো আপশোষ ঘোর।
 সদাই ভাবি—দূর ক'রে দি—জুখ হতে ধরাধাম;
 বন্ধু বললে—“অমর হয়ে—বেঁচে থাক ভাই দাতারাম!”
 “ধর'না আবার, টাকাটা নিয়ে—করে যদি কেউ অসদ্বায়,
 কাজের চেপ্টা না করে, আর কুড়ের মত' ব'সে রয়,
 অথবা মদ খেয়ে বসে,—কিম্বা যদি খায় সে গাঁজা,
 সে সব পাপে আমাকেই ত' নিতে হবে কড়া সাজা;

যরে আঙুন দিছলো কারুর, হয়েছে তাই গৃহ-হার,
 তাদের দানটা করে কি শেষে—পাপে আমি যাব' মারা?
 অন্নের তরে টাকাটা দিলুম;—সে যদি গে খায় কচুরী,
 নিজে মজ লুম, তারে মজালুম,—মিছেই আমার সব মজুরী।
 পাপ শেখাবার তরেই লোকে, হয় যদি মোর দানটা করা,
 বলো দিকি বাড়বে কি না—ছ ছ ক'রে পাপের ভরা।
 তার চেয়েতে, তাদের পাওনা থাকুক না আমারই কাছে,
 মনে মনে দিয়েইচি ত';—তার চেয়ে আর সুখ কি আছে!
 বন্ধু বললে—“এ ভাবটা ভাই, একদমই খাঁটি নিকাম,—
 দান ক'রবে ত' এই রকমই,—বাহা রে বাহা দাতারাম!”
 “ক'নের পাত্র জোটে বরং—হাজার পাঁচেক যদি বর্ষে,
 দানের পাত্রের বড়ই অভাব,—বিশেষতঃ এই ভারতবর্ষে।
 কথাটা বেশ বুঝেছ ত',—বড়ই কঠিন দানের প্রাণ,
 রয়েছে হয়ে দানেই ফতুর,—দানের তরেই এত যত্ন।”
 * * * * *
 অনেক জলে মা মরেছেন,—জায়গাও গেছেন হাড় জুড়িয়ে,
 দানের তরে দাতারাম কিন্তু,—আজো আসছেন টাকা কুড়িয়ে।
 সাধ আহ্লাদ মেলা-মেশা—না আছে বন্ধুবান্ধব,
 ভয়টা, পাছে কইলে কথা—গুড়ুক খেতে আসে সব।'
 ফ্যান খেয়ে আর তাঁটা চিবিয়ে—ধোরলো শেষে ডিস্পেন্সিয়ার,
 খায় সে এখন সাত সের জল,—বলে'দিছলো কোন্ এক মিয়ান।
 বলতো “এটা জ্যান্তো ওষুদ,—পেয়েছি এতে খুবই আরাম।”
 সবাই বললে “তা ত' বটেই,—সন্দেহ তার নাই দাতারাম।”
 পাত্রাভাবে দাতারামের দান করা না হলো এবার,
 পাই-পয়সা রইলো মজুদ,—সুদে বাড়তে লাগলো দেদার।
 সহপাঠী ছিল যারা সব—বললে তারা অবশেষে,—
 “এমন দাতা জন্মানি কেউ,—জন্মাবেনাও কোন দেশে।
 ছঃফু,—মা বাপু ম'রে গেছেন,—দেখাতে পারলুম না কারে,
 দাতারামের উন্নতিটা,—উদাহরণ দিতেন যারে!”
 মৃত্যুকালে দেখলে গুণে,—জমা মজুদ আটাশ হাজার!
 ছেলের ডেকে, পা ছুঁইয়ে,—মতলবটা (তার) করলে প্রচার—
 “মধুমিত্তিরের বিধবার ওই জমাদারিতে নেওয়াই চাই,—
 অনেকদিনের বোঁকটা আমার,—টাকাগুলো রেখেছি তাই;
 সুদে আসলে গোপাই আছে,—এই চোতেতেই হবে নিলাম,
 আর যা লাগে দিয়ে দিও,—শেষ কথাটা বলে গেলাম।”
 ঠাকুরদের নাম করতে বলায়,—কষ্টে বললে “গন্ধমাদন,
 “ভস্মলোচন” বলতে গিয়ে—ছিঁড়ে গেলো ভবের বাঁধন।
 দেশ গুলু অবাঁক শুনে, সবাই বুঁকে করলে প্রণাম,
 বললে “কলির দাতাকর্ণ—সরে পড় ভাই দাতারাম!”


নিখিল-প্রবাহ

শ্রীহেমন্ত চট্টোপাধ্যায়

আমেরিকার প্রথম বৈজ্ঞানিক—

যুক্তরাষ্ট্রের হার্ভার্ড বিশ্ববিদ্যালয়ের প্রভুতত্ত্বের অধ্যাপক ডাঃ হার্বার্ট জে, স্পিন্ডেন Guatemala এবং Honduras নামক স্থানের কয়েকটি ভাঙ্গা মন্দিরাদি হইতে কতকগুলি প্রাচীন শিলালিপি আবিষ্কার করিয়াছেন। এই শিলালিপিগুলি ২৫০০ বছরেরও পূর্বের লেখা। এই শিলালিপিগুলির পাঠোদ্ধার করিয়া দেখা গিয়াছে যে, বিখ্যাত মায়াজাতির

আমেরিকা আবিষ্কার করিবার বহু পূর্বে তাহারা এই দেশে বাস করিত। তাহাদের সভ্যতা প্রাচীন মিশর, ভারতবর্ষ এবং চীন, কাহারও অপেক্ষা কম ছিল না। প্রস্তর-খণ্ডের উপর খোদিত তাহাদের যে Timepiece বা ঘড়ি ছিল, তাহার দ্বারা বর্তমান জগতের ঘড়ির কাজ খুব সহজে এবং ঠিকভাবে চলিত, অধিকন্তু এই ঘড়িতে সূর্যের গতিবিধি এবং ঋতু পরিবর্তন বেশ বুঝিতে পারা যাইত। স্পেনের



আমেরিকার প্রথম বৈজ্ঞানিক

কোন পণ্ডিত এই লিপি রাখিয়া গিয়াছেন। এই লিপি-গুলিতে অঙ্কশাস্ত্রের কতকগুলি সুকঠিন নিয়মের অতি প্রাঞ্জল ব্যাখ্যা আছে। এই ব্যাখ্যা সাধারণ পণ্ডিতের কাজ নয়। অঙ্কশাস্ত্রে বিশেষ অধিকার না থাকিলে ইহা করা অসম্ভব। জ্যোতিষ শাস্ত্রের কতকগুলি বিষয় এই সকল শিলালিপিতে পাওয়া যায়।

মায়াজাতি আমেরিকার আদিম অধিবাসী। কলম্বাস


লোকেরা এই প্রাচীন মায়াজাতির বহু নিদর্শন ধ্বংস করিয়াছে। যে সময়-নিরূপণকারী প্রস্তর-খণ্ডের উল্লেখ করা হইয়াছে, তাহার খানিক অংশও তাহারা ভাঙিয়া ফেলে। বিশপ লাণ্ডার এই সকল ধ্বংস-লীলার কর্তা ছিল। মায়াজাতির সময়ের অনেক প্রাচীন পুঁথি ইত্যাদিও বিশপ লাণ্ডার নষ্ট করে।

ডাঃ স্পিন্ডেন বলেন, “যে ব্যক্তি এই সকল আশ্চর্য

শিলালিপির লেখক এবং আবিষ্কারী, তাঁহাকে পারস্যের জোরোয়াষ্টার এবং ভারতবর্ষের বুদ্ধের সহিত এক আসনে বসানো যাইতে পারে।”

মায়াজাতির সভ্যতার পতন যে কেমন করিয়া হইল, তাহা কোনো বৈজ্ঞানিক বলিতে পারেন না। কিন্তু ইহাদের

প্রত্যেক দিন ৬০,০০০এরও বেশী পত্রাঙ্ক চিঠিপত্র এই আপিসে-আসিয়া হাজির হয়। গত বৎসর ওয়াশিংটনের ডেডলেটার আপিসে ২১,০০০,০০০ চিঠিপত্র এবং ৮০৩,০০০ পার্শেল আসিয়া জমা হয়। ইহার মধ্যে ১০০,০০০ শাদা খামের চিঠি—কোন ঠিকানা লেখা নাই, কেবল মাত্র




প্রাচীন শিলালিপি

পতন যে পৃথিবীর পক্ষে একটি মহৎ ক্ষতি এবং হুর্ভাগ্য, তাহাতে সন্দেহ নাই। মায়াজাতির লোকসংখ্যা প্রায় দেড়কোটি ছিল। তাহাদের বংশধর বলিতে এখন প্রায় ৪০০০ লাল মানুষ মাত্র (Red Indians) আছে।

আমেরিকার ডাকঘরের কথা—

ডাকঘরের ডেডলেটার আপিসে যে কত প্রকার অদ্ভুত চিঠিপত্র পার্শেল আদি আসিয়া জমা হয়, তাহার ইয়ত্তা নাই। আমেরিকার ডেডলেটার আপিস এ বিষয়ে সর্বাপেক্ষা অদ্ভুত। ওয়াশিংটন শহরে এই ডেডলেটার আপিস অবস্থিত। চিঠিপত্র, পার্শেল আদি ছাড়া নানা প্রকার বন্দুকাদি, মদ, কোকেন, মারাত্মক বোমা ইত্যাদি নানা প্রকার ভয়ানক ভয়ানক জিনিসপত্র এখানে আসিয়া আশ্রয় লাভ করে। সামান্য একটা প্যাকেটের মধ্যে হয়ত ডিনামাইট ভরা আছে। ইহা কোন প্রকারে ফাটিয়া গেলে, একটা প্রকাণ্ড বাড়ীকে গুঁড়া করিয়া দিতে পারে। অতি বিষাক্ত জীবন্ত সাপ, মশা আদি, পোকা-মাকড়, বিছা ইত্যাদিও পার্শেলের মধ্যে পাওয়া যায়।

টিকিট লাগাইয়া পোষ্ট করা হইয়াছিল। এক শাদা খামে হাজার বা তাহা অপেক্ষাও বেশী টাকার মোট ভরা থাকে। বছরে এই রকমে প্রায় ১৬৫,০০০ টাকা পাওয়া যায়।



ডাকে নিষিদ্ধ বস্তু

প্রত্যেক বছর নীলাম করিয়া ডেডলেটার আপিস হইতে মালপত্র বিক্রয় করিয়া দেওয়া হয়। নানারকম গয়না,


বাজনা, পুস্তকাদি নীলাম হয়। নীলাম হইতে প্রায় ১২০০০০০ টাকা আসে।

দীর্ঘজীবী হইবার উপায়—

ঐহারা খুব বেশী দিন বাঁচিয়া থাকেন। তাঁহাদের বাল্য এবং যৌবন সময়ে খোঁজ লইলে দেখা যায় যে, তাঁহারা বরাবর নিয়ম করিয়া কোন না কোন প্রকার ব্যায়াম করিয়াছেন। এইখানে কয়েকজন লোকের বিষয় দেখা হইল, ঐহারা সকলেই দীর্ঘজীবী, এবং তাহার একমাত্র না হইলেও প্রধান কারণ তাঁহারা নিয়মিত ভাবে ব্যায়াম করিয়াছেন।



ডেডলেটার আপিসে সঞ্চিত মালপত্রের নিলাম



ডেডলেটার আপিসে নিষিদ্ধ বস্তুর সমাবেশ

একবারে ব্যায়াম না করা কিম্বা অত্যধিক ব্যায়াম করা উভয় প্রকারেই শরীর নষ্ট হইয়া মানুষের পরমাণু ক্ষয় হয়।


(১) লুই মারকুইট—বয়স ৬৮। ইনি সকল ঋতুতে এবং প্রত্যহ সমুদ্রে স্নান করেন। শীত, ঝড়বৃষ্টি ইত্যাদি কিছুই ইহার স্নান বন্ধ করিতে পারে না।

(২) জর্জ এক, বেকার—বয়স ৮৫। ইনি আমেরিকার একজন বিখ্যাত ধনী ব্যক্তি, ব্যাঙ্কার এবং রেলওয়াল। ইনি প্রত্যহ সকালে গল্ফ খেলিয়া থাকেন।

(৩) আব্রাহাম ফাষ্ট—বয়স ৯০। ইনি গত ৭৩ বছর ধরিয়া শিকার করিবার লাইসেন্স বা পরওয়ানা লইয়া থাকেন। খরগোষ শিকারে ইহার প্রধান আনন্দ।

পালোয়ান নারী—

ছবিতে দেখুন একজন মহিলা কেমন একটা প্রকাণ্ড পিপাকে দুই হাতে তুলিয়া লইয়া যাইতেছেন। ইহার নাম মিসেস ফ্রানসেস্কা। ইনি গত বৎসর বোষ্টোন শহরের




ডেডলেটার আপিসে সঞ্চিত পার্শেল



দীর্ঘজীবীর নিত্যম্মান



দীর্ঘজীবী গোল্ফ ক্রীড়



৯০ বৎসর বয়স্ক শিকারী


এক পিপার কার-
খা না য কা জ
কি করেন। ইঁহার
সমস্ত শক্তিমতী নারী
পূর্ণ মন আছে।

অভিনব চাল—

পূরা কালে
যেহারা সর্বদা
লোশার বর্ষে আবৃত
করিত। নিউইয়র্কে
পুলিস বর্তমান
সময়ে বর্ষ ব্যবহার
করে না, তাহারা
একপ্রকার চাল
ব্যবহার করে। এই
চাল গলার সঙ্গে
বাঁধা থাকে এবং
সমস্ত মাথা বুক
পেট আবৃত করিয়া



পালোয়ান নারী




অভিনব চাল

আছে—তাহাতে মোটা কাঁচ আটা। পুলিস তাহার সামনের
সব জিনিস দেখিতে পায়।

অভিনব ট্যাক্সি মোটর—

সম্প্রতি প্যারিসের এক রাস্তায় একটি অভিনব ট্যাক্সি
দেখা দেয়। এই ট্যাক্সিতে চালকের বসিবার স্থান গাড়ীর




অভিনব ট্যাক্সি মোটর

পিছন দিকে উপরে। গাড়ীতে যাহারা বসিয়া থাকে, তাহারা
সামনের সব কিছু বেশ বিনা বাধায় দেখিতে পায়। ব্যবসায়ী

বা অথবা যে কোন লোক গাড়ীতে বসিয়া তাহাদের ব্যবসায় সংক্রান্ত গোপন কথাবার্তা এই ট্যাকসিতে বসিয়া বলিতে পারিবে—ড্রাইভার কোনো কথা শুনিতে পাইবে না। চালক ও উঁচুতে বসিয়া রাস্তার বর্জদূর ভাল করিয়া দেখিতে পায় এবং ভাল করিয়া গাড়ী চালাইতে পারে।

মাথার কেরামতি—

ছবিতে দেখুন, একজন লোকে মাথায় কতগুলি বুড়ি পর পর বসাইয়া বহন করিতে পারে। এই ভদ্রলোকের




মাথার কেরামতি

নাম জেমস সেনস্‌বারি। এতগুলি বুড়িকে পর পর বসাইয়া মাথায় করিয়া চলিতে পৃথিবীতে আর কেহ পারে না। এই বিষয়ে সেনস্‌বারি অদ্বিতীয়।

কুকুরের খরগোষ ধরার দৌড়—

বিলাতের লোকেরা পোষা গ্রেহাউণ্ড কুকুর দ্বারা খরগোষ ধরার দৌড় করিতে ভালবাসে। প্রত্যেক লোক নিজ নিজ কুকুরকে সারিবন্দি করিয়া ধরিয়া দাঁড় করায়, তাহার পর কিছু দূরে একটি খরগোষকে ছাড়িয়া দিয়া সেই সঙ্গে কুকুরগুলিকেও ছাড়িয়া দেয়। যাহার কুকুর প্রথমে গিয়া খরগোষকে ধরিয়া ফেলে সেই বাজি মারে। বলা বাহুল্য, প্রত্যেক বার দৌড়ের জন্য একটি করিয়া নিরীহ




কলের খরগোষ

খরগোষ মারা যায়। কুকুরের দল তাহাকে ছিঁড়িয়া শতটুকরা করিয়া ছায়। হঠাৎ সাহেবদের মনে দয়ার উদ্দেশ্যে গাওয়াতে তাহারা আর জীবন্ত রক্তমাংসের খরগোষ দৌড়ের সময় ব্যবহার করে না। এখন কলের খরগোষ ব্যবহার করা হয়। এই খরগোষ বিছাতের জোরে দৌড়ায়। কলের খরগোষের একখানি ছবি দেওয়া হইল।

প্রাগ্ ঐতিহাসিক যুগের ভালুক—

প্রাগ্ বিশ্ববিদ্যালয়ের অধ্যাপক ডি, কে, এ্যাংসোলোন সম্প্রতি চেকো-স্লোভাকিয়ার প্রেডমোষ্ট নামক স্থানে কয়েকটি প্রাগৈতিহাসিক যুগের (২০,০০০ বছরেরও আগের) বৃহদাকার ভালুকের প্রস্তরীভূত কঙ্কাল আবিষ্কার করিয়াছেন। এই ভালুকগুলি ১২ ফিটেরও বেশী লম্বা

হইত। সেই সময়ে আমাদের পূর্বপুরুষগণ কেমন করিয়া ভালুকরা অত্যন্ত অসমসাহসী এবং বুদ্ধিমান ছিল। কিন্তু খাত্তের জন্ত এই প্রকাণ্ড প্রকাণ্ড ভালুক শিকার করিত মানুষের বুদ্ধি চিরকাল জন্তদের অপেক্ষা বেশী বলিয়া সেই



প্রাগ্ ঐতিহাসিক যুগের ভালুক

তাহার একখানি চিত্র দেওয়া হইল। চিত্র দেখিয়া ভালুকের সময়ের ভালুকরা সেই সময়ের মানুষদের সঙ্গে পারিয়া দেহের আকারের সামান্য পরিচয় পাওয়া যাইবে। এই উচিত না।

খবরের কাগজ

কপিঞ্জল

(নক্সা)

জ্ঞানই শক্তি। ষড়ৈশ্বর্যশালী জগৎপতির পুত্র এই মানব-জাতি একান্ত জ্ঞান-পিপাসু। সর্বজ্ঞ ও সর্বশক্তিমান হইবার স্পৃহা তাহার অস্থিমজ্জাগত। বিপুল পৃথিবীর কোথায় কি হইতেছে, সুরবৃহৎ মানব-পরিবারের কোথায় কি ঘটতেছে, ইহা জানিবার জন্ত তাহার ঔৎসুক্য স্বাভাবিক। সে অনন্ত পিপাসা কথঞ্চিৎ পরিতৃপ্ত করিবার জন্তই খবরের কাগজের সৃষ্টি। স্মরণ্য ইহার আধ্যাত্মিক মূল্য বার্ষিক মূল্য অপেক্ষা অনেক বেশী। খবরের কাগজ শিক্ষার একটা সচল বাহন। ইহা রাজাকে উপদেশ দেয়, মুককে বাচাল করে, মুখকে পণ্ডিত করে, শাস্তকে হুজুগে করে। ইহা পরমানন্দ মণ্ডলের রূপা বই আর কিছুই নহে।

এহেন খবরের কাগজ প্রকাশ করা সহজ-সাধ্য রহিল না। যদি ইহার বিলোপ হয়, এমন ক্ষোভ ও পরিতাপের বিষয় আর কি আছে। রাজদ্রোহ, সাম্প্রদায়িক বিদ্বেষ উহাকে জর্জরিত করিয়া ফেলিয়াছে। ইহার নবকলেবরের একান্ত প্রয়োজন। সমস্ত দোষ পরিহার করিয়া কিরূপে ইহা চলিতে পারে, তাহার আলোচনা আবশ্যিক হইয়াছে। খবরের কাগজের খবরই প্রাণ। যদি নূতন খবর না থাকিল তাহা হইলে উহা ফুটানো সোডা ওয়াটারের স্থায় বিস্বাদ।

অনেক চিন্তা করিয়া কতকগুলি চিরন্তন সত্য সংবাদ লিপিবদ্ধ করিলাম। এ সকল প্রকাশ করিলে, রাজদ্রোহে পড়িবার সম্ভাবনা কম। ইহা পাঠ করিলে প্রত্নতত্ত্বের আলোচনা হইবে, পাঠকের জ্ঞান বৃদ্ধি হইবে, এমন কি ধর্ম, অর্থ, কাম, মোক্ষ লাভেরও সম্ভাবনা। ভগবানের লীলা যেমন নিত্য, সংবাদগুলিও তেমনি নিত্য।

আদর্শ।

(Reuter)

নাগলোকে বেঙের অভাব হওয়ায় ভীষণ দুর্ভিক্ষ হইয়াছে। ফরাসী-দেশ হইতে খাণ্ডসস্তার লইয়া কয়েকজন মহানুভব ব্যক্তি রওনা হইয়াছেন। সুন্দরবনের অজগরগণ

সভা করিয়া সহানুভূতি জ্ঞাপন করিয়াছেন; কিন্তু চাঁদা তোলায় চেষ্টা করেন নাই।

মহাচীনে একটা কদলীবৃক্ষ তিনছড়া দক্ষ কদমী প্রদর্শন করিয়াছে। এই কলা লইয়া একটা আন্তর্জাতিক কলহ না বাধিলেই মঙ্গল।

লক্ষাবীপে একপ্রকার অদ্ভুত বৃক্ষ আবিষ্কৃত হইয়াছে। ইহার পাতা সবুজ, এবং ফল মিষ্ট। তাহাতে সন্তানক ব্যবসায় চলিতে পারে কি না পরীক্ষা করিবার জন্ত বিদ্যায় হইতে অনেকগুলি বিশেষজ্ঞ লক্ষ যোগে রওনা হইয়াছেন।

উচ্ছন্ন নামক নবাবিস্কৃত দেশটিকে বসবাসের উপযোগী করিবার চেষ্টা হইতেছে। ইহার মধ্যেই দোকান, রেস্তোরাঁ, থিয়েটার, বায়স্কোপ প্রভৃতি নিত্য-প্রয়োজনীয় দ্রব্যের আড়ত খোলা হইয়াছে। একা বাঙ্গলা হইতেই প্রায় দুই হাজার যুবক সেখানে যাইবার জন্ত এবং উপনিবেশ স্থাপন করিবার জন্ত প্রস্তুত।

মিঃ গালিভার ভারত পর্যটনে বাহির হইয়াছেন। তিনি বলেন, ভারতের সহিত লিলিপুটের অনেকটা মিল আছে।

মিঃ গাউট সি-আই-ই এবার স্বাস্থ্যবিভাগের কর্তা হইলেন। অনেকগুলি ইউনিয়ন বোর্ড পরিদর্শন করিবেন।

তুতকামন মিশরের রাজা হইলেন।

বরণপুরে ভীষণ জলপ্লাবন হইয়াছে। ইন্দ্ররাজার নিকট আবেদন করায় বিষময় ফল হইয়াছে, তিনি জলকর বসাইয়া দিয়াছেন। মৎস্যের চাষ চলিতে পারে কি না

পরীক্ষা করিবার জন্ত মৎস্য বিভাগের কয়েকজন বিখ্যাত কর্মচারী আসিয়াছেন।

দেশের কথা।

মহর্ষি কথ সোমতীর্থ হইতে প্রত্যাগত হইয়াছেন; শকুন্তলা সম্বন্ধে শীঘ্রই একটা ব্যবস্থা করিবেন।

লর্ড সদাশিব কৈলাস ত্যাগ করিয়াছেন, দক্ষযজ্ঞ দর্শন করিয়া তথায় অভিনন্দন গ্রহণ করিবেন। তার পর তারকেশ্বরের এলোকেশী ও মহাস্তের ডেপুটেশন গ্রহণ করিয়া কামাখ্যা রওনা হইবেন।

মাধু জরদগব ১৩৩৩ বৎসর বয়সে দেহত্যাগ করিয়াছেন। ১লা এপ্রিল তাঁর অন্ত্যেষ্টিক্রিয়া হইয়া গিয়াছে।

নিউটন নামে একজন মার্কিন বৈজ্ঞানিক মাধ্যাকর্ষণ আবিষ্কার করিয়া এবার নোবেল প্রাইজ পাইয়াছেন।

কালিদাস নামক বাঙ্গালী কবি উজ্জয়িনীর রাজকবি হইয়াছেন। বাঙ্গালী বীর হুর্গাদাস রাজপুতানায় এবং বাঙ্গালী যুবরাজ লিওনিদাস গ্রীসের থার্মোপলিতে অসাধারণ রণনৈপুণ্য দেখাইয়া বাঙ্গালীর মুখ উজ্জ্বল করিয়াছেন।

খলিফা হারুণ আল রসিদ বাগদাদের বিখ্যাত নাবিক-সদাগর সিদ্ধুবাদের গৃহে পদার্পণ করিয়াছেন।

আলাদীন তাঁর আশ্চর্য্য প্রদীপটি বিশকোটা টাকায় বিক্রয় করিয়াছেন।

বাগদাদের খলিফা গুণের বড়ই পক্ষপাতী। তিনি এক জন বাঙ্গালী মুসলমানকে মন্ত্রী দিবার বাসনা করিয়াছেন। চারিদিকেই বাঙ্গালীর জয়জয়কার। আমরা ভাবী মন্ত্রীকে অভিনন্দিত করিতেছি—

‘জয়যাত্রায় যাওহে উঠ জয়রথে তব’

মহাবীর আলেকজান্ডার গুন্ডি লইয়া হিন্দু হইয়াছেন।

তাঁহার নূতন নাম হইল অলীকচন্দ্র শর্মা। বহু ব্রাহ্মণ তাঁহার সহিত একত্র ভোজন করিয়াছেন।

সেখ সাদী তাশ্বিমের সেক্রেটারী হইলেন।

আইন আদালত।

নারদ নামে একটা স্বামীর উপর সাম্প্রদায়িক ও অসাম্প্রদায়িক কলহ বাধাবার জন্ত ১৪৪ ধারা জাহির হইয়াছে। তিনি আর ভারতের ত্রিসীমানায় ঢুকিতে পারিবেন না। তাঁহার টেকীটা ক্রোক করা হইয়াছে। সেটা কুমীর হয় কি না দেখিবার জন্ত লোকের অত্যন্ত ভিড় হইয়াছিল। পুলিশ অগত্যা গুলি চালাইতে বাধ্য হয়। ৪৯ জন লোক ধৃত ও বিচারার্থ প্রেরিত হইয়াছে।

জাষ্টিস পাইলেটের এজলাসে যীশুখৃষ্টের বিচার আরম্ভ হইয়াছে।

সক্রেটিসের মামলা এক মাসের জন্ত মুলতুবী রহিল।

ভিনিসে Antonioর বিচার লইয়া একটা দারুণ চাঞ্চল্য পরিলক্ষিত হইতেছে।

মিঃ লালচরণ আচ্যের এজলাসে মুরগী-চুরির গুরুতর অভিযোগে এক নিষ্ঠাবান ভট্টাচার্য্য অভিযুক্ত হইয়াছেন। সুযোগ্য বিচারক মামলাটির গুরুত্ব উপলব্ধি করিয়া উহা সেসন্ সোপর্দ করিবার ইচ্ছা প্রকাশ করেন। ব্রাহ্মণ ভীত হইয়া ৫২৬ করিয়াছে। হাইকোর্ট রুল জারি করিয়াছেন। হাকিমের অসাম্প্রদায়িক ভাব প্রশংসনীয়।

সৈয়দ ইয়ার মহম্মদ এবার কালীপূজার রাত্রিতে ব্রাহ্মণ-ভোজনের আয়োজন করেন। কয়েকজন প্রাচীন ধর্ম্মান্বিত মুললমান বাধা দেওয়ার সদনুষ্ঠান হইতে পায় নাই। মামলা রুজু হইয়াছে।

হাজি শমসুদ্দীনের দৌহিত্র তাঁহার নামাজের সময় টুমটুমি বাজানর জন্ত পুলিশ-কর্তৃক ধৃত হইয়াছে। বালক

উদ্ধির ভয় প্রদর্শন করার ব্যাপারটা আপোষে মিটিয়া গিয়াছে।

নারী-নিগ্রহ।

রামচন্দ্র নামক একজন বিদেশী যুবক পঞ্চবটীতে দুর্গনখা নামী এক সম্ভ্রান্ত মহিলার নাসিকা ছেদন করার একটা হৈ চৈ পড়িয়া গিয়াছে।

হরিদ্রাগ্রামের জমিদার কৃষ্ণকান্ত রোহিনী নামী ব্রাহ্মণ বিধবার কেশ কর্তন করিয়া গ্রামের বাহির করিয়া দিয়াছেন। জমিদারের অত্যাচার আর কতদিন লোকে সহ করিবে? রায়ত সভা কি করিতেছেন?

মহিলার কাণ্ড।

পুতনা নামে এক সুন্দরী যুবতী স্তনে বিষ মাখাইয়া বহু দুঃখপোষ্য শিশুর প্রাণনাশ করিয়া বেড়াইত। এবার গোফুলনগরে তাহার কাণ্ড প্রকাশ পাইয়াছে। গৃহলক্ষ্মীরা সাবধান!

বিধবা-বিবাহ।

মন্দোদরীর সহিত বিভীষণের বিধবা বিবাহ রেজিষ্টারী হইয়া গিয়াছে। কিস্কিন্দ্যার অনুসরণে বিধবা বিবাহ রাক্ষস-সমাজে এই প্রথম।

অসবর্ণ-বিবাহ।

ভীমসেন শ্রীমতী হিড়িম্বাকে বিবাহ করিয়া সংসাহসের পরিচয় দিয়াছেন। অসবর্ণ বিবাহ বিল কবে পাস হইবে!

মহারাজ শাস্ত্র মহিষ্য-কন্যা সত্যবতীর পাণিগ্রহণ করিয়া ভারতে নবযুগের উদ্বোধন করিলেন।

সমাজ-শাসন।

চণ্ডীদাস এক্ষরে হইয়াছেন। এক নকুল পণ্ডিত ভিন্ন অথ কৈহই তাঁহার সঙ্গে পংক্তি-ভোজন করেন নাই। চণ্ডীদাস বোধ হয় বিলাত-প্রত্যাগত।

ধর্ম-কর্ম।

গয়াস্থরের হরিপাদগঙ্গ লাভ হইয়াছে। পিণ্ড দিবার জন্ত লক্ষ লোকের সমাগম হইয়াছিল।

বলীরাজা বামনকে সর্বস্ব দান করিয়া দেউলিয়া হইয়াছেন।

লোমশ মুনি হরিনাম করিতে করিতে অকালে স্বইচ্ছায় দেহত্যাগ করিয়াছেন। ইংরাজী সন বা বাঙ্গালা শকাব্দায় তাঁহার বয়সের পরিমাণ হইবে না বলিয়া কত বয়স জানা গেল না।

চুরি-ডাকাতি

গরিবপুরের ঞ্চাংটেখর বাবু জমিদারের গৃহে দিনচুপুরে ভীষণ ডাকাতি হইয়া গিয়াছে। থানায় সংবাদ দেওয়ায় পুলিশ আসিয়া তাঁহার যাবতীয় সম্পত্তি নিজের হেপাজতে লইয়া তাঁহার চৌর্য্য-ভয় নিবারণ করিয়াছেন। ঞ্চাংটেখর বাবু এইবার নিশ্চিত মর্নে সন্ন্যাস গ্রহণ করিবেন, তজ্জন্ত একটা লোটোর দরকার। আমরা শুনিয়া সুখী হইলাম, সদাশয় ডাকাত-দল ডাকযোগে তাঁহাকে একটা সুন্দর কটকী লোটা পাঠাইয়া দিয়াছে। দস্যুরও ধর্ম্মাহুঁরাগ প্রশংসনীয়।

শ্রমস্তক নামক মণিটা সম্পত্তি অপহৃত হইয়াছে—অনেকে মথুরেশকে সন্দেহ করিতেছে। কু লোকে বলে বাল্যকালে তিনি সংস্হভাবের ছিলেন না। দেখা যাক ব্যাপার কি দাঁড়ায়। শেষে হোলকারের মত না হয়।

খুন!

ভাস্করক সিংহকে কে খুন করিয়া কূপের মধ্যে ফেলিয়া দিয়াছে। পুলিশ তদন্ত চলিতেছে।

ড্যালিলা শ্রামসনকে হত্যা করার অভিযোগে অভিযুক্ত।

সঙ্কট আইন।

আমোদ ও রসিক নামে দুই গুণ্ডা সঙ্কট আইনে বাঙ্গলা ত্যাগ করিতে বাধ্য হইয়াছে।

মন্দির-ধ্বংস।

মামুদ গজনী নামক একটা লোক দাঙ্গা করিয়া সোমনাথের মন্দিরটা ধুলিসাৎ করিয়াছে। সংবাদদাতা একজন প্রত্যক্ষদর্শী, তথাপি স্থানীয় ম্যাজিস্ট্রেটকে যে পত্র লিখিয়াছিলাম তাহার উত্তর না আসা পর্য্যন্ত ইহা বিশ্বাস করিতে পারিতেছি না।

মসজিদ ভাঙ্গিয়া গুরুদ্বার।

শিখেরা অমৃতসরে একটা মসজিদ ভাঙ্গিয়া গুরুদ্বার তৈয়ার করিয়াছে এইরূপ গুজব। সোমনাথের চেউ ওখানে পহুঁছিয়াছিল না কি?

বাজার দর।

সায়েন্তা খাঁ হুদিনেই দেশ সায়েন্তা করিয়া দিয়াছেন। টাকায় ৪ মণ চাউল বিকাইতেছে।

ভোটের জন্ত সর্বপ তৈলের দর অত্যধিক চড়িয়াছে। খেঁসারি মুগের দরে এবং ভেড়া ঘোড়ার দরে বিক্রীত হইতেছে।

স্বর্গে পম্ফ্রেড মৎস্তের দর চড়িয়াছে।

বাজারে নুতন সরিষা ফুলের আমদানী হইয়াছে। দেখিবার জন্ত বাঙ্গালীদেরই সর্বাপেক্ষা আগ্রহ।

সেয়ারের বাজার।

শ্রীশ্রীশেখরী টি কোম্পানী লিমিটেডের সেয়ার ২ টাকা চড়া মূল্যে বিক্রীত হইতেছে।

বৈতরণী নাভিগেশন কোম্পানীর সেয়ার দশটাকা ধরাট দিয়াও লোক পাইতেছে না।

চুলো একস্প্যানসান স্কীম কোম্পানীর সেয়ার প্রায় সব বিক্রয় হইয়া গেল—৫০ টাকা above par.

কর্মখালি।

এবার চিত্রশিল্পের দপ্তরে বিশহাজার কর্মচারী আবশ্যিক। ভারতবর্ষ হইতেই শতকরা ৮০ জন লওয়া হইতেছে। Indianisation of service ওখানে একটা খেয়াল দাঁড়াইয়াছে। এক বাঙ্গলা হইতেই লওয়া হইয়াছে শতকরা ৪৯ জন। তথাকার ব্যবস্থাপক সভায় শতকরা ৭৫টা

চাকুরী বাঙ্গালীর জন্ত রক্ষিত রাখিবার প্রস্তাব গৃহীত হইয়াছে। এই লইয়া হিন্দু মুসলমানে এখানে বিবাদ না বাধে!

মাসিক দশটাকা ভাতায় দশজন ম্যাট্রিক পাস শিক্ষা-নবীশ আবশ্যিক। গাভী পরিচর্যাাদি সম্বন্ধে পূর্বে অভিজ্ঞতা থাকিলে তাহাদের আবেদন অধিক আদরণীয় হইবে।

মাসিক একশত টাকা বেতনে ভদ্র অন্তঃপুরে নৃত্যগীত শিখাইবার জন্ত একজন আদর্শচরিত্রা নটীর প্রয়োজন।

বিশুদ্ধ ব্রাহ্মণ পরিবারে দেবতার ভোগ রন্ধনের জন্ত একজন নিষ্ঠাবান বাবুচি আবশ্যিক। বেতন গুণালুমারে।

জাহাজী খবর।

মিঃ বেরিবেরি কলিকাতা বন্দরে নামিয়াছেন।

মহামায়ার ভ্রাতা, হিমগিরির পুত্র শ্রীমান মৈনাক ম্যাট্রিকুলেশন পরীক্ষায় ফেল হওয়ায় সাগরে গা চালিয়াছেন, যেন পরজন্মে পাস করিতে পারেন।

ডিম্বা মধুকর তুষার-ক্ষেত্রে ধাক্কা লাগিয়া জলমগ্ন হইতেছে।

বেহুলার মন্দাশ ফিরিয়াছে। লখিন্দর সাগর-বায়ু সেবন করিয়া নবজীবন লাভ করিয়াছেন। গাঙ্গুর নদীতে এবং চম্পাই নগরে আনন্দের উৎসব-বহা বহিতেছে।

বৈজয়ন্তধামের প্রমোদালয়ে পঞ্চানন্দের 'বিহারে বেঘোরে চড়িলু একা' ও পণ্ডিত ক্ষীরোদ প্রসাদের 'বাজে কাজে মিনুসেকে আর যেতে দিব না' নামক প্রসিদ্ধ আধ্যাত্মিক সঙ্গীত দুখানি রেডিও বেতারে গীত হইয়াছিল। শ্রোতা দেবগণ ভক্তিভরে অশ্রু সম্বরণ করিতে পারেন নাই। আবার গঙ্গার উত্তর হইবার উপক্রম হইয়াছিল।

সমালোচনা

ফষ্ট :—জার্মান কবির এ পুস্তকখানি ভালই হইয়াছে। ইহা একটা ভোজের বিবরণ—কি কি সন্দেশ হইয়াছিল তাহারও তালিকা আছে। কথাটা ফিষ্ট। জার্মান উচ্চারণ পৃথক।

জুলিয়াস সিজর :—সেফপীর-জীবনীখানি বেশ সুপাঠ্য। লেখকের হাত কাঁচা, তবে অল্পশীলন করিলে উন্নতি করিবেন।

যোগদর্শন :—পতঞ্জলি। এইরূপ গাঁজাখুরী পুস্তক এ-যুগে অচল। এই ভাবে বৃজরুক তৈয়ার করিলে দেশ উৎসর্গে যাইবে। ইউরোপ হইলে গ্রহকারকে পুড়াইয়া মারিত। চাঁড়ালের হাত দিয়া পোড়াও পুস্তকে।

চার্লস :—ইহা একখানি তথাকথিত দর্শন। বাস্তবিক ইহা একটা ঘূতের দোকানের পুরস্কার-রচনা। কোশলে ইহাতে ঘূতের কথা সন্নিবেশিত হইয়াছে। ঋণং কৃৎস্না ঘূতং পিবেৎ বলিয়া গ্রাহকগণকে প্রলোভিত করা হইয়াছে। ককোজেম, ভেজিটেবল বি, বাদামের তৈল প্রভৃতির বিরুদ্ধে এ এক সাহিত্যিক অভিযান।

কুস্তলকণ্টক তৈল :—ইহা পুস্তক নহে, কেশ তৈল। শ্রীযুক্ত কৃতাস্তমোহন কবিরাজ এই মহোপকারী তৈল প্রস্তুত করিয়াছেন। একবার মাথিলে আর মাথিতে হয় না। অর্ধঘণ্টার মধ্যে সমস্ত কেশদাম উঠিয়া গিয়া মস্তক বেশ মসৃণ করে। এই তৈলের বহুল প্রচার প্রার্থনীয়।

বাদসাহী ভেঁপু :—তানসেন কোম্পানী ইহার নির্মাতা। ইহাতে সারে গামা সাধা চলে, সাধিলে তিনদিনে কালোয়াং হওয়া যায়। তানসেন স্বয়ং এই ভেঁপু বাজাইয়া আকবর শাহকে মোহিত করিয়াছিলেন।

বালকরঞ্জন বিড়ি :—হেল কোম্পানী লিমিটেডের প্রস্তুত। ইহার তামাক বেশ মিঠে-কড়া,—বালকদের

উপযোগী; অধিক কাসিতে হয় না। আমরা শুনিলাম, কলিকাতার সেনেট সভা ইহার প্রচারের বিরুদ্ধবাদী। হায় রে ইংরাজী শিক্ষা,—বিলাতী না হইলে কোনো জিনিষ মনে ধরে না।

সরস্বতী ছইকী :—আমরা এ বিষয়ে অভিজ্ঞ নহি, তথাপি সাহ মহাশয়ের সুখ্যাতি না করিয়া থাকিতে পারি না। তিনি ইহার সহিত সরস্বতীর নাম সংযোগ করিয়া দীনা বীণাপাণিকে গৌরবান্বিতা করিয়াছেন। হিন্দু মাত্রেই তজ্জন্ত কৃতজ্ঞ। ছইকী ও ব্রাণ্ডির বিজ্ঞাপন আমাদের সাময়িক পত্রগুলিকে সুশোভিত করিতেছে।

পত্রপ্রেসকগণের প্রতি

জয়ন্ত :—নন্দনভিলা :—আপনার প্রবন্ধে উর্কশীর নাচের যে সূক্ষ্ম সমালোচনা করিয়াছেন, তাহাতে বিশেষ সুস্বীকৃত আছে। আপনি সালাম নাচ প্রভৃতির যে বিশ্লেষণ করিয়াছেন, তাহা সমজদারের উপভোগ্য। আমরা উহা আগামী সংখ্যায় ছাপিব।

বৃহস্পতি :—আপনার প্রবন্ধটা নিতান্ত অসার। উহাতে না আছে জ্ঞান, না আছে গবেষণা, না আছে ভূয়োদর্শন। এমন কি শব্দ-জ্ঞানেরও পরিচয় উহাতে নাই। আপনি বোধ হয় শিশু। ‘শতংবদ মা লিখ’ কথাটা স্মরণ রাখিবেন।

লুলু—হনলুলু :—আপনার অঙ্কিত চিত্রের রুক এদেশে কেহ প্রস্তুত করিতে পারিল না।

ভূষণ্ডি—থানেশ্বর :—ঐতিহাসিক প্রবন্ধ আমরা ছাপি না। এসিয়াটিক সোসাইটীর পত্রিকায় পাঠাইবেন।

সমাপ্ত

প্রথম বাঙ্গালী

(দ্বিতীয় তালিকা)

গত বিশ্বব্যাপী যুদ্ধে সন্ধিপত্রের নাম স্বাক্ষর করেন, লর্ড সিংহ।
লেজিসলেটিভ কাউন্সিলের প্রথম প্রেসিডেন্ট, নবাব সার সামসুল হুদা।
রেজিষ্টার অফ কো-অপারেটিভ সোসাইটি, রায় যামিনীমোহন মিত্র বাহাদুর।
ইন্সপেক্টর জেনারেল অফ রেজিস্ট্রেশন রায় টি, কে, ঘোষ বাহাদুর।
বড়লাটের কাউন্সিলের ফাইনেস মেম্বর সার ভূপেন্দ্রনাথ মিত্র (অস্থায়ী)।
দৈনিক বিভাগে এরোগ্লেন উপাটমেন্টে কিংস কমিশন পান মিঃ রায়।
মধ্যপ্রদেশের জুডিসিয়াল কমিশনার সার বিপিনকৃষ্ণ বসু।
একাউন্টেন্ট জেনারেল, সেন্ট্রাল রেভিনিউজ মিঃ উপেন্দ্রলাল মজুমদার সি-আই-ই।
বিদেশে এঞ্জিনিয়ারিং এ যশোলাভ করেন মিঃ বীরেন্দ্রকুমার দে।
কলিকাতার প্রেসিডেন্সী ও পুলিশ ম্যাজিস্ট্রেট, রায় হরচন্দ্র ঘোষ (১৮৯২)।
চিফ প্রেসিডেন্সী ম্যাজিস্ট্রেট (অস্থায়ী) নবাব সৈয়দ আমীর হুসেন সি-আই-ই (১৮৯৫)।
কলিকাতার স্মলকজ কোর্টের জজ হরচন্দ্র ঘোষ (১৮৬৮)
স্মলকজ কোর্টের প্রধান জজ (অস্থায়ী) এ হাসান।
কলিকাতার করোনার সৈয়দ আমীর আলী (১৮৭৭)
কলিকাতার কালেক্টর কৈলাসচন্দ্র দত্ত (১৮৫৫)
কলিকাতার ইনকমট্যাক্স কালেক্টর পি, কে, বসু (১৮৮৮)
ইন্সপেক্টর জেনারেল, রেজিস্ট্রেশন নবাব সৈয়দ আমীর হুসেন (১৮৯৫) (অস্থায়ী)।
কুমার গোপেন্দ্র কৃষ্ণ দেব (১৮৯৫) (স্থায়ী)।
একজিকিউটিভ এঞ্জিনিয়ার ক্ষেত্রনাথ চট্টোপাধ্যায় (১৮৮৪)।
সুপারিন্টেন্ডিং ইঞ্জিনিয়ার রায় কৃষ্ণচন্দ্র বন্দ্যোপাধ্যায় বাহাদুর (১৯০১)।

বাংলা সরকারের শাসন পরিষদের সদস্য রাজা কিশোরীলাল গোস্বামী।
কলিকাতা হাইকোর্টের লিগ্যাল রিমেষ্ট্রানসার বিহারীলাল গুপ্ত।
ডিরেক্টর জেনারেল অব পোস্ট এণ্ড টেলিগ্রাফস মিঃ জি, পি, রায়।
আবগারী বিভাগের কমিশনার সার কৃষ্ণগোবিন্দ গুপ্ত।
নাগপুর বিশ্ববিদ্যালয়ের ভাইস চ্যান্সেলর সার বিপিনকৃষ্ণ বসু।
কলিকাতা কর্পোরেশনের চেয়ারম্যান জ্ঞানেন্দ্রনাথ গুপ্ত আই-সি-এস।
প্যারিসের ডি-লিট ডাঃ কালিদাস নাগ।
আমেরিকার কলেজে অধ্যাপক ডাঃ সুধীন্দ্রনাথ বসু।
কলিকাতা কর্পোরেশনের মেয়র চিত্তরঞ্জন দাশ।
প্রিন্স উপাধিধারী দ্বারকানাথ ঠাকুর।
মহাশূর বিশ্ববিদ্যালয়ের ভাইস চ্যান্সেলর ডাঃ ব্রজেন্দ্রনাথ শীল।
পঞ্জাব বিশ্ববিদ্যালয়ের ভাইস চ্যান্সেলর সার প্রতুলচন্দ্র চট্টোপাধ্যায়।
রেজুন হাইকোর্টের জজ জাষ্টিস যতীশরঞ্জন দাশ।
চীফ ইলেক্ট্রিক্যাল এঞ্জিনিয়ার সুরেন্দ্রনাথ ঘোষ।
ডাইরেক্টর অব ইন্ডাস্ট্রিজ মিঃ ডি, সি, গুপ্ত।
প্রাদেশিক রাষ্ট্রীয় সন্মিলনীর সভানেত্রী প্রথম বাঙ্গালী মহিলা শ্রীযুক্তা বাসন্তী দেবী।
আইন পরীক্ষোত্তীর্ণা প্রথম বাঙ্গালী মহিলা রেজিনা গুহ।
চীন দেশ হইতে সম্মানজনক উপাধি লাভ করেন রবীন্দ্রনাথ ঠাকুর।
এডিনবরা বিশ্ববিদ্যালয়ের ডি-এমসি ডাঃ পি, কে, রায়।
ইংরেজী ভাষায় কবিতা লেখেন কাশীপ্রসাদ ঘোষ।
কলিকাতা বিশ্ববিদ্যালয়ের গ্র্যাজুয়েট বক্ষিমচন্দ্র চট্টোপাধ্যায় ও যত্ননাথ বসু।
নাইট উপাধি বর্জন করেন রবীন্দ্রনাথ ঠাকুর।
বাংলাভাষায় রেখাঙ্কর প্রণেতা দ্বিজেন্দ্রনাথ ঠাকুর।
এসিয়াটিক সোসাইটীর সভাপতি রাজা রাজেন্দ্রলাল মিত্র।
বাংলা মাসিক পত্র সম্পাদিকা স্বর্ণকুমারী দেবী।

* গত শ্রাবণ (১৩৩৩) মাসের ভারতবর্ষে “প্রথম বাঙ্গালী”র তালিকা প্রকাশিত হইবার পর শ্রীমতী হিমাংশুবালা ভাদুড়ী “প্রথম বাঙ্গালী”র দ্বিতীয় তালিকা প্রেরণ করিয়াছেন; এবং আরও অনেকে এক একটুকরিয়া তালিকা প্রেরণ করিয়াছেন। শ্রীমতী হিমাংশুবালা দ্বিতীয় তালিকা অবলম্বন করিয়া, এবং তৎসহ অন্যান্য তালিকায় লিখিত প্রথম বাঙ্গালীর নামগুলি যোগ বিয়োগ করিয়া একসঙ্গে এই দ্বিতীয় তালিকা প্রস্তুত হইল। অন্যান্য প্রেরকগণের নাম, স্বামী শুদ্ধানন্দ, শ্রীবিজয়কুমার বড়াল, শ্রীঅনিলকুমার মুখোপাধ্যায়, শ্রীবক্ষিমচন্দ্র দাস বি-এ, শ্রীহীরেন্দ্রনাথ দত্ত, শ্রীরামাশুজ কর, শ্রীবলাইচাঁদ দে, শ্রীপ্রকাশচন্দ্র দত্ত, শ্রীভূজঙ্গভূষণ ঘোষ, শ্রীকালীকৃষ্ণ ভট্টাচার্য্য এম-এ, বি-এল, শ্রীভবেন দাশগুপ্ত, শ্রীবিভূতি রায় চৌধুরী প্রভৃতি।—

গত বারের তালিকায় একটা মারাত্মক ভুল ছিল। বেলুনে উঠেন প্রথম বাঙ্গালী রামচন্দ্র চট্টোপাধ্যায়—বন্দ্যোপাধ্যায় নহেন।

অভিনয়োগ্যোগী নাটক-প্রণেতা রামনারায়ণ তর্কালঙ্কার।
সংস্কৃত অভিধান-সঙ্কলয়িতা শ্রী রাধাকান্ত দেব।
পুলিশ সুপারিন্টেন্ডেন্ট জগদীশনাথ রায়।
ভারতের বাহিরে কুস্তীগীর পীলৌয়ান যতীন্দ্রনাথ গুহ (গোবর)।
বঙ্গভাষায় অমিত্র ছন্দ প্রবর্তক মাইকেল মধুসূদন দত্ত।
কলিকাতা বিশ্ববিদ্যালয়ের রেজিষ্টার কালীচরণ বন্দ্যোপাধ্যায়।
কলিকাতার সেরিফ দিগম্বর মিত্র।
কলিকাতা হাইকোর্টের স্ট্যাণ্ডিং কাউন্সেল উমেশচন্দ্র বন্দ্যোপাধ্যায়।
বিলাতে প্রথম বাঙ্গালী মহিলা তরু দত্ত।
লাহোর চীফ কোর্টের জজ সার প্রতুলচন্দ্র চট্টোপাধ্যায়।
মাদ্রাজ হাইকোর্টের জজ ও অস্থায়ী প্রধান জজ সার আবদর
রহিম।
বিলাতে হাই কমিশনার সার ভূপেন্দ্রনাথ মিত্র (অস্থায়ী) ; সার
অতুলচন্দ্র চট্টোপাধ্যায় (স্থায়ী)।
এলাহাবাদ হাইকোর্টের জজ সার প্রমদারঞ্জন বন্দ্যোপাধ্যায়।
পাটনা হাইকোর্টের অস্থায়ী প্রধান জজ সার বসন্তকুমার মল্লিক।
প্রিভি কাউন্সিলের সদস্য সৈয়দ আমীর আলি।
কলিকাতা পোর্ট কমিশনার রাজা দুর্গাচরণ লাহা।
দেশের কাজে জেল খাটেন সুরেন্দ্রনাথ বন্দ্যোপাধ্যায়।
কে-সি-এস-আই উপাধি পান সার রাধাকান্ত দেব।
এম-এ পাশ করেন প্রথম বাঙ্গালী মহিলা চন্দ্রমুখী বহু।
এফ-জেড্-এস উপাধি পান সত্যচরণ লাহা।
ইম্পীরিয়াল লাইব্রেরীর লাইব্রেরিয়ান বহুভাষাবিদ হরিনাথ দে।
কলিকাতা প্রেসিডেন্সী কলেজের প্রিন্সিপ্যাল ডাঃ পি, কে, রায়।
কলিকাতা বিশ্ববিদ্যালয়ের অধ্যাপক-ভাইস-চ্যান্সেলার যত্ননাথ
সরকার।
ইম্পীরিয়াল ব্যাঙ্কের গভর্নর হৃদীকেশ লাহা।
বঙ্গদেশে বিধবা বিবাহের আন্দোলনকারী রাজা রাজবল্লভ।
বেথুন বিদ্যালয়ের ছাত্রী প্রথম বাঙ্গালী কস্তা ভুবনমালা ও কুন্দমালা
(মদনমোহন তর্কালঙ্কারের কস্তাধর)।
বিলাত যাত্রা করেন রামমোহন রায়।
ষ্টাটুটারী সিবিলিয়ান সূর্যকুমার অগস্তি।
বিলাতে ডাক্তারী পাশ করেন গুডিভ চক্রবর্তী।
সখের সৈনিক বৃত্তি অবলম্বন করেন ক্যাপ্টেন জিতেন্দ্রনাথ
বন্দ্যোপাধ্যায়।
London Universal Races Congressএর সভাপতি
আচার্য ব্রজেন্দ্রনাথ শীল।
আমেরিকার ইউনিভার্সিটিতে, International Laws and
Politicsএ পিএইচ-ডি তারকনাথ দাস।
কলিকাতা হাইকোর্টের আদিম বিভাগের জজ শ্রী আশুতোষ চৌধুরী।
Meteorological Officer প্রশান্তচন্দ্র মহলানবিশ।

রুড্‌কী এঞ্জিনিয়ারিং কলেজের পাশ করা এঞ্জিনিয়ার নীলমণি মিত্র।
ধাত্রী বিচার পাশ্চাত্য জগতকে চমৎকৃত করেন—ডাঃ কেদার দাস।
বড় লাটের কাউন্সিলের আইন সদস্য শ্রী সত্যেন্দ্রপ্রসন্ন সিংহ।
ডক্টর অব সাস্নান উপাধি পান অধোরনাথ চট্টোপাধ্যায়।
বার্লিনের ডি-এসসি প্রথম বাঙ্গালী মহিলা—প্রভাবতী দাশগুপ্ত।
শিক্ষাবিভাগের অস্থায়ী ডিরেক্টর ভূদেব মুখোপাধ্যায়।
বিদেশে মিউজিক ডক্টর উপাধি অর্জন এবং ভারতীয় সঙ্গীত প্রচার
করেন দিলীপকুমার রায়।
উচ্চ শ্রেণীর কলেজ স্থাপন করেন ঈশ্বরচন্দ্র বিতাসাগর।
নিখিল ভারতীয় আয়ুর্বেদ সম্মিলনীর সভাপতি কবিরাজ যামিনীভূষণ
রায়।
ওয়াশিংটন লেবার কনফারেন্সে প্রতিনিধি শ্রী অতুলচন্দ্র চট্টোপাধ্যায়
ইম্পীরিয়াল কনফারেন্স ও লীগ অব নেশনসে প্রতিনিধি লর্ড সিংহ
ইন্ডিয়া কাউন্সিলে ভাইস প্রেসিডেন্ট শ্রী কে, জি, গুপ্ত
ইম্পীরিয়াল প্রেস কনফারেন্সে প্রতিনিধি শ্রী সুরেন্দ্রনাথ
বন্দ্যোপাধ্যায়।
পদব্রজে পৃথিবী পর্যটক উপেন্দ্রনাথ চক্রবর্তী।
বিশ্বভারতীর প্রবর্তক রবীন্দ্রনাথ ঠাকুর।
উদ্ভিদে জীবনের অস্তিত্ব প্রমাণকারী শ্রী জগদীশ বহু।
প্রত্যক্ষ বিজ্ঞানে বিশেষ নিয়মের আবিষ্কারী জ্ঞানচন্দ্র ঘোষ।
কলিকাতা মেডিক্যাল কলেজের প্রিন্সিপ্যাল ও বাঙ্গলার (অস্থায়ী)
ইন্স্পেক্টর জেনারেল অব সিবিল হস্পিট্যালস ডাক্তার আর, সি, চন্দ্র
আই-এম-এস।
বিলাতী এম-ডি ডাক্তার ভোলানাথ বহু।
ইন্টারন্যাশনাল ফিলজফিক কংগ্রেসে প্রতিনিধি সুরেন্দ্রনাথ
দাসগুপ্ত।
আই-এম-এস'এ প্রথম বাঙ্গালী রসিকলাল দত্ত।
বঙ্গীয় ব্যবস্থাপক সভার নির্বাচিত সভাপতি কুমার শিবশেখরের
রায়।
কলিকাতা কর্পোরেশনের সরকারী সভাপতি (অস্থায়ী) গোপালনাথ
মিত্র।
কলিকাতা কর্পোরেশনের বেসরকারী সভাপতি সুরেন্দ্রনাথ মল্লিক।
বঙ্গীয় গবর্নমেন্টের মন্ত্রী সার প্রভাসচন্দ্র মিত্র, নবাব নবাবখালি
চৌধুরী ও শ্রী সুরেন্দ্রনাথ বন্দ্যোপাধ্যায়।
লক্ষী বিশ্ববিদ্যালয়ের ভাইস-চ্যান্সেলার জি, এন, চক্রবর্তী।
দেশীয় রাজ্যে বিখ্যাত মন্ত্রী কান্তিচন্দ্র মুখোপাধ্যায় ও নীলাধর
মুখোপাধ্যায়।
বাংলা ভাষায় সর্ট হ্যাণ্ডের প্রবর্তক দ্বিজেন্দ্রনাথ সিংহ।
লণ্ডনের রয়েল ইকনমিক সোসাইটির সদস্য—যোগীন্দ্রনাথ সমাদার
গ্রেটব্রিটেন ও আয়ারল্যান্ডের রয়াল ঐতিহাসিক সোসাইটির সদস্য—
যোগীন্দ্রনাথ সমাদার

চিতোর

শ্রী বসন্তকুমার চট্টোপাধ্যায়, এম-এ

রাত্রি ১০ টার সময় আজমীর হইতে ট্রেন ছাড়িল। সকালে
৩টার সময় চিতোরগড় ষ্টেশনে পৌঁছিলাম। ষ্টেশনে নামিয়া
ছুইট টাঙ্গা ভাড়া করিলাম এবং চিতোরগড় পাহাড়
অভিমুখে চলিলাম। ষ্টেশনের নিকট ডাক-বাঙ্গলো, কয়েকটি
দোকানঘর এবং একটি পুলিশের থানা আছে। থানা হইতে
গড় দেখিবার জন্ত অনুমতি-পত্র (pass) পাইলাম।
ছুইট টাঙ্গার জন্ত ১০ আনা করিয়া ১০ মাত্র লাগিল।
তাহার পর প্রান্তরের মধ্য দিয়া গাড়ী চলিল। পলাশ-
বুকের পত্রহীন শাখাগুলি লাল ফুলে ভরিয়া গিয়াছিল। অদূরে
পূর্বদিকে চিতোর পাহাড় দেখা যাইতেছিল। পাহাড়ের
উপরিভাগ সমতল। তাহার উপর মধ্যে মধ্যে বুকের
অস্তরালে মন্দির বা প্রাসাদ-নির্ধ দেখা যাইতেছিল। আমাদের
পথ কিছুদূর পর্যন্ত উত্তর দিকে গিয়া তাহার পর পূর্বদিকে
চলিল। একটি ক্ষুদ্র নদী পার হইলাম। নদীর নাম
গমেরা। কোথাও বালুকাময় নদী-সৈকতে বৃহৎ প্রস্তরখণ্ড
পড়িয়া রহিয়াছে, কোথাও নদীর কাল জলে তীরস্থ বৃক্ষ-
রাজির এবং নীল আকাশের ছায়া পড়িয়াছে। রাজ-
পুত্র রমণীগণ কলসীকক্ষে নদীতে জল আনিতে
যাইতেছিল। পাহাড়ের ঠিক নীচেই একটি বড় গ্রাম।
গ্রামের নাম তলহাটি। গ্রামটি চারিদিকে দেওয়াল দিয়া
ঘেরা। দ্বারপথে একজন সশস্ত্র প্রহরী দাঁড়াইয়া ছিল।
আমাদের পাশ দেখিয়া সে যাইতে দিল। ছই পাশে দোকান,
মধ্যে পথ। একটি সীতারামের মন্দির ও ডাকঘর
দেখিলাম। অবশেষে আমরা পাহাড়ের নিকট উপস্থিত
হইলাম। এখানে একটি বৃহৎ দরজা পাহাড়ে উঠিবার পথ
রক্ষা করিতেছিল। দরজার প্রকাণ্ড কপাট বহুসংখ্যক
দৌহ-শলাকা দ্বারা রক্ষিত। হাতী যাহাতে দরজা ভাঙ্গিবার
জন্ত ধাক্কা দিতে না পারে সেজন্ত এইরূপ ব্যবস্থা ছিল।
দরজার বাহিরে পাহাড় অত্যন্ত খাড়া। পাহাড়ের গায়ে মাঝে
মাঝে প্রকাণ্ড পাথর। পাহাড়ের নিম্নভাগ জঙ্গলে আবৃত।
এই জঙ্গলে হরিণ, বাঘ, এমন কি পূর্বে সিংহও থাকিত।

পাহাড়ে উঠিবার পথটি উচ্চ প্রাচীর দ্বারা রক্ষিত। প্রাচীরের
উপরিভাগে কাঙ্গড়া (battlement)। পথটি ছইবার
ফিরিয়া ইংরাজী Z অক্ষরের আকারে উপরে উঠিয়াছে; এবং
পাহাড়ের উপরিভাগ সম্পূর্ণভাবে বেষ্টিত করিয়া যে প্রাচীর
আছে সেইখানে গিয়া শেষ হইয়াছে। প্রাচীর এবং কাঙ্গড়া
সম্প্রতি মেরামত করা হইয়াছে। কাঙ্গড়াগুলি দেখিতে
বেশ সুন্দর হইয়াছে। রাজপুত্র কবিগণ এই কাঙ্গড়া-
সমলঙ্কৃত প্রাচীরকে চিতোরের অধিষ্ঠাত্রী দেবীর মুকুট বলিয়া
বর্ণনা করিয়াছেন। দূর হইতে ইহা মুকুটের মতই দেখায়।
ফটক পার হইয়া আমরা পাহাড়ের উপর উঠিতে লাগিলাম।
পথের একপাশে প্রাচীর, অপর পাশে পাহাড়; পাহাড়ের
উপর ধাও গাছের জঙ্গল। প্রাচীরে সংলগ্ন একটি প্রস্তর-
বদ্ধ বিস্তৃত উচ্চ পথ রহিয়াছে। দুর্গ রক্ষা করিবার সময়
সৈনিকগণ এই পথে চলাফেরা করিত এবং প্রাচীর-নিহিত
অস্ত্রারামের মধ্য দিয়া শত্রুদের গতিবিধি পর্যবেক্ষণ করিত
বা অস্ত্র নিক্ষেপ করিত। পাহাড়ে উঠিবার সময় মাঝে মাঝে
প্রস্তর-নির্মিত বেদী দেখিতে পাইলাম। বেদীর উপর সুন্দর
কারুকার্য। এগুলি ইতিহাসের অতীত ঘটনার স্মৃতি-চিহ্ন।
আমরা একে একে সাতটি সুদূর দরজা পার হইলাম।
তাহাদের নাম পটলপোল, ভৈরবপোল, হনুমানপোল,
গণেশপোল, জোড়লাপোল, লক্ষণপোল ও রামপোল। পথটি
প্রায় একমাইল দীর্ঘ। চিতোরগড়ে প্রবেশ করিবার ইহাই
সর্বপ্রধান পথ। ইহা পাহাড়ের পশ্চিমে অবস্থিত। পাহাড়ে
উঠিবার ইহা ছাড়া আরও দুইটি পথ আছে। একটি
পূর্বদিকে, অপরটি উত্তর দিকে। রামপোলের নিকটেই
দরিখানা; বিশেষ ঘটনা উপলক্ষে রাজপুত্র সর্দারগণ এখানে
মিলিত হইতেন। প্রবাদ এই যে, আলাউদ্দিন কর্তৃক চিতোর
ধ্বংসের পূর্বে এখানে চিতোরের অধিষ্ঠাত্রী দেবী আবির্ভূত
হইয়া রাণাকে বসিয়াছিলেন “ম্যা ভুঁখা ছু” (আমার ক্ষুধা
পাইয়াছে)।

আমরা পূর্বে বলিয়াছি যে চিতোর পাহাড়ের উপরি-

ভাগ প্রায় সমতল। ইহা প্রায় তিন মাইল দীর্ঘ এবং আধ মাইল প্রস্থ। পাহাড়ের উপর ভাল রাস্তা আছে। তাহাতে গাড়ী চলে। আমরা পাহাড়ের উঠিয়া একজন পথ-প্রদর্শক লইলাম। লোকটি জাতিতে হিন্দু দাঁড়ি। পাহাড়ের অধিকাংশ ভগ্নস্তূপে সমাচ্ছন্ন। কয়েকখণ্ড জমিতে চাষ হয় দেখিলাম। পথে একটি ক্ষুদ্র দেবীর মন্দির রহিয়াছে। দেবীর নাম তুলজা ভবানী। মন্দির পাহাড়ের উপর হইয়া আমরা গোমুখা গঙ্গা নামক স্থানে চলিলাম। প্রাচীন রাজপ্রাসাদ, মীরাবাইয়ের মন্দির, উদয়পুরের রাণার নূতন রাজপ্রাসাদ প্রভৃতি অতিক্রম করিয়া আমাদের গাড়ী রাণা কুন্ডের জয়সম্ভের নিকট আসিয়া দাঁড়াইল। সেখানে গাড়ী হঠতে নামিয়া দুইচারি মিনিট ভ্রমণ গৃহ এবং দেবালয়ের পাশ দিয়া চলিয়া আমরা নীচে নামিবার প্রশস্ত স্মৃতিস্তম্ভ সোপানশ্রেণী পাইলাম। সোপানশ্রেণী সম্প্রতি সুন্দর ভাবে যেরামত করা হইয়াছে। উদয়পুরের আধুনিক রাণাদের প্রাচীন কীর্তি সংরক্ষণ করিবার এই চেষ্টা প্রশংসার। সিঁড়ি দিয়া কিছুদূর নামিয়া আমরা একটি কুণ্ড বা ক্ষুদ্র জলাশয় দেখিতে পাইলাম। কুণ্ডটি খুব প্রাচীন। ইহার জল কিয়ৎ পরিমাণে বিবর্ণ হইয়া গিয়াছে। কুণ্ডটি পাহাড়ের এক প্রান্তে অবস্থিত। ইহার পশ্চিমে দুর্গ-প্রাচীর। কুণ্ডটির পূর্বদিকে একটি শিবালয় আছে। শিবালয়ের মধ্যে একটি ছোট বর্ণা আছে। বর্ণার জল অতি পরিষ্কার এবং পান করিবার উপযোগী। এই জল কুণ্ডের মধ্যে গিয়া পড়িতেছে। এখানে একটি স্তম্ভের মুখ আছে। এই স্তম্ভ না কি এখান হইতে রাজপ্রাসাদ পর্য্যন্ত বিস্তৃত। এই শিবালয়ের উপর একটি ক্ষুদ্র কক্ষ ছিল। তাহার মধ্যে আমরা জিনিষপত্র রাখিলাম এবং নিকটে একটি উন্মুক্ত স্থলে বৃক্ষতলে রাখিবার উত্তোগ করিলাম। পাচক ও ভৃত্যকে এখানে রাখিয়া আমরা শীঘ্র দর্শনীয় স্থান সকল দেখিতে চলিলাম; কারণ, ক্রমশঃ রৌদ্রের তেজ প্রখর হইতেছিল। এখান হইতে গাড়ী করিয়া দক্ষিণ দিকে চলিলাম। পশ্চিমে পুত্র ও জয়মল্লের বাসভবন দেখিতে পাইলাম। নিকটে একটি সরোবর দেখাইয়া পথ-প্রদর্শক বলিল, ইহা সূর্য্যকুণ্ড,— আকবরের সহিত যুদ্ধের সময় এখান হইতে প্রত্যহ যোদ্ধৃ বর্গ সহিত রথ নির্গত হইত। অবশেষে মুসলমানগণ গোরক্স দ্বারা ইহা অপবিদ্ধ করিয়া দিল। তাহার পর আর রথ বা যোদ্ধা

উঠিল না। টডের রাজস্থানে কিন্তু উল্লেখ আছে যে, মেওয়ারের রাণাদের পূর্বপুরুষদের বাসস্থান গুজরাটের নিকটবর্তী বল্লভীপুরে একটি সূর্য্যকুণ্ড ছিল; এবং বল্লভীপুর যখন বর্করগণ কর্তৃক ধ্বংস হয়, সেই সময়ে এই ঘটনা ঘটয়াছিল। সূর্য্যকুণ্ডের নিকটে আরও দুই একটি পুষ্করিণী দেখিলাম। সর্বশুদ্ধ পাহাড়ের উপর ৩২টি পুষ্করিণী এবং একটি বর্ণা আছে। এ কারণ পাহাড়ের উপর জলকষ্ট হইত না। সূর্য্যকুণ্ড পাহাড়ের উপর একটি মন্দিরের নিকট আমাদের গাড়ী দাঁড়াইল। মন্দির-প্রাঙ্গণটি পথ হইতে খুব উচ্চ; অনেকগুলি সিঁড়ি ভাঙ্গিয়া উঠিতে হয়। শুনিলাম, ইহা কালীর মন্দির। বিগ্রহটি সাদা পাথরের। কেবল মুখটি দেখা যায়, অবশিষ্টাংশ লাল কাপড় দিয়া ঘেঁরা। মূল মন্দিরের সম্মুখে নাটমন্দির। চারি সারি স্তম্ভের উপর নাটমন্দিরের ছাদটি অবস্থিত। মন্দিরে পুরোহিত আছেন, এখনও পূজা হয়। (১) কালীর মন্দির দেখিয়া আমরা পদ্মিনীর প্রাসাদ দেখিতে চলিলাম। কালীর মন্দির এবং পদ্মিনীর প্রাসাদের মধ্যে বীরবর চণ্ডের স্মৃতি-মন্দির ("Vaulted cenotaph of Chonda") আছে বলিয়া টড সাহেব উল্লেখ করিয়াছেন। আমাদের ইহা দেখা হয় নাই। পদ্মিনীর প্রাসাদটি এখনও সম্পূর্ণ অভঙ্গ এবং ব্যবহার-যোগ্য অবস্থায় রহিয়াছে। ১০০৩ খৃষ্টাব্দে যখন আল্লাউদ্দিন চিতোর অধিকার করিয়াছিলেন, তখন চিতোরের সকল গৃহ এবং দেবালয় ভাঙ্গিয়া ফেলিয়াছিলেন— কেবল পদ্মিনীর প্রাসাদ ভাঙ্গেন নাই (২)। পদ্মিনীর

(১) The shrine of Kalika Devi esteemed one of the most ancient of Chitor, existing since the time of the Mori, the dynasty prior to the Guhilot—(Tod's Rajasthan). Erskine সাহেবের মতে ইহা পূর্বে সূর্য্যের মন্দির ছিল।

(২) Alla remained in Chitor some days admiring the grandeur of his conquest; and having committed every act of barbarity and wanton dilapidation which a bigotted zeal could suggest, overthrowing the temples and other monuments of art, he delivered the city in charge to Maldeo, the chief of Jhalor whom he had conquered and enrolled amongst his vassals. The palace of Bheem and the fair Padmini alone appears to have escaped the wrath of Alla.—Tod's Rajasthan, p. 222.

সময় প্রাসাদের যেরূপ অবস্থা ছিল, তাহার পর কিছু পরিবর্তন হওয়া সম্ভব। চিতোরে উদয়পুরের রাণার নূতন প্রাসাদ নির্মিত হইবার পূর্বে রাণারা চিতোরে আসিলে পদ্মিনীর প্রাসাদেই বাস করিতেন। এজন্য প্রাসাদটি সম্পূর্ণ বাসযোগ্য অবস্থায় রক্ষিত হইয়াছে। এখানে কিছু কিছু আসবাবও আছে। প্রাসাদটি একতলা এবং কয়েকটি স্বতন্ত্র মহলে বিভক্ত। প্রত্যেক মহল চারিধারে উচ্চ প্রাচীর দিয়া বেষ্টিত। এক একটি মহলে প্রশস্ত প্রাঙ্গণের পাশে কয়েকটি করিয়া ঘর। কোন মহলে বৈঠকখানা, কোনটিতে বসিবার ও শুইবার ঘর, বা পূজার ঘর। ঘরগুলি আকারে ছোট। একটি ঘরে একটি বৃহৎ আয়না একটি টেবিল এবং কয়েকটি চেয়ার দেখিলাম। মনে পড়িল সেই আয়নার কথা, যাহার মধ্যে আল্লাউদ্দিনকে পদ্মিনীর প্রতিবিম্ব দেখান হইয়াছিল। প্রাসাদের পাশেই জলাশয়। জলাশয় গভীর, বহু নিম্নে সামান্য জল রহিয়াছে দেখা গেল। জল ধরিয়া রাখিবার যখন বন্দোবস্ত ছিল, তখন জলাশয়টি প্রচুর জলে পূর্ণ থাকিত বোধ হইল (৩)। অদূরে জলাশয়ের মধ্যে আর একটি ক্ষুদ্র প্রাসাদ দেখিতে পাইলাম (৪)। শুনিলাম, জলাশয় যখন জলপূর্ণ থাকিত, তখন উভয় প্রাসাদের মধ্যে নৌকা চলিত।

পদ্মিনীর প্রাসাদ চিতোরের দক্ষিণ প্রান্তে অবস্থিত। ইহার পর আর বড় একটা ঘরবাড়ী বা তাহার ধ্বংসাবশেষ দেখা যায় না। (৫) স্থানটি কতকটা সহরতলির (Suburb) এর মত। পদ্মিনীর প্রাসাদে দাঁড়াইয়া পদ্মিনীর কাহিনী মনে হইল। দীর্ঘ অবরোধের পরও

(৩) Todএর "রাজস্থানে" পদ্মিনীর প্রাসাদের যে চিত্র আছে তাহাতে দেখা যায়, সরোবর জলপূর্ণ রহিয়াছে।

(৪) আমাদের পথপ্রদর্শক বলিল, জলাশয়ের মধ্যের প্রাসাদও পদ্মিনীর প্রাসাদ। Tod সাহেবের বর্ণনা পড়িয়া মনে হয়, ইহা চিতোরের প্রাচীন পুষ্করিণীর রাজ্য চিত্রং মোরির প্রাসাদ।

(৫) Tod লিখিয়াছেন যে, পদ্মিনীর প্রাসাদের দক্ষিণে একটি পাথরের দেওয়াল-ঘেরা স্থান আছে। এখানে কুস্ত মালবরাজকে বন্দী করিয়া রাখিয়াছিলেন।

চিতোর পাহাড়ের নিকটেই দক্ষিণে (১৫০ গজ দূরে) আর একটি পাহাড় আছে। তাহার নাম চিতোরী। এই পাহাড়ের উপর হইতে আল্লা চিতোর আক্রমণ করিয়াছিলেন। প্রবাদ এই যে, আল্লা যখন ১২ বৎসর ধরিয়া চিতোর অবরোধ করিয়াছিলেন, তখন মাটি ফেলিয়া এই পাহাড় বা টিপি নির্মাণ করিয়াছিলেন।

চিতোর অধিকার করিতে না পারিয়া আল্লাউদ্দিন প্রথমে বলিলেন, পদ্মিনীকে পাইলেই তিনি চলিয়া যাইবেন; শেষে বলিলেন, পদ্মিনীকে একবার দেখিতে পাইলেও তিনি চলিয়া যাইতে প্রস্তুত।

আল্লাকে বলা হইল, আয়নার মধ্যে পদ্মিনীর প্রতিবিম্ব দেখান হইবে। আল্লা তাহাতেই রাজি হইলেন। চিতোর প্রবেশ করিয়া পদ্মিনীর প্রতিবিম্ব দেখিয়া আল্লা ফিরিয়া যাইতেছিলেন, ভীমসিং ভদ্রতা করিয়া আল্লার সহিত পাহাড়ের নীচে পর্য্যন্ত আসিয়া তাঁহাকে আগাইয়া দিতে গেলেন। কিন্তু তিনি যখন দুর্গের বাহিরে গেলেন, অমনি আল্লা ভীমসিংহকে বন্দী করিয়া নিজ শিবিরে লইয়া গেলেন। আল্লা বলিয়া পাঠাইলেন পদ্মিনীকে পাইলে ভীমসিংহকে ছাড়িয়া দেওয়া হইবে। পদ্মিনী তাঁহার পিতৃব্য গোরা এবং ভ্রাতা বাদলের সহিত পরামর্শ করিয়া আল্লার প্রস্তাবে স্বীকৃত হইলেন। তিনি বলিয়া পাঠাইলেন, তাঁহার সহিত ৭০০ শিবিকায় সখীরা যাইবে। এই ৭০০ শিবিকা যখন মুসলমান শিবিরে উপস্থিত হইল, তখন প্রস্তাবমত ভীমসিং চিতোর অভিমুখে চলিলেন। কিন্তু আল্লা তাঁহাকেও ধরিতে আজ্ঞা দিলেন। তখন সেই ৭০০ শিবিকা হইতে ৭০০ যোদ্ধা বাহির হইল। শিবিকার ২৮০০ বাহকেরাও যোদ্ধাবেশ ধারণ করিল। বাদল ও গোয়ার নেতৃত্বে এই ৩৫০০ রাজপুত অলৌকিক বীরস্ব সহকারে অগণিত মুসলমান সেনার সহিত যুদ্ধ করিল। ভীমসিংহ এই অবসরে ক্ষিপ্ত গতিতে অধারোহণে চিতোর প্রবেশ করিলেন। রাশি রাশি মুসলমান নিহত করিয়া রাজপুতগণ প্রায় প্রত্যেকে প্রাণত্যাগ করিল। গোরা মারা গেল। রক্তাক্ত দেহে বাদল ফিরিয়া আসিল। চিতোরের শ্রেষ্ঠ বীর সকল মারা গেল। আল্লা বিফল-মনোরথ হইয়া দিল্লী ফিরিয়া গেলেন। কিছুকাল পরে পুনরায় প্রভুত সৈন্য সংগ্রহ করিয়া আল্লা চিতোরের সম্মুখে আবার দেখা দিলেন। চিতোরের শ্রেষ্ঠ বীরগণ পূর্বের যুদ্ধে মারা গিয়াছিল। এবার চিতোর রক্ষা করা দুর্ঘট হইল। পাহাড়ের দক্ষিণ প্রান্তের কিয়দংশ আল্লা অধিকার করিয়াছিলেন। রাত্রি দুশ্চিন্তায় রাণা লক্ষণ সিংহের নিদ্রা হয় নাই। এমন সময় চিতোরের অধিষ্ঠাত্রী দেবী দেখা দিলেন, বলিলেন, "ম্যা, তুখা ছ" (আমার ক্ষুধা পাইয়াছে)। রাণা বলিলেন, "রাক্ষসি, আমার ৮০০০ জাতি

থাইয়াছ, এখনও ক্ষুধা মিটে নাই ?” দেবী বলিলেন, “আমি রাজবলি চাই। মুকুটপরা ১২ জন প্রাণ না দিলে চিতোর আর তোমাদের হাতে থাকিবে না।” রাণার ১২ জন পুত্র। সকলেই আগে প্রাণ দিতে উৎসুক হইল। একে একে ১১ জন গেল, প্রত্যেককে রাজ্যে অভিষিক্ত করা হইল, রাজদণ্ড হাতে দেওয়া হইল, মাথায় ছত্র ধরা হইল, চামর দোলান হইল। তিন দিন সে রাজা রহিল। চতুর্থ দিনে দুর্গের বাহিরে গিয়া মুসলমানদের সহিত যুদ্ধ করিয়া প্রাণ দিল। যখন একে একে ১১ রাজপুত্র এইভাবে প্রাণ দিল তখন অবশিষ্ট পুত্রকে রাজা জোর করিয়া যাইতে দিলেন না,— তাহাকে স্নডঙ্গ পথে নিরাপদ স্থানে পাঠাইয়া দিলেন। তাহার পর জহর ব্রত হইল,—সহস্র সহস্র রাজপুত্র রমণী একজনের পর একজন প্রজ্বলিত অনলে প্রাণ আহুতি দিলেন। সকলের শেষে পদ্মিনী। তাহার পর দুর্গের দ্বার খুলিয়া দেওয়া হইল। রাজপুত্রগণ শত্রুদের সহিত যুদ্ধ করিতে করিতে প্রাণত্যাগ করিল, রাণাও প্রাণ দিলেন। আল্লা চিতোর অধিকার করিলেন। এই প্রথম চিতোর ধ্বংস।

পদ্মিনীর প্রাসাদ দেখিয়া পুত্তের প্রাসাদ দেখিলাম। আকবর যখন চিতোর অবরোধ করিয়াছিলেন, ভীরা রাণা উদয় সিং তখন কোন ছলে চিতোর ত্যাগ করিয়া চলিয়া গিয়াছিলেন। তখন চিতোর রক্ষা করিবার ভার প্রথমে লইলেন চন্দাবৎবংশীয় সহিদাস। সূর্য্যপোল নামক পূর্ব দ্বারে যুদ্ধ করিতে করিতে ইনি প্রাণ দিলেন। তখন নেতা হইলেন পুত্ত। পুত্তের বয়স তখন ১৬। পুত্তের পিতা পূর্বেই যুদ্ধে প্রাণ দিয়াছিলেন। পুত্ত মাতার একমাত্র তনয়। বীরমাতা পুত্রকে গৈরিক বস্ত্র পরাইয়া চিতোরের জন্ত প্রাণ দিতে অনুমতি করিলেন; নিজেও অস্ত্রধারণ করিয়া প্রস্তুত হইলেন। শুধু তাহাই নহে; পুত্তের বালিকা বধুর হস্তে বর্ষা দিয়া তাহাকে যুদ্ধক্ষেত্রে লইয়া চলিলেন। রাজপুত্রগণ দেখিল পুত্ত, তাহার মাতা ও পত্নী সকলেই যুদ্ধক্ষেত্রে প্রাণ সমর্পণ করিল। পৃথিবীর ইতিহাসে এরূপ বিস্ময়জনক ঘটনা আর না পাইয়া Tod লিখিয়াছেন—

Like the Spartan mother of old she commanded him to put on the 'sappron robe' and to die for Cheetore; but surpassing the Grecian dame she illustrated her precept by example and lest

any soft compunctions visiting for one dearer than herself might dim the lustre of Kailwa she armed the young bride with a lance, with her descended the rock, and the dependants of Cheetore saw her fall, fighting by the side of her Amazonian mother (Annals of Mewar, p. 266.)

পুত্তের মৃত্যুর পর নেতা হইল রাঠের বীর জয়মল। দুর্গ-প্রাচীরের উপর সেনা-সমাবেশ করিবার সময় জয়মলের গায়ে একটা গোলা লাগিল। দূর হইতে শত্রুর গোলায় আঘাতে মরিতে হইবে এই চিন্তা জয়মলের অসহ্য হইল। আবার জহর ব্রত করিয়া রাজপুত্র রমণীগণ প্রাণত্যাগ করিলেন। তাহার পর অবশিষ্ট ৮০০০ রাজপুত্র দুর্গদ্বার খুলিয়া সম্মুখ-সমরে প্রাণত্যাগ করিল (৬)। নয়টি রাণী, পাঁচটি রাজকন্যা, দুইটি শিশু এবং যাবতীয় সর্দারদের পরিবারবর্গ হয় যুদ্ধক্ষেত্রে, নয় অগ্নিতে প্রাণত্যাগ করিল। মন্দির এবং প্রাসাদ ধ্বংস বিষয়ে আকবর আলাউদ্দিন, অপেক্ষা কম বর্বরতার পরিচয় দেন নাই। Tod লিখিয়াছেন, The third sack of Cheetore was marked by the most illiterate atrocity, for every monument spared by Alla or Bayazeed was defaced, which has left an indelible stain on Akbar's name as a lover of the arts, as well as of humanity.

চিতোরের রাজচিহ্ন সকল বিলুপ্ত করিবার জন্ত আকবর অশোভন ব্যগ্রতা দেখাইলেন। রাণাদের চিতোর প্রবেশ বা চিতোর ত্যাগ করিবার সময় বৃহৎ নাকাড়া (drums) ধ্বনিত হইত, চারিদিকে কয়েক ক্রোশ পর্য্যন্ত সে শব্দ শোনা যাইত,—আকবর সেগুলি লইয়া গেলেন। এগুলির ব্যাস ৮।১০ ফিট হইবে। দেবীর মন্দির হইতে ঝাড়লগ্ন লইয়া গেলেন; দরজা দুইটিও উঠাইয়া লইয়া গেলেন।

(৬) চিতোর দুর্গে উঠিবার পথে হনুমানপোলের নিকট একটি ক্ষুদ্র প্রস্তর-বেদী আছে। এখানে জয়মল মারা গিয়াছিলেন। নিকটে আর একটি স্মৃতিচিহ্ন আছে। তাহার উপর বর্ষাহস্তে একটি অধারোদী বোদ্ধার মূর্তি অঙ্কিত আছে। এইখানে পুত্ত নিহত হন। নিকটে রঘুদেবেরও একটি স্মৃতিচিহ্ন আছে। রঘুদেব চণ্ডের ভ্রাতা। ইনি যাতকহস্তে নিহত হইয়াছিলেন; রাজপুত্ররা ইহাকে দেবতার স্থায় পূজা করে

পুত্তের প্রাসাদটি দুই তিনটি মহলে বিভক্ত। কোনটি বহির্কোণে, কোনটি অন্তঃপুর। বাটীটি রাজপথ হইতে অনেক উচ্চে অবস্থিত। বাটীটি এক্ষণে ভাঙ্গিয়া গিয়াছে। ইহা ত্রিতল ছিল বলিয়া বোধ হইল। একটি কক্ষে একটি প্রস্তরময়ী মূর্তি পুত্তজির বিগ্রহরূপে পূজিত হয়। রাজপুত্রগণ সিন্দুর মাখাইয়া মূর্তিটি রক্তবর্ণে পরিণত করিয়াছে। পাশে আর একটি কক্ষে একটি স্ত্রী-মূর্তিও পূজিত হয়। আমাদের পথপ্রদর্শক বলিল, উহা কঙ্কালী মাতার মূর্তি। আমার মনে হইল, উহা পুত্তজির মাতার মূর্তি হইতে পারে। পুত্তজির প্রাসাদের নিকটে দুর্গ-প্রাচীরের পাশেই জয়মলের গৃহ। আমাদের পথ-প্রদর্শক বলিল, পুত্তজি জয়মলের ভগিনীপতি ছিলেন। Tod লিখিয়াছেন—

The names of Jeimul and Putta are, as household words, inseparable in Mewar and will be honoured while the Rajpoot retains a shred of his inheritance or a spark of his ancient recollections.

জয়মলের বীরত্ব সম্বন্ধে Tod লিখিয়াছেন—

“Abul Fazl, Herbert, the Chaplain to Sir T. Roe, Bernier all honoured the name of Jeimul.”

যে গুলিতে জয়মল মারা যান, আকবর বলেন, তিনি নিজে সে গুলি ছুঁড়িয়াছিলেন। আকবর সে বন্দুকের নাম দিয়াছিলেন ‘সিংগ্রাম’। আকবর পুত্ত এবং জয়মলের বীরত্বের বহু প্রশংসা করিয়াছিলেন এবং তাহার প্রাসাদের দ্বারদেশে হস্তীর উপর উভয়ের প্রতিমূর্তি স্থাপন করিয়াছিলেন। Bernier ১০০ বৎসর পরে আসিয়া এই মূর্তি দুইটি দেখিয়া লিখিয়াছিলেন—

“These two great elephants, together with the two resolute men sitting on them do at the first entrance into this fortress make an impression of I know not what greatness and awful terror.”

ইহা উদ্ধৃত করিয়া Tod লিখিয়াছেন—

Such was the impression made on a Parisian, a century after the event; but far more powerful the charm to the author of these annals, as he pondered on the spot where Jeimul received the fatal shot from the Singram, or placed flowers on the cenotaph that marks the fall of the son of Chonda

(সহিদাস) and the mansion of Putta whence issued the Seesodia matron and her daughter. Every foot of ground is hallowed by ancient recollections.

যুদ্ধক্ষেত্রে যত রাজপুত্র প্রাণত্যাগ করিয়াছিল, আকবর না কি তাহাদের যজ্ঞোপবীত একত্র করিয়া ওজন করিয়া দেখিয়াছিলেন ৭৪৫ মান হইয়াছিল। চার সেরে এক মান হয়। এই ঘটনা স্মরণ করিয়া চিঠির উপর ৭৪৫ লিখিয়া দিলে এখনও লোকে তাহা খুলিতে ভয় পায়,—চিঠি খুলিলে চিতোর-ধ্বংসের সময় যত রাজপুত্র মারা গিয়াছিল, ততগুলি রাজপুত্র-হত্যার পাপ স্পর্শ করিবে।

আকবর চিতোর অধিকার করিয়া যে ধ্বংস করিয়াছিলেন, সে ধ্বংসের আর কখনও পূরণ হয় নাই।

পুত্ত এবং জয়মলের বাড়ী দেখিয়া আমরা আবার গাড়ী করিয়া চলিলাম। বহু দূর পর্য্যন্ত পুত্তের প্রাসাদ এবং তাহার ঝরোকাগুলি আমাদের দৃষ্টি আকর্ষণ করিয়া রাখিয়াছিল। এখান হইতে আমরা দুর্গের পূর্ব দ্বার দেখিতে গেলাম। রাণার নূতন প্রাসাদের পাশ দিয়া চলিলাম। নূতন প্রাসাদটি বেশ বড়; সমস্তটি চূর্ণকাম করা। চিতোরের নিকটবর্তী পাহাড়ে অনেক শিকার পাওয়া যায়। রাণা শিকার খেলিবার জন্ত প্রায়ই উদয়পুর হইতে আসেন এবং এই প্রাসাদে থাকেন। পূর্বদ্বারের নিকট নীলকণ্ঠের মন্দির (৭) দেখিলাম। মন্দির মধ্যে সুরবৃহৎ কক্ষ প্রস্তরের শিবলিঙ্গ ও বেদী রহিয়াছে। পূজারী আমাদের মিশ্রিত প্রসাদ দিলেন। এই মন্দির দেখিয়া আমরা পূর্বদিকের দরজা দেখিতে গেলাম। আকবরের চিতোর আক্রমণের সময় এখানে সহিদাস দুর্গ রক্ষা করিতে গিয়া প্রাণ সমর্পণ করিয়াছিলেন। একটি প্রস্তরময় বেদী সেই ঘটনার স্মৃতিরক্ষা করিতেছে। সূর্য্যপোলটিও খুব বড়। এখান হইতে একটি পথ পাহাড় হইতে নামিয়া গিয়াছে। পথের দুইধারে দেওয়াল দিয়া ঘেরা। আমরা যখন গিয়াছিলাম, তখন এখানে সংস্কার কার্য হইতেছিল।

সূর্য্যপোল দেখিয়া ফিরিবার সময় আমরা একটি জৈন মন্দির এবং স্তম্ভ দেখিলাম। মন্দির এবং স্তম্ভের চারিদিকে বহুসংখ্যক পাথরের মূর্তি খোদিত হইয়াছে। স্তম্ভটি রাণা

(৭) এই মন্দিরটি Tod কুকুরেশ্বর মহাদেবের মন্দির বলিয়া উল্লেখ করিয়াছেন বোধ হইল। রাণা কুম্ভ ইহা নিৰ্মাণ করিয়াছিলেন।

কুস্তুর জয়ন্তুরের অক্ষর, কিন্তু তাহা অপেক্ষা অনেক ছোট। এই স্তম্ভটির নাম খোয়াসিন স্তম্ভ। ইহা ৭৫ ফিট উচ্চ। Tod সাহেব এখানে ৮৯৬ খৃষ্টাব্দের একটি শিলালিপি পাইয়াছিলেন। এই মন্দির এবং স্তম্ভ জৈন তীর্থঙ্কর আদিনাথের নামে উৎসর্গ হইয়াছিল।

এখান হইতে আমরা প্রাচীন রাজপ্রাসাদের ধ্বংসাবশেষ দেখিতে গেলাম। ইহা লখ রাণার প্রাসাদ নামে পরিচিত। কেহ কেহ বলেন রাণা রায়মল্ল ইহা নির্মাণ করিয়াছিলেন। প্রাসাদটি সুবিস্তৃত। ইহা দুই তিন তলা উচ্চ ছিল; এক্ষণে অধিকাংশ ভাঙ্গিয়া গিয়াছে। স্থানে স্থানে কোন প্রাচীর বা প্রকোষ্ঠের অভয় অংশ এখনও বিদ্যমান আছে। প্রাসাদের চারিদিকে প্রাঙ্গণ; প্রাঙ্গণের মধ্যে দেবজীর মন্দির। এই দেবজী ভোজ নামে একজন চৌহানবংশীয় রাজপুত যোদ্ধা ছিলেন। রাজপুতগণ ইহাকে অবতার বলিয়া মনে করেন। ইনি না কি রাণা সঙ্গকে একটি কবচ দিয়াছিলেন। ঐ কবচের প্রভাবে রাণা সঙ্গ বহু যুদ্ধে জয়লাভ করিয়াছিলেন। একজন আধুনিক রাণা প্রাচীন প্রাসাদটি পুনঃ সংস্কার করিতে আরম্ভ করিয়াছিলেন; কিন্তু সংস্কার কার্য কিয়দূর মাত্র করিয়াই উহা পরিত্যাগ করা হইয়াছে। কথিত আছে যে, পূর্বে এই প্রাসাদ হইতে গোমুখী গঙ্গা পর্যন্ত একটি সড়ক ছিল। রাজবাড়ীর মেয়েরা সেই পথে স্নান করিতে যাইতেন। এই সড়কের মুখ এখনও বর্তমান রহিয়াছে। আলাউদ্দিন যখন চিতোর অধিকার করিয়াছিলেন, তখন পদ্মিনী এবং অন্ত সকল রাজপুত রমণী এইখানে জহরব্রত অনুষ্ঠান করিয়াছিলেন। ইহা আমাদের পথ-প্রদর্শক আমাদের কাছে বলিয়াছিল। কিন্তু Tod বলিয়াছেন যে, গোমুখী গঙ্গার নিকট সড়কের মধ্যে আলাউদ্দিনের সময় জহর-ব্রত অনুষ্ঠিত হয়। আমাদের পথ-প্রদর্শক বলিল, আকবরের সময় যে জহর-ব্রত অনুষ্ঠিত হয়, তাহা গোমুখী গঙ্গার নিকট অনুষ্ঠিত হইয়াছিল। শুনিলাম, এখন সড়কের পথ বন্ধ করিয়া দেওয়া হইয়াছে।

প্রাসাদের বাহিরে একটি ছাদযুক্ত বেদী আছে। এখানে না কি রাণাদের মেয়েদের বিবাহ হইত। ইহা পার হইয়া আমরা এক প্রাচীর-বেষ্টিত বিস্তৃত প্রাঙ্গণে উপস্থিত হইলাম। ইহার নাম নওলক্ষা ভাণ্ডার। নওলক্ষা ভাণ্ডারে রাজকোষ থাকিত এইরূপ অনুমান হয়। কেহ কেহ বলেন, বনবীর

যখন চিতোরের সিংহাসনে আরোহণ করিয়াছিলেন, তখন এখানে বাস করিতেন।

তাহার এক পাশে একটি গৃহে অনেক তোপ আছে। তাহার নাম তোপখানা। ইহার নিকটেই ভামশা মঞ্জীর বাড়ী। রাণা প্রতাপসিংহ যখন নিরাশ হইয়া মেওয়ার পরিত্যাগ করিয়া সিদ্ধদেশের মরুভূমিতে গমন করিতে উত্তত হইয়াছিলেন, তখন এই ভামশা তাঁহার পিতৃপুত্র-সঙ্কিত বহু অর্থ প্রতাপের নিকট স্থাপন করিয়া তাঁহাকে পুনরায় মোগলদের সহিত যুদ্ধ করিতে উৎসাহিত করিয়াছিলেন।

নওলক্ষা ভাণ্ডারের উত্তর-পূর্ব কোণে একটি মন্দির আছে। তাহার নাম শিঙ্গারচৌরা। ইহা একটি জৈন মন্দির। ১৪৪৮ খৃঃ কুস্তুরাণার কোষাধ্যক্ষের পুত্র ইহা নির্মাণ করিয়াছিলেন।

বেলা অধিক হইয়াছিল। আমরা এখান হইতে গোমুখী গঙ্গার নিকট চলিলাম। সেখানে ঝরণার জলে স্নান করিয়া শরীর স্নিগ্ধ হইল। আহাৰ্য্যও প্রস্তুত হইয়াছিল। আমরা ভোজন সমাধা করিয়া কিয়ৎক্ষণ বিশ্রাম করিলাম।

আকবর যখন চিতোর আক্রমণ করেন, তখন এই গোমুখী গঙ্গার ধারে জহর-ব্রত অনুষ্ঠিত হয়। আমার মনে হইল, ইহা একটি পবিত্র তীর্থ। যে স্থানের সহিত কোন পবিত্র স্মৃতি বিজড়িত আছে, যেখানে আসিলে মন পবিত্র হয়, তাহাই তীর্থ। আপনি একবার এখানে আসিয়া বসুন, সেই জহর-ব্রতের কথা স্মরণ করুন,—দেখুন, মন পবিত্র হয় কি না। একবার মানস-নেত্রে চাহিয়া দেখুন—ঐ সহস্র সহস্র রাজপুত রমণী শ্রেণী বাঁধিয়া একটির পর একটি আসিতেছে, ঐ প্রজ্বলিত অগ্নিকুণ্ডে একটির পর একটি প্রবেশ করিতেছে! কি সুন্দর সুন্দরিত রূপ, মুখে কি পবিত্র ভাব। ঐ দেখুন, সুন্দর, কোমল দেহখানি ভস্মরাশিতে পরিণত হইল! একটি নয়, দশটি নয়, একশত নয়, সহস্রের পর সহস্র। ঐ মাটির যদি রাসায়নিক বিশ্লেষণ করিয়া দেখা সম্ভব হইত, তাহা হইলে সেই ভস্ম এখনও পাওয়া যাইত; মন্দিরের দেওয়ালে, ছর্গ-প্রাচীরের গাত্রে সেই ধূমকণা এখনও লগ্ন হইয়া আছে। একবার এখানে দাঁড়াইয়া জিজ্ঞাসা করুন—সুখ বড়, না, ধর্ম বড়? ভোগ বড়, না, ত্যাগ বড়?

জীবন বড়, না, মৃত্যু বড়? জীবনের সুখভোগ সকলই ফুরাইয়া যাইবে, কিন্তু মহেশ্বরের কথা, ধর্মের জন্ত আত্মোৎসর্গের কথা চিরকাল উজ্জ্বল হইয়া থাকিবে।

আমরা এখানে বসিয়া সম্মুখের দিগন্ত-বিস্তৃত প্রান্তর দেখিতে পাইতেছিলাম। তাহার মধ্য দিয়া চিতোর হইতে উদয়পুরের রেলওয়ে লাইন প্রসারিত রহিয়াছে। এখানে আকবরের উর্দু বা শিবির স্থাপিত হইয়াছিল। পঞ্চোলি হইতে বৃষ্টি পর্যন্ত প্রায় দশ মাইল ইহা বিস্তৃত ছিল। এই বিশাল সৈন্যের বিরুদ্ধে কয়েক সহস্র মাত্র রাজপুত সৈন্য দাঁড়াইয়াছিল। তাহারা যদি মুখের কথা একবার মাত্র বলে—“আকবর, আমরা তোমার প্রভুত্ব স্বীকার করিতেছি” তাহা হইলেই আর কোন গোল থাকে না, আকবর সৈন্য লইয়া দিল্লী ফিরিয়া যান, রাজপুতরা স্ত্রী-পুত্র লইয়া জীবনের সকল সুখ ভোগ করিতে পারে। কিন্তু রাজপুতরা স্থির করিয়াছিল, কিছুতেই ঐ কয়টি কথা বলা হইবে না। জীবনের সকল সুখ চিরকালের জন্ত বিনষ্ট হয়, তাও স্বীকার; প্রাণ যায়, তাও স্বীকার; প্রাণ অপেক্ষা প্রিয় স্ত্রী ও কন্যা স্তম্ভপায়ী শিশু ক্রোড়ে করিয়া, আশুনে গুড়িয়া মরে, তাও স্বীকার। আকবর কিছুতেই ইহাদিগকে এই কয়টি কথা বলাইতে পারিলেন না। রাগ করিয়া তিনি ঘরবাড়ী মন্দির ভাঙ্গিয়া দিল্লী ফিরিয়া গেলেন। ইতিহাস লেখে, রাজপুতরা হারিয়া গেল; আকবর জিতিলেন। আমরা ত দেখি,—আকবর হারিলেন; রাজপুতরা জিতিল। আকবর চাহিয়াছিলেন, রাজপুতদিগকে তাঁহার প্রভুত্ব স্বীকার করাইবেন। তিনি তাহা পারেন নাই। রাজপুতরা বলিয়াছিল, কিছুতেই আকবরের প্রভুত্ব স্বীকার করিব না। একজন রাজপুতও বাঁচিয়া থাকিতে, মোগলকে চিতোরে ঢুকিতে দিব না; রাজপুতরা তাহাদের প্রতিজ্ঞা রাখিতে পারিয়াছিল। তাহারা মরিয়াছিল সত্য, কিন্তু তাহারা ত প্রতিজ্ঞা করে নাই যে, তাহারা চিরকাল অমর হইয়া থাকিবে। আকবরও ত এক দিন মরিয়াছিলেন।

তাই বলি, চিতোর হিন্দুর মহাতীর্থ। হিন্দু একবার এখানে আসিয়া দাঁড়াও, অতীতের কথা স্মরণ কর। তাহার পর জিজ্ঞাসা কর, সংসারের সুখ-দুঃখকে তোমার ধর্মের পথে, তোমার কর্তব্যের পথে বাধা দিতে দিবে কি? তুমি দুর্বল হইতে পার, তুমি দরিদ্র হইতে পার; কিন্তু তুমি যদি

ধর্মকে, কর্তব্যকে সকলের উপর তুলিয়া ধর, তাহা হইলে অক্ষয় কীর্তি রাখিয়া যাইতে পার।

চিতোরের অপরাহ্নের ঈষৎ তপ্ত বাতাস সম্মুখের আশ্রয়-বৃক্ষের পত্র এবং পুষ্প কাঁপাইয়া, কুণ্ডের জলে ক্ষুদ্র ক্ষুদ্র বীচিমালী তুলিয়া অনবরত উদাস ভাবে প্রবাহিত হইতেছিল। মনের মধ্যে কেবল সেই গানের পদগুলি জাগিতেছিল—

দেখরে জগৎ	মেলিয়ে নয়ন,
দেখরে চন্দ্রমা	দেখরে গগন,
স্বর্গ হতে সবে	দেখ দেবগণ,
জলদ অক্ষরে	রাখ গো লিখে।
স্পর্কিত যবন	তোরাও দেখরে,
সতীত্ব রতন	করিতে রক্ষণ
রাজপুত সত্য	আজিকে কেমন
সঁপিছে পরাণ	অনল-শিখে।

গোমুখ গঙ্গার পাশে একটি কক্ষে কয়েকটি মূর্তি পূজিত হয়। দুইটি মূর্তি দণ্ডায়মান। মধ্যে উপবিষ্ট ধ্যানী মূর্তি। অপর একটি মূর্তি একটি সিংহকে আলিঙ্গন করিয়া দাঁড়াইয়া আছে। কক্ষের এক পাশে দেওয়ালের গায়ে একটি রমণী-মূর্তি দেখিলাম। মূর্তিতে কেবল মুখ ও বক্ষ আছে। বাম হস্তে দর্পণ, দক্ষিণ হস্তের এক অঙ্গুলি ওষ্ঠের উপর, এক অঙ্গুলি চিবুকের উপর। সঙ্গঠিত নাসা, আয়ত চক্ষু, চারু বক্ষম ওষ্ঠ। প্রসন্ন মুখশ্রী। গলায় হার, হাতে বালা, মাথায় মুকুট। মূর্তিটি সুবৃহৎ—চিবুক হইতে কপাল পর্যন্ত এক হাতের চেয়ে বড়। মাথার মুকুট শুদ্ধ প্রায় দুই হাত। দর্পণের পশ্চাত্তাগের আকার মণ্ডালযুক্ত পদ্মের ত্রায়। ওষ্ঠের কিয়দংশ একটু ভাঙ্গিয়া গিয়াছে। এজন্ত মনে হইল মূর্তিটি প্রাচীন হইতে পারে। ইহা কি পদ্মিনীর মূর্তি?

রৌদ্রের তেজ মুহু হইলে আমরা জয়ন্তুর দেখিতে গেলাম। মালব ও গুজরের মিলিত সৈন্য পরাস্ত করিয়া রাণা কুস্ত পঞ্চদশ খৃষ্টাব্দে এই স্তম্ভ নির্মাণ করিয়াছিলেন। যুদ্ধে জয়লাভ করিয়া রাণা কুস্ত মালবরাজ মামুদকে বন্দী করিয়া চিতোরে লইয়া গিয়াছিলেন; কিন্তু কোন রূপ নিষ্ক্রম-মূল্য লওয়া দূরে থাকুক, মামুদকে উপঢৌকন দিয়া কুস্ত ছাড়িয়া দিলেন। জয়ন্তুরটি একটি প্রশস্ত প্রস্তর-বেদীর উপর নির্মিত। ইহা ১২২ ফিট উচ্চ; অতএব মনুমেন্ট বা তবের চেয়ে অনেক ছোট। কিন্তু ইহার গঠন-নৈপুণ্য

অতি সুন্দর (৮)। ইহা চতুষ্কোণাকারে গঠিত এবং নয়টি তলাতে বিভক্ত। তলাগুলি বেশী উচ্চ নহে। স্তম্ভটিতে আরোহণ করিবার সময় ভিত্তরে কোথাও আলোক বা বাতাসের অভাব হয় না। বালুকুণ্ড অনায়াসে ইহাতে আরোহণ করিতে পারে। ঈশ্বর হরিজ্ঞাবর্ণের অতিশয় মন্থণ প্রস্তরে স্তম্ভটি নির্মিত হইয়াছে। প্রতি তলে চারি পাশে চারিটি বড় মূর্তি এবং বহুসংখ্যক ছোট ছোট মূর্তি। মূর্তিগুলি অতিশয় সুগঠিত। এখানে একটি বিশেষত্ব দেখিলাম—প্রত্যেক মূর্তির নীচে দেবনাগরী অক্ষরে মূর্তির পরিচয় দেওয়া আছে (৯)। অধিকাংশ মূর্তি দেবদেবী, —ব্রহ্মা, বিষ্ণু, মহেশ্বর, সীতা, রাম, লক্ষ্মণ, পঞ্চপাণ্ডব প্রভৃতি। বৈতালিক, সূত্রধার প্রভৃতির কয়েকটি মূর্তিও দেখিলাম। সর্বোচ্চ তলায় শ্রীকৃষ্ণের রাসমণ্ডলীর ছবি এবং রাণাদের বংশাবলি লিখিত আছে। অনেক অংশ ভাঙ্গিয়া গিয়াছে। Tod এখানে কয়েকটি সংস্কৃত শ্লোকের পাঠ উদ্ধার করিয়াছেন।

স্তম্ভটির উপরে উঠিলে চারিদিকের দৃশ্য বেশ সুন্দর দেখায়। এই জয়-স্তম্ভটি নির্মাণ করিতে না কি ৯০ লক্ষ টাকা ব্যয় হইয়াছিল। এখান হইতে আসিয়া আমরা মীরা বাঈয়ের মন্দির দেখিতে গেলাম। প্রাচীর-বেষ্টিত উচ্চ প্রাঙ্গণের মধ্যস্থলে মন্দিরটি অবস্থিত। মন্দির মধ্যে তিনটি বিগ্রহ প্রতিষ্ঠিত। একটি স্ত্রী-মূর্তি ও দুইটি পুরুষ-মূর্তি। একটি বালিকা আমাদের মন্দির দেখাইতেছিল। সে বলিল, বিগ্রহ তিনটি কৃষ্ণ, মীরা বাঈ এবং লক্ষ্মণের। ইহা যথার্থ বলিয়া বোধ হইল না। সে সময় পূজারী উপস্থিত ছিল না বলিয়া সঠিক জানা গেল না। মন্দিরের সম্মুখে নাটমন্দিরটিও

(৮) Tod বলিয়াছেন, The only thing in India to compare with this is the Kutab Minar at Delhi; but though much higher it is of a very inferior character.

(৯) Vincent Smith তাঁহার History of Fine arts in India and Ceylon গ্রন্থে ইহাকে বলিয়াছেন an illustrated dictionary of Hindu mythology.

Tod বলিয়াছেন, It is one mass of sculpture; of which a better idea cannot be conveyed than in the remark of those who dwell about it that it contains every object known to their mythology.

বেশ বড়। এই মন্দিরের পাশে আর একটি শ্রীকৃষ্ণের মন্দির আছে। তাহা রাণা কুস্ত নির্মাণ করিয়াছিলেন। চিতোর হইতে তিন ক্রোশ দূরে নাগরী নামক স্থানের ধ্বংসাবশেষ হইতে উপাদান আনিয়া এই মন্দির দুইটি নির্মিত হইয়াছিল।

মীরা বাঈয়ের ভক্তিপূর্ণ জীবন-কাহিনী এবং তাঁহার ভজন-সঙ্গীতের সহিত অনেকেই পরিচিত আছেন। মীরা বাঈ মাড়বার-রাজের কন্যা এবং রাণা কুস্তের রাণী ছিলেন। কিন্তু ঈশ্বর-প্রেমে ব্যাকুল হইয়া তিনি সকল সুখ ঐশ্বর্য ছাড়িয়া পদব্রজে বৃন্দাবনে গিয়া বাস করিয়াছিলেন। জীবনের শেষ মুহূর্তে মীরা বাঈ মন্দির মধ্যে শ্রীকৃষ্ণের পূজা করিতে ছিলেন। শ্রীকৃষ্ণের মূর্তি বেদী হইতে নামিয়া মীরা বাঈকে আলিঙ্গন করেন। সেই ক্ষণেই মীরা বাঈয়ের প্রাণ বাহির হইয়া যায়, এইরূপ গল্প আছে। তাঁহার সঙ্গীত পুস্তকের নাম রাগগোবিন্দ। জয়দেবের গীতগোবিন্দেরও তিনি একটি টীকা রচনা করিয়াছিলেন।

এই মন্দির দুইটির নিকটে দুইটি প্রস্তর-নির্মিত বৃহৎ জলাধার (Reservoir) আছে। এগুলি ১২৫ ফিট দীর্ঘ, ৫০ ফিট প্রস্থ, ৫০ ফিট গভীর। কথিত আছে, রাণা কুস্তের কন্যার বিবাহের সময় এগুলি নির্মিত হইয়াছিল। একটি স্তম্ভে পূর্ণ করা হইয়াছিল, একটি তৈলে পূর্ণ করা হইয়াছিল। কুস্ত রাণার কন্যা অসাধারণ রূপবতী ছিলেন; তিনি এজ্ঞ “লাল মেওয়ারী” (“Ruby of Mewar”—Tod) নামে পরিচিত ছিলেন। জৈসলমীরের ভক্তি-বংশীয় রাজা জেঠের সহিত ইহার বিবাহের সম্বন্ধ স্থির হয়। কিন্তু জেঠ চিতোরের নিকট আসিয়া, দুইবার অমঙ্গল-চিহ্ন দেখিয়া, ইহাকে বিবাহ না করিয়া, অপর একটি কন্যাকে বিবাহ করেন। তখন রাণা কুস্ত গগরায়ের খিচিবংশীয় বিখ্যাত রাজপুত্র অচলদাসের সহিত খুব ধুমধাম করিয়া ইহার বিবাহ দেন।

ইহা ব্যতীত চিতোরে অননুপূর্ণার মন্দির এবং আরও অনেক মন্দির আছে। অপরাহ্নে আমরা পাহাড় হইতে নামিয়া স্টেশন অভিমুখে অগ্রসর হইলাম। এই প্রান্তরে কতবার যুদ্ধ হইয়াছে, কত সহস্র রাজপুত্র প্রাণ দিয়াছে, রাজপুত্র রমণীর বক্ষের রক্তে এখানকার মৃত্তিকা সিক্ত হইয়াছে। কিন্তু আবার যখন প্রয়োজন হইয়াছে, তখনই

সহস্র সহস্র বীরপুরুষ এবং বীররমণীর আবির্ভাব হইয়াছে। প্রত্যেক বারের বীরত্বের কীর্তি যেন পূর্ববারের বীরত্বকে ছাড়িয়া গিয়াছে। কথাটি যদিও একটু অদ্ভুত শোনায় তথাপি প্রকৃতপক্ষে যে কয়বার চিতোর শত্রু কর্তৃক ধ্বংস হইয়াছিল, সেই কয়বারের কাহিনীই চিতোরের ইতিহাসে সর্বাপেক্ষা গৌরবের কাহিনী।

চারণ কবিরা বলেন, সাড়ে তিনবার চিতোর ধ্বংস হইয়াছিল। একবার আলাউদ্দিন ধ্বংস করেন, দ্বিতীয়বার গুর্জরের সুলতান বাহাছর, তৃতীয়বার আকবর। আলাউদ্দিন যোবার ভীমসিংহকে বন্দী করেন এবং ৩,৫০০ শ্রেষ্ঠ রাজপুত্র ভীমসিংহকে রক্ষা করিতে প্রাণ দেয়, তাহাকে অর্দ্ধেক চিতোর-ধ্বংস বলা হয়; কারণ সেবার শ্রেষ্ঠ রাজপুত্র বীরগণ মারা যায়। আলাউদ্দিন এবং আকবরের আক্রমণের কথা পূর্বে বলা হইয়াছে। বাহাছর যখন চিতোর আক্রমণ করেন, তখন রাণা ছিলেন বিক্রমজিৎ। তিনি তখন চিতোরে ছিলেন না। রাঠোরবংশীয় রাণী জও আহির বাই স্বয়ং যুদ্ধ করিবেন সঙ্কল্প করেন এবং বর্ম পরিয়া একদল সৈন্যের সহিত যুদ্ধক্ষেত্রে প্রাণ বিসর্জন করেন। রাজ-বলি না হইলে চিতোর রক্ষা হইবে না—চিতোরে এইরূপ একটি ধারণা ছিল। দেওলার রাজা বাগুজি বলিলেন—রাণাবংশের রক্ত তাঁহার ধমনীতে প্রবাহিত,—তাঁহাকে বলি দিলে উদ্দেশ্য সিদ্ধ হইতে পারে। তাঁহাকে সিংহাসনে বসান হইল, মাথার উপর রাজছত্র ধরা হইল। আবার জহর-ব্রতের অনুষ্ঠান হইল। প্রাচীর ভগ্ন হইয়াছিল, চিতা রচনা করিবারও সময় ছিল না, জলাধার এবং বারুদখানার মধ্যে বারুদের স্তূপ করিয়া তাহাতে আগুন দেওয়া হইল। রাণী কর্ণবতী সর্বপ্রাণে অগ্রসর হইলেন। ১৩০০ রাজপুত্র রমণী স্বেচ্ছায় আত্মবলি দিল। তাহার পর দুর্গদ্বার খুলিয়া দেওয়া হইল। অবশিষ্ট রাজপুত্র সৈন্য লইয়া বাগুজি শত্রু সৈন্যের মধ্যে

প্রবেশ করিয়া প্রাণ উৎসর্গ করিলেন। এইবার ৩২০০ রাজপুত্র চিতোরের জন্ত প্রাণ দিয়াছিল।

যে সমতল ভূমির উপর চিতোর পাহাড় অবস্থিত, তাহার উচ্চতা ১৩০০ ফিট। ইহার উপর পাহাড়ের উচ্চতা আরও ৪০০।৫০০ ফিট। চিতোরের প্রাচীন নাম চিত্রকূট। ‘খুমান রাসা’ নামক গ্রন্থে লিখিত আছে যে, শ্রীরামচন্দ্র এখানে দ্বাদশ বৎসর বাস করিয়াছিলেন। কিন্তু যে চিত্রকূটে শ্রীরামচন্দ্র বাস করিয়াছিলেন, তাহা সাধারণতঃ অজ্ঞান নির্দিষ্ট হয়। এলাহাবাদ হইতে বাঁসি ঘাইবার পথে চিত্রকূট নামে একটা স্টেশন আছে,—ইহাই প্রাচীন চিত্রকূট বলিয়া পরিচিত। গিলোটবংশের পূর্বে চিতোরে প্রথমাবংশীয় রাজপুত্রগণ রাজত্ব করিতেন। বাপ্পা প্রামারদের নিকট হইতে চিতোর কাড়িয়া লইয়া এখানে গিলোটবংশের প্রতিষ্ঠা করিয়াছিলেন। প্রামার-রাজ বাপ্পাকে আশ্রয় দিয়াছিলেন; সুতরাং তাঁহার নিকট হইতে চিতোর কাড়িয়া লওয়া বাপ্পার অকৃতজ্ঞতার কার্য হইয়াছিল। সেই পাপে কি তাঁহার বংশধরগণকে এত কষ্ট পাইতে হইয়াছিল?

অপরাহ্নে রেলওয়ে স্টেশনে পৌঁছিলাম। ধীরে ধীরে সন্ধ্যার অন্ধকার চিতোরের পাহাড় এবং চারিদিকের বিশাল প্রান্তর আচ্ছন্ন করিয়া ফেলিতেছিল। একটা সুগভীর বিষাদের ভাব মনের মধ্যে জাগিয়া উঠিতেছিল। এত সহস্র সহস্র রাজপুত্র বীর এবং রাজপুত্র রমণী দেশের জন্ত প্রাণ দিল, কিন্তু তথাপি দেশ রক্ষা করিতে পারিল না। তখন মনে হইল, তাহারা দেশ রক্ষা করিতে পারে নাই বটে, কিন্তু দেশের চেয়েও বড় ধর্ম—রক্ষা করিয়াছিল, আত্মসম্মান রক্ষা করিয়াছিল। তাহারা যে সকল কীর্তি রাখিয়া গিয়াছে, জগতে তাহার তুলনা নাই। তাহারা আমাদের জন্ত হিন্দুরাজ্য রাখিয়া যাইতে পারে নাই, কিন্তু যাহা রাখিয়া গিয়াছে তাহা চিরস্থায়ী।

বিভ্রাট

শ্রীসত্যভূষণ সেন

এক একট লোক থাকে, যাহারা যেখানেই যায়, সেখানেই সকলের ভালবাসার পাত্র হইয়া ওঠে। দীনেশ ছেলেবেলা হইতেই পিসিমার বাড়ীর সংস্রবে থাকার দরুণ, সে-বাড়ীর সকলের সহিতই তাহার খুব ঘনিষ্ঠতা জন্মিয়া ছিল। পিসিমার স্বাস্থ্য ছিলেন তাহার দিদিমা। পিসিমার ছেলেরা সম্পর্কে তাহার ভাই হইলেও নিঃসঙ্কোচে তাহাদের সহিত বন্ধুর মত ব্যবহারই চলিত। পিসিমা দীনেশকে শুধু ভালই বাসিতেন না—তাহার চরিত্রের প্রতি তাঁহার শ্রদ্ধাও ছিল যথেষ্ট। ছেলেবেলায়ও দীনেশের কোন অপরাধ পিসিমার চোখে পড়িত না। পড়াশুনার কথা উঠিলে পিসিমা দীনেশকে দেখাইয়া বাড়ীর সব ছেলেকে জব্দ করিয়া রাখিতেন। এক দিন বাড়ীর ছেলেরা বলিয়া বসিল, কালকে ছুটির দিনে আমরা পড়ব না। পিসিমা বলিলেন, কেন রে, ছুটির দিন পড়া বন্ধ করতে হবে কে বলেছে? ছেলেরা বলিল, দীনেশও ত বলেছে কাল পড়বে না। পিসিমা অমনই বলিয়া বসিলেন, দীনেশের সঙ্গে তোদের তুলনা কিসে—দীনেশের মত ছেলে এক দিন না পড়লে কিছু এসে যায় না। তাই বলে কি সবারই ঐ কথা বলা সাজে।

সে অনেক দিনের কথা। পড়াশুনার কাল চলিয়া গিয়াছে। এখন পিসিমার ছেলেরা সংসারে সুপ্রতিষ্ঠিত,—কেহ উকীল, কেহ ডাক্তার, কেহ কেরানী। আর একজন দারোগা—তাহার নাম ধনেশ। ইহার সংসারে প্রতিষ্ঠিত বলিয়াই যে ইহার মধ্যে অর্দ্ধ-শতাব্দী কাল চলিয়া গিয়াছে এমন নয়। বিলাতে এবং অন্যান্য পাশ্চাত্য দেশে সকলেই সংসারে প্রবেশ করিবার পূর্বে একবার অবকাশ উপভোগ করিবার অবসর পায়। ডাক্তার ডাক্তারী করিবার পূর্বে, উকীল কোর্টে ঘাইবার আগে, কেরানী কেরানীগিরিতে ভর্তি হইবার অবকাশে দেশ বিদেশে ঘুরিয়া একবার ছনিয়াটা দেখিয়া আসে। আমাদের দেশটা বিলাত হইতে এখনও

অনেক বাকী; কাজেই ও রকম সখের প্রোগ্রাম এখানে চলে না। এখানে পড়া শুনা শেষ করিয়া অবকাশ উপভোগ করা দূরে থাক, লেখা পড়া শেষ করাই অনেকের অদৃষ্টে ঘটয়া ওঠে না। যে কয়জন সৌভাগ্যবান লেখা পড়া শেষ করিতে পায়, তাহাদের মধ্যেও এরূপ অতি-সৌভাগ্যবান খুব কমই থাকে, যাহার উপার্জনের প্রতীক্ষায় ছুই চার দশ জন বসিয়া নাই।

দীনেশ ছিল এইরূপ একজন অতি-সৌভাগ্যবান। পিসিমার ছেলেরা যেমন সুপ্রতিষ্ঠিত, দীনেশ ছিল সেইরূপ কৃতবিদ্য। কলেজের পড়া শেষ করিয়া তাহাকে ঘরে বসিয়া থাকিতে হয় নাই। স্বদেশী আন্দোলনের সময় সে হুজুর্গে মাতিয়াছে এবং দামোদরের বহুয় লোকের সেবায় দেশের কাজ করিয়াছে।

দীনেশ অবসর খুঁজিয়া অনেক দিন পরে পিসিমার বাড়ীতে বেড়াইতে আসিয়াছে। অনেক দিন পরে দীনেশ আসাতে পিসিমার বাড়ীতে হলমূল পড়িয়া গিয়াছে। পিসিমা এতদিন পরে দীনেশকে পাইয়া যেন হাতে স্বর্গ পাইয়াছেন। দুই মাস পূর্বে ধনেশের বিবাহের সময় দীনেশ না আসিতে পারায় পিসিমা যে কতটা নিরাশ হইয়াছিলেন, এখন বর্তমানের আনন্দে তাহাও ভুলিয়া গেলেন। ছেলেরা আসিয়া সব আড্ডা জমাইয়া বসিল। দিদিমা আসিয়া বলিলেন—

ওরে দীনু, ধনেশের বউ দেখেছিস?

দীনেশ। কি করে দেখব, দিদিমা, আমি যে সম্পর্কে ভাস্কর।

দিদি-মা। তা আছিস ভাস্কর, ভাস্করের মতই দেখুবি—আমি এনে দেখাচ্ছি।

দীনেশ। কি করে দেখাবেন—বউ এসে দাঁড়াবে,

আপনি ঘোমটা তুলে ধরবেন, আর সে বেচারী চোখ বুজে দাঁড়িয়ে থাকবে, এই ত?

দিদিমা। তা নয় ত কি তোর সামনে বউ এসে নাচতে থাকবে?

উকীল-ভায়া। দিদিমার ত বড় একরোখা কথা দেখছি। একজন লোক চোখ বুজে দাঁড়িয়ে থাকবে না বলেই একেবারে নাচতে থাকবে এমন কি কথা।

দিদি-মা। আচ্ছা বেশ, তোরা এখন বড় হয়েছিস, যা খুসী তাই কর। আমি বাপু ও সব খুঁটানীপনা করতে পারব না।

দিদিমা চলিয়া গেলেন।

ধনেশ। দিদিমা খুব চটে গেছেন।

ডাক্তার-ভায়া। তুমিও তো কম একরোখা নও হে দীনু! না হয় তুমিই দিদিমার কথায় সায় দিয়ে যেতে।

দীনেশ। সায় দিয়ে যাওয়া যেত অবশ্যই। কিন্তু প্রতিপদে সমাজকে এরূপ সায় দিতে দিতেই এখন এমনই দশা হয়েছে যে সমাজ এখন বৃথা আচার-নিয়মের বন্ধনে জর্জরিত। প্রথম প্রথম এসব দেখে হাসি পেত, এখন কান্না পায়।

ডাক্তার ভায়া। এর মধ্যে এমন জর্জরিতের কথা কি এল। আচার-নিয়ম সব সমাজেই আছে।

দীনেশ। তা থাক। কিন্তু ব্যাপারটা একবার ভেবে দেখ দেখি। ভাস্কর এবং ভাস্করীদের মধ্যে এতটা অনাবশ্যক ব্যবধান থাকতে গৃহকর্মের যে কত প্রকার অসুবিধা হয়, তা না হয় ছেড়েই দিলাম। কিন্তু একজন লোক চোখ বুজে দাঁড়িয়ে থাকবে, আর একজন এসে তার ঘোমটা তুলে ধরলে তবে আমি তাকে দেখব—এটা একজন মানুষের স্বাধীন সত্ত্বার প্রতি কত বড় একটা আঘাত—একবার ভেবে দেখেছ কি?

ধনেশ। যেন লাইট-সাহেবের Statue unveil করা। দীনেশ। Statue ত একবার unveil করলে সবাই দেখতে পায়। একটি বউ দেখাতে হলে তাকে প্রতি বার unveil করে আবার তাকে ঘোমটা পরিয়ে রাখতে হয়। যেন সোনা-রূপার বাসনপত্র পাড়া-পড়মীর যতবার দেখতে চাইবেন, তত বারই সিন্দুক খুলে দেখাতে হবে, আবার সিন্দুক বন্ধ করতে হবে।

ধনেশ। আমার পকেট-বড়িটার মত—যতবার সময় দেখা দরকার, ততবারই ডালা খুলতে হবে।

উকীল-ভায়া। বাস্তবিক এসব ভেবে দেখলে হাসিই পায়।

দীনেশ। আমারও প্রথম প্রথম হাসি পেত,—এখন কান্না পায়।

ইহার পরে আর কথা চলে না।

বিকাল বেলা বাড়িতেই চায়ের আড্ডায় বসিয়া গল্প হইতেছিল। দিদিমা বসিয়া সকলকে খাওয়াইতেছিলেন—পিসিমা খাবার আনিয়া দিতেছেন।

দিদিমা বলিলেন—কিরে দীনু, তুই না কি এই শনিবারেই চলে যাবি?

দীনেশ। হ্যাঁ, দিদিমা, স্নান উপলক্ষে গঙ্গাসাগর মেলাতে যেতে হবে—সেখানে কাজ আছে।

দিদিমা। মেলাতে আবার তোর কি চাকরী জুটল? চাকরীর কথা শুনিয়া ভায়রা সকলে হাসিয়া উঠিল।

দীনেশ। না, দিদিমা, চাকরী নয়—

দিদিমা। তা বেশ ত, না হয় স্নান করতেই যাবি। আর আমরাও সব যাচ্ছি যখন—সবাই এক-সঙ্গেই যাওয়া যাবে। আমাদেরও ত তুই-ই নিয়ে যেতে পারিস!

উকীল। না দিদিমা, তোমাদের এত সব লটবহর নিয়ে যাওয়া ওর মত সন্ন্যাসীর কর্ম নয়।

কেরানী। না—না, ও-সব কিছু নয়; তোমাদের ধনেশের সঙ্গে যাওয়াই ঠিক।

ধনেশ। তা ঠিকই আছে। আমার বজরা ত রয়েছেই। কনেষ্টবলদের জন্য একটা বড় নৌকাও যাচ্ছে। তাতে আমাদের মালপত্র অনেক দেওয়া যাবে। কনেষ্টবলও যাচ্ছে সঙ্গে দশজন।

কেরানী। দশজন! বা, তবে ত এ্যাও। এবার আর কিছু ভারতেই হবে না। দশজন কনেষ্টবল সহায় থাকলে ত যা খুসী তাই করা যায়। আর যাই বল—পুলিশ ফোর্সের কাছে কেউ নয়—ওসব ভলাটিয়ার-ফলাটিয়ারের কর্ম নয়।

উকীল। না হে, ভলাটিয়াররা এবার দেখিয়ে দিয়েছে যে তারা আর তুচ্ছ নয়—ওরা বেশ কাজ করে।

কেরানী। তা করুক, কিন্তু—আমারও তাই বিশ্বাস ছিল, কিন্তু আমি এক-দিন আমাদের বড় সাহেবকে জিজ্ঞাসা করলাম, তিনি বললেন যে ওসব কিছু নয়। সাহেব যখন বলেছেন, তখন তার উপরে ত আর কথা নাই—ওদের চেয়ে ত আর আমরা কিছু বেশী বুঝতে পারি না।

এমন সময় অদূরে সাহেবের বেয়ারাকে রাস্তা দিয়া চলিয়া যাইতে দেখিয়া, কেরানী বাবু তাড়াতাড়ি বাহিরে আসিয়া তাহাকে ডাকিয়া ফিরাইলেন। বেয়ারা নিকটে আসিয়া সেলাম করিয়া দাঁড়াইলে জিজ্ঞাসা করিলেন, কি হে খবর কি ?

বেয়ারা। খবর আর বেশী কিছু নেই আছে বাবুজি।

কেরানী। সাহেব চা-টা খেয়ে বেরিয়ে গেছেন টেনিস খেলতে ?

বেয়ারা। হাঁ বাবু, গেয়েছেন। যাবার সময় হামাকে বলে গেল বেবীর জন্মদিনের কোথা। এহি সোমবারে হোবে কি দোসরা সোমবারে—হামি ঠিক বুঝতে পারল না।

কেরানী। তা এ-সব তুমি আমার কাছে জিজ্ঞাসা কর না কেন—আমি তোমাকে বলে দেব। আমার ডায়েরীতে সব লেখা আছে।

বেয়ারা। লিখা আছে বাবুজী ?

কেরানী। হ্যাঁ সব আছে। বেবীর কবে জন্ম হল, কোন্ তারিখে সাহেবের বিয়ে হল, বিয়ের পরে মেমসাহেব কবে এসে এ বাড়ীতে উঠলেন—সব লেখা আছে।

৪

দীনেশ নির্দিষ্ট সময়ে বাহির হইয়া সাগরসঙ্গমের মেলাতে আসিয়া ভলাটিয়ারের দলে যোগ দিল। এদিকে ভায়ারা কেহই ছুটা পাইল না,—কাজেই ধনেশকে একাই পরিবারের সমস্ত বাহিনী লইয়া বাহির হইতে হইল। সমস্ত বন্দোবস্ত করিয়া তাহাদের বজরা ছাড়িল—সঙ্গে এক-নৌকা কনেষ্টবল। দুই নৌকাতেই সরকারের নিশান সর্গর্ভে উড়িতেছিল। তীর হইতে যাহারা দেখিল, তাহারা বুঝিতে পারিল যে, এ নিশচয়ই কোন দারোগার নৌকা। অত্যাচার নৌকার যাত্রীরা একবার বলিয়া লইল যে, ইহার কেমন নিরাপদে নির্ভাবনা চলিয়াছে—যদিও এ-পথে কোন বিপদের সম্ভাবনা ছিল না। সরকারী নিশানের উপরে যখন ভলাটিয়ারদের দৃষ্টি পড়িল, তাহারা বলাবলি করিতে

লাগিল যে, সরকারের মান-মর্যাদার ত আর সে দিন নাই; এখন এ-সব বাহাদুরের কি সরকারের পক্ষ হইতে আশ্রিত বাৎসল্যের পরিচয়, অথবা আশ্রিতদের পক্ষ হইতে সরকারের প্রতি শ্রদ্ধার নিদর্শন? জেলে-নৌকারা একবার সরকারী নিশান দেখিয়া আর ভরসা করিয়া সেদিকে ফিরিয়া চায় না। ইহাদের মধ্যে সত্যসত্যই যাহাদের ডাক পড়ে, তাহারা মাছ লইয়া যায় সশঙ্কচিত্তে, এবং ফাঁড়া কাটিয়া গিয়াছে মনে করে, মাছের দাম লইয়া ফিরিয়া আসিলে পর।

এইরূপে তাঁহারা বেশ একটু সজ্জম এবং অনেকটা সমালোচনার প্রসঙ্গ হইয়া দিব্য নিশ্চিন্ত আরামে চলিয়াছেন। হঠাৎ একটা জাহাজের বাঁশীর শব্দে সমস্ত নিশ্চিন্ততার তাল কাটিয়া গেল।

জেলার পুলিশ সাহেব তাঁহার নিজের জাহাজে সাগর-সঙ্গমে চলিয়াছিলেন। তিনি ধনেশের অনুচরদের মধ্য হইতে পাঁচজন কনেষ্টবল লইয়া চলিয়া গেলেন। ধনেশের সঙ্গে রহিল বাকী পাঁচজন। যথাসময়ে সকলে আসিয়া সাগর-সঙ্গমে পৌঁছিল। ধনেশ যেরূপ ঐশ্বর্য ও আড়ম্বরের সহিত থাকিবে বলিয়া প্রস্তুত হইয়া আসিয়াছিল, তাহার অনুচরের সংখ্যা অর্ধ পথে দ্বিগুণিত হওয়াতে, সে অপেক্ষাকৃত অল্পেই সন্তুষ্ট থাকিতে বাধ্য হইল। সঙ্গে পাঁচজন মাত্র কনেষ্টবল; তাহাদের নির্দ্ধারিত কাজ ভাগ করিয়া দিলে দেখা গেল যে, ধনেশের পরিবারের জন্ত কাজ করিবার অবসর তাহাদের অতি সামান্যই থাকে। তবু ইহারই মধ্যে তাহারা যথাসাধ্য ধনেশের সাহায্য করিতে লাগিল।

কিন্তু দীনেশের আর এ পর্য্যন্ত দেখা পাওয়া যায় নাই। পাইবার কথাও না, কারণ দীনেশের কার্যকেন্দ্রে হইয়া পড়িয়াছিল একটু দূরে। সমস্ত ভলাটিয়ার-সজ্জম দলে দলে বিভক্ত হইয়া ভিন্ন ভিন্ন কেন্দ্রে প্রতিষ্ঠিত হইয়াছিল। তাহাদের কাজ ছিল স্নানের ঘাটে তদারক করা। তাহাদের নিজ নিজ সীমার মধ্যে কেহ রোগাক্রান্ত হইলে তাহাকে হাসপাতালে পৌঁছাইয়া দেওয়া, অথবা আত্মীয়-স্বজনদের অভিভাবকত্বে থাকিলে তাহাদের সুবিধা সৌকর্যের জন্ত সাহায্য করা; নির্দিষ্ট সময়মত মূল হাসপাতালে গিয়া সেবা গুণ্ণাচার কার্যে যোগদান করা এবং অবসরমত মাঝে মাঝে তদন্ত অফিসে গিয়া খোঁজখবর

লওয়া। এই তদন্ত অফিসও ইহাদেরই প্রতিষ্ঠিত। তদন্ত অফিস সমস্ত দিন এবং রাত্রিরও অনেকটা সময় পর্য্যন্ত খোলা থাকিত। কয়েকজন ভলাটিয়ার নিরবচ্ছিন্নভাবে এখানকার কাজের জন্তই নিযুক্ত ছিল। তাহারা সকল প্রকার খবরাখবরের আদান-প্রদানে যাত্রীদের যথেষ্ট উপকার সাধন করিতেছিল। অনেক সময় ছোট ছোট ছেলে মেয়ে বিচ্ছিন্ন হইয়া অভিভাবকদের সঙ্গ-বিচ্যুত হইয়া পড়িত। তখন ভলাটিয়ারদের কাজ ইহাদের কুড়াইয়া আনিয়া তদন্ত অফিসের জিষা করিয়া দেওয়া। তদন্ত অফিসে ইহাদিগকে অস্থায়ীভাবে আশ্রয় প্রদানেরও বন্দোবস্ত ছিল।

দীনেশ ৩নং কেন্দ্রে কাজ করিতেছিল। পিসিমাদের নিয়া ধনেশের যে স্থানে আসিয়া থাকিবার কথা, সেটা ছিল ২নং কেন্দ্রের অন্তর্গত। দীনেশ উহাদের সহিত সাক্ষাৎ লাভের একমাত্র উপায়ের নির্দেশ পাইয়া দলপতির নিকট আসিয়া হাজির হইল। দলপতির নিকট নিবেদন করিল, আমাকে ২নং কেন্দ্রে বদলী করিতে আজ্ঞা হয়, সেখানে একজন পুলিশের দারোগা বিপন্ন। তাহাদের একজন সহযোগী জিজ্ঞাসু দৃষ্টিতে দীনেশের মুখের দিকে চাহিয়া রহিল। দলপতি দীনেশের দিকে চাহিয়া স্বজাতিমূলভ সহানুভূতিতে বুঝিতে পারিলেন যে, ইহার মধ্যে অবশ্যই একটা রহস্য আছে। তিনি জিজ্ঞাসা করিলেন— দারোগাট কে ?

দীনেশ। আমার পিসতুতো ভাই, নাম ধনেশ।

দলপতি। তাঁর বিপন্ন অবস্থাটা কি রকম ?

দীনেশ। অনেকগুলি স্ত্রীলোক তাঁর সঙ্গী, অভিভাবক তিনি একা।

দলপতি। তাঁর অভিভাবক সমস্ত ব্রিটিশ রাজশক্তি,— তাঁর জন্ত ভাবনা কি !

দীনেশ। ভাবনা নাই ?

দলপতি। ভাবনা আছে বই কি। এসব ক্ষেত্রে রাজশক্তির কৰ্ম নয়। আচ্ছা তা' হলে তুমি ২নং কেন্দ্রে যাও। সেখানকার দলপতিকে আমার নাম করে ব'লো— তিনি যেন তাঁর একজন লোককে এখানে বদলী করে দেন।

এইরূপে অনুমতি পাইয়া দীনেশ অবিলম্বে ২নং কেন্দ্রের জন্ত রওনা হইল। ২নং কেন্দ্রের সীমার মধ্যে আসিয়া

দেখিল, এক স্থানে প্রকাণ্ড একটি ভিড় জমিয়া উঠিয়াছে। ভিড়ের ভিতরে দেখিল—একটি অল্পবয়স্ক স্ত্রীলোক— তাহাকে কেন্দ্র করিয়াই এই ভিড় জমিয়াছে! খবর লইয়া জানিল যে, যুবতীটি ভদ্র ঘরের স্ত্রী, পথ চলিতে চলিতে ভিড়ের মধ্যে সঙ্গীহারা হইয়া পড়িয়াছে। দীনেশ পার্শ্ববর্তী লোকদিগকে জিজ্ঞাসা করিয়া খবর পাইল যে, স্ত্রীলোকটি এখানকার ভলাটিয়ারদের হাতে পড়িয়াছে— তাহারা উহাকে তদন্ত অফিসে লইয়া যাইবে।

দীনেশ ভলাটিয়ারের দলে থাকিয়া কার্যতৎপরতা শিক্ষা পাইয়াছিল। যখন দেখিল যে স্ত্রীলোকটি ভলাটিয়ারদের হাতে পড়িয়াছে, তখন সে বিনা বাক্যব্যয়ে সে স্থান ছাড়িয়া নিশ্চিন্তমনে চলিয়া যাইতে পারিল। যাইবার সময় স্ত্রীলোকটির চেহারার একটা মোটামুটি বিবরণ মনে মনে টুকিয়া লইল—বয়স বিশ বৎসরের নীচে, রং ফরসা, চেহারার লম্বা, শরীরে কৃশাঙ্গী। নাক চোখা, চোখের গড়ন সাধারণ, চোখের প্রায় এক ইঞ্চি নীচে একটা আঁচিল, মুখের ছাঁদ লম্বা। এসবও দীনেশের ভলাটিয়ারের দলে শিক্ষার ফল।

দীনেশ ২নং কেন্দ্রের দলপতির নিকট হাজির দিয়া যথাসময়ে পিসিমার পর্দাবাসে আসিয়া পৌঁছিল। আসিয়াই দেখে এক বিভ্রাট। স্নান হইতে আসিবার পথে ধনেশের বউ যুথলুপ্ত হইয়া কোথায় পড়িয়া রহিয়াছে—তাহার খোঁজ পাওয়া যাইতেছে না। কথাটা শুনিয়াই দীনেশের মনে পড়িল—পথে-দেখা সেই সঙ্গীহারা যুবতার কথা। সেই যুবতীর চেহারার যে বিবরণ দীনেশ দাখিল করিল, বাম চক্ষুর নীচে আঁচিলটি পর্য্যন্ত—তাহাতে সকলেই নিঃসন্দেহ হইল যে, এই যুবতীটাই ধনেশের বউ। দিদিমা বলিলেন—তুই যখন দেখলি, তখন বউকে নিয়ে এলি না কেন একেবারে ?

দীনেশ। আমি কি করে জানব যে আপনারা এত লোক থাকতে—আর সঙ্গে পুলিশ দারোগার প্রহরা—তার মাঝখান থেকে বউ হারিয়ে যাবে। আর জানলেই বা কি হত, আমি কি ওকে কোন দিন দেখেছি যে পথে দেখা হলেই চিন্তে পারব ?

দিদিমা। তুই না হয় চিন্তে নাই পেরেছিস,—বউও কি তোকে দেখতে পেলে না ?

দীনেশ। কি করে দেখবে এত লোকের মধ্যে।

দিদিমা। বাঃ, তুই কি করে দেখলি এত লোকের মধ্যে? বলতে পারত যে আমি ধনেশের বউ—আপনি আমার ভাসুর—আমাকে নিয়ে যান।

দীনেশ। আমি দেখবু না?—তখন সমস্ত লোকের দৃষ্টি নিবদ্ধ ওর উপরে। আর আমি ছিলাম হাজার হাজার লোকের মধ্যে একজন—আমাকে বউ কি করে দেখবে। আর আমাকে দেখলেই বা কি হত—বউ কি আমাকে দিদিমার নিকট অগত্যা পরাজিত হইয়া দীনেশ ও ধনেশ তদন্ত অফিসের দিকে রওনা হইল।

শোক-সংবাদ

কবিরাজ যামিনীভূষণ রায়

বাস্তবতার একটা উজ্জ্বল নক্ষত্র খসিয়া পড়িয়াছে। অষ্টাঙ্গ আয়ুর্বেদ-বিদ্যালয়ের প্রতিষ্ঠাতা ও প্রিন্সিপাল, আয়ুর্বেদের উন্নতিকল্পে অক্লান্তকর্মী, স্বদেশবৎসল, দানবীর কবিরাজ



কবিরাজ যামিনীভূষণ রায়

যামিনীভূষণ রায় আর ইহজগতে নাই। গত ২৬শে শ্রাবণ তিনি কর্মময় জীবনের সমস্ত কর্তব্য সম্পন্ন করিতে না

করিতেই সাধনোচিত ধামে গমন করিয়াছেন। স্বদেশে বিদেশে যামিনীভূষণকে চিনিতেন না, এমন লোক বিরল। তাঁহার সংস্রবে যাহারা একদিনও আসিয়াছেন, তাঁহারই তাঁহার পক্ষপাতি হইয়াছেন। যামিনীভূষণ সংস্কৃতে এম-এ ছিলেন, ডাক্তারীতে এম-বি ছিলেন। তাঁহার প্রণীত 'প্রতিসংস্কৃত রোগবিশিষ্ট' 'কুমারতন্ত্র' 'প্রস্থিতত্ত্ব' 'শালক্যতন্ত্র' প্রভৃতি গ্রন্থ তাঁহার পাণ্ডিত্যের প্রকৃষ্ট উদাহরণ। অষ্টাঙ্গ আয়ুর্বেদ কলেজ প্রতিষ্ঠার জন্ত তিনি প্রাণপণ করিয়াছিলেন। কলেজের জন্ত যে প্রাসাদ নির্মিত হইয়াছে, ইহার জন্ত যামিনীভূষণ একাকী সত্তর হাজার টাকা দিয়াছেন। ইহা ভিন্ন মৃত্যুকালে উইল করিয়া তিনি যে সকল সম্পত্তি এই কলেজের জন্ত দান করিয়া গিয়াছেন, তাহারও মূল্য হইবে প্রায় দেড়লক্ষ টাকা। কবিরাজ যামিনীভূষণের অকাল মৃত্যুতে দেশের যে ক্ষতি হইল, তাহার সহজে পূরণ হইবে না। আমরা প্রস্তাব করি, কলিকাতা বিদ্যাপীঠ ও অষ্টাঙ্গ আয়ুর্বেদ কলেজ একত্র মিলিত করিয়া কবিরাজ শ্রামাদাস ও কবিরাজ গণনাথ যদি এই সম্মিলিত কলেজের পরিচালন ভার গ্রহণ করেন, তাহা হইলেই 'পরলোকগত' যামিনীভূষণের প্রকৃত স্মৃতিস্তম্ভ গঠিত হইবে, তাঁহার নাম বাঙ্গালা দেশে স্মরণীয় হইয়া রহিবে।

পুস্তক-পরিচয়

দাদার কথা।—শ্রীহরেশচন্দ্র ঘোষ প্রণীত; মূল্য দুই টাকা। 'দাদার কথা' পরলোকগত সার রাসবিহারী ঘোষ মহাশয়ের জীবন-কথা; লেখক শ্রীযুক্ত হরেশচন্দ্র ঘোষ মহাশয় সার রাসবিহারীর বৈমাত্রের জাত। পুস্তকখানির নামকরণ অতি সুন্দর হইয়াছে, কারণ হরেশবাবু এই জীবন-কথা লিপিবদ্ধ করিতে বসিয়া নিজে, বলিতে গেলে, কোন কথাই বলেন নাই; পরলোকগত সার রাসবিহারী ঘোষ মহাশয় তাঁহার এই প্রিয়তম কনিষ্ঠ জাতার কাছে যখন যে কথা বলিয়াছিলেন, হরেশবাবু তাহাই লিপিবদ্ধ করিয়া রাখিয়াছিলেন। এক্ষণে সেই কথাগুলি একত্র সংগ্ৰহ করিয়া এই 'দাদার কথা' লিখিয়াছেন; হরেশবাবু এই বইখানি আত্মোপাস্ত দাদারই মুখের কথা। অথচ, এই 'দাদার কথা'তে সার রাসবিহারীর জীবন-কথা যেমন সুন্দরভাবে অভিব্যক্ত হইয়াছে, অল্প কোনভাবে লিখিলে তাহা কিছুতেই হইত না। বইখানি এমনই সুন্দর যে পড়িতে বসিলে ক্রমেই আরও জানিবার জন্ত উৎসাহ জন্মে। সার রাসবিহারী ক্ষণজন্মা পুরুষ ছিলেন। তাঁহার জীবনের অনেক কথা এইভাবে লিপিবদ্ধ করিয়া হরেশবাবু বাঙ্গালীমাত্রেয়ই কৃতজ্ঞতাভাজন হইয়াছেন, এবং ভবিষ্যৎ জীবন-চরিত-লেখকের জন্ত অনেক অমূল্য উপকরণ একত্র রাখিয়াছেন। আমরা শতমুখে এই বইখানির প্রশংসা করিতেছি। ইহা যে বাঙ্গালী পাঠকমাত্রেয়ই মনোরঞ্জন করিবে, এ বিষয়ে আমাদের সন্দেহ নাই।

দম্পতি।—ডাক্তার শ্রীশশিকুমার সেন বি, এ এল্ এম্ এম্, প্রণীত। মূল্য ২৫০ টাকা।

আয়ুর্বেদের অসিদ্ধ চিকিৎসা গ্রন্থ সুশ্রুত সংহিতা বলিয়াছেন "সংক্ষেপ তো ক্রিয়া যোগো নিদান পরিবর্জনং।" রোগ-কারণ দূর করাই সংক্ষেপ চিকিৎসা।" যে রোগের বিষে বাঙ্গালার অস্থিমজ্জা জর্জরিত, বাঙ্গালী ধ্বংসের মুখে চলিয়াছে, এই গ্রন্থে তাহার কারণ দূর করিবার প্রচেষ্টা হইয়াছে। যুবকগণ ক্ষীণ ও দুর্বল, যুবতীগণ স্ত্রীরোগে আক্রান্ত, বাঙ্গালার শিশু সম্ভ্রানগণের অকালমৃত্যু,—এই সকলের কারণ ও প্রতীকার সম্বন্ধে, গ্রন্থকার প্রাচ্য ও পাশ্চাত্য পণ্ডিগণের মত সংগ্রহ করিয়া দাম্পত্য জীবনের পক্ষে গ্রন্থখানি অতি উপযোগী করিয়া তুলিয়াছেন। এই জন্ত গ্রন্থের নাম-নির্দেশও সার্থক হইয়াছে। এই গ্রন্থখানি, বিবাহিত জীবনের পক্ষে একান্ত আবশ্যকীয় পাঠ্য, বিশেষতঃ নববিবাহিত যুবক-যুবতীগণের পক্ষে। কেহ কেহ হয়ত বলিতে পারেন মানুষের স্বভাবজাত সংস্কারের বিষয় উপদেশের প্রয়োজন কি? তৎসম্বন্ধে গ্রন্থকারের মত উদ্ধৃত করিলেই ইহার সমাধান হইবে। গ্রন্থকার তাঁহার উপক্রমণিকার এক স্থলে লিখিয়াছেন,.....শিক্ষা না পাইলেই (শিক্ষাই হউক কুশিক্ষাই হউক) যৌনতত্ত্ব তাহার নিকট প্রায় সমস্তই অপরিজ্ঞাত থাকে। আবার এমন চিকিৎসকও আছেন যাহারা দাম্পত্য ব্যবহার সম্বন্ধে আংশিক অসভিদ্ধ। "শেষ জীবনে

যে জ্ঞানলাভ হইয়াছে, তাহা যদি দাম্পত্য জীবনের প্রারম্ভে লাভ হইত, তবে অত্যন্ত সুখের ও মঙ্গলের হইত, এইরূপ খেদ কেহ কেহ করিয়া থাকেন।" আমাদের মনে হয় এইরূপ খেদ কেহ কেহ কেন অধিকাংশ লোকই এ বিষয়ে ভুলভোগী। বিবাহিত জীবনকে সংযমের মধ্যে নেওয়া, উচ্ছৃঙ্খল যৌবনকে শৃঙ্খলিত করা এই গ্রন্থের উদ্দেশ্য। এই গ্রন্থের প্রতিপাঠ বিষয়গুলি মনোযোগ সহকারে পাঠ করিয়া যুবক যুবতীগণ সেইরূপ ভাবে কর্ম্মানুষ্ঠান করিলে দাম্পত্য জীবন মঙ্গলময় শান্তিময় সুখময় হইয়া উঠিবে।

দেশবন্ধু স্মৃতি।—শ্রীহেমেন্দ্রনাথ দাসপ্রণীত; মূল্য তিন টাকা। দেশবন্ধু চিত্তরঞ্জনের পবিত্র জীবন-কথা যিনি যেমন করিয়াই লিখুন, তাহা বাঙ্গালী মাত্রেই আদরে বরণ করিয়া লইবে। বর্তমান ক্ষেত্রে যিনি এই স্মৃতির লেখক তিনি দেশবন্ধুর শেষ জীবনে অথবা রাজনৈতিক জীবনে ছায়ার স্থায় সহচর ছিলেন, ভক্তের স্থায় অনুগত ছিলেন; হরেশবাবু যে এই জীবন-স্মৃতি লিখিবার সর্বতোভাবে উপযুক্ত, তাহা সকলেই স্বীকার করিবেন। পুস্তকের প্রত্যেক পৃষ্ঠায় লেখকের চিত্তরঞ্জনের প্রতি অবিচলিত শ্রদ্ধা ও ভক্তি প্রকট হইয়াছে এবং ইহারই জন্ত এই জীবন-স্মৃতি আমাদের এত ভাল লাগিয়াছে; এবং আমাদের বিশ্বাস, বাঙ্গালী মাত্রেয়ই ভাল লাগিবে।

মুগ্ধমানব।—শ্রীবীরেন্দ্রকুমার দত্ত এম-এ, বি-এল্; মূল্য তিন টাকা। এখানি ডায়েরী বা রোজনামচ। শ্রীযুক্ত বীরেন্দ্রবাবু যে ভূমিকা লিখিয়াছেন, তাহাতে তিনি বলিয়াছেন যে তাঁহার এক অন্তরঙ্গ বন্ধুর এই ডায়েরী; বন্ধুর পরলোকের পর তিনি ইহা সম্পাদন করিয়াছেন। আমরা কিন্তু, এ কথায় নিঃসন্দেহ হইতে পারিলাম না; তাই এই 'পরিচয়' পুস্তকখানি তাঁহার 'প্রণীত' কি 'সম্পাদিত' তাহা বলিলাম না। কথা এই, বীরেন্দ্রবাবু নিজেই গ্রন্থকর্তা হউন, বা তাঁহার পরলোকগত বন্ধুই প্রণেতা হউন, এই ডায়েরীতে পড়িবার ও ভাবিবার অনেক কথা আছে। অবশ্য, ডায়েরীর মন্তব্যের আগাগোড়া সামঞ্জস্য নাই, থাকিবার কথাও নহে; লেখকের মনে যখন যে ভাবের উদয় হইয়াছে, যে পুস্তক বা যে লেখকের সম্বন্ধে তাৎকালিক যে মনোভাবের সঞ্চারণ হইয়াছে, তাহাই অক্ষপটে লিপিবদ্ধ হইয়াছে; সেগুলি বিচারসহ কি না, সমীচীন কি না, তাহা ভাবিবার কোন প্রয়োজনই তখন অনুভূত হয় নাই। আমরাও সেই জন্ত লেখকের কোন মন্তব্য সম্বন্ধে মত প্রকাশ করিতে সঙ্কোচ বোধ করিতেছি। তবে, এইমাত্র বলিতে পারি, এই ডায়েরীখানি পাঠ করিলে অনেকেরই চিন্তার খোরাক জুটিবে। ইহাই এই গ্রন্থের বিশেষত্ব।

আত্মো।—রায়-সাহেব শ্রীজগদানন্দ রায় প্রণীত; মূল্য দুই টাকা। শ্রীযুক্ত জগদানন্দ রায় মহাশয়ের পরিচয় বাঙ্গালীর নিকট নূতন করিয়া দিতে হইবে না। বৈজ্ঞানিক-তত্ত্ব সরল ও সহজ ভাষায়

ছাত্রগণের নিকট বিবৃত করিতে তিনি অধিতায়। তাঁহার 'বৈজ্ঞানিক' 'প্রাকৃতিক' 'গ্রন্থসমূহ' 'বিজ্ঞানের গগন' 'পোকামারুড়' 'গাছপালা' 'পাখী' 'শব্দ' প্রভৃতি পুস্তক শিক্ষার্থীদের হাতে যথেষ্ট আদর লাভ করিয়াছে; বর্তমান পুস্তকখানিও তেমনই সমাদরে গৃহীত হইবে। আলো সম্বন্ধে বাঙ্গালা ভাষায় লিখিত এমন সূন্দর পুস্তক পড়িয়াছি বলিয়া মনে হয় না; বোধ হয় ইতঃপূর্বে এ সম্বন্ধে বাঙ্গালা ভাষায় শিশুপাঠ্য পুস্তক প্রকাশিতই হয় নাই। রায় মহাশয় ছেলেদের জন্ত এই পুস্তকখানি লিখিয়াছেন; কিন্তু আমরা, বুড়ারাও এই পুস্তকখানি পড়িয়া লাভবান হইলাম। এই সকল পুস্তকের দিকে শিক্ষা-বিভাগের কর্তৃপক্ষগণের দৃষ্টি কতদিনে আকৃষ্ট হইবে?

জহান্ন-আরা।—শ্রীব্রজেন্দ্রনাথ বন্দ্যোপাধ্যায় প্রণীত; মূল্য বার আনা। জহান্ন-আরা সত্রাট শাহজাহানের দ্বিতীয় কন্যা; জগৎ-বিখ্যাত তাজমহল যাহার স্মৃতি অমর করিয়া রাখিয়াছে, সেই মুমতাজ-মহল জহান্ন-আরার জননী! এই মহীয়সী, গরিমসী মহিলার জীবন-কাহিনী প্রসিদ্ধ ঐতিহাসিক শ্রীমান ব্রজেন্দ্রনাথ তাঁহার হৃদয় চালিয়া দিয়া লিপিবদ্ধ করিয়াছেন; আমরা তাঁহার এই ক্ষুদ্র গ্রন্থখানি পড়িয়া মুগ্ধ হইয়াছি। তিনি ঐতিহাসিক; তিনি নিঃস্বভাবে সত্য বাছিয়া লইয়া এই জীবন-চরিত্র লিপিবদ্ধ করিয়াছেন সত্য; কিন্তু সেই নিঃস্বভাব সত্যকে তিনি যেভাবে বর্ণনা করিয়াছেন, তাহা অপূর্ব। ভাষার স্বাক্ষরে, শব্দবিশ্বাসের চাতুর্যে এই ক্ষুদ্র পুস্তকখানি অনেক নাটক নভেল অপেক্ষাও সুপাঠ্য হইয়াছে, অথচ তাঁহার হৃদয়বেগ কখন কঠোর সত্য হইতে অগুমাত্রও বিচলিত হয় নাই। ইহাই গ্রন্থকারের প্রতিভার পরিচয়, ইহাই তাঁহার পুস্তকখানিকে এমন স্বয়মামণ্ডিত করিয়াছে। আমরা এই পুস্তকখানির বহুল প্রচার কামনা করি।

শ্রীশ্রী ব্রজেন্দ্র-মঙ্গল।—শ্রীবরদাকান্ত বন্দ্যোপাধ্যায় বি-এল্ সঙ্কলিত, মূল্য ১৯/০। প্রভুপাদ বিজয়কৃষ্ণ গোস্বামী মহাশয়ের একাধিক জীবন-চরিত প্রকাশিত হইয়াছে। তাঁহার অনেক ভক্ত শিষ্য এ বিষয়ে কৃতকাণ্ড হইয়াছেন। তবুও আমরা শ্রীযুক্ত বন্দ্যোপাধ্যায়

মহাশয়ের এই শ্রীশ্রীবিজয়মঙ্গল পরম আশ্রয়, পরম ভক্তিরে পাঠ করিয়াছি এবং পরম শান্তি পাইয়াছি। এখানি ঠিক জীবন-চরিত নহে; গোস্বামী মহাশয় যখন যে সকল অমূল্য কথা বলিয়াছেন, যে সকল উপদেশ দিয়াছেন, তাহা এই গ্রন্থে লিপিবদ্ধ হইয়াছে; স্তত্রং ইহা জীবন-কথা অপেক্ষাও উপাদেয় হইয়াছে; কারণ ইহাই ত তাঁহার প্রকৃত জীবন-কথা। তাঁহার ভক্ত শিষ্য বন্দ্যোপাধ্যায় মহাশয়ের এ চেষ্টা মার্ধক হইয়াছে। তত্ত্ব-পিপাসু ভক্তমাত্রেরই নিকট এই গ্রন্থের আদর হইবে।

মানব-গীতা।—কবিভূষণ শ্রীযোগীন্দ্রনাথ বসু বি-এ বিরচিত; মূল্য ১।০ আনা। এখানি পারমার্থিক কাব্য। 'নিবেদনে' স্নেহক, ধর্মপ্রাণ শ্রীযুক্ত বসু মহাশয় যাহা বলিয়াছেন, তাহার অংশবিশেষ উদ্ধৃত করিলেই এই 'মানব গীতা'র পরিচয় পাওয়া যাইবে। গ্রন্থকার বলিয়াছেন "আর্থিক তত্ত্বের আলোচনায় পারমার্থিক তত্ত্ব সম্বন্ধে লোকের উদাসীন্ম জন্মিয়াছে। সংসারে অর্থ ও পরমার্থ উভয়েরই প্রয়োজন আছে, ইহা বুঝাইবার জন্তই আমি এই গ্রন্থ রচনা করিয়াছি।" কবিভূষণ মহাশয়ের এ চেষ্টা ব্যর্থ হয় নাই; তিনি যাহা বুঝাইতে চাহিয়াছেন, তাহা অতি সূন্দরভাবে বিবৃত করিয়াছেন। তিনি বিশেষ প্রণিধান-পূর্বকই দ্বাদশ অধ্যায়ে এই গীতা সমাপ্ত করিয়াছেন। আমরা বাঙ্গালী পাঠকদিগকে এই মানব-গীতা পাঠ করিবার জন্ত অনুরোধ করিতেছি।

বিবি বউ।—শ্রীখগেন্দ্রনাথ মিত্র প্রণীত; মূল্য মাতসিকা। অধ্যাপক শ্রীযুক্ত খগেন্দ্রনাথ লক্ষ্মণপ্রতিষ্ঠ সাহিত্যিক ও গল্প-লেখক। এই 'বিবি বউ' তাঁহার কয়েকটি ছোট গল্পের সংগ্রহ। ইহাতে বিবি বউ, কলঙ্কিনী, ঝি, শুকতার, মন্দের ভালো, নন-কো-অপারেটার, পথি নারী বিবর্জিতা ও ভক্তের ভগবান, এই আটটি ছোট গল্প আছে। গল্পগুলি সবই সূন্দর; যেমন আখ্যান-ভাগ, তেমনই বর্ণনা-কৌশল; আর সঙ্গ কৌতুক—তাহাতে ত শ্রীযুক্ত খগেন্দ্রনাথ সিদ্ধহস্ত। গল্প কয়টি বেশ স্বরবরে। সূজার বাজারে এই বিবি বউ বিকাইবে, এ আশা আমাদের আছে।

সাময়িকী

এবার 'ভারতবর্ষ'র প্রচ্ছদপট যে মহাআর প্রতিকৃতি-শোভিত হইল, তিনি স্নানামথ্যাত দানবীর সার তারকনাথ পালিত মহাশয়। সার তারকনাথ কলিকাতা হাইকোর্টের একজন প্রধানতম বারিষ্টার ছিলেন। স্বর্গীয় বারিষ্টার মনোমোহন ঘোষের ছায় ইনিও অনেক বিপন্ন ব্যক্তির মামলা বিনা পারিশ্রমিকে করিয়া দিয়া যশোভাজন হইয়াছিলেন। বারিষ্টারী ব্যবসাতে ইনি অনেক অর্থ উপার্জন করিয়াছিলেন

এবং সেই অর্থের যে কি ভাবে সন্ধান করিতে হয়, সার তারকনাথ তাহা দেখাইয়া গিয়াছেন। ইনি এ দেশে বিজ্ঞান-চর্চার উন্নতির জন্ত কলিকাতা বিশ্ববিদ্যালয়ের হস্তে তাঁহার দীর্ঘ জীবনের উপার্জিত ও সঞ্চিত সমস্ত অর্থ দান করিয়া গিয়াছেন। তাঁহার প্রদত্ত পনের লক্ষ টাকা ও পরলোকগত সার রাসবিহারী ঘোষের প্রদত্ত অর্থে কলিকাতা বিশ্ব-বিদ্যালয় সারকুলার রোডে যে বিজ্ঞান-কলেজ স্থাপনা

করিয়াছেন, তাহাই দানবীর সার তারকনাথের নাম চিরস্মরণীয় করিয়া রাখিবে। ইহার এই দানের জন্ত গবর্নমেন্ট ১৯১৩ অক্টোবর ১লা জাহুয়ারী ইহাকে 'নাইট' উপাধিতে ভূষিত করেন। আমরা এই দানবীরের প্রতিকৃতি 'ভারতবর্ষ'র প্রচ্ছদপটে প্রকাশিত করিয়া তাঁহা। প্রতি আমাদের অকৃত্রিম শ্রদ্ধা জ্ঞাপন করিলাম।

এবার সাময়িকীর প্রথম কথা হিন্দু-মুসলমানে বিরোধ। কি কুক্ষণেই যে এ বিরোধ এমন তীব্র হইয়া উঠিল, তাহা আমরা ভাবিয়া পাইতেছিলাম। বাঙ্গালা দেশের হিন্দু-মুসলমান সুদীর্ঘকাল সম্প্রীতে পরস্পরের সুখ দুঃখে সহানুভূতি ও সাহায্য করিয়া বসবাস করিতেছিল; হঠাৎ কি এমন হইল, যাহার জন্ত এই প্রীতির শৃঙ্খল ভগ্ন হইয়া গেল, মিত্রতার স্থানে ঘোর শত্রুতা দেখা দিল। কারণ যাহাই হউক, এই অসম্ভাব যে উভয় পক্ষেরই অহিতকর, তাহা কি কেহই বুঝিতে পারিতেছেন না? হিন্দুকে বাদ দিয়া মুসলমান এ দেশে বাস করিতে পারেন না, আবার মুসলমানকে বাদ দিয়াও হিন্দুর চলে না। এ অবস্থায় এমন ভাব কতদিন চলিবে, বা চলিতে পারে? আমরা কোন পক্ষের দোষত্রুটির বিচার করিব না; যাহা হইবার হইয়া গিয়াছে, অতীতের অপ্রীতিকর স্মৃতি হৃদয় হইতে মুছিয়া ফেলিয়া, হিন্দু-মুসলমানের যিনি পরম দেবতা তাঁহাকে সাক্ষী করিয়া সকলে আবার একত্র-বন্ধ হউন, এই আমাদের প্রার্থনা। ঢাকায় কি হইয়াছে, পাবনায় কি হইয়াছে, খিদিরপুরে কি হইল, সে সকল আলোচনার প্রয়োজন নাই—তাহাতে মিলন হয় না।

এবার দেশের বড়ই ছুদিন! কলিকাতা সহরে ত ঘরে-ঘরে বেরি-বেরি; চিকিৎসকেরা বলিতেছেন এ রোগের কারণ এখনও অবিসম্বাদিত ভাবে নির্ণীত হয় নাই। স্তত্রং ঔষধও তেমন স্থির হইতেছে না। বিশেষজ্ঞেরা বলিতেছেন, যত দোষ পুরাতন চাউলের। পুরাতন চাউল খাইয়াই এই

রোগ হইতেছে। তাহার সঙ্গে সঙ্গে তৈলের ক্রটা ধৃত হইয়াছে। কিন্তু, চাউল ও তৈল বদলাইয়াও ত এ রোগের হস্ত হইতে নিষ্কৃতি লাভ হইতেছে না। প্রথমে এই রোগ তেমন সাংঘাতিক হয় নাই; দু'দশদিন ভুগিয়াই লোকে বাড়িয়া উঠিতেছিল, এখন মধ্যে মধ্যে উক্ত রোগে মৃত্যুর সংবাদও পাওয়া যাইতেছে।

তাহার পর বত্সা! সেদিনের জলপ্লাবনে মেদিনীপুর জেলার সদর মহকুমা ব্যতীত আর সমস্ত স্থান জলে ডুবিয়া গিয়াছে। লোকের কষ্ট রর্ণনাতিত। বাড়ী ঘর ভাসিয়া গিয়াছে, গরু বাছুর কোথায় চলিয়া গিয়াছে; চারিদিকে শুধু জল; লোকের আশ্রয়-স্থান মিলিতেছে না, দিনান্তের ব্যবস্থা হইতেছে না। সারা জেলারই এই অবস্থা। অসংখ্য নরনারীর হাংকারে আকাশ বিদীর্ণ হইতেছে। আমাদের দেশের আর্ন্তসেবার জন্ত যে সকল প্রতিষ্ঠান আছে, তাহারা সকলেই মেদিনীপুরের এই বিপদ সময়ে অগ্রসর হইয়াছেন, নানা স্থানে সাহায্য-কেন্দ্র খোলা হইয়াছে। দেশ-সেবকগণ অক্লান্ত ভাবে আর্ন্তের সেবা করিতেছেন; কিন্তু, এ ছুদিন ত এক আধখানি গ্রামের লোকের নহে, বলিতে গেলে সমগ্র মেদিনীপুর জেলার লোকে বিপন্ন। ইহাদের উপযুক্ত সাহায্য করিতে হইলে বহু অর্থের প্রয়োজন। সর্বত্র চাঁদা তোলা হইতেছে। আমরা আশা করি দেশবাসীগণ মুক্ত হস্তে এই পীড়িত নরনারীদিগের সেবার জন্ত দান করিবেন। মহামায়ী অননুপূর্ণা আসিতেছেন বড় ছুদিনে; এ সময় যেন তাঁহার নিরন্ন সন্তানগণের সেবা করিয়া তাঁহার পূজা সম্পন্ন করা হয়।

এবার আশ্বিন মাসের শেষেই ছুর্গোৎসব হইবে। সেই জন্ত আমরা কার্তিক মাসের 'ভারতবর্ষ' আশ্বিনের তৃতীয় সপ্তাহের পূর্বেই প্রকাশিত করিব। যাহাতে পূজার অবকাশের পূর্বেই গ্রাহকগণ কার্তিকের সংখ্যা কাগজ পান, আমরা তাহার ব্যবস্থা করিতেছি।

বোধন-বেদন

শ্রীচিত্রগোপাল চট্টোপাধ্যায়

শরতের খেত-শিশুগুলি
গগনের আলিসায় বসি
নাড়ে যবে কনক-কেতন
ব্যথা মোর বুকে উঠে খসি।

সুধাসনে তোরা মিছে আর
সে করুণ কাহিনী আমার,
পূজা এলে ভয়ে মরি পাছে
ফেলি কা'রে হারিয়ে আবার।

শেফালীর দীপালী-উষায়
বোধনের বাজিলে সানাই,
আঁখিজল বাধা নাহি মানে
বুকে মোর বড় ব্যথা পাই ;

মনে পড়ে বাজায় বাজনা
সবাই আসিল ঘট ভরি'—
আমি একা এসেছিছু ফিরি
ভরা-ঘট মোর খালি করি।

কলা-বৌ ফিরে এল নেয়ে,
রাঙা-পাড় আঁচল উড়িয়ে ;

আমি এলু শাদা থান পরি'
শ্মশানের বিভূতি কুড়িয়ে।

গৃহতলে পড়িছু লুটায়
ব্যথানত কথাহীন মুখে,
প্রতিবাসী পতিহীনা কেহ
শিশু মোর তুলে দিলে বুকে।

তার পর একে একে যুরে
কত পূজা এল গেল ফিরে,
শিশু মোর বুঝে ব্যথা যত
আমি তত ভাসি আঁখি-নীরে।

কতদূর—গ্যাছে তার পিতা
কত খোঁজ করে মোর কাছে ;
লিখে দিতে করে অনুরোধ
আমাদের তুলে কেন আছে ?

বাছা মোর মনে হয় আজ
কা'রো কাছে শুনি' ছুখ-বাণী
আ'ভাষে'বুঝেছে এতদিনে
কত একা মোরা ছুটি প্রাণী।

সাহিত্য-সংবাদ

নব প্রকাশিত পুস্তকাবলী

দুর্গাচরণ রায় প্রণীত সচিত্র 'দেবগণের মর্ত্যে আগমন', অভিনব
দ্বিতীয় সংস্করণ—৩।

শ্রীযুক্ত শরৎচন্দ্র চট্টোপাধ্যায় প্রণীত, পথের দাবী—৩।

শ্রীযুক্ত চারু বন্দ্যোপাধ্যায় প্রণীত, হাইফেন—২।

শ্রীমতী অনুরূপা দেবী প্রণীত নূতন উপস্থাপন, হিমাদ্রি—২।

শ্রীযুক্ত শচীন্দ্রনাথ চট্টোপাধ্যায় প্রণীত উপস্থাপন, কাগজের ফুল—১।

শ্রীমতী ইন্দুমতী দেবী সঙ্কলিত, বঙ্গনারীর ব্রতকথা—৫।

শ্রীমৎ কুমারানন্দ সরস্বতী প্রণীত জ্ঞান বল্লরী—২।

শ্রীযুক্ত জগদীশচন্দ্র ঠাকুর প্রণীত শান্তির পথে—১।

শ্রীযুক্ত ভূপেন্দ্রনাথ বন্দ্যোপাধ্যায় প্রণীত, নারীরাজ্যে—১।

শ্রীযুক্ত মণীন্দ্রমোহন বাগচী প্রণীত চেউয়ের যাত্রী—১।

শ্রীযুক্ত মণীন্দ্রনাথ ঘোষ প্রণীত, স্বপ্নের স্বপন—১।

শ্রীযুক্ত নিবারণচন্দ্র ভট্টাচার্য প্রণীত, ভারতবর্ষের অধঃপতনের একটা
বৈজ্ঞানিক কারণ—২।

Publisher—Sudhanshusekhar Chatterjea,
of Messrs. Gurudas Chatterjea & Sons,
201, Cornwallis Street, CALCUTTA.



৭২৮

Printer—Narendranath Kunar,
The Bharatvarsha Printing Works,
203-1-1, Cornwallis Street, CALCUTTA.



ভগ্ন মন্দির

শিল্পী—শ্রীযুক্ত উপেন্দ্রচন্দ্র ঘোষ দস্তিদার

Bharatvarsha Halftone & Printing Works.